

Pl  
2451  
p29  
v. 41

隱居通議卷七

南豐劉 堦起潛著

杜少陵 前佚脫數頁

缺

冬狩行云春蒐冬狩侯得同使君五馬一馬驄況今攝  
行大將權號令頗有前賢風飄然時危一老翁十年厭  
見旌旗紅喜君士卒甚整肅爲我回轡擒西戎草中狐  
兔盡何益天子不在咸陽宮朝廷雖無幽王禍得不哀  
痛塵再蒙



哀江頭云清渭東流劍閣深去住彼此無消息人生有  
情淚沾臆江水江花豈終極黃昏胡騎塵滿城欲往城  
南忘南北此見少陵忠君憂國身居渭水而憶劍閣非  
謂靈武也

舞劍行云先帝侍女八千人公孫劍器初第一五十年  
閒似反掌風塵瀕洞昏王室梨園子弟散如烟女樂餘  
姿映寒日金粟堆南木已拱瞿塘石城草蕭瑟玳筵急  
管曲復終樂極哀來月東出

遣興云下馬古戰場四顧但茫然風悲浮雲去黃葉墜

我前朽骨穴螻蛄又爲蔓草纏故老行歎息今人尙開  
邊漢虜互勝負封疆不常全安得廉頗將三軍同晏眠  
以上諸篇或豪宕悲壯或深沈感慨有無窮義味益杜  
作爲古今之冠而此等又爲杜集之冠更千百世無能  
及者故摘出以備吟誦

石龕云熊羆咆我東虎豹號我西我後鬼長嘯我前豺  
又嘯天寒昏無日山遠道路迷此體奇甚而有楚騷風  
味

懷台州鄭十八司戶云天台隔三江風浪無晨莫鄭公



縱得歸老病不識路昔如水上鷗今如罝中兔性命由  
他人悲辛但狂顧山鬼獨一腳蝮蛇長如樹呼號旁孤  
城歲月誰與度從來禦魑魅多爲才名誤夫子嵇阮流  
更被時俗惡海隅微小吏眼暗髮垂素黃帽映青袍非  
供折腰具平生一桮酒見我故人遇相望無所成乾坤  
莽回互此詩奇俊悲吒爲夢李白之亞  
石壕吏云夜久語聲絕如聞泣幽咽天明登前途獨與  
老翁別言有盡而意無窮  
新婚別云君今往死地沈痛迫中腸誓欲隨君往形勢

反蒼黃勿爲新婚念努力事戎行婦人在軍中兵氣恐  
不揚沈鬱頓挫哀而不傷發乎情止乎禮義之言也

大麥行云大麥乾枯小麥黃婦女行泣夫走藏東至集  
壁西梁洋問誰腰鑣胡與羌豈無蜀兵三千人部領辛  
苦江山長安得如鳥有羽翼託身白雲歸故鄉

苦戰行云去年江南討狂賊臨江把臂難再得別時孤  
雲今不飛時獨看雲淚橫臆宛轉悲愴讀之悽愁

光祿阪行云馬驚不憂深谷墜草動只怕長弓射昔人  
但以此等作言語看予身經亂離奔竄林藪每味此句



然後知少陵狀景之妙用如快鶻風火生此句壯健飛  
動可以想見花卿之雄至於羌邨三首宛然陶體同谷  
諸篇宏縱奇峭中涵深悲詩之至也

天屬尊堯典神功協禹謨 聖圖天廣大宗祀日光輝  
國有乾坤大王今叔父尊 風塵三尺劍社稷一戎衣  
山河扶繡戶日月近雕梁 五聖聯龍袞千官列雁行  
帝力收三統天威總四溟 社稷經綸地風雲際會期  
大角纏兵氣鉤陳出帝畿 洛下舟車入中天貢賦均  
僊仗離丹極妖星下玉除 日月低秦樹乾坤繞漢宮

地平江動蜀天濶樹浮秦  
吳楚東南坼乾坤日夜浮  
地利西通蜀天文北照秦  
天地軍麾滿關河戰角悲  
四瀆樓船泛中原鼓角悲  
書信中原濶干戈北斗深  
國破山河在城春草木深  
社稷纏妖氣干戈送老儒  
社稷堪流涕安危在運籌  
草木歲華晚關河霜雪清  
北闕妖氛滿西郊白露初  
朝野歡娛後乾坤震蕩中  
帳殿羅元冕轅門照白袍  
孤雲隨殺氣飛鳥過轅門  
兵氣回飛鳥威聲沒巨鼇  
魚龍同夜水星月動秋山  
江濶浮高棟雲長出斷山  
落日心猶壯秋風病欲蘇

白摧朽骨龍虎死黑入太陰雷雨垂  
那知根無鬼神會已覺氣與嵩華敵  
天兵斬斷青海戎殺氣南行動坤軸  
反思前夜風雨急乃是蒲城鬼神入  
元氣淋漓障猶濕真宰上訴天應泣  
指麾能事回天地訓練強兵動鬼神  
花萼夾城通御氣芙蓉小苑入邊愁  
秦城樓閣煙花裏漢主山河錦繡中  
玉几由來天北極朱衣只在殿中閒



北極朝廷終不改西山寇盜莫相侵  
五更鼓角聲悲壯三峽星河影動搖  
三年笛裏關山月萬國兵前草木風  
錦江春色來天地玉壘浮雲變古今  
思家步月清宵立憶弟看雲白晝眠  
永夜角聲悲自語中宵月色好誰看  
時危兵甲黃塵裏日短江湖白髮前  
反照入江翻石壁歸雲擁樹失山村  
絕壁過雲開錦繡疎松隔水奏笙簧



負鹽出井此谿女打鼓發船何處郎

擊柝可憐子無衣何處邨

以上皆少陵句法或以豪壯或以鉅麗或以雅健或以活動或以重大或以涵蓄或以富艷皆可爲萬世格範者今人讀杜詩見汪洋浩博茫無津涯隨羣尊慕而已莫知其所從也因摘數十聯表而出之其他殆不勝書姑舉其概善學者固可觸類舉隅矣至若圓荷浮小葉細麥落輕花岸花飛送客檣燕語畱人草敵虛嵐翠花禁冷葉紅野船明細火宿雁起圓沙暗飛螢自照水宿

鳥相呼如此者人能知之今不復錄

杜句皆有出處

家藏小冊一本字畫甚古題曰東坡老杜詩史事實略  
舉杜句有曰賤子請具陳引毛遂云公子試聽吳越之  
事容賤子一一具陳公子可行門行可止則止杜句曰  
下筆如有神引仲舒荅策下筆疑有神助杜句曰青冥  
却垂翅引李斯曰丈夫如提筆鼓吻取富貴易若舉桮  
何青冥之翮與鷃共垂翅乎杜句崆峒小麥熟且願休  
王師引武帝欲討西羌耿遜諫曰今崆峒小麥方熟陞



下宜休王師如此者凡十卷乃知杜句皆有根本非自作語言也山谷云杜詩韓文無一字無來處今人讀書少故謂韓杜自作此語子初未以此說爲然今觀此集則此言信矣後世作詩者無根之言耳

### 歐陽公

歐陽文忠公脩鴻文碩學宗工大儒所謂文起八代之衰道濟天下之溺者固不以詩名人亦不敢以詩人目之而公亦不以詩自名也學者每恨公詩平易淺近少鍛鍊之工不得與少陵山谷爭雄予獨以爲不然公之

所作實備衆體有甚似韋蘇州者有甚似杜少陵者有甚似選體者有甚似王建李賀者有富麗者有奇縱者有清俊者有雄健蒼勁者有平淡純雅者試摘其古體數篇與韋酷似而世或未之知也如伊川獨游曰東郊漸微綠驅馬忻獨往梅繁野渡晴泉落春山響身閒愛物外趣遠諧心賞歸路逐樵歌落日寒山上如寄軍巡劉判官曰遙聽洛城鐘獨渡伊川水綠樹鬱參差行人去無已因高望京邑驅馬沿山陟落日亂峯多龍門何處是如游龍門上方關曰聞鐘渡寒水其步尋雲幃還



隨孤鳥下却望層林上清楚遠猶聞日莫空山響行次  
華縣曰朝渡汝河流莫宿楚山曲城陰日下寒野氣春  
深綠征車倦長道故國有喬木行行漸樂郊春風滿平  
陸晚步綠陰園有曰餘春去已遠綠水涵新塘漸愛樹  
陰密初迎薰風涼雪晴有曰悠悠野水來豔豔西谿潤  
曉日披宿雲荒臺照殘雪凡此數章不似蘇州乎或又  
謂此特音節似之而趣味殊懸絕若然則余所不解也  
其酬學詩僧有曰維詩於文章泰山一浮塵又如古衣  
袈組織爛成文拾其裁翦餘未識袈服尊送張如京知

安肅軍有曰界上山河壯軍中鼓角雄送王尙哲三原尉有曰山河識天府風雨度函關下直呈同行三公有曰萬國舟車會中天象魏雄輦縣陪祭有曰落日漢陵道初寒慘暮飈送謝希深北使有曰鼓角雲中壘牛羊雪外山如此等語殊似少陵舉此以例其餘概可知矣而謂公不工於詩可乎所可惜者格卑耳要亦崑體之餘習也

廬山高明妃曲鬼車水谷夜行諸篇古今學者誦之習矣而予尤喜其贈沈遵一篇清婉流麗自成宮商蓋學



者未之知也其詩曰羣動夜息浮雲陰沈夫子彈醉翁  
吟醉翁吟以我名我初聞之喜且驚宮聲三疊何泠泠  
酒行暫止四坐傾有如風輕日暖好鳥語夜靜山響春  
泉鳴坐思千巖萬壑醉眠處寫君三尺牀上橫沈夫子  
恨君不爲醉翁客不見翁醉山閒亭翁權不待絲與竹  
把酒終日聽泉聲有時醉倒枕谿石青山白雲爲幔屏  
花閒百鳥喚不覺日落山風吹自醒沈夫子君過滁陽  
今幾時滁人皆喜醉翁醉至今人人能道之長記山閒  
逢太守籃輿酩酊插花歸我時四十猶強力自號醉翁

聊戲客邇來憂患十年間鬢髮未老嗟先白淙人思我  
雖未忘見我今應不相識沈夫子愛君一尊復一琴萬  
事不可干其心自非曾是醉翁客莫向俗耳求知音此  
篇筆力超然高風遠韻尙可想見豈尋常詩人繩墨所  
能束縛

送張屯田歸洛歌末句云感時惜別情無已無酒勸君  
空有淚西歸必有問君人爲道別來今若此又述懷送  
張總之有云鬱鬱河堤綠樹平送君因得到東城落花  
已盡鶯猶囀垂柳初長蟬欲鳴去年送客亦曾到正值

楊華亂芳草人心不復故時歡景物自隨時節好感今  
懷昔復傷離一別相逢知幾時莫辭今日一尊酒明日  
思君難重持此皆流麗有情致可吟諷也前四句律詩  
格重字當作平聲

人生一世中長短無百年無窮在其後萬世在其先得  
長多幾何得短未足憐惟彼不可朽名聲文行然讒誣  
不須辨亦止百年閒百年後來者憎愛不相緣公議然  
後出自然見媿妍孔孟困一生毀逐遭百端後世苟不  
公至今無聖賢所以忠義士恃此死不難

重讀徂  
徂集



天形積輕清水德本虛靜雲外風波止始見天水性激  
光與粹容上下相涵映乃於其兩閒皎皎挂寒鏡

飛蓋  
橋翫

月

大數四百炎靈銷誰其代者當塗高窮姦極酷不易取

始知文景基局牢

銅雀  
硯歌

子丕當初不自恥敢謂舜禹傳之堯得之以此失亦此  
誰知三馬食一槽

同上

英雄置酒奉高會巍然銅雀高岩岩一朝西陵有拱木  
嗷嗷總帳空蕭蕭當時淒涼已可歎而況後世悲前朝

高臺已傾漸平地此瓦一墜埋蓬蒿

同上

以上數語有斷制有議論非徒工言語者

文忠公得時行道在慶厯嘉祐治平閒正宋朝文明極  
盛時故發爲詩章皆中和碩大之聲無窮愁鬱抑之思  
所謂治世之音安以樂以其時考之則可矣然亦有奇  
壯悲吒如寒風入九月北渡大河津玉塞積隴甲金戈  
耀秋雲

送孔生  
游河北

馬飢齧雪渴飲冰北風捲地來崢嶸馬

悲躑躅

人不行日莫途遠千山橫

馬齧雪

古柏嶺口踏新

雪馬孟山西看落霞風雲莫慘失道路澗谷夜靜聞麝

麋行迷方向但看日度盡山險方逾沙

重贈劉原父

如此等

作可與古人出塞曲相伯仲信乎能備衆體者矣

范蜀公嘗謂仁宗四十二年太平都被柳詞寫盡以愚觀之柳詞何足當此歐詩數聯或者足以想見當時太平氣象今錄如左

萬馬不嘶聽號令諸蕃無事樂耕耔  
綠槐夾道飛黃蓋翠輦鳴鞘向紫宸  
雲深曉日開宮殿水濶春風颺管弦  
玉勒爭門隨仗入牙牌當殿報班齊



鳳城斜日留殘照玉闕浮雲結夜霜  
金闕雲開滄海日天街雨後綠槐風  
瓊花落處縈僊仗玉殿光中認赭袍  
五色詔成人不到萬年風動閣生涼  
組甲光寒圍夜帳彩旗風煖看春耕  
威行四境風烟斷響入千山號令傳  
年豐千里無夜警吏退一室焚清香  
九門寒食多游騎三月春陰正養花  
清明風日家家柳高下樓臺處處山

以上數聯誦其詩想其景則昇平氣象瞭然在目豈季世所得見引筆至此流涕太息

### 曾南豐

自曾子固不能作詩之論出而無識者遂以爲口實乃不知此先生非不能詩者也蓋其平生深于經術得其理趣而流連光景吟風弄月非其好也往往宋人詩體多尙賦而比與興寡先生之詩亦然故惟當以賦體觀之卽無憾矣唐詩之清麗空圓者比與興爲之也宋詩之典實閎重者賦爲之也然先生之詩亦有不皆出于

賦者如古體有麻姑山一首送南城羅尉者甚似太白  
蜀道難其中未嘗無此興也謹錄於後

麻姑之路摩青天蒼苔白石松風寒峭壁直上無攀援  
懸磴十步九屈盤上有錦繡百頃之平田山中道人耕  
紫煙又有白玉萬仞之飛泉噴崖直瀉蛟龍淵豐堂廣  
殿何言言階腳插入斗牛閒樛枝古木不記年空槎枵  
然臥道邊幽花自嬋媛林深爲誰妍但見塵消境靜翔白  
鶴吟清猿雛禽乳鹿往往嘒荒巔卻視來徑如緣絙千  
重萬疊窮巖巒下有荆吳粒粟之羣山又有甌閩一髮



之平川奕碁縱橫遠近布城郭魚鱗參差高下分岡原  
千奇萬異可意得筆墨盡禿誰能傳丈夫舒卷要宏達  
世路俛仰多拘牽偶來到此醒心目便欲洗耳辭囂喧  
羅夫子一日遠補東南官愛此層崖峻壑之秀發開軒  
把酒可縱觀喜此披霄插漢之負起出門舉足得往還  
羅夫子一尉龍蛇方屈蟠此邦人人衣食足闔境年年  
枹鼓閒儿案剿裁得休暇山水登躡遺紛煩我行送之  
思故園引領南望心長懸

英宗皇帝輓詞有曰已應南陽氣猶遲代邸來句尊壯

而事切實不減少陵秋日寄介甫有曰煙雲斷谿樹風  
雨入山城題曰感事似有所指卽是興丁先珍輓詞曰  
從軍王粲筆記禮后蒼篇謾有殘書在能令好事傳鵬  
來悲四月鶴去遂千年試想長橋路昏昏隴隧煙蓋元  
珍歿於四月故用鵬事以對令威殊切實錢塘元夕宴  
祥符寺有曰金地夜寒消美酒玉人春困倚東風又曰  
紅雲燈火浮滄海碧水樓臺浸遠空流麗可愛齊川冬  
夜有曰香清一蹋氍毹煖月淡千門霽淞寒齊寒甚夜氣如霽凝  
於木上旦起視之如雪日出飄滿階庭尤爲可愛齊人  
謂之霽淞諺曰霽淞重霽淞窮漢置飯甕以爲豐年之

兆  
早起赴行省曰枕前聽盡小梅花起見中庭月未斜  
微破宿雲猶度雁欲深烟柳已藏鴉井轡聲急催寒玉  
籠燭光繆秉絳紗行到市橋人語密馬頭依約對朝霞  
凝香齋有曰一尊風月身無事千里耕桑歲有秋北渚  
亭曰午夜坐臨滄海日半天吟看泰山雲青徐氣接川  
原秀常碣風連草木薰次道子有曰兩印每閒軍市靜  
雙旌多偃送迎稀北城閒步曰土膏初動麥苗青飽食  
城頭信意行便起高亭臨北渚欲乘長日勸春耕華不  
注山有曰高標特起青雲近壯士三周戰氣酣金山寺



有曰夜靜神龍聽咒食秋深蒼鶻起搏風彭城道中有  
曰一時屠釣英雄盡千里河山戰伐餘韓魏公輓詩曰  
堂堂風骨氣如春袞服貂冠社稷臣天上立談迎白日  
掌中隨物轉洪鈞忽騎箕尾英靈遠長誓山河寵數新  
萬里耕桑無一事三朝功德在斯民宏偉尊壯非曾公  
之筆力不足以寫韓公之氣魄也城南絕句曰雨過橫  
塘水滿隄亂山高下路東西一番桃李花開盡惟有青  
青柳色齊夜過利涉門曰紅紗籠燭照斜橋複觀顰飛  
入斗杓人在畫船猶未睡滿堤明月一谿潮此二詩則

又清麗婉熟矣北歸曰終日思歸今日歸著鞭鞭馬尙  
嫌遲曲臺殿裏官雖冷須勝天涯海角時此詩雖若直  
致然情思深婉怨而不露迎駕有曰錦袍周衛一番新  
警蹕朝嚴下紫宸俗眼望來猶眩曰天顏回處自生春  
和御製觀鐙有曰翠幃霓旌夾露臺夜深宮扇月中開  
龍銜燭抱金門出鰲負山趨玉座來又曰天香暗度金  
貂煖宮扇雙開采鳳飛集英殿春宴有曰冠劍九重霄  
漢路鶯花三月帝王州觀今所選傑句如此謂之不能  
作詩可乎續橐中更有堪取者偶無其集他日別鈔

曾氏兄弟交鎖

宋元豐中南豐先生曾文定公鞏爲中書舍人掌外制  
時其弟文昭公肇以磨勘轉吏部郎中文定公爲行制  
後文昭公爲翰林學士掌內制時其兄文肅公布拜相  
文昭公爲草麻當時朝班榮之曰兄行弟制弟草兄麻  
近見曲阜前集又載文肅公鎖瀛州日瀛州卽高陽關今河閒府文  
昭公鎖金陵一日詔曾布知江寧府曾肇知瀛州遂成  
兩易自爲交代尤人閒兄弟盛事也文肅公將離瀛有  
詩寄文昭文昭和之各夸其所鎖之郡今錄於此想見



先朝文明之盛爲之慨然文肅過關入覲就畱秉政竟  
不及至金陵云

布作高陽臺衆樂園被命與金陵易地兄弟待罪侍從  
對更方面實爲私門之慶走筆寄子開弟樓臺丹碧照  
天涯塞北江南未足誇十里煙波新種柳萬株桃李未  
開花一麾同下西清路兩鎮交迎上將牙回首林塘莫  
畱戀風光還屬阿連家肇謹次原韻文物河閒信可嘉  
風流江左亦堪誇水南水北千竿竹山後山前二月花  
久愧迂儒懷郡紱聊須雋老駐軍牙兩州耆舊毋多怪

魯衛從來是一家

隱居通議卷七終

隱居通議卷八

南豐劉 壘起潛著

詩歌三

律選

律詩始於唐盛於唐然合一代數十家而選其精純高  
渺首尾無瑕者殆不滿百首何其難也劉長卿杜牧許  
渾劉滄實爲巨擘極工而全美者亦自有數人宋則古  
文古詩皆足方駕漢唐惟律詩視唐益寡焉蓋必雄麗  
婉活默合宮徵始可言律而又必以格律爲主乃善儻



止以七字成句兩句作對便謂之詩而重滯擁腫不協  
格調恐於律法未合也近歲鄉先生謚公祐妙選唐律  
數十首詳加評注以誨學者大爲有益

桂舟七言律櫚

謚公祐字自求號桂舟世居南豐之西曰瞿邨幼厭舉  
子業不求仕專志古學參詩於贛詩人蒼山曾公原一  
益之以學遂青於藍喜著書有三傳朝宗史漢韻紀古  
書合轍所作有桂舟歌咏桂舟雜著集中記序最佳其  
論詩處皆入妙品筆力高峻有史漢文氣古體樂府俱

善而於律體尤精唐律絕響三百年公自出機軸掃空  
凡馬蒼山翁號當時大詩人猶推讓出一頭地識者謂  
律詩至公中興略摘其佳句爲世所稱者列於左

兩表蜀天開日月三軍漢地出旌旗

諸葛武侯

王侯螳穴青青草鼓吹鼃廬焱焱鐙

自歎

動地百年無桀跖後天一壽有顏曾

同上

百年窗下棋千著萬事燈前酒一斟

詠古

白髮古今天北極黃華宇宙客西風

淵明

封濬九州堯舜禹典刑萬世契夔龍

評詩後作

陶寫有時欣律熟去來無著證鑪芬

覽鏡

西風木葉吹秦晉春雨桃華送古今

避秦

兩水夾城飄近遠萬山擁翠繞參差

鬱孤臺

不知元祐今何日慨想儋翁過此時

同上

爲惜舊時慈母線寧甘今夜隔簾霜

寒夜思親

夢猶平昔醒來別憶到兒童事轉長

同上

江山落日前朝夢風雨黃華太古心

對菊

觀空觀化此憑欄會合人間景一團棋罷客隨流水散

酒闌花帶夕陽看

看花



飛雨隔愁橫笛後殘鐙照夢落花前

雨後

詩到二南風化在句流三謝語言工

評詩

中原一髮天涯夢元祐孤臣海外歸

東坡

造物未嘗私化外英雄何事老隆中

問天

看翻後夜月同照夢憶前生地不同

同上

天地浮萍雲聚散江山罨畫月西東

皆寓堂

地上斷無秦世草山中猶讀漢時書

懷古

夢臨水月心先覺看到霜空幻亦稀

晚眺

天開暝色雲千里雨洗秋空月十分

覽鏡

止水不留前世景夕陽空照古人心

春晚

花閒笑語從雲散天下英雄豈陸沈

同上

隔雲烽火山河舊列土旌旗雨露深

邊事

層城樓櫓看如畫三鎮軍民夢解圍

宋史

樹帶夕陽雅半集藿寒秋浦雁初來

感懷

交游雨過三生夢今古風前酒一桮

同上

千颿過眼人何在一笛穿雲水自橫

快閣和山谷

宮燭驪山酒未醒妖星睒睒弄青熒三朝伐叛知謀略

萬國歸心服典刑

郭汾陽

夢游碧落風偏急望斷金精月正中

寄林芝山

萬壑松風天鼓吹四圍花月錦簾櫳

評詩

風雨晝酣秦地濶關河春夢楚雲低

春日次韻

蕃漢盛衰霜葉夢陳隋興廢露華秋

讀史

聚火有蓮知佛性衡門無雁見交情

春郊

一颿秋水漁歌遠半塔斜陽雁影高

古虔晚眺

邑自亂來新鼓角屋從兵後尙蓬蒿

同上

落雁景翻秋宇迴亂雅嘯帶夕陽飛

謁李中山

蜀天過雨浮嵐翠漢地連雲小麥黃

西捷



城上鳥鳥知息戰陳前笳鼓緩歸裝將軍斗大黃金印

猶待先登縛鬼章

同上

鳳城色映紅雲見龍袞香飄紫氣浮

行都迎駕

地勢尊嚴今上國天王明聖此中興

吳山

弦管入春波面醉雲天開鏡畫中行

西湖

潮同海北風偏壯秋滿江南客未歸

京華感寓

宮大阿房行日月關通函谷混車書

讀秦史

雁寒景落三山月騎俊神通萬里城

送閩使

帝城煙冷江沱在郢隄金多社稷危

賈似道

吳天北斗行宮在漢節西風閒道歸文相歸

雅翻漢月催黃髮雁斷胡天想翠華和自

燕雲海濶歸鴻杳蜀漢城荒戍馬閒黃葉

漢殿落花龍袞棄周原荒棘虎營新感事

短褐向時吟杜曲采芝何處問秦峯暗投

晉壑風流棋局散江東柱石酒壺傾次韻

雁過大江風帖帖雅嘒荒樹日悠悠紀事

赤幟露光王漢地錦颿波蕩帝隋舟卽事

楚草澤深陳勝在秦瓜地曠邵平閒次韻

天開漢統王巴蜀雲從秦繇起沛豐感事

向日不知今解老他時應憶此何年晦三月

萬國夢回秦月在千年事過蜀雲飛聞鵲

六鼇傾側動乾坤國母巡荒護帝孫北極星辰臨草地

西風觀闕臥花門聞慈元歸信

南極大明秋氣迴西風吹夢泰階平壽潭翁

西風客老雄心在泰古人稀俠骨香次韻

梁有字題何歲月藏無經在亦香鐙定林寺

千山落木秋來客兩袖西風旦過僧同上



昨日共吟今是夢少時輕別老翻愁

別友

天教向老逢春在詩且忘憂此命通

聽天

何事重來看明月不堪垂老向西風

寄友

風雨黃花秋興熟江湖歸路客愁輕

寄何清白

昨朝骨肉關情大今日平安過望多

亂後

歸來今夕歲云徂且共平安酒一壺浩劫定中逃得過

舊愁空外看來無

歸來

五更厯轉花紅在萬里晴光草綠敷

同上

一日又從頭上過百年多在夢中行

正月二日

月明老樹吟風鶴露溼荒郊徧土梟

日今

事去尙時尋敗局老來猶日讀何書

秋氣

術豈有靈能起死夢從何處忍忘歸

悼亡

燕尙有情迎社到蜨空無夢過時休

同上

壯日尙曾雲出岫暮年偏怪海揚塵

丙戌立春

紫微星奠三階正黃道天開萬象新

同上

梁燕未歸花尙在杜鵑有恨月常孤

夢起

此情消遣終難去無路追尋豈是愚

同上

半空日照陰霾伏八表天開泰象同

自寬

禹甸草荒昏霧徧漢宮花夢晝雲酣次水邨

花柳晴光新態度江湖春夢老英雄寬自

日月任從愁裏過客塵常向靜中參次韻

歸櫂舞風鷗不下愁筇吹月雁斜行自感

集中詩如此者尙多今姑采其膾炙人口者錄之觀其  
妙趣天得自成一家不肖拾陳蹈故而於清麗婉活中  
有蒼勁沈鬱意有似二劉者有似杜黃者律詩中興非  
此翁而誰

五言律櫚



風雨低黃鵠江湖老日鷗

聞笛

歌舞從兒女艱難憶父兄

夕月

塞雲橫蜀棧胡馬出巴陵

白髮風前酒黃花雨後燈

聞邊報

月滿商山夜風高漢殿秋

讀史

世情江水淡心事海鷗知

寄友

巴雲秋景薄漢月夜光

克復歸神主多才目不難

輿地志

玉花嘶徼外翠輦過雲中

丙子

社稷新亭涕山河禹貢書同上

星辰天北戶漢沔國西門同上

馬悲仙仗過雁入海門斜寅戊

國被儒冠誤如今尙忍言雪霜昏日月盜賊滿乾坤有感

以上皆集中五言律句公五律不多作予少時從諸老  
閒競誇風雨低黃鵠與白髮風前酒二聯以爲可配少  
陵今末俗淺識殊無知者

### 五言古槓

昔誰醒中夢今獨夢中醒萬緣水上漚百歲花前景

中年歎憂患不及兒童歲今兒機械多反不如人意  
月行虛空閒月影印在水月落影還無一笑人間世  
地上有錢流冥閒無半字目作橐木看靜閱滄江流  
江頭春水多湯湯今復古不載落花回只載斜陽去  
胡笳明月夜漢節秋風前此士已骨朽此名至今傳  
舊者今不見今者舊不知萬古明月在千山黃雲飛  
以上皆桂舟集中五言古體佳句也

七言古題

公嘗登庾嶺觀梅賦古體有曰東郊獨行冰玉時江左



諸賢王謝起若以比花花或宜自不矜持花亦恥又曰  
屈原離騷芳草徧召南治世梅先見皎如佩玉上清來  
不敢班渠國風變又曰花今國在橫浦南看誰冰雪來  
同參入南出南此時節元祐名卿花底雪骨香直到桑  
海翻花尙永存香豈滅若此者皆發前人之所未言可  
謂獨步一世矣

茂陵錢歌曰茂陵秋草不如錢老盡日光行宇宙昭君  
曲有曰世言如花人薄命誰識如花入衛霍只今保塞  
願稱臣鬢蟬奪却貂蟬勲羯鼓催花曲曰一聲金殿玉

闌干一曲馬嵬坡下土夕陽空照古今愁年年醉醒桃花雨勸農日曰山花笑人人似醉勸農文似天花墜農今一桮回勸官吏瘠民肥官有利官休休民休休勸農文在牆壁頭官此日民此日官酒三行官事畢癸未元日曰黃葉枝頭又早春紅花景裏多明日任翻河漢風北來終是乾坤日東出以上七言古體中摘出

樂府臯蘭行有曰笳鼓宮商塞外歸似此殊勛古難匹後來渭上朝正月尙憶祁連冢中骨玉門關曰後無關險無中土太液宜春狐晝舞萬戶千門草綠深蘆葉捲

吹紅日暮貳師城曰莫將黷武議前朝今日人思此奇  
絕虞美人草曰失道原不在陰陵放逐義帝知亾形西  
風所過皆殘滅不據關險都彭城楊妃出浴圖曰霓裳  
風秋舞天半舞到玉花飛石棧三台四輔繞星垣只一  
曲中知後患風流天子悟轉圜不見蜀山橫翠面又曰  
梨園曲譜韶音祕響入馬嵬花委地開元不再宮不花  
天街草綠西風起以上皆有議論有氣骨張籍王建不  
專美于唐也

几臯吟橐擷句



近世吟人工律如九臯陳公寧之宗道亦自絕少略摘  
於後七言中有似唐者然不及桂舟風骨也

落日含兵氣空山更晚風有家音問絕無處道途窮

落日落

草樹深城郭塵埃犯摺紳古來皆有死吾獨此時人

半歲

故里人何處空山日又斜干戈今爾輩天地此誰家

故里

未死終相見無生底再逢征衫今日淚慈母在時縫

歸來

多少艱難事言言卒不窮

同上

相思不相見身在曷如無

望家信

江濶乾坤壯山長吳楚遙

錢唐

漢軍鼙鼓動蜀道雪山消

觀潮

風景夢中天地老江山畫外古今情

八月十五夜

一年好處在今夕每度圓時無此清

同上

日月更無山障礙乾坤惟有水周回

金山

家在鄜州身隴右弟居河濟妹鍾離

讀杜詩

中興社稷兩天子老死乾坤一拾遺

同上

荒草連雲人拾燼空山遺塔鬼吹鐙

常山亂後

舟無可渡人難到兵不能災地轉靈

青陽洞天

深洞有龍雲氣黑空山鳴鶴夜鐙青

同上

江山那解將愁去草木親曾見亂來

經蒼山

千林雲氣龍猶在午夜松聲鶴自寒  
仙子偶來成夢事

至今游客未嘗閒

姑山

黃中通理似無物天下橫行寧不烹

蟬

九臯古體亦多佳者旅懷曰清波眇前灘  
白鳥下寒渚  
樵斧空山鳴歸舟夕陽暮去來風中人  
明滅雲外樹雙輪何時休愁心此羈旅  
此篇甚似蘇州也送別一章曰  
江邊出相送君去我當反  
裴回未忍還孤颿夕陽遠語  
短而意甚長洗馬行曰玉谿谿頭波綠  
玉玉谿谿上沙



金粟曉營出馬五花雲鳴榜齊首橋南浴馬高如屋長  
如龍四蹏如鐵聲如鐘青芻幾束粟幾斗豢汝愛汝爭  
奇功編駿抹刷鱗色罷黑面雄兒齊上馬就中一馬不  
敢騎云是將軍臨陳者又曰要知馬最於人厚鼙鼓旌  
旗應如手燕山雪重黃河深功屬將軍馬何有又有送  
戴石屏歸天台詩曰天台四萬八千丈一根直下寒銀  
浪青蓮老子夜不眠往往飛魂到其上詩情不減流白  
雲千載重見戴叔倫蓮花峯下赤城洞芒屨翻笑山中  
人秋風孤篁八九尺老面百摺頰銅色田文席上摩吟

鵲立蒼苔煙雨黑我家竹屋棲龍岡夜擣孤月餐寒  
霜醉騎白鹿軍峯下一見贈我青瑤璫南山臺前春正  
好萬壑千崖清夢曉蒼苔石磴無闌干往事飛鴻天亦  
笑君今東首回牙牆我亦西去凌蒼蒼截江橋南春水  
急酒酣不記攀垂楊軍峯江南最高處我上峯頭望君  
去歸時定入天台山舉首雲間一相顧此篇雖語意微  
弱而言語清峭不染塵俗可愛也結意亦好其題謝氏  
西谷曰江東風流會稽伯玉壺貯香傾琥珀春風十里  
東山雲一曲寒楸晚空碧盤盤石磴紅泉仙春草夢斷

瑤池箋蒙茸曲笠雨花溼老屐踏損蒼苔錢雙鸞翩翩  
跨元島月白香魂翠山杳玉蘭千載流芳馨清風凌厲  
連紅曉其送寧都陳令曰梅花樓頭立晴雪松葉亭根  
聽夜雨颼颼息響月千山桃李無言春萬樹凡此皆刻  
削清麗香人齒頰可以爲詩家之俊矣

秋麓山雞愛景集

余初著通議時嘗載吾叔父秋麓先生鏜高年著作不  
倦而余自覺江淹才盡不能逮以爲媿今先生謝世倏  
閱八期追懷淒愴學者曾元伯哀金刻其遺吟而以絕



句爲之首蓋其古律體多而絕句獨少自成一家不專宗唐也摘其尤者如左

公有觀儼古詩一篇絕佳其辭曰寒雲岑岑天四陰畫堂燭影紅簾深鼓聲淵淵管聲脆鬼神變化供劇戲金灌玉注始淙潺眼前倏已非人間夜叉蓬頭鐵骨朶赭衣藍面眼迸火魑蜮罔象初崩踰跪羊立豕相嚙嚶紅裳死女掩蕉扇綠綬尋翁握蒲劍翻筋踢斗臂膊寬張頤吐舌脣吻乾搖頭四顧百距躍斂身千態萬尋索青衫舞蹈忽屏營彩雲揭帳森摩旌紫衣金章獨據案馬

鬢半權兩披判能言禍福不由天躬履率越分愚賢蒞

藜奮威小田服

田敷勿切  
鬼頭也

鬢繆揚聲大髻哭白面使者

竹篠鎗自誇按捕無遺藏牛冠箝卷試閱檢虎冒肩戟  
光睽閃五方點隊亂紛紜何物老嫗繡纓終南進士  
破鞮絳嗜酒不悟鬼看戲奮髯矐目起嬰娑衆邪一正  
將那何披髮將畢飛一吹風捲雲收鼓簫歇夜闌四坐  
慘不怡主人送客客盡悲歸來桃茆坐深蘭翠鴟黃狐  
猶在眼自歌楚些大小招坐久魂魄游消搖會稽山中  
禹非死鑄鼎息壤乃若此又聞鬼姦多馮人人姦馮鬼

姦入神明日冠裳好妝束白晝通都人面目此篇筆力  
奇甚可以補缺古人也

七言律不多摘其佳句於後

孔曾有道官天下韓柳無文世子孫

甲申遷居

邨橋日落市聲散山路月明人語歸

邨中宿

月下有聞思望帝山中無曲舞胎仙

和韻

板橋雨過秋苔滑邨碓寒吹暴稻香

懷友

尊前能是幾時客山下已成千古墳

出郊懷感

柳條風慢天初煖花影晴光地亦香

桃源



故人皆死誰爲佛老我猶生卽是仙

夜坐

草墜水流檐佩響松梢月冷露珠圓

同上

幾番雨過山仍在獨望人閒鶴未歸

菊潭故居

公忍貧著書垂死不廢所著有聖門言行錄考覈浩博  
總會精實諸公協力以刊而不及竟六經之餘釋老書  
無不通貫所作科敎之文尤爲入妙琳宮梵宇得其一  
篇者俱謂足以名世具在別錄

### 山谷諸作

山谷翁書摩厓碑後題老杜浣花醉圖皆精深有議論

嚴整有格律二篇正堪作對嘗欲令善畫者圖作兩屏  
錄二詩其上每當讀詩餘閒酒酣興發朗誦數過以舒  
吟懷亦一快也

山谷題榮州祖元大師此君軒云程嬰杵臼立孤難伯  
夷叔齊采薇瘦形容絕妙後有作者何以加之

左氏載  
嬰事甚

略得太史公鉅筆鴻文乃始發揮其忠節反覆讀之百  
世之下猶爲哀傷真足以愧天下之爲臣不忠者然韓  
厥之在當時微有觀望幸而嬰事得成厥與其功不然  
十五年間多少事節萬一嬰志不遂厥其能爲武立赤  
幟此堂孫先生瑞南豐先達名儒也嘗謂余曰山谷作  
耶

詩有押韻險處妙不可言如東坡效庭堅體詩云我詩

如曹鄴淺陋不成邦公如大國楚吞五湖三江赤壁風  
月笛玉堂雲霧窗句法提一律堅城受我降只此一降  
字他人如何押到此奇健之氣拂拂意表

古今咏淵明者多矣獨山谷翁深入閭奧其懷陶令之  
詩曰潛魚願深渺淵明無由逃彭澤當此時沈冥一世  
豪司馬寒如灰禮樂卯金刀歲晚以字行更始號元亮  
淒其望諸葛忼戇猶漢相時無益州牧指揮用諸將平  
生本朝心歲月閱江浪空餘詩語工落筆九天上向來  
非無人此友獨可尙屬余剛制酒無用酌杯盞欲招千



載魂斯文或宜當此詩允謂得淵明之心者世以陶公  
爲幽人隱士非也身逢禪代悲憤不自勝欲如孔明紹  
休漢室思致中興而世無英雄如昭烈者可與興復旣  
不可爲則姑自放於詩酒而已晚年以字爲名而別更  
其字曰元亮景慕孔明意可概見或者但見其棄官彭  
澤歸逸柴桑遂以幽隱待之誤矣

桃李春風一杯酒江湖夜雨十年鐙

寄黃幾復

萬里書來兒女瘦十月山行冰雪深

寄上叔父夷仲

弓刀陌上望行色兒女鐙前語夜深

同上其三

風光錯綜天經經草木文章帝杼機

次韻兩  
絲雲鶴

兩宮無事安磐石萬國歸心有老臣

同子瞻韻和  
趙伯充團練

落木千山天遠大澂江一道月分明

快閣

家移四壁書侵坐馬瘦三山葉擁門

次韻宋楙宗僦居  
甘泉坊雪後書懷

笙歌忽把二天酒風雨猶驚三峽濤

次韻荅清江  
主簿趙彥成

萬竿苦竹旌旗卷一部鳴鼉鼓吹休

次韻黃份老晚  
游池亭其二

千林風雨鶯求友萬里雲天雁斷行

宜陽別元明  
用觴字韻

爭名朝市魚千里蓋世功名黍一炊

五更歸夢三千里一日思親十二時

蓋世功名棋一局藏山文字紙千張  
語言少味無阿堵冰雪相看有此君  
心游萬里不知遠身與一枰相對閒  
世態已更千變盡心原不受一塵侵  
寒蛩催織月籠秋獨雁叫羣天拍水

聽宋儒  
摘阮歌

以上竝山谷先生句法也山谷所長在古體固不以律  
名然時作律詩亦自有一種句法

后山

陳后山師道徐州人也會南豐先生見其文而奇之后



山翁之詩世或病其艱澀然拏斂鍛鍊之工自不可及如云人情校往復屢勉終相遠一詩已經年知子不我怨又如去遠卽相思歸近不可忍兒女已在眼眉目略不省喜極不得語泪盡方一哂又如生世何用早我已後此翁頗識門下士略已聞其風又如俗子推不去可人費招呼世事每如此我生亦何娛又如此生恩未報他日目不瞑又如有女初束髮已知生離悲枕我不肯起畏我從此辭大兒學語言拜揖未勝衣喚耶我欲去此語那可思凡此皆語短而意長若他人必費盡多少

言語摹寫此獨簡潔峻峭而悠然深味不見其際正得  
費長房縮地之法雖尋丈之間固自有萬里山河之勢  
也凡人才思泛濫者宜熟讀后山詩文以藥之他如妾  
薄命贈二蘇公諸篇深婉奇健妙合繩尺又古今之絕  
唱

荆公二古

王荆公集中有古詩一篇名曰君難託詳其詞旨似怨  
望裕陵者豈非罷政居鍾山時爲呂惠卿讒毀不能堪  
而賦邪其詩云  
槿華朝開暮還墜  
我身與華寧獨異  
憶

昔相逢俱少年兩情未許誰最先感君綢繆逐君去成  
君家計良辛苦人事反覆那能知讒言入耳須與離嫁  
時羅衣羞更著如今始悟君難託君難託妾亦不忘舊  
時約裕陵荆公君臣之交古今所少一旦施設既謬卒  
負聖心至於怨望如此可發千古之一慨

荆公又有飛鴻詩云雁飛冥冥時下泊稻梁雖少江湖  
樂人生何必慕輕肥辛苦將身到沙漠漢時蘇武與張  
騫萬里生還值偶然丈夫許國當如此男子辭家亦可  
憐



鬱孤臺刻石曼卿詩

石曼卿嘗作大字書古體云平陽奉寄師魯十年一夢  
花空委依舊河山損桃李雁聲北去燕西飛高樓日日  
春風裏肩背石州山對起嬌波淚落妝如洗汾河不斷  
天南流天色無情淡於水此詩不知曼卿自作邪或書  
古人詩也其意亦莫可曉後題云康定元年八月十四  
日書按尹洙字師魯此必寄尹洙之詩則非古人矣  
又一絕云楚鄉寒食摘花時野渡臨風駐采旗草色連  
雲人去住水紋如縠燕參差末題云江上偶見繼又書

題木蘭廟一絕又入商山一絕末又一絕云前山極遠  
碧雲合清夜一聲白雪微欲寄相思千里月谿邊殘照  
雨霏霏後題云寄遠此四絕必唐詩特前此未見耳或  
謂千里月疑是目字誤作月因下句是殘照無緣用月  
字也但千里目於義未順千里相隔唯月共照今殘照  
之時值霏霏之雨欲寄相思於月不可得矣月字爲是  
所書字如掌大亦甚端重然帶俗態欠清媚遒勁之氣  
盱江聶善之侍郎守贛州日摹其真蹟刻石鬱孤臺未  
知今尙存否偶觀墨本恐失去謹錄於此

所翁詩句

長樂陳公儲容自號所翁登科入仕善畫龍筆勢入妙而賦詩作字俱奇勁可愛予去年春游麻原第三谷見其舊題靈豐廟壁翰墨飛動一詩爲靈運賦句意甚佳曰紫馬仙人跨白犀繙經臺暎釣魚磯千年老樹風雷坼獨有紅泉洗斷碑皆記當時事也近又得其爲人賦橫舟二篇尤奇前篇曰古悲歌淚如血渡河無船氣欲絕古悲歌淚如泉河激湯湯聲徹天我舸大艚載琛貝錦纜迷樓催管弦人生苦樂不相等風波血刃蛟流涎



神虺九首能三足巨鼇觸怒羣帝遷縱有扁舟竟何往  
乘桴意在滄洲上祇緣轍朽無人知入海居夷每惆悵  
三閒破屋名橫舟三呼不荅江水流一颿徑渡溯天去  
不繫斜陽古渡頭後篇曰黃頭子捩柁聽吾語三老駕  
三翼疊鼓隋颿看風色一千水歸黃河世無客星泛靈  
槎恆河水波斯匿王母將去六十年閒成壞故性無生  
滅河水似黃面瞿曇以筏諭長淮水一箭許邊城白骨  
多於土年年調舟已成泥壽蔡孤城付朝暮岷江漢源  
天上來一夕不保如風埃重慶今爲天下首漢中不復

言規恢朽木爲舟土爲楫白波如山水皆立當時商家  
畚築子夢裏撐船濟川去只今無夢豈無舟水淺都非  
泊舟處二篇俱非塵土胸次語

隱居通議卷八終

隱居通議卷九

南豐劉 壘起潛著

詩歌<sub>四</sub>

黃希聲古體

君不見游塵著空生九州人其中閒懸兩眸楊花化萍  
無根蒂風消水長東西流江南下溼人易老過盡歲華  
還草草長留白日照人閒楊柳浮生轉枯槁毬文帶繞  
千花黃青蛾攢眉眉細長莫言一尊千萬壽乃翁身命  
屬渠手長安城中鬼笑人水底紙錢能不朽今人不見



古人心古人不見今人事天上若無長生人卽是古人  
都盡死金鳧銀雁滿江湖神光夜夜開黃壚年經月緯  
三百卷平生欲作何人書古人去去留不得我思古人  
三太息今人莫叱山石牢更後千年人不識此吾肝黃  
希聲所賦長歌行也粹美精練意高味長近世江西詩  
人鮮有能及此作者又有題二喬圖詩曰龍翔下卷江  
東士孫郎初得喬家女喬家本自重曹瞞隻鷄斗酒空  
酸楚襟情正用畱阿瑜尙得人前稱肺附百年王氣竟  
銷沈妙寫丹青嬌欲語香閨搦管記何書竝蒂芙蓉按

花譜那知不是未嫁時本末無從勘彤史詞人多事管  
閒愁銅雀紛紛底歌舞儘強被髮向黃墟只與東阿傳  
洛浦此篇流麗醞藉可爲前篇之亞希聲名文竄自號  
看雲早以春秋學魁鄉舉下第則游搢紳閒以箋啟四  
六爲吳運使子良趙觀文與鷺所知當是時荆谿節齋  
之名滿天下希聲藉以爲重淳祐庚戌乃以詩經擢進  
士科趙公知臨安辟以爲酒官旣而歸舟次嚴陵灘覆  
溺失屍聞者悲之有看雲集數十卷尤長於詩詩尤妙  
於長歌行同時鄉里以詩名者碧澗利履道登白雲趙

漢宗崇嶠俱爲社友然品格俱不及公贛之寧都有蒼  
山曾子實原一撫之臨川有東林趙成叔崇懌亦同時  
請盟者也

利碧澗詩詞

利履道登嘗於臨川道上得詩云晚覺儒冠誤力耕已  
不任風雲入書史日月送煙林古來一日養人子百年  
心清風滿天下欲棲無寸陰太息復太息孤雲生暮岑  
興致高潔非江湖可跂及也履道嘗有所屬意者中更  
睽阻賦玉臺體數十篇以寄興其好句如羸馬前山東



復東沈沈窻戶鎖愁紅春風一把相思骨又落江南煙  
雨中濃綠千竿滑欲流春風疑只在池頭相思一夕天  
相似望斷西南四百州尤工長短句嘗有水調曰相聚  
不知好相別始知愁筍輿伊軋穿盡斜照古平洲今夜  
荒風脫木明夜山長水遠後夜已佗州轉覺家山遠何  
計去來休酒堪沽花可買月能留相思酒醒花落五更  
頭長記疎梅影底一笛紫雲飛動相對大江流此別無  
一月一月一千秋此詞極涵婉沈細其自況詞有云花  
外潮回劒邊虹去撫寒江千里意氣又豁然矣賦虞美

人草云當時養士知何許總把降幡去漢家王氣塞乾  
坤一樹盈盈不爲漢家春意度彌佳佗詞盈帙麗語層  
出但兒女情多終傷正氣耳履道家肝城之西門以禮  
記擢第仕止寧都尉

趙白雲詩

趙宗丞崇嶠字漢宗自號白雲山人居南豐爲人清俊  
灑落富有文采超然爲宗籍冠嘗賦詩云壯老互淪謝  
百年如奔霆競將無窮憂勞此有盡形生時一幻化死  
卽歸杳冥亦有賢達人視死如未生亦有醉夢人旣死

心未平逆旅朝暮閒人風無時停擾擾安足計熙然慰  
吾情賦古意云阿母帶兒出兒行自回皇兒不倦行路  
遣兒心內傷問兒何所傷兒語不敢詳將兒雇織作不  
忍織鴛鴦賦松柏有云松柏生高岡不依貴者門松柏  
長青青却蔭貴者墳生非門墻交而與丘隴親此等皆  
思致不羣超出世俗文德殿早朝云苑墻當北斗宮樹  
近朝陽龍翔宮云地闢金光界龍飛析木津指麾開輦  
路祠祀拜元辰天近雲光煖花濃雨脈春君王自仁壽  
閒殺華封人皆妙句也佗如漢月通江白秦雲入塞黃



鷺依江渚冷雁入楚雲深湖海三生夢乾坤一寸心天  
形低赴海潮勢直通吳月入星辰大山明天地秋詠梅  
云大雅終不羣古心應自許對之鄙吝消疑是黃叔度  
凡此皆一時傳誦者嘗監豐儲倉直冬至災異與陳文  
定公宗禮相繼拜疏言鄭丞相清之輔政非材又攻巨  
闕盧董乃當時竊弄威福者旣入畱中尋以言去國自  
是直聲聞天下久之起監都進奏院累遷至太宗正丞  
卒於官平生工字學尤善作數尺字筆法遒勁江浙名  
扁多出公手子撫州史君名必昌亦世其傳真名父子

云

陳文定公詩句

謹爾內母飾乎外衆慧爾愚難乎羣隊且埽地焚香觀  
自在此千峯先生陳文定公自贊也殊有意味蓋公平  
生務內之學於此可以概見公名宗禮字立之高簡清  
嚴不混流俗其在韋布時極貧苦然能抗節自守授徒  
之外絕不輕以一武詣人人亦嚴憚之年四十有二始  
爲淳祐甲辰廷對第三人風裁峻整聲動海內其爲廣  
東提刑也駐司韶州州之皇岡有虞帝廟嘗題詩云南

國薰風入帝歌至今遺廟只嵯峨一天曉色懷明哲四  
野春光想太和存古尙瞻虞袞冕撫時幾換禹山河海  
濱樂可忘天下解寫靈明是老軻蓋景定初也時鄂圍  
初解江淮甫定賈師憲挾勲入相有虞處者爲監察御  
史摘幾換山河之語箋注幾字作平聲上疏劾公謗訕  
又吳丞相潛爲師憲所嫉貶之循州公行部過循與吳  
賡和有日山川半爲蠻煙累人物多因謫籍香處并計  
其詩師憲怒爲取旨鐫其官責居永州踰年而後放便  
雖以詩得禍而其名逾高自永再召寢顯貴歷言路瑣



闢禁班經帷出師廣東入拜簽書樞密院兼參知政事  
甫兩月薨於位贈官加賻哀榮始終太常議諡文定云  
公世居南豐千綏故自號千峯素慕韋蘇州仕宦所至  
埽地焚香而坐爲詩多仿韋體其山行詩曰川原綠已  
張春去今何在深樹涵幽姿微雲弄晴態禽聲互酬應  
林霏閒明晦漸遠人蹟稀清音自虛籟晚出詩曰落日  
山氣清歸禽噪林杪意行忘遠近吟過深煙表灑灑水  
縈田幽幽雲反嶠忽聞鄰寺鐘沿途發長嘯曉行有日  
披衣起遐征微茫認前路哀鴻天際雲殘月水邊樹此

等皆俊楚殊迫真也文章亦多佳議論益以歐曾爲宗者持節廣東曰於憲司作一亭名之曰東風自銘之有曰我亭斯允厥位面震爰挹天和庶濯吏忍匪曰殘之於以閑之匪曰賊之於以格之又曰母曰天遠母曰習頑越嶺入海皆人其閒旣曰人矣吾兄吾弟汝罪汝刑予德弗貳施諸彼罔憾揆諸我無恫則雖刑官也何害其爲東風語意俱到絕可愛也愚昔喜而誦之甚習亂離憂患省記不全矣憶嘗侍公席閒論文公曰近世文章如王臞軒所作行雲流水亦自可采然公此語愚不

解也王實之特狂士其文叫呼促迫無溫潤深沈之氣  
非中和碩大之聲公當俛視斯焉取斯初南豐先生曾  
公以碩學鴻文師表一世歿且一百年易名禮缺公寶  
祐立朝因轉對爲穆陵言之得諡文定其後公薨亦諡  
文定異哉

雲舍趙公詩

窮居無與娛弱子戲我右寧知千載前不是桑榆友今  
爲骨肉親結愛豈不厚不知後千載當復如此否且盡  
人閒事幽遠非所叩此趙次山必昌所作飲酒詩也次



山爲白雲翁名子年甫十七登進士第需次杜門二十年不仕博極羣書爲詩文敏贍而有風骨嘗讀虛齋易通以爲其旨未究遂盡取諸儒易說參會考訂削其不合於道者而一以三聖爲旨歸別作易傳多出新意以發先儒之所未及宏齋先生包公恢見而大異其說歎曰是有功於吾易也年近四十始爲江西運使矩齋曾公穎茂辟置荐厯幕府以至班改作邑登朝出守撫州會長江失守時事已變制置使黃萬石寓治於撫閩郡不咸竟爲黃所擠奪其郡符以與參謀官任君弼翊龍

次山遂歸里俄而盱撫以城迎降次山避地於贛未幾  
鄉寓公吳允文浚奉密詔以江西招討使舉義反正結  
約次山協謀興復戰不利允文奔漳州爲都督文丞相  
天祥所殺次山解兵隱汀州之畚中踰年以疾終其諸  
子死於兵疫無存者僅存一女可哀也夫次山幼強記  
該洽善辨論每講說經史及古今詩文輒累千百言成  
誦無凝滯中年以後工唐律鍛鍊精深絕出風雲月露  
之外平生著作極多兵禍無一字存矣其在贛也猶閒  
道寄予一曲感慨國事其詞曰倚西風招鴻送燕年華

今已如客青奴一餉貪涼夢昨夜酒紅無力愁似織聽  
鳴葉寒蟬話到情無極舞衣春入歎帶眼偷移琴心不  
斷襟袖舊時窄紅塵陌誰寄佳人消息任佗珠網瑤  
瑟金釵兩鬢霓裳曲總是浪歌閒拍長夜笛且慢析輕  
勻畱醉酒壚側煙靑霧白望殘照關河晴雲樓閣何處  
是秋色味其語意悲憤深矣佗文多不記憶尙竢博采  
當續書之

蜡社歌餘

蜡社歌餘者吾鄉詩人黃伯厚載詩集也伯厚自號玉



泉爲京西提刑寶章朱公夢吉之壻以詩得名於嘉熙  
淳祐間受知於丞相鄭忠獻公清之仕至廣東兵鈐以  
卒其集中有鍾馗觀鬼鬪蟆圖傳誦一時然由今觀之  
未足爲妙其妙者惟陪侍丞相安晚先生宿覺際寺夜  
遇大風可畏遂賦大篇曰船頭落日如血紅客言今夕  
當有風空山夢回刺骨冷纈被無力身如弓但聞紙窗  
響窸窣初意空厨飢鼠出忽然扉戶競開闔猶謂偷兒  
入吾室須臾歟作號怒聲鼙鼓百萬漁陽鳴室廬動搖  
地欲轉林木震吼山如崩噫嘻異哉那有此欹枕恍惚

疑夢寐應是錢塘醉未醒翻海胥濤騁遊戲或者客寓  
紫塞旁鐵騎赴敵古戰場不然此處安樂國何遽陴阨  
猶乘航起來穴牖目如割平湖已捲千堆雪乃知跋扈  
是飛廉似妬晚來客饒舌因思前年到黃岡朔風搖江  
驚斷腸驍將忍凍骨比鐵壯士力鬪身如湯此身彷彿  
臨臯上一感還生百惆悵長安貴人正酣眠日高尙戀  
銷金帳東窗未白雞未啼相公自起燒松枝此篇紆徐  
蒼勁讀之殊有深味其絕句則過長安渡有曰重來已  
過十番秋更十番秋欲白頭無限舊時心裏事青山殘

照水東流贛州道上見上墳者曰翠樹青煙笑語稠家  
家領客醉松楸老翁哭子氣欲絕行到前邨更轉頭又  
曰攬祭烏鴉噪晚田草芽新染綠如煙墓頭寂寂蟲鳴  
急惟有春風舞紙錢此數詩予自十二三歲時已識其  
妙常常口之不置也又有讀舊臯鼃吹集一絕曰鼃吹  
兒童事重開已汗顏更須畱近作待過十年看亦自有  
味其律詩如題大洪山曰地當平曠易爲山故得崔嵬  
漢沔間雲霧涌來無下界樓臺浮起在中天開窗時見  
雷霆出隱几間看日月還更有鐘聲最堪恨南風時到



八陵邊隨州沙谿詩曰石路崎嶇石瀨鳴峯巒回合小  
原平桑麻積雨肥春壠雞犬一邨喧晝晴田婦共攜中  
飯去樵童相喚上山聲邊頭今有江南景十數年來不  
用兵題峴山曰向來陵谷尙依然放眼高臺萬象還南  
國一池襄漢水中原千古鄧唐山斜陽淡淡飛鴻沒芳  
草萋萋成馬閒前代英雄亦何許棹歌日日過滄灣此  
數詩亦可味也鬪蟆圖詩雖不爲粹亦漫錄於此以見  
存古之意誰椎豐都局逸此魔十二相羣鬪蟆供戲劇  
綃墨何從拂其迹兩雄鬪於前四鬼相視欣欣然小蟆

對睨擁雙邾筠籠一蟆跳欲出前者差壯一力肩後者  
引索檄於拳髯翁磬折目勝負突眼老嫗探頭覷就中  
黃叟如蹲鴟破帽長袍吾老尪隻眼直下看不市諸鬼  
樂與吾翁狎四丁更與蟆之魁疾馳不能壓欲羶蟆肥  
於豚怒於虎張頤縮項誇相顧昔時唐宋失天經妖蟆  
曾搯天眼精今魔視蟆細於螳魔若跳梁那可指羣陰  
膠凝互掀翻六鼇頂戴愁顛連但能伐魔旣厥類芟夷  
妖蟆談笑耳僂妖之事尪所司何獨反與爲兒嬉不惟  
失職縱姦宄鬼禍如蟆將及爾參軍參軍其然乎或者

隱居詩卷九  
好事丹青圖諒應  
笑玉川子誅蟆未誅骨  
先苦風悲雨淒天地愁  
蟆鬼正是相雄秋僅餘  
一目不可撻我曷不可  
相娛說會聞隔簾歌鬪  
鼃山鬼性命摧紅牙此  
篇規模布置意度抑揚  
亦非庸材所能及第時  
失之麤且結句苦不緊  
峭故不得卓然名世

鄧月巢遺藁

吾鄉前輩鄧子大有功  
心事粹夷詩材清婉嘗  
有玉山道上一絕曰玉  
谿谿上雨聲乾日暮東  
風客衲寒數樹梅花吹  
作雪行人猶自倚闌干  
其情致殊蕭灑又嘗客



信豐寄余詩曰怪得寒鐙昨夜花五更歸夢倏還家多情兒女傷離別爭挽征衫問鬢華又曰魚苗客子去成羣野笑狂歌慢慢行三十里頭齊頓住聞官早過吉州城又曰錦衣戍卒豎霜矛彈壓鹽丁過嶺頭三月聞韶堪歎息南中還是一年憂又曰嶺南咫尺莫如虔和煖嚴寒別有一天一夜詩魂清到骨曉霜封却釣魚船凡此皆寫當時之景而不待雕鐫自然成韻平生所作甚多家學斷絕無能存其豪者今所錄徒得之疇昔所記誦而又缺落不完如此重可歎也公喜作詞賦點絳脣曰

捲上珠簾晚來一陳東風惡客懷蕭索看盡殘花落自  
把銀餅買酒成孤酌傷漂泊知音難託悶倚闌干角又  
嘗賦過秦樓一曲曰燕蹴飛紅鶯遷新綠幾陳晚來風  
急謝家池館金谷園林還又把春虛擲年時恨雨愁雲  
物換星移有誰曾憶把一尊試酌落花芳草總成塵蹟  
頻自笑流浪孤萍沾泥弱絮有底困春無力銀屏香  
煖寶簾波寒又負月明今夕往事夢裏沈思惟有羅襟  
淚痕猶溼柰垂楊萬縷不繫西風白日詞旨流麗富於  
情者也少舉進士累試禮部不中以恩補迪功郎爲撫

州金谿尉得年七十以卒後學尊稱之曰月巢先生子  
近得月巢遺藁謾摘一二錄於此子後公三十年而生  
公不以輩行前子雅相愛重時與倡酬子見公氣象和  
平所謂德人之容使人意消故嘗喜親公噫死生之隔  
久矣擘卷懷舊爲之愴然予兄太史公揆屢試禮部不  
中晚以恩補迪功郎監建康府糧料院寶祐丙辰以薦  
者特召爲史館校勘時年七十有六矣子大以詩賀之  
曰秋堂風露聲吾伊青鐙一點昏兩眵蟬魚蠹紙老白  
日未識心字包黃義麟膠飲盡霜兔泣儷花鬪葉紛奇



姿少年輕裘舌秦衍俾睨六印京塵緇平生眼底厭糠  
粃自對春風樂沂水搜奇挾怪問子雲載酒歸來成獨  
醉金刀喜有南鄰翁會吹藜燄丹霞峯白雲滿榻呼不  
起斜日倚杖酣秋空紫皇一夕下綸旨細被丹鉛勘文  
字會將一語贊陽秋高八九天卑九地聖朝勛業琬琰  
儲不獨焜耀冰銜書兩朝蒐輯摩日月往往呼喝羞庭  
衢廬陵健筆人莫贖南豐瓣香竟誰續西江浩浩流古  
今莫遣白頭愧青竹又送曾子華游贛曰丈夫達有遇  
出令走千里焚香玩太空宴坐塵不起云胡子曾子不

自樂沂水風煙挾兩袖足跟尙芒履持被直承明三省  
良未已觀君氣如虹接浙亦可美昔年子長游落筆妙  
信史三蘇出岷峨文章仰歐子此行崆峒巔萬事寧足  
侈鬱孤有奇觀佳句公摩洗予生事斗室出若畏瀾蠡  
長安歌狹邪神鼎鑄螭窮通匪同途動靜實一理時  
止復時行願與參此義

隱居通議卷九終



隱居通議卷十

南豐劉 壩起潛著

詩歌五

鴻泥

人生到處知何似應似飛鴻踏雪泥泥上偶然畱指爪  
鴻飛那復計東西老僧已死成新塔壞壁無由見舊題  
往日崎嶇還記否路長人困蹇驢嘶此東坡集律詩第  
一首益和子由澠池懷舊也注云往歲馬死於二陵騎  
驢至澠池此詩若繩以唐人律體大概疏直欠工然鴻

隱居遺言卷一  
泥之諭真是造理前人所未到也且悠然感慨令人動情世不可率爾讀之要須具眼

漱玉亭

東坡先生蘇文忠公題廬山漱玉亭詩云高巖下赤日深谷東悲風劈開青玉峽飛出兩白龍此等句語雄奇峭健宜必有超軼絕塵之句以終之而其未乃不過曰願從琴高生脚踏赤鯨公手扶白芙渠跳下清泠中且意度卑甚殊無歸宿與起句如出兩手豈非坡公天才橫縱肆筆成書非若拘譎者以排布鍛鍊爲工故若是

邪是以朱文公嘗論坡公作歐陽公文集序首云言有  
大而非誇達者信之衆人疑焉此數句可謂偉甚而未  
乃云詩賦似李白敘事似司馬遷則首尾輕重殊不相  
稱然則此獨非老先生文章之微瑕歟老杜則不然

林艾軒評百家詩

艾軒云百家詩抹一過只有孟浩然踏著實地謝元暉  
陶元亮輩人名不虛得也毋怪杜子美每每起敬子美  
豈下人者如孟東野劉賓客韓柳數家又如韋蘇州劉  
長卿等輩皆不在百家數中却別有說



後邨論詩有理

後邨序竹谿林公希逸詩有曰唐文人皆能詩柳尤高  
韓尙非本色入宋則文人多詩人少三百年閒雖人各  
有集集各有詩詩各自爲體或尙理致或負材力或逞  
辨博少者千篇多至萬首要皆經義策論之有韻者爾  
非詩也自二三鉅儒十數大作家俱未免此病乾淳閒  
艾軒先生始好深沈加鍛鍊有經歲累月繕一章未就  
者平生所作不數卷然以約敵繁密勝疏精掩麤麤同時  
惟呂太史賞重不知者以爲遲晦竹谿詩比其師稟乾

中含華滋蕭散中藏嚴密窘狹中見紆餘天下誦之曰  
詩也非經義策論之有韻者也後邨經義策論之有韻  
者一句最道著宋詩之病然其自作則亦有時而不免  
豈知而故犯者邪遲晦二字亦道著艾軒之病

劉五淵評論

太白以天分驅學力少陵以學力融天分淵明俛太白  
而差婉山谷跛子美而加嚴

晚唐學杜不至則曰詠情性寫生態足矣戀事適自縛  
說理適自障江西學山谷不至則曰理路何可差學力

何可諉寧拙毋弱寧核毋疏茲非一偏之論歟

刪後詩四家淵明詩之佛太白詩之仙少陵仙佛備山谷可仙可佛而儼然以六經禮樂臨之雖有作者莫可及矣

詩家門戶李黃微若可尋陶杜未易湊泊而陶爲尤甚故李杜視陶又有分數

融騷選唐者半山駕騷選以軋唐者黃陳混騷選以汨唐者梅歐蘇宋詩視唐爲雜南渡後爲尤雜

唐自少陵外大抵風興工江西作者大抵雅頌長



古詩一變騷再變選三變爲唐人之詩至宋則騷選唐  
錯出山谷負脩能倡古律事寧核毋疏意寧苦毋俗句  
寧拙毋弱一時號江西宗派此猶佛氏之禪醫家之單  
方劑也近年永嘉復祖唐律貴精不求多得意不戀事  
可豔可澹可巧可拙衆復趨之由是唐與江西相抵軋  
楚騷詩變也而六義備樂府騷變也而興頌兼後世爲  
騷者比而已他義無也爲樂府者風而已興頌無也  
古詩已不能禁風雅之不變刪後有作可求備乎此選  
與唐百家不害至今傳也

山谷工用事雄說理江右由是成派其究雅多而風少  
少陵讀五車倒三峽吐驚人泣鬼之句岱嶽岳陽真能  
籠乾坤萬里於一詠之內千古吟人望洋興歎及坡谷  
以道眼評之見趣又別坡稱子美凌跨百代古今詩人  
盡廢然陶謝高風亦少衰矣山谷贊杜曰煎膠續弦千  
古無至落筆九天上一語則屬之陶何哉

山谷既以落筆九天贊淵明其自述則曰蒲團日永鳥  
吟詩鑪薰一炷細參之猶欲傳蘇州心印至坡老直謂  
李杜雖跨百代古今詩人盡廢然陶謝高風亦少衰矣

惟韋應物發纖濃於簡古寄至味於淡泊非餘子所及  
悲夫二公豈非才雄學瞻追方李杜有餘而退羨陶韋  
不足方將造忘言之妙而悲麤滓之不盡化歟

奇韻

近見有以口

原本缺字有作狔者與下狔字亦罕見有用句不合

字爲韻者古今

詩未有押此一字蓋甚新也狔字韻亦罕見有用者予  
近有詩曰羽纛金章映坐狔或亦謂其稍新

趙信國桃符句

趙信公葵鎮淮場曰有桃符句云日耀旌旗開大閭風



傳鼓角到中原後句甚佳是時余制帥玠鎮蜀亦有桃  
符句云威行玉斧山河外春在金符掌握中可以相埒  
唐裴晉公度守東都劉賓客禹錫賀詩有曰萬乘旌旗  
分一半八方風雨會中州閎偉尊壯可備桃符也按玉  
斧事乃宋太祖開基時閱輿地圖偶持玉斧因以柄畫  
其分界今省記不全玉斧非刀斧也乃金杖子約長四  
五尺以片玉冠其首人主閒步則持之猶今拄杖之類  
神祠中素繪儀從猶或存此

杜牧之湖州詩

嘗讀太平廣記載杜牧之湖州詩曰自是尋春去較遲  
不須惆悵怨芳時狂風落盡深紅色茂綠成陰子滿枝  
今觀麗情集則曰自恨尋春到已遲往年曾見未開時  
如今風擲花狼籍綠葉成陰子滿枝大意雖同而前詩  
似勝若論紀實則後者爲是尙當求杜集正之

### 柳香

近見臨川葉宋英有贈行詩曰柳香何處春風店酒醒  
月明聞杜鵑絕愛其興致清婉後見太白詩有云風吹  
柳花滿店香乃知有所自來特未知柳果有香否

蠶蛾詩

記兒時嘗聞人誦蠶蛾詩頗有思致今猶能記閒爲諸  
孫誦之曰自家纏裹一堆堆鼎沸方知身是災僥倖成  
蛾還棄擲更教明歲早歸來蓋江南土俗每遇蛾繅卵  
後卽送之長流祝曰蠶蛾兒蠶蛾兒明歲早歸來

義試詩

往昔江南承平時鄉里諸齋閒出題示學者賦絕句考  
殿最有極精巧者是時俱名曰義試詩嘗鈔錄成帙亂  
離失之今猶記其一二有湯清伯賦夾竹桃曰芳姿勁



節本來同綠蔭紅妝一樣濃我若化龍君作浪信知何  
處不相逢又某人賦蒲萄月曰春藤上架翠成窠顆顆  
光凝晚景多疑是蓋宮開夕宴結成珠帳待常娥賦孔  
明草廬圖有曰南陽高臥屈將軍往事畱傳水黑昏莫  
訝軸閒茅屋小箇中藏得漢乾坤雖只體貼描畫然妙  
處自不可泯革命後會唯仲賦草意有曰輦路淒淒隔  
歲華王孫望斷怨天涯庭空煙雨無人管那有閒情襯  
落花傷時懷舊令人悽然又贛曾蒼山嘗賦楊妃轂曰  
萬騎西行過馬嵬凌波曾此墮塵埃莫言一曲香彎小

踏轉開元宇宙來

韓陵陽論晚唐詩

唐末人詩雖格致卑淺然謂其非詩不可今人作詩雖句語軒昂止可遠聽而其理則不可究此陵陽韓子蒼室中語也允謂深中宋詩之病近世劉後邨亦謂宋三百年人各自集詩各有體要皆經義策論之有韻者爾非詩也二三鉅儒十數大作家俱未免此病皆至論也其後劉須谿則又云後邨所短適在於此可發一笑

琵琶亭詩

諸呂家於江州仕宋累朝窮富極貴中外鼎盛及北兵  
至自文煥而下相率納款無一人抗節報國其後有題  
詩於琵琶亭者一日呂老見之揮淚其詩曰老大蛾眉  
負所天尙畱餘韻入哀絃江心正好看明月却抱琵琶  
過別船語意深婉信佳句也且有關於世道或云燕五  
峯右丞偕龍麟洲謁呂文煥酒酣命麟洲賦詩以琵琶  
亭爲題麟洲賦此譏之呂老納賄請改賦旣而好事者  
流傳

義燕詩



金會昌五年田器之帥師沙漠有燕子巢其土屋秋社  
前戲以帛題詩云幾年塞土負艱危何事烏衣亦此飛  
朝向沙場如有故暮投茅屋似相依君憐我處來迎語  
我憶君時不掩扉明日西風悲鼓角君應先去我何歸  
用蠟封裹繫於其足至泰和四年移上黨幕府時已十  
年忽於合翠堂見雙燕一飛戶牖一棲硯屏器之見其  
足有所繫解之得舊詩遂繪爲圖當時吟咏甚富今師  
孟郎中乃器之嗣賢也復求諸公賦之予欲效顰而未  
能也姑記其事

弔李冑齋詩

相士葉秋月誦北人崔參政弔潭帥李冑齋詩曰一夕  
司空撫御牀祖龍未死國先亡只緣西楚無堅壁致使  
南州總戰場湘水一川骸骨滿冑齋萬古姓名香我來  
不見先生面獨對西風酹一觴

無名好詩

嘗記人誦一二詩皆好而不知其姓名上元詩云天碧  
銀河欲下來月華如水浸樓臺誰將萬斛金蓮子撒向  
層城午夜開茶詩云山谷雲濃春雨多曉來四野布干

陸長通詩卷十  
戈鎗旗不染匈奴血畱與人閒戰睡魔又感時一首云  
莫厭追歡買笑頻沈思離亂可傷神閒時屈指從頭數  
得到清平能幾人此唐末五代時人所作讀之殊愴然  
也

釘詩

宋開慶己未丁大全緣宦者董宋臣得相不慝人望江  
西路分繆萬年賦釘詩以刺之大全大怒繩以法配化  
州其詩云頑礪非銅剛樣堅寒阮纔離亟趨炎十來槌  
打隨成器一得人拈却逞纖不怕斧敲惟要人全馮鑽



引任教嫌休言深處難抽拔自有羊躡與鐵鉗

豆腐詩

宋咸淳間古州龍泉縣有賣豆腐王老者年八十有六  
平生朴素不識字忽呼其子告以欲歸令代書豆腐詩  
曰朝朝只與磨爲親推轉無邊大法輪碾出一團真白  
玉將歸同向未來人言訖坐化詩意亦有味也

夢中得詩

叔長秋麓先生無子以外族仲弁汝素爲後旣卽世仲  
弁本生家曰兄曰弟盤踞於其室晨夕香鐙弗顧也一

夕秋麓見夢仲并有怒色索紙筆遂書一詩示之曰花  
邊臺榭柳邊城此日相逢各自親曾憶當年燈下語如  
今辜負隴頭春詰朝仲并焚香謝過遷其若兄若弟別  
室仲并涕泣與予言之予謂世人云夢生於想子平日  
不學非能吟者心想之所不至今詳格調句法甚類生  
前之作則幽冥之怒深矣孰謂有死生之分哉

揚州上元鐙詩

賈似道鎮維揚日上元張鐙客有摘古句作鐙門詩者  
曰天下三分明月夜揚州十里小紅樓衆稱其切吾嘗

以爲此必葑州廖瑩中所爲也唐人詩曰天下三分明月夜二分無賴是揚州又唐人登第詞曰揚州十里小紅樓盡捲上珠簾一半皆本郡事也

### 山谷達論

山谷有短句云三公未白首十輩擁朱輪只有人看好何益百年身但願身無事清罇對故人此達者之論足以警世

### 賦詩誤用事

南唐李後主煜崇信浮屠法刑政多弛有司奏死刑若



遇其齋日則於宮中佛前然鐙以達旦爲驗謂之命鐙  
未旦而滅則論如律不然率貸死富人賂宦官竊續膏  
油往往獲免近世臨川曾景建極賦金陵百詠有曰五  
詳三覆始施刑明滅蘭膏豈足馮可惜當年殺嚴續無  
人爲益決囚鐙按續字興宗馮翊人徙家廣陵因父蔭  
仕南唐爲禮部尙書中書侍郎以不附宋齊丘爲元宗  
景所知兩登相位盡忠不貳後以言不見用求罷拜鎮  
海軍節度使屬疾還都後主以其國戚遣內夫人問之  
慙陳羣臣衰正辭氣忼慨不及其私翼曰卒諡曰懿續

始終全美未嘗被殺也曾公大詩人亦不免誤用事

隱居通議卷十終



隱居通議卷十一

南豐劉 壘起潛著

詩歌六

興亡歌詠

漢高帝大風之歌曰大風起兮雲飛揚威加海內兮歸  
故鄉安得猛士兮守四方宋太祖咏日出之詩曰欲出  
未出紅刺刺千山萬山如火發須臾擁出大盆盆趕退  
殘星逐退月陳後主之詩曰午醉醒來晚無人夢自驚  
夕陽如有意偏傍小窗明南唐李後主之詞曰櫻桃落

盡春歸去蜨翻輕粉雙飛又曰門巷寂寥人去後望殘  
煙草萋迷合四君之所作而論之則開基英雄之主與  
亾國衰弱之君氣象不同居然可見

詩句寫太平

李文定公昉禁林春日詩有曰一院有花春晝永萬方  
無事詔書稀歐陽文忠公送田秦州詩有曰萬馬不嘶  
聽號令諸蕃無事樂耕耘蘇文忠公和熙河帥蔣穎叔  
上元詩有曰永夜出游從萬騎諸羌入看擁千層凡此  
皆可想見昔日太平氣象每讀此詩令人慨然

吟咏誅姦

一代之亾必有一誤國者爲人所指自見於吟詠自唐  
以來賦者多矣雖機軸不免相同然誅姦諛於旣死誠  
千古之一快不可議其蹈襲也如唐彥謙詠文惠宮人  
云認得前家令宮人淚滿裾不知梁佐命全是沈尙書  
李泰伯觀詠漢宮云哀平外立國權分只爲當時乏嗣  
君試問莽新誰佐命祇應飛燕是元勳鄭毅夫獬詠范  
蠡云十重越甲夜成圍宴罷君王醉不知若論破吳功  
第一黃金只合鑄西施趙漢宗詠張麗華云陳事分明



屬綺羅香塵吹盡井無波行軍長史何勞怒次第論功  
妾更多予叔長秋麓翁咏陳後主亦云晉王前殿賀平  
陳從此江南雨露均四百年閒重混一誰知江令是忠  
臣宋之失國賈似道爲之也余竊嘗爲之詩云三百年  
餘歷數更東南萬里看昇平黃金臺上麒麟閣混一元  
勲是賈生

半山詠楊雄

王荊公論楊雄云九流沈溺道真渾獨溯頽波討得原  
又云千古雄文造聖真眇然幽息入無倫雄仕漢朝非

止州縣微官而已也美新投閣臣節不終律以名義蓋  
有疵焉而前輩諸賢亟稱之昌黎公以雄爲聖人之徒  
南豐曾文定公以雄爲合於箕子之明夷司馬文正公  
親注法言尊雄甚至水心葉公著習學記言譏評古今  
無全人矣獨於雄傾心焉今荆公之詠又以聖真許之  
諸老豈許其文學略其名節耶夫學者固將學爲忠與  
孝也雄大節若是雖學洞天人文貫經史抑末矣湘東  
金管不爲子雲屈也近世惟馬子才著論以聲雄之罪  
又有陳黯者亦有是言子不幸生非盛世逢此更遷日

擊叛降滔滔皆是故於雄之事蹟蓋三歎焉近觀後邨  
劉潛夫詩話有一論攻雄之短劉益出於賈似道之門  
者其人固非名節士也乃識大義如此或者曰南豐先  
生合於箕子明夷之言不爲無見學者必知人論世而  
後可也當詳參之

半山讀蜀志

荆公讀蜀志詩云千載紛爭共一毛可憐身世兩徒勞  
無人語向劉元德問舍求田意最高夫曹瞞父子挾姦  
雄之資蓄篡逆之計弑帝后竊神器漢室之賊也稍負



志節者皆欲奮臂誅之昭烈帝室之胄武侯爲輔首扶  
名義必報國仇雖大勲不成而魏之君臣畏蜀如虎終  
其身不得奠枕萬世之下忠臣義士猶得藉此以維持  
世教則昭烈懿識孔明盛心固與日月爭光矣荆公乃  
咎其爲紛爭而俾爲求田問舍之舉何其闇於名義如  
此朱文公嘗議司馬溫公作通鑑不應尊魏爲正統而  
書諸葛亮爲入寇且曰使溫公在當時必去仕魏吾亦  
曰使荆公在當時亦必從魏矣眉山李氏云公此詩於  
理未安蓋興復之義天人所同不可以紛爭議之允謂

名言然反覆此詩其意蓋深痛劉禪之不克嗣業故歎  
息於紛爭之徒勞也是又不得以辭害意矣

半山讀後漢書

荆公讀後漢書云黨錮紛紛果是非當時高士見幾微  
可憐竇武陳蕃輩欲與天爭漢鼎歸公之意蓋有取於  
申屠蟠之知幾而深致歎於蕃武之蹈禍未爲非也然  
蕃武忠君愛國辭嚴諍正不暇自卹故蹈危機其失在  
於疏爾忠憤凜凜霜日爭嚴此豈可厚誣者人人如蟠  
信明哲矣一諉諸天如王室何荆公持論多不猶人如

哀昭烈之興復謂其不爲許汜田舍之計惜蕃武之忠義謂其與天爭漢室之亡皆有感乎其言之也

唐宋詩意同

唐人詩云昨日春風欺不在就牀吹落讀殘書劉貢父云惟有南風舊相識徑開門戶又翻書荆公云閒眠盡日無人到自有春風爲埽門賀方回云蠟屐舊痕尋不見東風先爲我開門四詩意雖相近然論其自然則荆公貢父所作爲勝

又



唐戎昱詩云寒江近戶慢流聲竹影臨窗亂月明歸夢  
不知湖水濶夜來還到洛陽城荆公云三年衣上禁城  
塵撫事茫然愧古人明月滄波秋萬頃扁舟長載夢中  
身又云鍾山咫尺被雲埋何況南鄰與北齋昨夜月明  
江上夢逆隨潮水到秦淮又有陳洙題御史臺壁云清  
朝無事諫章疏竊祿經年臥直廬惆悵平生不如夢春  
來三度到谿居後有崔球妻一詩云數日相望極須知  
意思迷夢魂不怕險飛過大江西此數詩皆同一意若  
其品格必有能辨之者

二詩懷舊

荆公題永慶寺雲遺墨後云遺骸豈久人間世故有情  
鍾未可忘陸放翁題沈園云此身行作稽山土猶弔遺  
蹤一泫然二詩皆懷舊感愴之意而陸失之露

半山絕句悟機

天街小雨潤如酥草色遙看近却無最是一年春好處  
絕勝煙柳滿皇都此韓詩也荆公早年悟其機軸平生  
絕句實得於此雖殊欠骨力而流麗閒婉自成一家宜  
乎足以名世其後學荆公而不至者爲四靈

趙靈芝翁  
靈舒徐靈

暉徐靈淵

又其後卑淺者落江湖風斯下矣荆公之子元澤嘗有詩曰一雙燕子語檐前病客無憀盡日眠開徧杏花人不見滿庭輕雨綠如煙殊有乃翁詩格然其人極不足道

### 黃陵廟詩

東風吹草綠離離路入黃陵古廟西帝子不知春又去亂山無主鷓鴣嘯此陸士規題黃陵廟詩也興致深長殊有唐人標格然其人客秦檜之門有不足道者故其名不傳



三賢堂題咏

嘉定閒袁韶以戶部尙書知臨安府大榷酒利雖湖上  
三賢堂亦令賣酒有題詩於壁者曰和靖東坡白樂天  
幾年冷落在湖邊如今往事都休問且爲袁韶辦酒錢  
韶聞而媿之幾住賣韶史彌遠之黨聚斂臣也小人無  
忌憚烏知三賢

謝君澤詩

杜鵑呼我我歸休陸有輕車水有舟笑殺西湖湖上客  
醉生夢死戀杭州此謝君澤題於湖上之詩也時賈師

憲居西湖疑此詩譏已陰使人害之君澤覺急投身呂  
師夔獲免君澤名兩信州貴谿人有文名兄君直名枋  
得文筆尤奇健雖擢科第亦以素譏議賈中遭貶責仕  
宦蹉跎而勁直不懼亦奇人也師憲以父忠肅公故且  
緣賈妃得早貴盛年歟歷臺閫以至宰相穆陵晏駕受  
遺定策拜太傅平章軍國重事倦趨常朝自請於都城  
外葛嶺剏私第占湖山天下之景積富累貴窮奢極侈  
既猶以爲未足乃卽湖上創道堂殊壯麗日領雲水道  
入數百輩於中頻設齋餽覬得神仙焉嗚呼無厭甚矣

既爲相又求仙儻遂所圖是神仙可以富貴得而蓬瀛亦爲逋逃藪矣

誠齋詠徐孺子

誠齋先生楊文節公咏徐孺子云南州一高士東漢獨清風此兩句辭峭而意足無能及者繼云故國已禾女荒阡猶石翁則幾於刻畫不及前聯矣

謝法曹詩句

多情未老已白髮野思到春如亂雲此兩句見歐詩中注云謝法曹所作惜不知其何名蓋佳句也



奪胎換骨

唐劉禹錫作柳州文集序云韓退之曰雄深雅健似司馬子長崔蔡不足多也崔謂崔瑗蔡謂蔡邕山谷咏張文潛詩亦用此意有曰鼃張班馬乎崔蔡不足云其善于奪胎換骨如此而世或未之知也

詠梅詩詞

病骨稜稜瘦欲飛業根猶暗愛梅非夢魂夜夜尋花去時帶寒香踏月歸此陳伯西詠梅絕筆也伯西吉之泰和人學楊補之作梅其酷嗜如師而得筆外意作推蓬

圖或半樹或一樹橫斜曲直莫不天成而詩尤清苦世  
言補之未嘗作半樹梅惟伯西喜作半樹余藏補之醉  
筆扇面後有玉燭新梅詞一闕補之自書筆法槎牙可  
愛獨恨未見伯西梅耳其詞曰荒山藏古寺見傍水雲  
開一枝三四蘭枯蕙死登臨處慰我魂銷惟此可堪紅  
紫管不解和羹結子高壓盡百卉千葩因君今脩花史  
昭華且莫吹殘待淺檻枯牀寫交形似此時胸次疑冰  
雪洗盡從前塵滓吟安箇字判不寐勾牽幽思誰伴我  
香宿蠶媒光浮月姊右玉燭新紹興乙亥歲子楊子所

附錄詩卷十一  
九  
作後三年當予亡命蕭永言同醉見予舉似急索紙而  
恨無敲冰玉屑以備惡語予乘狂興信筆不覺盈軸他  
日非具眼好事者勿輕予之永言頗領略是語然永言  
子孫衆多又以藥石積陰德必有高其門者應能爲我  
入石以廣之冬十一月望鐙下補之書

窗閒句

嘗記何處窗閒有人書云近來黑白無分曉墨作梅花  
賣得行句雖淺近亦有味也後始知爲蕭冰崖詩

唐宋及第詩



予舊嘗見壁閒一聯云利市襴衫拋白苧風流名字寫  
紅箋甚愛之不知誰作今乃知爲王黃州禹偁賀人及  
第詩也唐進士科甚貴初登第卽以紅箋書名見人又  
唐薛能詩莫欺缺落殘牙齒曾喫紅綾餅餤來紅綾餅  
餤亦是唐新進士時事

觀邸報題詩

丹瑕先生張誠子自明嘗有一絕句云西風颯颯雨蕭  
蕭小小人家短短橋獨倚闌干數鷺匹一聲孤雁在雲  
霄前題曰觀邸報見者輒不解曰觀邸報而其詩若此

何也有一士獨太息曰此詩興致高遠真得作詩之法  
何也彼以觀邸報爲題而其旨如此甚不難見風雨蕭  
颯興國事風塵也小小人家興建都錢塘僅得一隅也  
短短橋興朝廷無長策濟時也獨數驚匹興所屬意者  
卑污之人也雁在雲霄興賢者高舉遠引也當時必有  
君子去國故爲是語試以此意吟咏則得矣不然則詩  
與題奚關哉此蓋善于評詩者大抵詩以興意爲主是  
誠可爲作詩法

坡仙詩句

東坡詩句云近來天氣應難料向煖猶須御袂衣玉泉  
黃伯厚亦有絕句云社寒比臘更清嚴花藥蕭疏半欲  
緘過手重裘猶得力莫將晴煖信春衫二詩意雖同然  
論其蘊藉則黃句爲勝

辨秋胡婦

秋胡婦一事顏延年首詠之有曰峻節貫秋霜近世豐  
城陳壽父傑賦曰長旦走縣薄盛年羞乞墦託身未分  
明一隔五暑寒中堂幸有姑力養可忘年春月蠶事起  
采桑道旁阡懷金者誰來解橐陳甘言此物奚至哉妾



心炳如丹反舍尙三唾欣聞藁砧還胡然道傍金乃在  
阿母閒嘗經挑桑婦還以奉慈萱歡飲豈不歡伉儷難  
爲顏反覆重子污濯之清泠淵誠雖匹婦諒微義不猶  
完又有寧都蕭立之等賦序曰秋胡婦事見傳記顏延  
年作詩高之夫卻行道者之金信其潔矣然憤其夫之  
說桑婦而卒以是死焉推此意也無亦類世所謂妬婦  
者耶因歌之曰君家作婦五日強錦衾未煖鴛鴦牀阿  
郎遽作遠游別五載菽水空襦裳采桑忽忽春風陌郎  
婦相逢不相識探囊贈妾雙黃金妾心如水介如石阿

郎歸來坐堂前低頭相視默不言郎心如此不易保醜  
君一死滄波寒稜稜峻節秋霜句斷簡風流映千古後  
來一種可憐人却遣江津名妒婦陳號自堂蕭號冰厓  
皆江西名詩人一取其義一疑其妒吟筆灑然皆足以  
發所欲言之意然以予考之古或無此事特著書者之  
寓言耳若以理推則新婚離別若少陵所詠近於征役  
峻切勢不得已容有之也今秋胡子不過爲仕宦而往  
陳非有迫促于其後者何五日而遽別邪王者之制新  
婚者期不使雖官府猶諒其燕好方新而寬之況游宦

之權遲速由已乎自魯至陳道路不至懸遠何至五年而不歸獨不可謁告省其親乎既婚五日矣猶不認其妻之容貌非癡人乎夫既曰癡矣路途桑女又何爲近之是不癡也則未必不認其妻也既別五年想其侍養其紡績其理家叢脞不止蠶桑而已也當其采桑勞苦備至顏貌必非若初嫁時矣以顛顛時猶出金桑下以相挑引則新婚少艾又何遽舍而遠游乎考古如訊獄必深求其情而後可意者古人創此一段奇事以警後世而詩家取以作題目發吟思耳武成周書也去春秋



戰國同代而未遠又經聖筆親定孟氏猶曰盡信書不如無書

詠史

肝江李先生觀咏漢史有云試問莽新誰佐命祇應飛燕是元勲此意甚新後白雲趙宗丞崇嶠詠張麗華亦云行軍長史何勞怒次第論功妾更多詩意一同按隋書晉王廣爲淮南行省尙書令行軍元帥率師伐陳以高頴爲元帥長史師渡江高頴先入建康晉王廣使人馳告之令畱張麗華頴曰昔太公蒙面以斬妲己此豈

可畱也斬之廣聞之變色曰昔人云無德不報我必有以報高公矣由是恨頗然隋之得以滅陳則麗華力也

又

漢成帝以淖方成爲披香殿博士時趙飛燕之妹趙昭儀方幸方成見之曰此禍水也滅火必矣故白雲翁之詩曰甲帳初停燕子飛小雛相趁共羞池春風吹水粼粼長已有披香博士知

五言絕句難工

五言絕句最難工蓋字逾少而意逾長乃爲有味近世

所刊有一二絕佳者如楊韶父古意曰江南望江北人  
去竟難招春水無期約年年到小橋李商卿晚春曲曰  
春欲歸何處流鶯也不知只應江上水暗與落花期姚  
令威僧房晝寢曰薄薄簾櫳日陰陰殿閣風無人驚午  
夢雙蜨下花叢趙漢宗折柳詞曰行人須折柳折取最  
長條明日天涯路無人看舞腰此數詩皆妥貼閒適有  
天然自在之趣可以吟諷

詠墨梅

近世有詠墨梅者一詩云高髻長眉滿漢宮君王圖玉



按春風龍沙萬里王家女不著黃金買畫工又一云五  
換鄰鐘三唱雞雲昏月淡正低迷金簾不著闌干角瞥  
見傷春背面唬評詩者謂去題太遠不知其咏何物簡  
齋陳去非詠墨梅云粲粲江南萬玉妃別來幾度見春  
歸相逢京洛渾依舊惟恨緇塵染素衣曹元象云憶昔  
神游姑射山夢中栩栩片時還冰膚不許尋常見故隱  
輕雲薄霧閒評詩者亦以爲格調雖高去題終遠子謂  
後二詩尙見髣髴前二詩委是懸遠然却是好詩只欠  
換題目耳坡翁云作詩必此詩定知非詩人亦可執此

語以自解

疊山自況

宋未賈似道柄國弄權已甚疊山先生謝枋得賦一詩  
自況曰手撚琪花吹玉簫至人長與道消搖黃雲白鶴  
無拘束閒看吳兒弄晚潮其婉婉沈著有唐人風致蓋  
其自處亦甚高矣其傷時亦甚隱而切矣

隱居通議卷十一 終



隱居通議卷十二

南豐劉 壘起潛著

詩歌七

文丞相采薇歌

文丞相天祥至公血誠捐軀死國忠義之節照映古今  
固不以文章爲存亡也然近日書市刊其采薇歌成帙  
易其名曰吟嘯橐皆丞相戰敗後被執過北時詩實多  
佳句謾摘於此亦可因其詩以知其心矣

出嶺同誰出歸鄉如此歸

被執出南  
安軍作

如此歸三字最有

深味今繆者誤刊作如不歸則意味索然矣

雲靜龍歸海風清馬渡江

萬安晚渡

長有歸來夢衣冠滿故園

寄里中友

風雨宜城路重來白髮新長江還有險中國自無人  
安慶府

方誇金塢築豈料玉牀搖國體真三代江流舊六朝鞭

投能幾日瓦解不崇朝千古吳山恨西風捲怒潮

魯港乃賈

似道潰師處此結句絕妙

健兒徙幽土新鬼哭臺城一片清谿月偏於客有情

建康

蒲萄肥汗馬荆棘冷銅駝巫峽朝雲溼洞庭秋水波

江行

有感

英雄遺算晚天地暗愁新

真州

庾子江南夢蘇郎海上貧

呈中齋

禾黍西風夢川原落日悲斯文今已矣來世以爲期

同

一彎流水小數畝故城荒回首江南路青山斷夕陽

過召伯

芳草中原路斜陽故國情

小情口

漠漠地千里垂垂天四圍

桃源道中



野濶人聲小日斜駒影長

崔鎮驛

家國哀千古男兒慨四方

汝陽館

欲鞭劉豫骨煙草暗荒邱

東平

土花開國舊風絮渡江前

過梁門

更和天塹失回首慘嘯鵑

同

芳草江頭路斜陽郭外邨

池州

七言

春事暗隨流水去潮聲空逐暮天回

越王臺

巡遠初無兒女態夷齊官作稻梁謀

黃金市

丹心不改君臣義清淚難禁父母邦

泰和

半生幾度此登臨流落而今雪滿簪南浦不知春已晚

西山但覺日初陰

隆興

滿地蘆花和我老舊家燕子傍誰飛從今別却江南路

化作嘯鵑帶血歸

金陵

眼裏游從驚死別夢中兒女慰生離

早秋

江海無情游子倦歲年如夢美人遲

晚起

客情恰與秋俱半人影何如月倍圓

中秋

青牛過去關山動白鶴歸來城郭荒

蒼然亭

古體

北征垂半年依依只南土今晨渡淮河始覺非故宇

云云

我爲綱常謀妻子不得顧

過淮河

衣煥露自乾鬚寒冰欲凝將軍戴鐵笠壯士敲金鐙

發宿

遷

自別張公子嬋媛不下樓遂令樓上燕百世稱風流我  
游彭祖門來弔楚王闕問樓在何處城東草如雪蛾眉  
代不乏埋沒安足論因何張家妾名與山川存自古皆  
有死忠孝長不沒但傳美人心不說美人色

徐州燕子樓



長陵有神氣萬歲光如虹有時風雲變魂魄來沛宮沛縣

歌風臺

軒冕委泥涂衮繡易氎毳百年雜醜好始酌四方志發潭

唐家再造李郭力若論牽制公威靈平原

當年幸脫安祿山白首竟陷李希烈希烈安能遽殺公  
宰相盧杞欺日月亂臣賊子歸何處茫茫煙草中原上  
公死於今六百年精忠赫赫轟行天同前

我過梁門城樓桑在其北元德已千年青煙繞故宅道

傍爲揮淚裏回秋風客天下臥龍人多少空抱膝樓桑

世以成敗論操懿真英雄

孔明

平生祖豫州白首起大事東門長嘯兒爲避一頭地何

哉戴若思中道奮螳臂豪傑事垂成今古長短氣

祖逖

人世誰不死公死千萬年

顏杲卿

睢陽水東流雙廟垂百世當時令狐潮乃爲賊游說

張巡

予每讀文丞相詩味其情思想其風景令人悲不自勝

爲之悵然廢卷竟日

道體堂刊文山集

文丞相人品科名官爵俱爲宋朝第一不必論其詩文  
自有與天同壽者然觀道體堂所刊文山集諸詩中惟  
棊詩四絕頗佳其一爲周子善言蕭耕山象奕能勝二  
劉不覺敗於子善子善又敗於我詩曰塘臂初來攫晚  
蟬那知黃雀沫饒涎王孫挾彈無人處一笑瑠盤屬玳  
筵其二爲耕山言老夫又敗與子善詩曰射虎將軍髮  
欲枯茫茫沙草正迷途小兒謾取封侯去還是平陽公  
主奴其三爲劉淵伯言所畏惟吾與子善耳詩曰坐踞  
河南百戰雄少年飛槊健如龍世間只畏兩人在上有



高公下慕容其四爲劉定伯言與淵伯上下也詩曰擊  
柱論功不忍看築壇刑馬誓河山當年灌絳知何似只  
在春秋魯衛間此四絕雖是比體亦自兼興可以諷詠  
餘不及也又慶羅母百歲有一律曰麗日萱花照五雲  
升堂風采見乾淳蓬萊會上逢王母婺女光中見老人  
雨露一門華髮潤江山滿坐綵衣新只將千歲苓爲壽  
更佐人間九百春詞雖直致意頗滿足猶記丁丑戊寅  
年間傳到一絕云丞相揚州城下所賦其詞慷慨激壯  
非佗詩人所能言也黯雲霏霧暗扶桑半壁東南盡雪

霜壯氣不隨天地變笑騎飛鶴入維揚

讀文山詩作

李明通謙思信州人也少以書義補入太學而論工策  
尤工每試多占魁列當時策體爲之一變後累試積分  
至優等上舍爲釋褐狀元授泉州推官歸時事改更隱  
居鉛山近有錄至所賦一章筆力甚健名曰讀文山詩  
作南人不識兩膝貴曲摺百態卑且勞斯人護膝不護  
頭甘以頸血黏弓刀蟠胃孤憤劈不碎殺氣千丈纏旌  
旄援枹親鼓盡南八背水更用蜚下鑿俘來祝墨吐神

語咄咄尙與天爭豪須臾赤日減顏色元雲莽眈風颭  
颭或言巨靈收拾付真宰讀罷拊臆生長號又言豐隆  
列缺對愁絕疾指玉鞭鞭六鼇雨瓢倒翻水怪舞斗極  
橫軋天籟號憐伊肝膽苦復苦誓見曩日真離騷劫灰  
滿地莫拄眼蓬萊雖遠容輕舠長驅癘鬼尙堪戰儘閒  
未許飛僊敖乃言廢興在爾不吾與吾死吾主吾焉逃  
魯叟聞言拍掌笑斯人六經爲骨爲皮毛斯人卷取六  
經去只將贗本傳兒曹

艾軒吟詠



艾軒林公光朝詩不多別爲體壓卷如東宮生日詩頗  
富麗其詩曰北闕雲爲堞東明玉作宮猗蘭迎曉日僊  
掌倚晴空笙律隨鳴鳳朝儀趁彩虹黃麾初入杖青桂  
自成叢冠屨分前後圖書考異同商盤如日擊義畫自  
心通慈燕來三殿驩謠在九功長秋傳夜飲京兆報年  
豐奕奕還嘉祐縣縣想建隆庶僚何所祝再拜續維熊  
又有癡頑不識字歌一首荅許叔節曰平生讀書如風  
過耳歲月共流轉如磨復如螳一如人嚼蠟而不見其  
味又如弄孤杵連夜不成米又如過羊腸十步復一止

見君詩舌如繭怪怪奇奇如懸崖萬仞盤龍古樹枝又如生馬不施控而馳又如錦苔封幔硯山晴淚碑又如玉關客血生老瘁衣盧仝孟郊骨已朽眼精頭顱孰傳授與君往還歲月久比來春風入我牖便覺庭前草木有生意跨蹇驢出古寺欲訪子雲問奇字想許公之詩必奇怪如盧仝輩故云爾生女一首曰貧家生一女蟋蟀催寒杵富家生一女煖風來玉樹富家生女纔及笄阿官門前新築堤貧家不生女飯半小兒安得妻荆釵玉璫各隨分醉中之天無高低乞貓有曰寧可時時被

鼠煎狂猫一夜不成眠廣南六月官軍到見說人家斷  
火煙送陳應求侍郎俊卿赴泉州序云昔侍郎蔡公嘗  
大書於洛陽橋之上今侍郎過洛陽當摩挲此石也某  
送別到惠安賦詩云百片牙旗水面長蔡邕題在刺桐  
鄉十年栳酒開雲樹一樣官銜過洛陽我亦攜家緣送  
客誰能埽地自焚香野橋衝臘寒梅白莫要登臨憶侍  
郎

梅邊集

頃壬辰癸巳歲有臨川朱兄浚過訪出其詩曰梅邊集



以惠教予愛其流麗穩熟不作寒乞語爲跋其後已而  
與之賡酬則與集中作大異豈謀野則獲與蒙被作文  
性情各有所宜邪然極愛之爲摘其句

七言律有云寺鐘城鼓兩相和共醉煙闌感慨多堤柳

垂金春幾許檐花鳴玉夜如何

春夜西湖

西風落葉長安夢晚節寒華老圃心

京師九日

玉帳分兵賦采薇梅華吹雪上戎衣將軍意氣中流楫

丞相功名采石磯

送人巡江

紅雲近處催班急只待春前奏凱歸

同上

蓬萊春思重雲上江漢秋情十載前

謝方碧虛

金寒霜氣山無虎劒動星光水有龍

平江虎邱山

皇帝當年第九春宮符仍詔刻麒麟軍容祭酒金臺客

國子先生鐵壁人

送吳制參赴麟州

明明采石兵前樣參贊歸來郎近臣

同前

落花水煖千船聚芳草春深一鶴歸

南浦夜泊

米車已過塵迷路漁網纔收月滿船

枇杷亭

五言不多皆穩熟可觀如海燕故人意杜鵑游子心

次韻

故里千山隔終年一字無

訪舊

谿月知相憶江雲約共吟

夜船書一紙飛過赤楓林

寄友

幾州陵變谷經月雨爲霖

世事今如此西風動客心


秋日西湖

絕句有贈賣墨呂雲叔訪陳煙山詩曰僊宗傳訣自分  
明未數當年老樹精一片紫雲光滴滴丹堦成就幾公  
卿又曰蓬萊僊子世偏珍琮璧多攜問楚津若向積煙  
峯下過殷勤傳語臥樓人都城初秋和趙京倅詩曰從  
來美玉價連城結佩乘風十二京攜上嵒嶨今有約好  
畱彩筆調清平暑夢蟲蟲似醉中片雲挾雨過長空不  
知秋色來多少分數煖涼卜晚風宇宙清愁望眼中誰





將涼雨借龍公秋風夜入關河迴破賊紅旗纔曉空凡  
此皆流麗不塵更增骨力便可名家矣

隱居通議卷十二終













隱居通議卷十三

南豐劉 壘起潛著

文章一

古今類編

古今類編詩文如梁之文選唐之文粹宋之文鑑雖篇帙浩博可以考見累朝文字之盛然俱無統紀至近世真文忠公編類文章正宗分爲四門曰辭命曰議論曰敘事曰歌詩去取有法始爲全書足以垂訓不朽如宋初編文苑英華之類尤不足采或謂當時削平諸僭其

降臣聚朝多懷舊者慮其或有異志故皆位之館閣厚其爵祿使編纂羣書如太平御覽廣記英華諸書遲以歲月困其心志於是諸國之臣俱老死文字閒世以爲深得老英雄法推爲長策以予觀之是惟無英雄爾果有英雄此何足以束縛之彼以繙閱故紙尋行數墨者謂之英雄寧不足笑邪當時如江南徐鉉號爲辯士之雄然猶不能使其國之不亡孰謂旣亡之後猶能逞異志而使亡者復存邪此好議者之過也又如文選諸詩乃昭明太子一時偶取八集初非立體而後世作詩者

乃創立一名曰此爲選體尤非確論

### 政事堂記

唐李華作政事堂記曰政事堂者君不可以枉道於天  
反道於地覆道於社稷無道於黎元此堂得以議之臣  
不可以悖道於君逆道於人黷道於貨亂道於刑克一  
方之命變王者之制此堂得以易之兵不可以擅興權  
不可以擅與貨不可以擅蓄王澤不可以擅奪君恩不  
可以擅閒私仇不可以擅報公爵不可以擅私此堂得  
以誅之事不可以輕入重罪不可以生入死法不可以



剝害於人財不可以擅加於賦情不可以委之於倖亂  
不可以啟之於前伐柰不賞削柰不封聞荒不救見饑  
不矜逆諫自賢違道傷古此堂得以殺之故曰廟堂之  
上樽俎之前有兵有刑有梃有刃有鈇鉞有鴆毒有夷  
族有破家登此堂者得以行之故伊尹放太甲之不嗣  
周公誅管蔡之不咸霍光廢昌邑之亂梁公正廬陵之  
位自君弱臣強之後宰相主生殺之柄天子掩九重之  
耳燮理化爲權衡論道變爲機紐傾身禍敗者不可勝  
數列國有傳青史有名可爲終身之戒母罪斯記云此

記峻潔嚴健足稱名筆非後世時文語可及也華之名迹不甚大顯然此篇與弔古戰場文俱可傳誦

涪縣學記

自孔子沒到今千六百有餘歲然而道不離乎五常文不違乎六經夫子當衰周之際羣三千之徒異能之士踰七十人焉子路最長少孔子九歲耳顏子生後孔子三十年而父子嘗各異時事孔子楚人公孫龍者最少少孔子五十有三歲不知當時凡事孔子者長少竝列所見何學所慕何事陳蔡之圍至七日不火食而弦歌

不衰孔子沒子貢廬於家者六年然後去弟子及魯人  
從而家者百有餘室傳數世而諸儒講禮鄉飲大射必  
於其家廟習焉迨楚兵爭魯微甚矣終爲守節禮義之  
國漢王欲引天下兵加之卒不敢而反禮之然則孔氏  
之教狂簡之遺風也而可以僞爲哉夫知道者於文必  
知文固學之餘事也而今方以爲病何也以上乃蜀中  
涪縣學記論孔門文學一節頗有淵源忘其誰作謾錄  
備覽

歐公文體



歐公文體溫潤和平雖無豪健勁峭之氣而於人情物理深婉至到其味悠然以長則非佗人所及也嘗見其天聖明道閒有一書與富文忠公責其久不寄書曰彥國自西歸於今已踰月無由一致書蓋相別後患一大疽爲苦久之不暇求西人行者然亦時時有客自西來獨怪彥國了無一書又疑其人不的於段氏僕夫來致幾道書此人最的宜有書又無然後果可怪也始與足下別時屢邀聖俞語雖書者於朋友閒不以疏數爲厚薄然旣不得羣居相笑語盡心有此猶足以通相思知

動靜是不可忽苟不能具寸紙數行亦可易致則可頻  
致猶勝都不致也當時相顧切切要約如此謂今別後  
宜馬朝西而書夕東也不意足下自執牛耳登壇先歆  
降壇而吐之何邪平生與足下語思欲力行者事何限  
此尺寸紙爲俗累牽之尙不能勉強向所云云使僕何  
望哉洛陽去京爲僻遠孰與絳之去京師也今尙爾至  
絳又可知矣自相別後非見聖俞無可語者思得足下  
一書不翅飢渴故不得不怵怵也此書非特曲盡事情  
而當時朋友真切之意尙可想見

跋華嶽題名

公又有跋華嶽題名碑寓意感慨讀之令人淒然其文曰右華嶽題名自唐開元二十三年訖後唐清泰二年實二百一年題名者五百一人再題者又三十一人往往當時知名士也或兄弟同游或子姪竝侍或寮屬將佐之咸在或山人處士之相攜或奉使奔命有行役之勞或窮高望遠極登臨之適其富貴貧賤歡樂憂悲非惟人事百端而亦世變多故開元二十三年丙午是歲天子耕籍田肆大赦羣臣方頌太平請封禪蓋有唐極



盛之時也清泰一年乙未廢帝篡立之明年也是歲石敬瑭以太原反召契丹入自雁門廢帝自焚於洛陽而晉高祖入立蓋五代極亂之時也始終二百年間或治或亂或盛或衰而往者來者先者後者雖窮達壽夭參差不齊而斯五百人者卒歸於其盡也其姓名歲月風霜剝裂亦或在或亡其存者獨五千仞之山石爾故特錄其題刻每撫卷慨然何異臨長川而歎逝者也治平元年清明後一日書

跋華陽頌

公跋唐華陽頌攻破佛老之說尤爲有理其詞曰右華陽頌唐元宗詔附元宗尊號曰聖文神武皇帝可謂盛矣而其自稱曰上清弟子者何其陋哉方其肆情奢淫以極富貴之樂蓋窮天下之力不足以贍其欲使神仙道家之事爲不無亦非其所可冀矧其實無可得哉甚矣佛老之爲世惑也佛之徒曰無生者是畏死之論也老之徒曰不死者是貪生之說也彼其所以貪畏之意篤則其棄萬事絕人理而爲之然而終於無所得者何哉死生天地之常理畏者不可以苟免貪者不可以苟

得也惟積習之久者成其邪妄之心佛之徒有臨死而不懼者妄意乎無生之可樂而以其所樂勝其所可畏也老之徒有死者則相與諱之曰彼超去矣彼解化矣厚自誣而託之不可詰或曰彼術未工故死爾前者苟以遂其非後者從而惑之以爲誠然也佛老二者同出於貪而所習則異然必由棄萬事絕人理而爲之其貪於彼者厚則捨於此者果若元宗者旣溺於此又慕於彼不勝其勞真可笑也

跋等慈寺碑



跋顏師古等慈寺碑亦論佛老之惑曰右等慈寺碑顏  
師古謾其寺在鄭州汜水唐太宗破王世充竇建德乃  
於其戰處建寺云爲陳亡士薦福唐初用兵破賊處多  
大抵皆造寺自古創業之君其英豪智略有非常人可  
及者矣至其卓然信道而知義則非積學誠明之士不  
能到也太宗英雄智識不世之主而牽惑習俗崇信浮  
圖豈以其言浩博無窮而好盡物理爲可善邪蓋自古  
文姦言以惑聽者雖聰明之主或不能免惟其可喜乃  
能惑人故子於本紀譏其牽於多愛者謂此也

跋昭仁寺碑

跋幽州昭仁寺碑曰右昭仁寺碑在幽州唐太宗與薛舉戰處也唐自起義與羣雄戰處後皆建佛寺云爲陳亡士薦福湯武之敗桀紂殺人固亦多矣而商周享國各數百年其荷天之祐者以其心存大公爲民除害也唐之建寺外雖託爲戰亡之士其實自贖殺人之咎耳其撥亂開基有足壯者反區區於此不亦陋哉碑文朱子奢譔而不著書人名氏字畫甚工此予所錄也治平甲辰秋分後一日書

跋晉帖

跋晉帖議論亦佳其說曰右王獻之法帖子嘗喜覽魏  
晉以來筆墨遺蹟而想前人之高致也所謂法帖者其  
事率皆弔哀候病敘睽離通訊間施於家人朋友之間  
不過數行而已蓋其初非用意而逸筆餘興淋漓揮灑  
或妍或醜百態橫生披卷發函爛然在目使人驟見驚  
絕徐而視之其意態逾無窮盡故使後世得之以爲奇  
翫而想見其人至於高文大冊何嘗用此而今人不然  
至或棄百事弊精疲力以學書爲事業用此終老而窮



隱居通言卷十三  
年者是真可笑也此論亦犂然當於人心

半山總評

我宋盛時首以文章著者楊億劉筠學者宗之號楊劉體然其承襲晚唐五代之染習以雕鐫偶儷爲工又號曰西崑體歐陽公惡之嘉祐中知貢舉思革宿弊故文涉浮靡者一皆黜落獨取深醇渾厚之作一時士論雖譁而文體自是一變漸復古雅南豐曾文定公臨川王荊公皆歐公門下士也繼出而羽翼之天下更號曰江西體論遂以定一時宋文遂與三代同風同時劉原父

亦善爲古文其作禮記補亡儼然逼真也佗作比曾王  
二公則不及因讀荆公集愛其數篇抑揚有味簡古而  
蔚慮或亡失因錄之

杜詩後集序

予考古之詩尤愛杜甫氏作者其詞所從出一莫知窮  
極而病未能學也世所傳已多計尙有遺落思得其完  
而觀之然每一篇出自然人知非人之所能爲而爲之  
者惟甫也輒能辨之予之令鄞客有授予古之詩世所  
不傳者二百餘篇觀之予知非人之所能爲而爲之實

甫者其文與意之著也然甫之詩其完見於今者自予得之世之學者至於甫而後爲詩不能至要之不知詩焉爾嗚呼詩其難惟有甫哉自洗兵馬下序而次之以示知甫者且用自發焉

靈谷詩序

靈谷詩序曰吾州之東南有靈谷者江南之名山也龍蛇之神虎豹翬翟之文章榎栴豫章竹箭之材皆自山出而神林鬼塚螭魅之穴與夫仙人釋子恢譎之觀咸附託焉至其淑靈和清之氣盤薄鬱積於天地之間萬



物之所不能得者乃屬之於人而處士君實生其陞君  
姓吳氏家於山陞豪傑之望臨吾一州者蓋五六世而  
後處士君出焉其行孝弟忠信其能以文學知名於時  
惜乎其老矣不得與夫虎豹鸞翟之文章楨枏豫章竹  
箭之材俱出而爲用於天下顧藏其神奇而與龍蛇雜  
此土以處也然君浩然有以自養遨遊於山川之間嘯  
歌謳吟以寓其所好終身樂之不厭而有詩數百篇傳  
誦於閭里佗日出其靈谷三十二篇以屬其甥王安石  
曰爲我讀而序之惟君之所得蓋有伏而不見者豈特

盡於此詩而已雖然觀其鑱刻萬物而接之以藻績非  
夫詩人之巧者亦孰能至於此此篇益放韓文送廖道  
士序

張刑部詩序

刑部張君詩數十篇明而不華喜諷道而不刻切其唐  
人善詩者之徒歟君竝楊劉生楊劉以其文辭染當世  
學者迷其端原靡靡然窮日力以摹之粉墨青朱顛錯  
叢麗無文章黼黻之序其屬情藉事不可考據也方此  
時自守不污者少矣君詩獨不然其自守不污者邪子

夏曰詩者志之所之也觀君之志然則其行亦自守不  
污者邪豈惟其言而已畀予詩而請序者君之子彥博  
也彥博字文叔爲撫州司法還自揚州識之日與之接  
云慶厯三年八月目序此序深言崑體之弊

祭曾博士文

嗚呼公以罪廢實亦不幸卒困以天亦惟其命命與才  
違人實知之名之不幸知者爲誰公之閭里宗親黨友  
雖知公名於實無有嗚呼公初公志如何孰云不諧而  
厄孔多地大天穹有時而毀星日脫敗山傾谷圯人居



其間萬物一偏固有窮通世數使然至其壽夭尙何憂  
喜要之百年一蛻以死方其生時窘若囚拘其死以歸  
混合空虛以生易死死者不祈惟其不見生者之悲公  
今有子能隆公後惟彼生者可無甚悼嗟理則然其情  
難忘哭泣馳辭往侑奠觴此文言死生之理辭意殊妙  
千古不易也曾博士當是南豐先生之父名易占官至  
太常博士

隱居通議卷十四

南豐劉 壘起潛著

文章二

南豐先生學問

濂洛諸儒未出之先楊劉崑體固不足道歐蘇一變文  
始趨古其論君道國政民情兵略無不造妙然以理學  
或未之及也當是時獨南豐先生曾文定公議論文章  
根據性理論治道則必本於正心誠意論禮樂則必本  
於性情論學必主於務內論制度必本之先王之法其

初見歐陽公之書有曰明聖人之心於百世之上明聖人之心於百世之下又曰趨理不避榮辱利害其卓然絕識超軼時賢先儒言歐公之文紆餘曲折說盡事情南豐繼之加以謹嚴字字有法度此朱文公評文專以南豐爲法者蓋以其於周程之先首明理學也然世俗知之者蓋寡亡佗公之文自經出深醇雅澹故非靜心探玩不得其味而予特嗜之其元豐類橐則覽之熟矣近得續橐四十卷細觀其間或多少作不能如類橐之粹豈公所自擇或學者詮次如莊子內外篇山谷內外



集之分歟其間如過客論則仿兩都賦如詔弟教則仿  
客難僮約進學解如襄陽救災記則仿段太尉逸事文  
公謂其多摹擬古作蓋此之類又有釋疑一篇亦仿西  
漢文字前輩謂此乃公少年慕學借此以衍習其文耳  
觀後聽琴序題趙充國傳題魏鄭公傳諸篇皆其妙者  
蓋不可及也其上李連州書十五歲所作前集禿禿記  
二十五歲所作公生於真宗天禧己未歲至仁宗嘉祐  
二年丁酉及第時年三十九矣神宗元豐五年壬戌四  
月試中書舍人賜紫金魚袋九月二十八日母仁壽太

君朱氏卒公丁憂明年癸亥四月丙辰公卒於江寧府年六十五歸葬南豐朱文公作年譜具載其本未如此

禿禿記

公之文源流經術議論正大然禿禿記則實自史漢中來也此記筆力高妙文有法度而世之知者蓋鮮予獨喜之不厭昔嘗交蜀中士大夫其論與予合一日與范忠文家子弟評文誦此記甚習且云蜀文士多誦之余因嘆西州之士猶能知會文之所以妙而生南豐之鄉者口耳乃未嘗及可不媿邪讀書無眼目何名爲士禿

禿記曰禿禿高密孫齊兒也齊明法得嘉州司法先娶杜氏畱高密更給娶周氏與抵蜀罷歸周氏恚齊給告縣齊貲謝得釋授歙州休寧縣尉與杜氏俱迎之官再期得告歸周氏復恚求絕齊急曰爲若出杜氏祝髮以誓周氏可之齊獨之休寧得娼陳氏又納之代受撫州司法歸閒周氏不復見使人竊取其所產子合杜氏陳氏載之撫州明道二年正月至是月周氏與其弟來欲入據其署吏遮以告齊齊在寶應佛寺受租米趨歸捽挽置廡下出偽券曰若傭也何敢爾辨於州不直周氏



訴於江西轉運使不聽久之以布衣書里姓行道上乞食蕭貫守饒州馳告貫饒州江東也不當受訴貫受不拒轉運使始遣吏祝應言爲覆周氏引產子爲據齊懼子見事得卽送匿旁方政舍又懼則收以歸檻其咽不死陳氏從旁引兒足倒持之抑其首甕水中乃死禿禿也召役者鄧旺穿寢後垣下爲坎深四尺瘞其中生五歲云獄上更赦猶停齊官徙濠州八月也慶厯三年十月二十二日司法張彥博改作寢廬治地得坎中死兒驗問知狀者小吏熊簡對如此又召鄧旺詰之合獄辭

雷州者皆是惟殺禿禿狀蓋不見與子言而悲之遂以棺服歛之設酒脯奠焉以錢與浮圖人升倫買塹爲壙城南五里張氏林下瘞之治地後十日也嗚呼人固擇於禽獸夷狄也禽獸夷狄於其配合孕養知不相禍也相禍則其類絕也久矣如齊何議焉買石刻其事納之壙中以慰禿禿且有警也事始末惟杜氏一無忌言二十九日南豐曾鞏作

### 南豐縣學記

慶厯四年南豐初建學會魯公易占作學記略曰古鄉

黨學校少長爲位以萃居敎用六德行藝節用五禮六  
樂糾用八刑論用其鄉之老蓋本之道民成化故其士  
之入朝在鄉居家皆就法度而莫爲非此古之所以爲  
治傳子孫不殆也自鄉黨之制廢學校雖存者亦戾古  
其居無少長敎無六德行藝節無禮樂糾非八刑論非  
其鄉之老不本之道民成化而主於辭故其士之入朝  
在鄉居家皆無法度而爲亦無所不至此後之所以不  
爲古也云云前輩相傳謂此記乃其子南豐先生十八  
歲少筆代公作也所謂不本之道民成化而主於辭一



語甚味蓋指科目辭章之弊而言夫武之弊削方鎮也  
文之弊徒尚辭也二柄既失矣欲強且久可得乎

曾文宗西漢

南豐先生曾文定公爲文章實宗西漢故王舍人震序  
其文曰自負要似劉向不知韓愈爲何如然予以劉向  
所作戰國策序與先生之序竝觀則勝於向蓋向之序  
文冗贅而先生之文謹嚴如曰論詐之便而諱其敗言  
戰之善而蔽其患其相率而爲之者莫不有利焉而不  
勝其害也有得焉而不勝其失也卒至蘇秦商鞅孫臏

吳起李斯之徒以亡其身而諸侯及秦用之亦滅其國  
此等筆力劉不及也

喜似

南豐續橐有喜似一篇爲介甫作尊敬甚至及其得志  
則與之異故過王介甫歸偶成云直道詎非難盡言竟  
多忤知者尙復然悠悠誰可語

雜識

南豐續橐有雜識二三兵事多放史漢文可觀宋史備  
要多采用之

年譜序

晦菴先生雅重南豐之文爲之作年譜考訂精實又爲作譜序其文殊類南豐豈韓文公效樊孟意耶今錄於左

南豐先生者諱鞏字子固姓曾氏南豐人丹陽朱熹曰予讀曾氏書未嘗不掩卷廢書而歎何世之知公淺也蓋公之文高矣自孟韓以來作者之盛未有至於斯未其所以重於世者豈苟而云哉然世或徒以是知之故知之淺也知之淺則於公之事論之猶不能無所牴牾



而況公之所以爲書者宜其未有以知之也然則世之  
自以知公者非淺而妄與其可歎也已公書或頗有歲  
月參以史氏記及他書舊聞次之著於篇

年譜後序

丹陽朱熹曰世有著書稱公文章者予謂庶幾知公求  
而讀之湫然卑鄙知公者不爲是言也然則世之自以  
知公者何如哉豈非徒以其名歟予之說於是信矣其  
說又以謂公爲史官薦邢恕陳無已以爲英錄檢討而  
二子者受學焉綜其實不然蓋熙寧初詔開實錄院論

次英宗皇帝時事以公與檢討一月免豈公於是時而能有以薦士哉其不然一也恕治平四年始登進士第元豐中用公薦爲史館檢討與修五朝國史其事見於實錄矣爲實錄院檢討而與修英錄於熙寧之初則未有考焉其不然二也師道見公江淮之閒而受教焉然竟公時爲布衣元祐中乃用薦起家爲郡文學是公於史館猶不得以薦之況熙寧時豈有檢討事哉其不然三也一事而不然者三則公所以教恕者其在元豐史館之時乎未可知也此予所謂牴牾者斯人爲世所重

自以知公故予不得不考其實而辨其不然者其書世或頗有以故不論著著其非是者焉

予考所謂斯人爲世所重者不知爲誰想在當時有權位故不敢斥言之也晦翁文字多稱紫陽今自稱丹陽未詳前序甚肖曾文後序差遠綜其實不然一語甚雅予極愛之後乃知出史記周紀贊中信知太史公語自是不同常人讀書皆泛泛耳似此一語誰復經心而老先生竟用之可見其心非泛泛者比



隱居通議卷十五

南豐劉 壘起潛著

文章三

樊宗師文

唐樊宗師作絳守居園池記好怪者多喜其奇古以予  
觀之亦何奇古之有礲戛磊塊類不可讀如第一句曰  
絳卽東雍爲守理所猶爲可曉第二句曰稟參實沈分  
第三句曰氣蓄兩河潤便已作怪第四句曰有陶唐冀  
遺風餘思纔覺平順第五句則又曰晉韓魏之相剝剖

云云自此而下皆層疊怪語矣其末曰攷其臺亭沼池之增蓋豪王才侯襲以奇意相勝至今過客尙往往有指可創起處予退常吁後其能無果有不補建者池由於煬反者雅文安發土築臺爲拒誅幾附於汚宮水本於正平軌病井鹵生物瘠引古沃澣人便幾附於河渠嗚呼爲附於河渠則可爲附於汚宮其可書以薦後君子以上皆結語而不知意落何處凡文章必有樞紐有脈絡開闔起伏抑揚布置自有一定之法今徒以詭異險澀難讀爲工其於六經簡嚴易直之旨合乎否也按

宗師字紹述仕唐與韓文公同時歷金部郎中絳州刺史徵拜左司郎中又爲絳州刺史徙絳州遷諫議大夫卒韓公銘其墓謂紹述文必已出不蹈襲前人一言一句放恣橫從無所統紀然不煩繩削而自合其意已寓抑揚矣夫作文而無所統紀則亦何等文章邪至於銘則曰惟古於詞必已出降而不能乃剽賊後皆指前公相襲從漢迄今用一律公之譏訾世俗是矣又曰文從字順各識職則似以樊爲不然者夫六經之文無不可讀而不害其爲古繫辭春秋俱出聖筆其文從字順蓋



如此也商盤周誥佶屈聲牙則以秦火之餘出於伏生口授而然齊語固異而況九十之老齒豁而音微又雜以方言安得不佶屈聲牙要亦出於自然非作爲也今樊文作意求新殆近於怪惟求其不可讀而不望其必可傳其去經也遠矣律以從順未知其何如而世或稱其奇古至篤嗜而不置何也

廬山公九錫文

按南齊文廬作驢殊失比體當以此文爲正

宋袁淑俳諧文廬山公九錫云若乃三軍陸邁糧運艱難謀臣停算武夫吟歎爾乃長鳴上黨忼慨應邗隨驅

千里荷囊致餐用捷大勲歷世不刊斯實爾之功也音  
隨時興晨夜不默仰契元象俛協漏刻應更長鳴毫分  
不忒雖挈壺者未足比德斯又爾之智也若乃六合昏  
晦三辰幽冥猶憶天時用不廢聲斯又爾之明也青脊  
絳身長頰廣額修尾後垂玉耳雙磔斯又爾之形也嘉  
麥既熟食須精麪負礮回衝迅若轉電惠我衆庶神祇  
獲薦斯又爾之能也爾有濟師旅之勲而加以衆能  
是用遣中大夫閭邱臯加爾使銜勒大鴻臚班脚大將  
軍宮亭侯以揚州之廬江江州之廬陵吳國之桐廬合

浦之朱廬封爾爲廬山公以上皆淑之文韓文公效此  
體作毛穎傳而洪慶善乃云毛穎傳柳子厚以爲怪洪  
以爲子虛烏有之比其流出於莊周寓言則是不知韓  
之所始矣但袁韓俱以文爲戲者而淑之文則六朝體  
耳韓祖太史公故高近世劉會孟稱江丞相爲廬山公  
無乃不雅豈不念及此邪

張才叔義

朱文公曰胡致堂議論俊發人物偉然向嘗侍之坐見  
其數杯後歌孔明出師表誦張才叔自靖人自獻于先



王義陳子翁奏狀等可謂豪傑之士予嘗欲得張才叔之義觀之而不可得近乃從盱城朋友處借鈔一本甲戌正月用行在所刊者校定今錄于左按鄱陽銀峯諸先生傳云公諱庭堅字才叔元祐人才栴眼及第初任太學作自靖人自獻于先王義其夜夢三仁來謝舊曾刻石於東京今讀其文令人感慨興起真識仁人義士之心於千載之上

以上傳中語

南渡前經義簡實典古有補

世教豈若近世浮虛磔裂者所爲宜爲先儒之所深取

也其義曰

君子之於去就死生其志在於天下而不在於一身故其死者非虛名生者非懼禍而引身以求去者非要利以忘君也仁之所存義之所在鬼神知之矣昔商之三仁或生或死或爲之奴而皆無媿於宗廟社稷豈非其謀之出於此歟故相戒之言曰自靖人自獻於先王蓋於是時紂欲亡而未悟也其臣若飛廉惡來者皆導王爲不善而不與圖存若伯夷太公天下所謂至賢者則潔身退避而義不與俱亡矣爲商之大臣而且於王爲親者惟王子比干箕子也二人者欲退而視其敗則不

忍欲進而與王圖存則不可與言雖有忠孝誠慤之心  
其孰達之哉顧思先王創業垂統以遺其子孫設爲職  
業祿位以待天下之賢俊使相與左右而扶持之期不  
至於危亡而後已子孫弗率其亡形已見而忠臣義士  
之徒猶不忘先王所以爲天下後世之意以爲志不上  
達道與時戾亂者弗可治也傾者弗可支也而君子所  
以報我先王者惟各以其能自獻而已雖然君子之志  
不同而欲死生去就各當於義而不獲罪於先王非人  
所能爲之謀其在於自靖乎蓋若商祀之顛隳則微子



以爲深憂而辱於臣僕不與其君俱亡者箕子比干之  
所羞爲也微子抱祭器適周則奉先之孝得矣比干諫  
不從而繼以死則事君之節盡矣箕子以父師爲囚奴  
猶眷眷不去則愛君之仁至矣然其死者若愚其囚者  
若汚而其輒去者若背叛非忠也然三子皆安然行之  
不以所不能爲者自愧而亦不以所能爲者愧夫人更  
相勸勉以求合於義而不期於必同夫謂先王所以望  
於後世臣子者惟忠與孝也故微子之去白獻其孝比  
干以諫死箕子以甘囚奴自獻其忠是三子非苟爲也

處垂亡之地尤拳拳於天下國家而不在於一身故其志之所謀各出於志之所欲而以期先王之知耳古之所謂皎然不欺其心者非斯人之謂乎雖然書載微子與箕子相告之辭而比干不與焉何者人臣之義莫易明於死節莫難明於去國而屈辱用晦亦所難辨也比干以死自誓無足疑者故不必告人而微子不免於去箕子寧忍辱以待亡者重去就之義而原之故也不然何以竝稱三仁哉

無垢先生張文忠公九成曰比干不答二孔謂心同

孔安

國孔張庭堅本鄭氏謂死節易明子謂儻如二孔所言  
穎達

不當言自靖人自獻於先王蓋三人之志各有所在

吉州所刊跋語云此中興前近二百年書義也至今尙  
可咀嚼如此曷可訝其爲古哉蓋吾儕所作時文本自  
無用然能以義理爲主發揮聖賢心事於千百載之上  
亦自打顛不碎如此篇文雖簡格雖與今不同然議論  
正當辭不迫而意已獨至所以屢經前輩品題

潭州攸縣張次邕所著筆錄亦載此篇云得於東萊文  
鑑中又云才叔眉山入國家承平時四川未有類省皆



試於京師才叔試此文畢忽睹三人皆古冠服長揖曰  
公可謂能言我三人心事矣

祭蘇文忠文

李方叔薦受知坡翁甚深坡翁卒於常州方叔以文醕  
之有曰道大不容才高見忌皇天后土明一生忠義之  
心名山大川還千載英雄之氣文氣甚壯

耶律德光滅晉事蹟

玉堂閒話不知誰作也所記多五代晉漢閒事散見於  
類書中惜未覩其全帙爾嘗見有一段論歷代夷狄之

禍於耶律德光滅晉之事憤慨甚深千載傷感因錄其說於左

丙午歲十二月戎師犯闕明年三月十七日胡王自汜而北是日路次赤岡日過晡忽廬帳中有聲殷殷然若雷起於地下胡王懼召術者占之術者紿云此土地神所作乃命祭禱焉四月過邢州胡王遇疾嘗一日向夕有大星墮穹廬之前胡王見而惡之但唾祝而已蕃漢從官皆覩其異十六日行次欒城疾遂亟二十一日乃殂訪其所殂之地則曰殺胡林也初胡王之將南也下

令鎮定閒數州悉使藏冰至是嬰疾熱作不勝苦命近  
州輸冰於手足心腋之閒皆多置冰以至於絕及其殂  
也左右破其腹捐其腸胃用鹽數斗以內之載而北去  
漢人目爲帝羝焉嘗試論之曰夷狄異類一氣所生歷  
代以來互興迭盛故周文王之時西有昆夷之患北有  
獫狁之難秦項之後匈奴始強控絃百萬抗衡中國後  
漢中葉患在諸羌桓靈之衰二虜抗熾魏晉以降喪亂  
宏多竊命盜國蓋非一焉周隋之閒吐渾爲暴大業之  
後突厥稱制皇唐受命頗患諸戎貞觀之初延陀內侮



天后之際奚霫犯邊次則吐蕃大興後則回紇作孽黃  
蔡之末沙陀得志爰及近世契丹最雄自非明主賢君  
神功聖德則不能攘猾夏亂華之類拯橫流熾爨之災  
觀夫契丹自數十年以來頗有凌跨之意吞并諸國奄  
有疆土清泰之末橫行中原興晉滅唐假號稱帝幽燕  
雲朔盡入提封玉帛綺紈悉盈沙漠石氏失馭姦臣賣  
國雄師毅卒束手送降赤子蒼生連頸受戮君父失守  
將相爲俘荆棘旅於宮庭狐兔游於寢廟雲昏日慘鬼  
哭神悲開闢以還未有若此之亂也豈非時鍾剝運天

產姦雄不然則安得鉤爪鋸牙恣行吞噬氈裘左衽專  
爲桀鰲且夫一女銜冤三年赤地一夫仰訴五月嚴霜  
豈有百萬黎庶膏鋒血刃而蕩蕩上帝竟無意於覆燾  
乎物不可以終否道不可以終窮天方啟漢真人崛起  
渠魁隕斃腥蕤自除詳其殷雷之怪藏冰之兆殺胡之  
讖星墜之妖則胡王之死豈偶然哉

此論詞簡而意足非苟作者殊不似五代卑陋之文也  
未詳作者氏名當考

三蘇

三蘇皆得謚文老泉文安東坡文忠穎濱文定森然鼎峙爲一代文宗老泉之文豪健東坡之文奇縱而穎濱之文深沈差不逮其父兄故世之讀之者鮮焉惟進卷中歷代論如夏商三國東晉數篇却自精妙有味他作如御風詞超然特出者甚少然其所作古史則議論高絕又非坡所及又作管幼安畫贊甚佳蓋有爲而發今錄於此

管幼安畫贊

予自龍川歸居穎川十有二年杜門幽居無以自適乃



取舊書閱之將求古人而與之友蓋於三國得一焉曰  
管幼安寧幼安少而遭亂渡海居遼東三十七年而歸  
歸於田廬不應朝命年八十四而沒功業不加於人而  
子獨何取焉取其明於知時審於處已云爾蓋東漢之  
衰士大夫以風節相尙其立志行義賢於西漢然時方  
大亂其出而應世鮮有能自全者潁川荀文若以智策  
輔曹公方其擒呂布斃袁紹皆談笑而辦其才與張子  
房比然至九錫之議卒不能免其身彭城張子布忠亮  
剛簡事孫氏兄弟成江東之業然終以直不見容力爭

公孫淵事君臣之義幾絕平原華子魚以德量重於曹氏父子致位三公然曹公之殺伏后子魚將命至破壁出后而害之汝南許文休以人物臧否聞於世晚入蜀依劉璋先主將克成都文休踰城出降雖卒以爲司徒而蜀人鄙之此四人者皆一時之賢也然直已者終害其身枉已者終喪其德處亂而能全非幼安誰與哉舊史言幼安雖老不病著白帽布襦袴布裙宅後數十步有流水夏暑能策杖臨水盥手足行園囿歲時祀其先人絮帽布單衣薦饌饋跪拜成禮予欲使畫工以意倣

髯畫之昔李公麟善畫有顧陸遺思今公麟死久矣恨  
莫能成吾意者姑爲之贊曰幼安之賢無以過人予獨  
何以謂賢賢其明於知時審於處已以能自全幼安之  
老歸自海東一畝之宮閉不求通白帽布裙舞雩而風  
四時烝饋莫必躬八十有四蟬蛻而終少非漢人老  
非魏人何以命之天之逸民

諫用兵書

東坡長於論事筆端有口真是入妙其代張方平諫用  
兵書

熙寧十年

有曰且夫戰勝之後陛下可得而知者凱旋



捷奏拜表稱賀赫然耳目之觀耳至於遠方之民肝腦  
涂于白刃筋骨絕於餽餉流離破產鬻賣男女薰眼折  
臂自經之狀陛下必不得而見也慈父孝子孤臣寡婦  
之哭陛下必不得而聞也譬猶屠殺牛羊刳鱗魚鼈以  
爲膳羞食者甚美見食者甚苦使陛下見其號呼於挺  
刃之下宛轉於刀几之間雖八珍之美必將投箸而不  
忍食而況用人之命以爲耳目之觀乎此疏甚佳

見食者一

本作死者非是

游桓山記

坡翁作游桓山記感慨深長超然物化其辭曰元豐二年正月己亥晦春服旣成從二三子游於泗之上登桓山入石室使道士戴日祥鼓雷氏之琴操履霜之遺音曰噫嘻悲夫此宋司馬桓魋之墓也或曰鼓琴於墓禮歟曰禮也季武子之喪曾點倚其門而歌仲尼日月也而魋以爲可得而害也且夫爲石椁三年不成古之愚人也子將弔其藏而其骨毛爪齒旣已化爲飛塵蕩爲冷風矣而況於椁乎況於從死之臣妾飯含之貝玉乎使魋而無知也子雖鼓琴而歌可也使魋而有知也聞

子鼓琴而歌知哀樂之不可常物化之無日也其愚豈  
不少瘳乎二三子喟然而歎乃歌曰桓山之上雜石嵯  
峨兮司馬之惡與石不磨兮桓山之下維水瀾瀾兮司  
馬之藏與水偕逝兮歌闕而去

序鼃君成詩

東坡先生序鼃君成詩集有曰達賢者有後張湯是也  
張湯宜無後者也無其實而竊其名者無後揚雄是也  
揚雄宜有後者也賢者民之所以生也而蔽之是絕民  
也名者古今之達尊也重於富貴而竊之是欺天也絕



民欺天其無後不亦宜乎故曰達賢者與有其實而辭其名者皆有後此論甚新可以爲世戒

答謝民師書

又答謝民師書有曰揚雄好爲艱深之辭以文淺易之說若正言之則人人知之矣此正所謂雕蟲篆刻者其太元法言皆是物也而獨悔於賦何哉終身雕蟲獨變其音節便謂之經可乎屈原作離騷經蓋風雅之再變者雖與日月爭光也可以其似賦而謂之雕蟲乎使賈誼見孔子升堂有餘矣而乃以賦鄙之至與相同

科雄之陋如此先生此論深中子雲之病

序樂全文

孔北海志大而論高功烈不見於世然英偉豪傑之氣  
自爲一時所宗其論盛孝章郗鴻豫書慨然有烈丈夫  
之風諸葛孔明不以文章自名而開物成務之姿綜練  
名實之意自見於言語至出師表簡而盡直而不肆大  
哉言乎與伊訓說命相表裏非秦漢以來以事君爲說  
者所能至也此論自坡翁發之而後世宗其說

滕元發墓銘

東坡翁銘滕元發墓言其姿度雄爽英偉大度以爲天下異人因其文想其人真卓犖不羣者也坡翁此志筆力跌蕩振發風起水涌真足以發揚之儻筆弱則失之矣元發舊名甫字元發後避父諱以字爲名而字達道舉進士第三仕至光祿大夫龍圖閣學士本東陽人也葬蘇州長洲縣

### 評柳子厚

坡翁曰柳子厚南遷始究佛法作曹谿南嶽諸碑妙絕古今不知以柳之文言邪抑以其學言邪無姓和尚碑



尤妙

龍川宗歐文

龍川先生陳公亮喜歐陽文其所作有絕似處嘗選歐  
文一百三十篇命曰歐陽文粹其序有曰初天聖明道  
之閒太祖太宗真宗以深仁厚澤涵養天下蓋七十年  
百姓能自衣食以樂生送死而戴白之老安坐以嬉童  
兒幼穉什百爲羣相與鼓舞於里巷之閒仁宗恭己無  
爲於其上太母制政房闈而執政大臣實得以參可否  
晏然無以異於漢文景之時民生及識五代之亂離者

蓋於是與世相忘久矣而學士大夫其文猶襲五代之  
卑陋中經一二代儒起而摩之而學者未知所向是以  
斯文獨有媿於古天子慨然下詔書以古道飭天下之  
學者而公之文遂爲一代之師法未幾而科舉利祿之  
文非兩漢不道於是本朝之盛極矣又曰公之文雍容  
典雅紆餘寬平反覆以達其意無復豪髮之遺而其味  
常深長於言意之外使人讀之藹然足以得祖宗致治  
之盛其關世教豈不大哉以上皆龍川所作而亦紆餘  
寬平甚似歐文豈非誦習之熟自然逼真歟歐曾王蘇

四家爲宋文宗然皆未嘗用怪文奇字刻琢取新而趣味深沈自不可及若歐則尤純粹宜其爲一代之宗工羣公之師範也所著豐樂亭記實爲妙筆龍川文粹不首取之而乃附見於拾遺殆不可曉

曾平山序水雲村詩

金谿曾子良自號平山南豐族裔也以能賦擢咸淳戊辰第累任至建德府淳安令甫三月國事變歸隱山中鬻文以自給辛卯秋子訪之年六十有八矣蓋別二十年而復會欣然道舊明年以子所作水雲村吟彙往請



教焉辱爲序曰

宋初南豐儒家望族二曰江樓劉氏曰密國會氏我密公迨江樓公相好於時我遠祖十五公猶在豐也其後十五公旣來宅於金谿自是與江樓公家子孫遠矣至於子良之身而江樓公之諸孫水雲村起潛君壩實來顧予於常安莊之寓舍予不勝枌榆松楸之涕且歸一日以其詩若文示予也曰子爲我言焉子言之先正文定公言之也其自我江樓公以下實寵嘉之子謝不敏一日以其詩示予也而文未之見詩予視之古視選近

古視黃律五視杜七視杜若黃絕五視選七視晚唐而  
軼焉皆合大家數蓋其材全其力鉅其氣雄故能持衆  
嫚而不自以爲名刻衆形而不自以爲功知名早所知  
皆名公也若予所敬千峯陳公年魁如心陳公莫逆次  
山趙公皆深知君子恨納君交晚予何言晚不恨恨世  
易三公者或以其老且智不見兵革或以其強而勇著  
名節廟食他邦獨子與君自靖獻僥倖不死今者乃得  
與相見敘世契如未經亂離時雖可恨亦可幸而甚可  
恨者以君之才之學不一試用僅客諸侯竟卷懷於此

吾儒事業當不止是然後知千峯公之期君也深而君之自得也亦深矣嗟夫日月之經於天也而行江河之經於地也而流彼豈有所爲而爲之哉予與陳公講之於鳳皇山之下熟矣尙其相與勉之以毋負陳公之意以毋忝我兩家所生云元默執徐後六月辛卯朔里契家生曾子良序

論語四贊

平山公嘗作論語四贊甚佳志道贊曰道既是我志不  
是誰千五百年惟孔仲尼據德贊曰得寸則寸得尺則



尺實有諸已而非以力依仁贊曰仁者人也造次弗違  
體貼出來如人著衣游藝贊曰習無不利不習而利精  
義人神事理不二

隱居通議卷十六

南豐劉 堦起潛著

文章 四

張侍郎簡牘

侍郎張公淵微字孟博建昌新城人父介登進士科仕至湖南運幹公明易工文詞而不利於鄉舉淳祐丙午流寓湖北赴運司試中選貢禮部明年擢進士第一人授承事郎簽書昭慶軍判官廳公事累更朝蹟權吏部侍郎忤賈似道免歸以集英殿脩謨起知饒州未行以

御史疏罷奉宮觀祿又以舒有開疏罷而卒公爲文斬截峻刻得左氏文法屢求其藁子孫無在者亡矣適得其簡牘二三俱可觀因錄存之且紀其舊聞曰建昌鄉試取士解額三十七名而周易義當其一寶祐乙卯歲公服喪里居是歲貢舉試士時盱城張天民明易其文筆冠一時而同經之能者又五十有二人意其間必有一中選矣及榜出則中者乃余裕新城俗子也大失衆望于是天民等五十三人聯名致書于公言余非才冒舉辱易經負舉選意若以公爲本經盟主而赴愬之公



因易以答筆力甚偉其書曰

某自罹陟岵之憂廬深山莫與往來厭諱氏名不得通  
于故交時英游鱗何從尺素書抵寓驛中自冢上歸得  
之亟薰香奉觀視其題條冰之光脩史學士其人伸其  
幅聯璧之輝先覺天民其元某何人何以得斯何以稱  
哉謹再三讀文采鉅麗詞勢縱橫主易經之齊盟立善  
類之赤幟足張吾軍不勝擊節惟是潔靜精微之學昔  
嘗從事于斯而不得其師惟天民諸君子發天之祕擴  
聖之疆精禋六爻之夢發越九師之說競秀于盱名震

于京師蓋所願學而未遇者明天子興賢鄉大夫薦書  
此一舉也羣五十三雋啓殆乎文鳴楊陸張黃胡涂王  
鄒

此八人者當  
時考試官也

固已蹶動聳選相顧太息吾盱之有人  
於此五十三雋復拔其尤以先登猶有二十八宿爲雲

臺之儲二十四氣當凌煙之選也顧舍是而他有一焉

黃鐘棄而瓦缶鳴賢士無聞如來翰之所云云辱經辱  
盱辱科豈不太駭觀聽邪試爲諸君子說筮云是謂睽  
之歸妹蔑甚負涂之豕變爲無血之羊始于載鬼終于  
虛筐睽卦不在三十七數而歸妹又不在五十三數以

睽之三十八而廁諸三十七人之列非據也以歸妹之  
五十四而加諸五十三人之上非人也非據則名必辱  
非人則身必危既辱且危祇極禍也是卦也離之震亦  
震之離晉獻公筮嫁伯姬亦遇之是反復同一凶也且  
其繇曰士刲羊無血也女承筐無貺也西鄰責言不可  
償也彼妄一人以柔乘剛以小人乘君子之器蒺藜之  
據已甚高墉之射莫逃無號終有凶耳豈特責言不可  
償殆有甚焉史蘇不云乎車脫火焚歸妹睽孤六年其  
逋明年其死于高梁之虛吁可畏也是豈特終朝之三



禡也歟識者竊爲彼悲之嘗試爲諸君布著四營而得  
艮之漸艮之止時止也物不可以終止故受之以漸漸  
之進也是蓋易之五十三卦也其在五言有序中正之  
言終莫之勝吉艮之漸三歲得所願也三年將尋師焉  
拔茅連茹以其巢征吉矣今日院豎子顧勞悉師邪抑  
天民有言雖聖人不敢盡其機或因鄧侯從天民願學  
而得所謂機焉其亦有以折衷乎此不宣

答饒蘭坡士堯赴省試書

某不材見棄于時桑梓羞之歸省先人墓而不敢居以

是不得侍於下風東上維時濟濟者衆峨峨纓冠其往  
又是一番新郎君謂吾衰而與吾雪恥鄉之士如吾士  
堯吾所望是以寓拳拳朝夕引領魁旆于征其道盱城  
其當慶餞于道周明年其魁蘭宮是吾蘭坡則吾所深  
期朝夕是贊是祝矣書來遜未遑日朽輓而灰心此非  
子游所望於子綦也且聞夫子之足瘳矣猶曰未果于  
行也何居我是用勸往哉用所學以昌斯世在此行毋  
懷寶而迷邦人之賴士堯其無數頃貺水芝澡料一物  
之寓一理存無塞其心而澡其德敢不承厚意焉不宣

案荷爲水  
芝見本草

約鄉友會飲帖

枌社數交朋萍蹤幾聚散小山良集以誠子之還諸賓  
主皆歸榮途而幾道赴新任伯雨趁新闕惟老我與方  
塘翁尙一丘一壑可無尊酒論別偕仲華惠卿諸君子  
聯騎我顧幸甚草草不枝幅

二友爭山界爲勸和作盟書

某側聞某氏某氏各有詞于官各爲其先塋皆孝子之  
爭識者聞而義之義之將助之助之云何助之爭而已



彼兩爭此不可兩助兩助之不可惟兩助而兩平之其  
可切惟兩墓共一山久爲比鄰本自無所爭一山覆兩  
墓互爲掩映本亦在所不必爭得無有傍人鬪謀于其  
閒切以鬪謀者不過曰某地是某家業今乃爲某家封  
植某木在某山今爲某家保障由是兩者之言入而兩  
家之訟興其聞官則又將煩邑糾呼里正集鄰保入山  
林相畝步視高下立標表量丈尺如是動衆山靈不寧  
曾謂兩家子以孝聞而以是動先靈乎是必非所願是  
合斷之曰甲之墓以乙之山爲保障則乙之保是山猶

吾保是山也乙之山以甲之墓爲屏蔽則甲之保是山  
猶吾保是山也毋斬一木毋侵軼毋以平常之地起爭  
端有踰此盟山靈殛之俾墜其家無克祚世於是薦酒  
給券二子咸舉首曰命之矣復以是載書盟于官以重  
其信焉

龔祥甫墓志銘

新城有士曰劉尙父夢桂與張公友善亦工古文景定  
辛酉歲以詩義魁鄉薦不第而終壬戌之秋予嘗訪之  
敘宗盟殊篤有書齋扁曰方塘卽前所謂方塘翁者也

嘗爲里友龔祥甫墓志其文曰

天道無親常與善人昔聞其言於師聃而於里中龔祥甫疑焉子不終養而先逝婦勉守志而病狂一老嫠遺閔斯鞠孫嗚呼獨也無子視孫孤也無父視祖祖孫二人獨孤相視而祥甫年已七十視蔭不能待矣以景定二年十一月某日卒子聲道去之已十年婦黃今猶寡佛老今承重有妄意室中之藏者持其家事昵親養其勸弗救錙耗於室粒耗於倉弗考或牽之牛貨之豕弗治誘是藐孤博與游弗迪意將蕩其志而毀其家言念



租茶漂搖風雨斯天不與善乎申包胥有言人衆者勝  
天天定亦能勝人祥甫受學我先師中奉大夫龍山先  
生張公介先生之子淵微今爲吏部侍郎于祥甫父子  
若孫世契也里居聞赴爲泣然曰善人也而逝其孫疇  
依旣又目擊人衆者之爲抱不平曰不可使亡友肉未  
寒而有此今惟其孤是卹惟祥甫襄事是圖非有司無  
以杜鄰胥戕者爲白于官首黜其僕而警其族之不咸  
責親房扶持之銖銅勺粟畢登之籍先是祥甫爲佛老  
請媚于子姪孫委禽矣侍郎謂可以相其孤奉母也屬

持柯者有抑塞又白于官移文二家同養焉自是得所  
翼馮外禦其侮而天者其定矣初侍郎廬母夫人墓登  
雲蔭山望谿南中阮氣勢鬱鬱以杖叩老龍曰噫將誰  
之藏也以勸祥甫爲自謀至是卜葬向以癸亥厝以壬  
戌八月某日食誅茅開阡見者曰吉天殆興龔氏也夫  
積善之家必有餘慶而地理書亦云天地惜至寶以賞  
善人祥甫蚤歲屬文有聲庠序遭寇亂無仕進意遂罷  
舉子業而侍郎每稱吾老友必有取矣殆哀雖不言而  
四時之氣備歟平居于人無忤睦親族以禮撫臧獲以

恩未嘗疾言厲色家量出入嘗值歲凶閉之糴者皆是  
已獨發廩如常時夫是以鄉里稱善人吾是以必其必  
有報也祥甫字也名應龍世家新城葬之前五日佛老  
謀所以志諸幽者侍郎謂余子于祥甫親家也宜銘之  
銘曰人心之初有善無惡無惡卽善勿刻其璞璞也能  
存宜爾恂恂歸于其真善人之墳鬱鬱于春尙克昌而  
子孫

嗣漢三十六代天師簡齋張真人墓志銘

昔廬山江丞相萬里爲三十五代天師志墓其文奇偉



超卓讀之不厭近廬陵劉太博辰翁亦爲三十六代天  
師志墓雖極刻斲摩厲之工而趣味有不及焉輒錄于  
後

自昌意以來號稱神明之胄者旣無不厯亂磨滅獨漢  
天師張氏祖諱良以劒印傳如禹鼎延至魏晉六朝隋  
唐五季逾久而著其承承至此必亦有尤異取信不惑  
者然猶未至益人國也入宋祥符冠褐始召崇觀符籙  
始盛其時有虛靖先生道始顯至穆陵賜號觀妙先生  
可大甫三十五代其退潮拯旱猶信由是龍虎山宮觀

壓東南爲福地第一化人之蒙袂四出者致方物修士之贏糧訪道者賈摯幣祈者謝者不寧令者膝行而踵至居如市市如邑兒童下走順風而呼贖而售者滋富至莫辨于是用物宏矣乃三十六代天師宗演起紹陵訖德祐且十年方禁中奉祕祝謹然不召至乙亥丙子閒金陵已不守信未下然北使已先傳張天師召召且亟當是時環江南之冰泮者無息壤茲山獨師是恃而師不自保然未幾時而錫冠劒陟師號予護持免徵發掌教事度諸品若曰神僊子孫而不名由是寵光赫然

又前代盛時所未有由是士大夫有不能出者貧無處  
者阡陌之負耒往者親者故者莫不挂冠易服庇風雨  
寒暑由是人其境者若華胥軍行而狼顧者曰天師之  
四履也催科而旦適者曰天師之所撫存也物之熙熙  
然者不惟不知陵谷亦不知誰氏之子如是者十又七  
年而演道靈應沖和真人死其君子曰是號簡齋真能  
簡者也其弟子曰吾師度世解厄非死也殆天師復生  
先是相傳其教三十六代見故一終一攝不以閨居正  
懼及也至師而遭訖錄之難或謂道盈亦無所逃於數



然惟師以愚守智惟師以儉致福惟師以清靜禦外物  
故能涉乎邊境而不禍博乎九萬而不中道天而又能  
以餘力濟世得名又非特脫于其厄而已乃至是始昌  
若論其存亡絕續之際有不可勝述者焉其從容若不  
得已而應其寡默善爲上而不爭或曰天師非世人也  
蓋必有出乎人閒耳目之表者獨恨不盡知耳聞其初  
至北也不敢挾劍以行及其呼劍而劍至又云北有二  
虎撫之汝吾左汝吾右皆靡然如命凡流俗好怪所傳  
聞皆若此皆如說東方朔者非實也亦非道也道在平

易卽簡齋者是已吾方以其簡爲近道而彼欲以小夫  
曲說神之以此勝魔非魔道邪然吾聞山中人言其將  
逝也亦不能無小異最後北行之日所居面里所山崩  
辛卯得白兔然不死此其可信者其三代見世系其子  
孫見碑陰生淳祐甲辰死至元辛卯葬里之澥田實己  
亥九月癸酉嗣天師與棣賜號體元宏道廣教真人是  
爲三十七代前觀妙先生銘吾師廬山相國老筆也今  
天師能不遠介其徒以屬我曰斯文託再世矣以吾從  
古心之後爲有媿也乃依楚歌爲辭以系之辭曰山龍

陳長通詩卷一  
衣兮翠黃英瓊瑤兮五梁儼歸奏兮玉皇我祖兮撫我  
大荒途迷兮屏翳驂左指窮于薪兮不窮于火陽平兮  
賜履於謳於謳兮山中之子風枝號兮老龍吉死我祖  
兮在天覽揆錫兮茲茲千重斯文兮以傳

江公作觀妙真人志筆力跌蕩真如天馬游龍不可羈  
壘而又淵然其光油然其味誠老筆也須谿此篇頗覺  
纏繞有窘態滯礙少活意且又辭費或者未足以繼乃  
師歟

予近作桂舟先生墓志時不曾觀此篇偶信意作招詞



以銘之聞有一游士見而評曰墓銘不應作騷體觀其  
文字考其議論直須谿焉耳或以見告因笑曰謂吾文  
似須谿固非欺我而謂銘不用騷體亦未可以律我昔  
惟韓曾不作此體歐陽公銘石守道梅聖俞皆長言之  
其說曰言之長哀之深也凡案偶有汪龍谿文劉後邨  
集在焉取而觀之銘以楚詞者甚多何止須谿乃知吾  
黨持論不可草草劉公玉淵曾爲人銘墓亦用此體時  
有一名公見之曰銘作招詞甚佳事載集中

藥王贊

廬陵劉太博辰翁作藥王贊詞甚朴而旨有在可發一  
笑贊曰左畔龍樹王望龍右畔孫真人騎虎惟有藥王  
屹立于其中不龍不虎獨與犬爲伍不知何故

吳司封上陳丞相書

臨川吳司封鑑上陳丞相書有曰天下事非善類之衆  
不可爲也一齊衆楚薛居州不能善其君一暴十寒雖  
孟子不能智其主今日牛畜侍以仁義明日荀欣侍以  
選練明日徐越侍以節儉而歌者之田止御史中丞諫  
議大夫則言翰林學士給事中則言度支使鹽鐵使京

兆尹則言而制使之職削蓋衆正進然後羣枉消以上  
數事相類剴切動人

程漢翁詩序

近嘗見壘山謝先生枋得爲程漢翁詩序曰詩亡而春  
秋不可續宇宙閒一大變也程君漢翁出雲棲吟橐一  
編示予予誦懷古四詩涕泗交頤不能禁覽盡卷乃欣  
喜雀躍知天下尙有英才黍離之悲無衣之壯匪風下  
泉之思盡在此矣江北多英雄吾有望焉因詩以見志  
漢翁所蘊蓄所樹立所成就豈易量吾於是重有感焉



藝祖最重讀書人雖超世拔俗之才不由科舉程文奮身必不得行其志三百年後以學術殺天下者皆科舉程文之士萬世傳笑儒亦無辭以自解矣予從先朝名將相游泛論邊事自端平甲午至景定甲子儒以時文名而捐軀報國不畏鋒鏑能使武夫心服爲國家延數十年之命者僅得曹毅節彭文子余義夫徐有功王景宋五人焉至有功貶死吾知國不可以爲國矣漢翁勉旃陸宣公有言興王之良佐皆季代之棄材在季而愚當興而智漢翁豈肯終爲愚者乎故曰天下英雄必有

借漢翁爲儒解嘲者喜談樂誦當過于五人矣吾之敬愛漢翁豈特詩道而已也

壘山翁信州貴谿人素有文名筆力奇勁此序不盡其所長而忠憤之意見于言外獨其貶駁科舉程文之士誤我國家傳笑萬世此則誠爲至論有合于先儒之旨序所謂曹毅節則有聞也與彭文子余義夫皆偉然英傑之士有大功于西陲者景宋名登義夫之幕客殊有才略惟徐有功雖號帥材而狂疏誕謾無顯蹟庚申臨江之禍公議非之然義夫乃趙信國識拔入官非由科

第故雖貴顯猶以此自歉每稱白鹿諸生序所稱誤也

勲名如義夫何必科第

案徐有功名敏子

### 劉氏族譜序

吾宗之劉其原甚遠逮族兄太史揆嘗爲江樓劉氏族譜序所以紀迹流派者具備茲錄以示我後之人使無忘其世本云其序曰

劉氏堯之後散居江南者漢高祖封其弟元王交于楚而衍之也唐季有自鄱杖一劍徙居南豐又自南豐分而之廣昌之新城之建寧江樓入居士寶藏初徙時劍



劒長三尺許有北斗星文志天漢元年鑄紹定庚寅劫  
火黃冠得之呪符水云密國曾公致堯銘居士墓載有  
牛六十頭手鈔古書數百卷居士作江樓密公爲賦五  
言長韻見鳬繹集其叔子與荆公爲同門壻荆公之父  
益之出守韶州居士同游石仙巖和詩有刻石在初慶  
厯韶州縣立學宮居士孫一力任其費曾易占作記實  
子固十八歲少筆居士生四子四子之子生孫孫生子  
衆而多微波流星散譜系益落缺不能盡詳惟予大父  
泰夫府君與從祖光夫

諱炎水  
邨大父

及定夫

諱止象  
山高弟

二先生

三派子孫尙習詩書別利善譜可得而考其他昔爲士而今無後與今有後而不爲士者不能具載予老病日侵自度進不能領清廟退無可吟梁甫思息景山樊閒中巷德恭翁季大年弟兄力學而任運所居先廬猶是南唐時柱石誠之永豐官滿因而塗墍之定夫師象山號子路與里人黃幾先彭明甫相講學予外舅丹霞翁來南豐訪定夫及沈德中後歎息久之此譜故可考也太史公作古帝王聖哲世系採摭四方異聞甚備而卓然可稱述者殊少予聞盛德必有後蓋不在乎元來雲

初之多而在乎風流文采之不可湮沒也今劉氏之族  
不繫乎風俗之媿惡不關乎文墨之興衰若不必存而  
存之抑存吾祖而已後譜綱目成題曰江樓劉氏族譜  
昇大年今年七十有七喟然而歎曰有是哉誠之下世  
而不見矣分三家子弟脫其橐世守之使後之識予心  
者有稽焉淳祐庚戌立春日世孫方石揆序

方石太史自號也太史此序文氣斷續未得爲工然書  
劉氏原委則略備矣其錄而存之爲是故也案密國曾  
公神道碑載公以大中祥符五年五月丁亥卒于官是



真宗朝也此序云密國實銘居士之墓則居士之卒當在大中祥符以前矣至云慶厯修學居士一力任其費則慶厯乃仁宗時距祥符已懸隔無乃謬誤乎蓋一力上脫孫字學記所載云縣之士劉德純合同志而請德純則居士之孫也此一節又誤在作江樓之上當在游石僊巖和詩有刻石在之下旣敘居士之叔子方及居士之孫次第方妥太史平生爲文極詳謹不應此獨疏鹵得非傳寫者之譌邪其集所著如奏議碑銘皆卓絕高古自成一家如餘清堂記朱丹林墓志符進士墓志

劉廸功墓志則其尤妙者也獨此序差不逮他作云

口銘

偶至一禪林見有口銘頗佳因錄之其銘曰神以感通  
心由口宣福生有兆禍來有端情莫多妄口莫多言螳  
孔貫河溜流傾山病從口入禍從口出存亡之機開闔  
之術口與心謀安危之原樞機之發榮辱存焉

隱居通議卷十六終



隱居通議卷十七

南豐劉 壘起潛著

文章五

省事老人贊銘

朱新仲舍人翌自號省事老人初仕汴京南渡又仕于  
杭都文采聲華傾動一時嘗得其別集觀之有所作范  
文正公畫像贊甚佳今錄于此

序云文正范公名在天壤功在社稷國史書之鐘鼎勒  
之四夷百蠻傳之如神明天下後世仰之如日月山澤

之儒嗟歎不足仰瞻遺像再拜而爲之贊曰乾綱同薄  
妙燮四時有大坤輿載厚不移其中哲人千載一至其  
至維何天地則理巍巍文正國之著龜民之父師以天  
下之重自任故舉萬鈞而若無以四海赤子爲心故甘  
百謫而不悔垂紳正笏聳泰華衡嵩之表活涸濡枯傾  
江河淮濟之利日月有時而食而公之名不泯鐘鼎有  
時而盡而公之功不礪唐郭令公之武漢周絳侯之氣  
吾儕小人手舌俱廢拜頽有泚求之夢寐

杜子美畫像贊曰凌萬乘以崢嶸之氣貯千古以磊落

之胸筆下有神洗宇宙而一空者大哉詩人之宗乎東  
帶峩冠凜然似謁肅宗而論房琯神閒意定超然若溯  
瞿唐而上泛沅湘而東也

蓮葉硯銘雖不及前二贊之妙然亦奇健其詞曰玉井  
之泉泰華之峯有十丈蓮脫葉馳風化而爲石淪于深  
淵大澤之中琢以爲硯置之墨客子卿之宮涓涓之澤  
沒世不竭是爲元穎湯沐之封而日游戲于其閒蓋相  
與託令聞于無窮

琴譜序



近見北人有琴譜一集集有序序頗可觀云龍波子作不知何氏名也今錄于左

擬清廟之古賡南風之詩聖人之制作也續杏壇之音鼓宣尼之操吾徒之修養也瓏玲其聲龍吟鳳鳴妙契大造發越七情猗與琴哉非金槽鐵撥比也非鴻鵠其心者可學也非鄭衛其耳者可聽也前輩或曰傳授無閒然可傳者譜不可傳者心也心而可傳則何以千載而下獨伯奇師曠諸子之專其美蓋得于心者自應于手其不得于心者徒求其聲求其聲者特造作之巧應

于手者乃自然之清噫嘻志在高山流水知之者惟一  
子期至于馬之仰鶴之舞則又物之靈也吾之于琴固  
不敢以子期望今人每獨惜今人之不馬鶴若也凡我  
同志以其自得于心者而撫之而自聽之亦不必冀人  
之知不知也龍波子序

東牟擘秀亭記

近見東牟擘秀亭記金人文字失其姓名記文亦簡潔  
可觀但詩末句俚拙耳雖縑流有此風調然終非大雅  
也

天下以形勢之要雄東牟東牟以海山之秀甲天下山  
視遠人人視遠山見之易友之難隴首牧兒林閒樵叟  
雖能視之而不能友惟太守完顏公奇人也前之刺州  
政者多矣官于斯牧于斯不能亭于斯豈力不足抑覽  
不至也公于是鏟城爲基斷木爲亭人不聞役樂成厥  
功同僚佐登覽其上見夫煙棲雨宿雲出月來歸鴻野  
鷺如飛几席之上終日望軒冕焉昔莘野以阿衡而傳  
襄陽峴首以羊叔子而傳赤壁以東坡而傳今則崑崙  
奇秀得我公發越之他日與山增重未必不由伯樂之



一顧也嘉歎不足故詩之詞曰霜天曉兮白雲飛洞天  
暮兮白鳥歸江月照兮松風吹好箇家風人不知

象山先生言吏姦二書

象山先生作王荊公祠堂記筆力宏妙自謂斷百餘年  
未了底公案聖人復起不易吾言此一大題目非先生  
不敢言非先生不能言也當來更加拏斂使歸簡嚴則  
前無古人矣先生精于說理長于論事惟其天材宏縱  
橫說堅說逗盡底裏沛然不窮讀之使人氣涌神懣聞  
風興起而況于親炙之者乎嘗有與楊守一書言吏姦

者其說甚妙其書曰

吏胥居府廷司文案宿留于邦君之側以閒劇勞逸嘗  
吾之喜愠以日月淹速嘗吾之忘臆爲之先後緩急開  
闔損益以蔽吾聰明亂吾是非而行其計豪家擁高貲  
厚黨與附會左右之人創端緒於事外以亂本旨結左  
證于黨中以實僞事工爲節目以與吏符合而成其說  
太守以異鄉之人一旦而聽之非素諳其俗而府中深  
崇閭里之事不接于吾之目途巷之口不聞于吾之耳  
被害者又淳愿柔弱類不能自明自達聽斷之際欲必

得其情而不爲所欺此甚明者之所難也吾雖得其情  
彼尙或能爲之牽制以格吾之施行吾斷之速則文疏  
事漏而無以絕其辭吾求之詳則日引月長適以生其  
姦況其是非曲直之未分而實有以貳吾之心疑吾之  
見變亂其事實而其情亦未易得也

又有與徐子宐侍郎一書言某人護吏疾民陽若不任  
吏而陰實爲所賣姦滑之謀無不得逞賄賂所在無不  
如志閒有一二行遣形若治吏而僞文詭辭諂順乞憐  
者皆可回其意下人轉移其事如轉戶樞胥輩窺之審



玩之熟久矣所欲爲者如取如攜不見有毫髮畏憚之心惟其正論誠意則扞格不入乃以此自謂其明且公也良民善士疾首蹙額飲恨吞聲無所控訴公人世界其來久矣尤熾於今日公人所從得志本緣官人不才然向者褻說不甚盛風俗不甚壞公人未盡得顯然肆志官人未盡與公人一律官人之才者固有實益亦難得盛譽官人之不才者亦尙藉常理常心默有維持未至泯然大亂十數年來公人之化大行官人皆受其陶冶沈通浸漬靡然一律而書生腐儒又以經術爲之羽

翼爲之于城沮救正之勢塞懲治之路潛禦其侮陰助其瀾故官人之才者雖易以自見易得盛譽而無補風俗無救大勢至其不才必至大亂中人無以自立皆從風而靡隨波而流守正而才術不足以自見者其心僅不泯滅而不復可伸此今時之大勢今之爲善者猶持栢水救車薪之火也天生民而立官使司牧之張官置吏所以爲民也縣家而害民州家得以治之州家而害民使家得以治之今州家使家壅之以胥吏塞之以僚屬所賴以通閭里田畝之情者有被害者赴愬也今乃

以告訐把持之名而抑絕之近來胥吏之妙用專在抑絕赴愬者之路懲一二以威衆使之吞聲飲恨重足脇息而吾得以肆行而無忌監司太守有服其役任其怨而不得享其利者有相爲相役而其享其利者

此二書明暢痛快說盡吏姦乾淳紹熙盛時且不免此況今世乎使先生觀今日之公人世界恐又非二書足以盡其情狀也民生斯時可憐哉夫御之如束溼視之如仇敵待之如盜賊尙不免姦惡溢出毒我生靈況乃以士大夫禮之以僚屬待之以心腹耳目寄之何異于



教猱升木授賊以兵則善良之破骨出髓吞聲就死蓋  
無怪矣

程伯剛墓銘

劉左史光祖德修簡州人自號後谿名節士也嘗爲程  
伯剛墓志銘備述伯剛未生時其父夢一青衿童子挽  
衣自言來爲公嗣且曰我青城先生兒也明年而伯剛  
生生三十七年而病病且革父母問所欲言無他語第  
云僊階淺未足以成功名遂死開禧三年三月也此說  
荒忽怪誕正人端士所不道獨其一銘絕佳謾載于此

銘曰祠之西峯有翩其童暫下人世兮還山無蹤曷不  
少候以游夫蓬萊道山之宮曰吾未足以成功也獨畱  
遺冢與遺書使思子兮無窮我爲勒銘識其幽封月明  
山空魂其歸來蕭蕭松風已矣乎聊託吾文慰而翁母  
索之杳冥之中

范去非墓志

樞密宏齋先生包公道夫恢以學問爲時師表固不以  
文字名也平生爲人作豐碑巨刻每下筆輒汪洋放肆  
根據義理娓娓不窮蓋其學力深厚不可涯涘獨于予

故人范君去非一墓志簡潔清俊足以寫去非之平生  
無泛語無諛詞豈韓退之志樊宗師卽學樊體意邪去  
非爲人精俊灑落其文章亦然而包公此志極稱之去  
非得此足以自慰於九原矣文曰

君范姓禮名去非字後易名吳字行可其先世國博柔  
中與元祐黨籍行可其六世孫也爲人機警其氣貌精  
神如鸞鶴其文詞詩句如冰雪其自號曰月崖或謂其  
飄飄有飛仙風韻治家整整條理景物器用文籍圖畫  
莫不奕然鮮明快人耳目意欲自立不混流俗言欲簡



潔不爲塵冗大概與時落落若寡合而與人極有情有  
義人亦多相樂而少相忤也資其爲文者多延館之其  
才美宜遠大而或又疑其過清慮福壽之不及者年纔  
四十有三一疾果不可爲病中亦自笑曰只如此死矣  
無戚容悲辭也嗚呼千里之行未半途而車遽折馬驟  
蹶可哀也夫時咸淳初元乙丑十一月一日也三年予  
方歸自京未及家而其子輝遠來哀請謂以今年三月  
某日葬于西城縣太平鄉十五都大義祖隴之旁求誌  
于子子以諛不容辭乃志曰曾祖如川朝請郎通判瓊

州妣鄧氏祖鏐妣官氏父汜里名士也有聲場屋嘗三  
以賢能興妣張氏娶張氏毅然能守夫志一子輝也三  
女良勝阿益細妹在室銘曰秀而不實者有矣夫聖人  
不能必也何行可之有餘于秀而不足于實也邪抑如  
圭如璧世所共寶之今擇斯藏斯尙其永保之端明殿  
學士通奉大夫提舉臨安府洞霄宮南城郡開國侯食  
邑一千一百戶食實封二百戶包恢謨通奉大夫寶章  
閣待制提舉隆興府玉隆萬壽宮武城郡開國侯食邑  
一千戶曾穎茂篆蓋

去非以文章受知于包公其登從班牧吳門必屈去非  
偕行凡朝廷之表奏官府之書啟皆屬焉去非亦能介  
潔自勵不以私干公逾愛敬之公之除樞密也約予同  
造朝時予母病乃入城詣公辭行酒閒從容談及去非  
平生公淒然悵歎爲之投箸足以見其敬愛矣故于此  
志用意甚深

大覺寺長明燈記

盱江出郭西門良疇衍沃清流湍激夾道巨石峙立若  
怪獸奇鬼狀是爲麻原第三谷踰華岡躡石磴深入數



十里有精藍曰大覺昉建于唐光化開山師懷震有道術其始至也伻而前谿隨止卓錫搜巖剔藪以立寺宇初名靈隱皇朝治平中始錫今額既數百年矣今寺僧妙珪節衣并食銖積寸累又于長者布地之金以益之市田爲長明燈費歲入米以斗計者凡二千且用佛屬付國王大臣故事請文據于有司勒堅珉以詔後庶幾永終不墜閒請記于予客有謂珪曰而法中有掌中之光照十方者有絮孔之光照一室者有變見光景輝耀嵯谷使人目眩神迷若峨眉五臺天台廬阜者今而辛

勤昏旭增曲續炷不亦勞且小乎珪曰若子所言或者  
方以病吾徒之善幻我法之正不如是也今吾以真實  
心作無盡供使幽明同一昭徹聖凡同一歸向日月經  
天容光必照吾燈不鑠雷電晦冥風雨總至吾燈不闇  
寒暑往來星移物換吾燈不斷塵揚東海灰出昆明吾  
燈不滅鑿大昏之壙闢靈照之戶揭孤光以長存破羣  
迷而咸曉使內外精粗融會一法顧不遑歟予以其言  
近道遂書以爲記

此西園先生傅公幼安自得所作也簡嚴溫潤自成一

家蓋其學本於左氏故無冗長之病然諸記多弱獨此爲勝非若古賦則篇篇皆佳蓋人之能各擅一長云

### 陳仲石志

後邨集中有云予少時讀龍泉所作陳仲石志高雅如檀弓穀梁條鬯如荀卿予至今猶不忘憶昔嘗與雲畬趙史君論水心文字止取其銘之佳而未及其志也後邨翁推尊極至念不可泯因錄于此識者更其評如何然不讀志亦不知銘之妙

平陽陳巖字仲石自其成童智之所開師友問學而已



年進志上習通性明服所知于家而宗族慕焉信所行  
千里而鄉黨賓焉意逾高力逾下督責其身不使一日  
縱于慢游也奉持其心不使一思慮雜于褻妄也訓于  
經講于禮者必欲周于事達于物不計事之異同時之  
先後也其可見者若此嗚呼仲石父之鉅子弟之任兄  
師之傳人出而從官國之修士也夫如木升而爲材可  
掄如玉琢而爲器可纁藉也夫不幸年三十有五淳熙  
十五年十二月四日卒明年三月葬于安仁其弟崇致  
其父及師之請曰願有銘夫悲哀其志立之不及于成

就此師友之所以爲君痛也道喪久矣士不修其實職而皆以必用爲貴偶不獲用爲憾志立之卓祇重爲累焉三代之時道嘗行矣彼家淑其道人有其善孰從而盡用之然則壽天一也用舍一也君之自得以正其命蓋有人之所不及知者銘曰卹爾婦撫爾子父母之力止矣止而弗止斯石紀之

魏鶴山文集序

劉清叔澂舊居廬陵徙匡廬自號玉淵登科入仕至監簿中更臺劾謫瑞州通判又謫封州嘗以文墨事信菴

趙丞相藉甚文名有玉淵集刊行其筆端透徹處痛醒  
人意第滔贍之過反傷汎濫若加掣斂之工以造簡古  
之味足可名世矣魏鶴山集敘曰藝祖救百王之弊以  
道理最大一語開國以用讀書人一念厚蒼生文治彬  
彬三百年海內興起未艾也而文章亦無慮三變始也  
厭五季之萎蕤而崑體出漸歸雅馴猶事組織則楊晏  
爲之伯已而同瀾障川斲雕反樸崇議論尙風節要以  
關世教達國體爲急則歐蘇擅其宗已而濂谿周子出  
焉其言曰道德之不務惟文之能藝焉爾作通書著太



極圖大本立矣餘力所及雖不多見味其言藹如也由  
是先哲輩出易傳探天根西銘達仁體通鑑精纂述擊  
壤豪詩歌論奏王朱而講說呂范可謂和順積中英華  
發外矣後生接響謂性外無學其弊至于忘道忘藝知  
有語錄而無古文始欲由精達粗終焉本末俱舛然則  
言之不文行之不遠亦豈濂谿所尙哉又道州九疑山  
虞帝廟碑銘有曰厯數有終精一不死藏其袞龍橋山  
故事皞皞曰帝軒轅曰皇帝賓其閒匪璣卽衡又曰帝  
車下來天風其飄長松鼓之五絃九簫此等皆意到語

妙

默菴銘

忍默平直養生四印山谷翁詩中語也其詩曰百戰百勝不如一忍萬言萬當不如一默無可簡擇眼界平不藏秋毫心地直以此謂之四印而提之以爲養生之用千峯陳文定公嘗爲人作四印堂記發揮頗盡其理其後有熊生者善篆刻圖書而自號默菴予友吳允文侍郎爲作默菴銘直以山谷之說隳括爲文雖一時戲筆而鎔意鑄詞頗有巧致且于印事甚切云

涪翁四印忍默平直子遺其三獨守其默豈三不足惟  
一是克抑守其一以用三德熊曰不然彼道吾器直以  
爲絲平以爲地刃于心上有刻之義吾守吾默于是爲  
四予曰大好雖器亦道以印印心生也可保一菴聊寄  
非瓦非草子印我歌佩以爲寶山西吳浚贈熊默菴  
南城人字允文自號山西

允文死漳州且十年丙戌六月熊默菴過我誦舊詩愴  
然爲錄于此因想疇昔允文與予談文評詩忼慨激發  
玉立頎然今遂無復斯人可爲永慨



艾軒先生跋韓柳蘇黃集

蘇黃之別猶丈夫女子之應接丈夫見賓客信步出將  
去如女子則非塗澤不可韓柳之別則猶作室子厚先  
量自家四至所到不敢略侵他人田地退之則惟意所  
指橫斜曲直只要自家屋宇飽滿初不問田地四至或  
在我與別人也此譬亦可人意

水心遺文

昔開慶己未歲嘗選取水心文之絕出者手鈔成帙以  
備觀覽時年甫二十耳智識未到而輕于去取嘗疑必

謬今者仕閩五載不讀此文久矣歸來暇日重閱全集  
欲採所遺而亦無踰于前所選豈七十八翁知識不加  
于二十時耶因記雲翁趙史君曾與余論筆法引水心  
公所序徐致中語極有味余乃遺之今日因見卽入法  
結構之論也謾錄于後蓋雲翁亦喜讀水心文者俊  
穎超卓廣記博辨當劇談快意時輒索予同聲背誦晉  
元帝廟記司馬溫公祠堂記陳同甫王道甫周子及徐  
靈淵等諸志銘抱膝齋詩朱孃曲諸篇以爲樂噫久無  
是契今之友朋會是意者寡矣舊集蓄藏歲久溼漏腐

壞懼成灰塵故亟鈔而存之延祐丁巳四月三日

送徐致中序曰徐致中在零陵得單秉文筆法以自書  
論語大學諸篇遺予予得之驚喜爲作詩云歐虞兼褚  
薛字遠筆爲塵今日觀來翰如親見古人盡歸嚴號令  
富有活精神碑版荒唐久遡看走四鄰然致中書暴進  
而予素不知書恐見者嗤侮遂不敢出此因其赴龍谿  
丞謾書以別致中云今人字不用法隨帖摹寫止取形  
似雖有巧拙豈足評論予問當用何法致中言王逸少  
則不可知凡書皆一法如匠造屋主人位置裝折不同



木之分寸必應繩墨故分爲點畫合而爲字無妄施者致中所造如此當遂名家更須歸日驗之

劉會孟題本朝列聖遺像

平園周丞相家藏列聖遺像求劉太博會孟題跋劉嘗仕福州州有開元寺寺有神御殿以奉祖宗遺像蓋宋都汴京時太廟奉塑像龍圖閣奉畫像景靈宮奉捲捲像像甚輕故靖康之亂建炎之遷藏于福州自太祖至哲宗七帝而已會孟在福親見之與今世間所繪不同故題曰

昔從三山開元冠帶上謁神御殿殿之室晝黑火令嚴  
甚寺僧藏燭紬閒至殿上乃出之然後見咫尺太祖太  
宗姿貌如龍然熙陵視兄微皙二帝皆粲然啟其齒初  
見若驚故相傳不敢正視視輒目疾非高廟神靈至此  
殆魄動神奪故也真宗仁宗皆蕭散如天人惟英廟乃  
似今所傳藝祖像赫然而髯張瞠視者熙豐之聖人也  
至元祐帝則盛年鶴聳而長于是七廟盡矣時環視俛  
仰流涕念人閒所傳理不得似此卷出平園公家云配  
祀本至近年穆陵老少態異不論眉平而重顧瞻更長

今猶凜凜如清光在望恭惟過江靈御橋山弓劒豈復  
忍紙上見形似哉燕人溺喪過晉而悲雖非真實其傷  
心一也



隱居通議卷十七終

隱居通議卷十八

南豐劉 壘起潛著

文章六

作文法度

春秋以後文章之妙者世推左傳史記而其文法乃有相似者蓋古人作文俱有閒架有樞紐有脈絡有眼目前卷屢嘗言矣今重宣其說以訓諸孫如左傳載宰孔賜齊侯胙一段有曰將下拜無下拜敢不下拜下拜登受連用四下拜不覺重複晉公子對楚子有曰其波及

晉國其何以報君其避君三舍其左執鞭弭凡四用其  
字蹇叔哭師蹇叔哭之哭而送之凡兩用楚子問鼎用  
德字作樞紐脈絡凡六用楚子縣陳猶可辭乎王曰可  
哉因縣陳乃復封陳前後照應楚復與鄭平敢不唯命  
是聽亦唯命亦唯命賓媚人對晉退師而曰云云而曰  
云云敢不唯命是聽敢不唯命是聽皆再用晉三帥遜  
功某何力之有焉凡五用晉復荀知罃用報字關鎖其  
誰敢德其誰敢怨死且不朽亦死且不朽皆再用晉卻  
至聘楚吾子其入也凡再用首尾照應呂相絕秦我是



以凡五用我字多用幾四十鄭子駟改載書終獲鄭豈  
惟鄭何恃於鄭疊三鄭字成句晉士句平王室華門閭  
竇凡三用關鎖駒支荅范宣子連用六我字臧武仲辨  
詰盜絕又不能若之何不能將何以能疊三能字鄭子  
產對晉徵朝凡五節貫串子產請晉輕幣連疊四賄字  
四令名字貫串子產獻捷于晉我字凡十五用子產知  
然明子產問政於然明子太叔問政於子產子產論人  
心不同用學字關鎖首尾子產誅公孫黑大刑將至司  
寇將至照應晏嬰論季世此季世也亦季世也照應史

記文法亦多如此略舉其概毛遂曰吾君在前叱者何也云云吾君在前叱者何也平原君曰勝不敢復相士云云勝不敢復相士公孫龍曰云云此甚不可云云此甚不可樓緩曰虞卿得其一不得其二云云故曰虞卿得其一不得其二范雎曰臣又何患云云臣又何憂云云臣又何恥韓安得無聽乎云云韓安得不聽乎侯嬴曰人固未易知知人亦未易也云云人固未易知知人亦未易也平原君曰勝也何敢言事云云勝也何敢言事韓安國傳曰何梁王爲人子之孝爲人臣之忠而太

后弗省也云云再言之亦是此例樂毅荅燕惠王書兩用受命而不辭兩用先王以爲然相照應李斯逐客書五用今字貫串七用不字左氏文法變化頗多史記只是此一樣擊首則尾應所謂常山蛇勢也

### 昌黎文法

韓文世謂其本于經或謂出于孟子然其碑銘妙處實本太史公也第此老稍能自祕示人以高故未嘗尊稱遷固至其平生受用則實得于此此亦文章士之私意小智也公嘗自泄其機矣曰非三代兩漢之書不觀所



謂兩漢非班馬耶史記云勝不敢復相士云云勝不敢復相士韓碑云汝何敢反云云汝何敢反史記荆軻傳云軻真傾危之士哉韓毛穎傳云秦真少恩哉班孟堅東方朔傳云柰何乎陛下韓銘云柰何乎公若此者殆不勝紀然則世之工作文者固不得舍史漢而他求也流俗無特見隨聲附和以韓文爲一出于經誤矣子嘗舉此質之雲畚趙公公擊節歎服以爲確論

李盱江文

盱江李先生長江賦袁州學記高出歐蘇百世不朽當

與平淮西碑竝傳

詩文工拙

世言杜子美長于詩其無韻者輒不可讀曾子固長于文其有韻者輒不工東坡詞如詩少游詩如詞此數公者皆名儒大才俱不免有偏處予謂山谷亦然山谷詩律精深是其所長故凡近于詩者無不工如古賦與夫贊銘有韻者率入妙他如記序散文則殊不及也

韓文公廟碑

嘗觀東坡作韓文公廟碑有曰公之精誠能開衡山之

雲而不能回憲宗之惑能馴鱷魚之暴而不能弭皇甫  
縛李逢吉之謫能使南海之民廟食百世而不能使其  
身一日自安于朝廷之上此正用史記龜策傳中語云  
神至能見夢于元王而不能自出漁者之籠身能十言  
盡當不能通使于河還報于江賢能令人戰勝攻取不  
能自解于刀鋒免剝刺之患聖能先知亟見而不能令  
衛平無言觀其文法正似相同

### 文法

漢武帝時齊人少翁以方術得幸封文成將軍後以事



敗誅而隱也又有樂大亦以方士進自言臣之師曰黃金可成而河決可塞不死之藥可得仙人可致也然臣恐效文成則方士皆掩口惡敢言方哉上曰文成食馬肝死耳論衡云氣勃而毒盈故食走馬肝殺人子誠能修其方我何愛乎遂拜五利將軍四可字乃文法也

取予異見

西山先生編文章正宗取周襄王拒晉文請隧一事爲辭命之冠又取祭公謀父諫征犬戎爲議論之冠其後東澗湯公漢編古文則取子產請晉輕幣爲第一又取

子產壞館垣爲第二蓋取予之不同如此近世編詩者亦然人各有見也昨見浙東有唐詩選數十篇率多平常而佳者反棄去殆不可曉平心而論則惟天地長留集所取爲當

經文妙出自然

經文所以不可及者以其妙出自然不由作爲也左氏已有作爲處太史公文字多自然班氏多作爲韓有自然處而作爲處亦多柳則純乎作爲歐曾俱出自然東坡亦出自然老蘇則皆作爲也荆公有自然處頗似曾

文惟詩也亦然故雖古作者俱不免作爲淵明所以獨步千古者以其渾然天成無斧鑿痕也韋柳法陶然純是作爲故評者曰陶彭澤如慶雲在霄舒卷自如

詩文取新

語意不塵詩文之一妙也韓文公云惟陳言之務去夏夏乎其難哉或曰是不難熟復莊騷卽不塵矣夫南華經與楚辭二書經千有餘年然一展讀則煥爛如新學文者能取莊騷玩味之又取世說新語佐之則塵腐之病去矣



平園文體

後邨跋周益公親書艾軒林公光朝神道碑後曰平園  
晚作益自摩厲然散語終是洗滌詞科氣習不盡惟艾  
軒志銘極簡嚴有古意然予反覆熟玩其文平順典雅  
則有之謂之簡古則未也因記壯歲與西園傳公共觀  
某人文字其人亦試詞科傳公曰此文未脫詞科體也  
予曰然蓋詞科之文自有一種體致既用功之深則他  
日雖欲變化氣質而自不覺其暗合猶如工舉業者力  
學古文未嘗不欲脫去舉文畦徑也若且淘汰未淨自

然一言半語不免暗犯故作古文而有舉子語在其中者謂之金盤盛狗矢

曹子建論文

世人著述不能無病僕常好人譏彈其文有不善應時改定昔丁敬禮常作小文使僕潤飾之僕自以才不逮若人辭不爲也敬禮謂僕卿何所疑難文之佳惡吾自得之後世誰相知定吾文者耶吾嘗歎此達言以爲美談此魏陳思王曹子建與楊德祖書中語允謂名言世之露才揚己強辯護短者宜味之夫文章是非無有定

極人言果當何吝更改正不失爲己益也子建深明此理甚善惜不用之務學進道而止用之于作文其文又不能追于三代兩漢而止于組織浮麗爲三國六朝之體此爲可歎耳

序書

歐陽公作五代史或作序記其前王荊公見之曰佛頭上豈可著糞山谷先生歎息以爲名言且曰見作序引後記爲其無足信于世待我而後取重耳此說有理然有遺論如何平叔序論語趙臺卿序孟子杜元凱序左



傳豈謂經傳不足取信于世必待此數人而後取重耶  
李序韓劉序柳蘇序歐王舍人序曾亦豈謂韓柳歐曾  
有待于此數公哉蓋序所以述作者之意非謂作者待  
序而傳使作者果不足傳序顧足以爲重乎涪翁之言  
未爲確論第恐當時序五代史者人不足重文不足采  
故云爾再考序五代史序乃陳師錫也神宗甚喜師錫  
之文每于衆作中見之便自認得常以錦囊盛之陳後  
爲御史有大名

象山小簡

風露淒清星河錯落月在林杪泉鳴石閒薰鑪前引茶  
鼎後殿方池爲鑑回谿爲佩冰玉明瑩霜雪騰耀則噴  
玉新亭真蓬壺瀛洲也此象山先生所與張伯信小簡  
也餘事文章信意翰墨而造語精俊如此真可爲法但  
他人當此境界惟供風雲月露之資先生則內外齊觀  
卽鳶飛魚躍之妙矣

記體

昔人謂韓文公作記止記其事而後人作記乃是作論  
此語切當

隱居通議卷十九

南豐劉 堦起潛著

文章七

左氏莊周

左氏莊周接踵特起著書名世冠絕古今雖旨趣故自不同然皆如華嶽三峯卓立參昂春秋戰國乃有如許文雄殆亦閒氣邪

莊子注

郭象注莊子議論高簡殊有義味凡莊生千百言不能



了者象以一語了之余嘗愛其注混沌鑿七竅一段惟以一語斷之曰爲者敗之止用四字辭簡意足一段章旨無復遺論蓋其妙若此世謂莊子注郭象亦是一說

### 夷狄

王通謂夷狄之德黎民懷之三才其捨諸夫殘忍貪暴戎心之常亦何德之足言借曰有德不過吏卒盜賊姦人狂夫輩懷之爾果其德合天心自爲三才之所不捨所謂夷狄而中國則中國之中國而夷狄則夷狄之此春秋之義也

朱陸貶揚雄

揚雄作太元經以準易作法言以擬論語前代名賢皆謂其學貫天人諸子莫及至其美新投閣之羞則略而不責焉逮象山先生陸文安公始確然爲之言曰子雲之太元錯亂著卦乖逆陰陽所謂君不君臣不臣父不父子不子由漢以來胡虜強盛以至于今尙未反正而世之儒者猶依元以言易重可歎也朱文公作通鑑綱目又特書曰莽大夫揚雄死自二先生決此論而後雄之所以爲雄者始昭白于天下後世然南豐先生之嚴

司馬溫公之正皆于雄有取其見不同如此而南豐先生以揚雄處王莽之際合于箕子之明夷詳哉其言之也朱子極推南豐之文原本六經未嘗訾議其論則朱子亦存其說矣

列子精語

劉向校列子書錄有云列子者鄭人也與鄭穆公同時蓋有道者也其學本于黃帝老子號曰道家道家者秉要執本清虛無爲及其治身接物務崇不競合于六經而穆王湯問二篇迂誕恢詭非君子之言也至于力命



篇一推分命楊子之篇惟貴放逸二義乖背不似一家之書然各有所明亦有可觀者向此數語頗能盡禦寇之旨案列子書凡八篇其粹者莫出于天瑞一篇傳者云禦寇先莊子故莊子稱之然後世多宗南華而談沖虛至德者反寡蓋莊子得其說而善用之所謂青出于藍而青于藍者究其旨歸則漆園之言皆鄭圃之餘也人自生至終大化有四嬰孩也少壯也老耄也死亡也其在嬰孩氣專志一和之至也物不傷焉德莫加焉其在少壯則血氣飄溢欲慮充起物所攻焉德故衰焉其

在老耄則欲慮柔焉體將休焉物莫先焉雖未及嬰孩之全方于少壯閒矣其在死亡也則之于息焉反其極矣○抑又安知吾今之死不逾昔之生乎○子貢願有所息仲尼曰望其壙畢如也宰如也墳如也鬲慙如也則知所息矣人胥知生之樂未知生之苦知老之憊未知老之佚知死之惡未知死之息也○聖人藏于天故物莫之能傷也○一體之盈虛消息皆通于天地○貴之或不生賤之或不死愛之或不厚輕之或不薄此似反也非反也此自生自死自厚自薄或貴之而生或

賤之而死或愛之而厚或輕之而薄此似順也非順也  
此亦自生自死自厚自薄○百年壽之大齊得百年者  
千無一焉設有一者孩抱以逮昏老幾居其半矣夜瞑  
之所弭晝覺之所遺又幾居其半矣痛疾哀苦亡失憂  
懼又幾居其半矣量十數年之中迢然而自得無介然  
之慮者亦亡一時之中爾則人之生也奚樂哉爲美厚  
爾爲聲色爾而美厚復不可常厭足聲色不可常翫聞  
乃復爲刑賞之所禁勸名法之所進退皇皇爾競一時  
之虛譽規死後之餘榮偶偶爾重囚累梏何以異哉○



萬物齊生齊死齊賢齊愚齊貴齊賤十年亦死百年亦死仁聖亦死凶愚亦死生則堯舜死則腐骨生則桀紂死則腐骨腐骨一矣孰知其異○生相憐死相捐○旣死豈在我哉焚之亦可沈之亦可瘞之亦可露之亦可衣薪而棄諸溝壑亦可衮衣繡裳而納諸石椁亦可○伏羲以來三千餘萬歲賢愚好醜成敗是非無不消滅但遲速之間爾矜一時之毀譽以焦苦其神形要死後數百年中餘名豈足潤枯骨何生之樂哉○生民之不得休息爲四事故一爲壽二爲名三爲位四爲貨有此

四者畏鬼畏人畏威畏刑○天下無對制命在內○人不婚宦情慾失半○大道以多岐亡羊學者以多方喪生以上皆列子中精語列子楊朱篇多至言但時有重複如論堯舜桀紂同爲腐骨而論舜禹湯武又曰與株塊無異如言刑賞之所禁勸名法之所進退而又曰畏鬼畏人畏威畏刑皆一意而重出者也然大旨不害其爲達張處度湛注列子亦多有佳處足以補旨趣之所未及

治身事天

老子曰治身事天莫若嗇呂榮陽希哲嘗書此語爲坐  
右銘修行家以此爲養生之要要之此卽莊子所謂衽  
席之上飲食之間而不知戒者孔子曰以約失之者鮮  
矣又如禮與其奢也寧儉言禮之本皆是此意

豬苓爲帝

嘗記水心先生文中有曰豬苓桔梗時而爲帝無不按  
節赴之或者疑其自作議論不知出南華經徐無鬼篇  
其言曰藥也其實堇也

卽鳥頭

桔梗也鷄臙也

卽

豕零也

卽豬苓

是時爲帝者也何可勝言郭象曰當其所須則無



賤非其時則無貴貴賤有時誰能常也此論大概喻人  
無貴賤觀所遇之時何如故用則爲虎不用則爲鼠又  
俗謂可貴可賤皆此意也夫堇爲烏頭乃至毒之藥然  
用以治溼則爲帝五苓散用藥五味而獨尊豬苓以名  
其藥蓋雖賤而可以爲帝則貴賤亦何常之有哉唐宋  
重科目則儒貴秦尚功利則儒賤矣

案此以秦況元也  
故先言唐宋而後

言秦

### 莊子精語

世閒常用好語多出於莊謾記一二于此偶因常用者

及之

千歲厭世去而上僊乘彼白雲至于帝鄉○癘之人

癘音

癘

夜半生子遽取火而視之汲汲然惟恐其似已也○

帝王之德配天地○三軍五兵之運○日月照而四時

行○子呼我牛也而謂之牛呼我馬也而謂之馬○古

之人與其不可傳也死矣○孰主張是孰維綱是孰居

無事推而行是○雲者爲雨乎雨者爲雲乎○道可載

而與之俱也○是非其夢耶○仁義先王之遽廬

猶傳舍也

止可以一宿○倒置之民

營外虧內

○以爲不已若者我之

謂也○騏驥驊騮一日而馳千里捕鼠不如狸狌○孔子曰我諱窮久矣而不免命也求通久矣而不得時也○吾命有所制矣○水行不避蛟龍陸行不避虎兕○髑髏曰吾安能棄南面王樂而復爲人閒之勞乎○二子者皆不鞭其後者也○衽席之上飲食之閒而不知爲之戒者過也○畏涂○昭昭乎若揭日月而行○豐狐文豹何罪之有其皮爲之災也○犂然有當于人心○彼以利合此以天屬○谿工田子方之里人○吾所學者直土梗耳○使人之意也消○仲尼曰夫哀莫大于心



死而人死亦次之○吾終日與汝交一臂而失之○揮

斥八極神氣不變○今視子之鼻閒栩栩然○凡亡

司馬

云凡國名郭注  
言有三亡徵也

○欲俎豆于賢人之閒○爲不善乎

顯明之中者人得而誅之爲不善乎幽閒之中者鬼得

而誅之○無所逃于天地之閒○石師

謂匠石

○柴立○

丘願有喙三尺郭云有喙三尺未足稱長凡人閉口未

是不言司馬云喙息也宜南弄丸而弭難叔敖除備以

折衝丘亦有願有歎息其三尺三尺匕首劒司馬之說

似鑿

卷十九 終

隱居通議卷二十

南豐劉堦起潛著

文章八

端平策問

宋寧宗開禧中韓侂胄當國啟戎時史丞相彌遠爲禮部侍郎與中官楊后密謀命殿帥夏震乘侂胄入朝殛死于玉津園前史登相位改元嘉定寧宗崩拔理宗千側微以登寶位史相秉政凡十八年薨于位鄭忠獻清之以舊學代相改元端平理宗始親政召用諸賢更革

弊政一時翕然號小元祐引領以望太平而諸賢議論  
迂疏國計匱乏是時十六界楮幣寢輕咸以爲病端平  
二年己未召江萬里爲館職故事必先試策而後除是  
年南塘趙公汝談直翰苑命題發策以楮爲問問意不  
滿諸賢之罔功趙公當時儒宗筆力高簡朝野稱之世  
變以來失去三紀矣偶從朋友閒見之如遇故人輒錄  
于此江丞相對策尤妙實爲近代館職策之冠予舊誦  
之甚習然浩浩數千言難以盡錄謾志策問于此而已  
問楮幣至是術窮矣其將何以救之歟非楮之不便民



用也其法貴少而今多焉故也物視輕重爲相權使黃金滿天下多于土而土之難得甚于金則金土易價矣然則天下非物之貴也楮之多也非楮之多也國之貧也憂國者謂將深惟國之貧宜從其原治之而顧不然上下日夜所講切乃專在稱提何見之陋也夫國貧則取諸民民竭無可取則惟有痛自節爾今議者乃猥謂內有某事某事例當舉外有某事某事勢當備加費且不瞻而節何從施若是則束手坐待顛沛乎王制言國無三年蓄者國非其國孟子謂三征盡用則父子離無

三年蓄者所餘少也三征盡用者無復餘也今國家罄一歲所入曾不足支旬月而又日不輟造十數萬楮幣乃僅得濟是不止無餘矣其可爲汲汲寒心蓋又甚于王制孟子之所云矣而薦紳先生方且雍雍然戢戢然交誦致知格物之微言深贊攘夷復土之偉畫此愚心所竊怪而絕不諭者也仲尼言爲政在兵食信至不得已而去則兵與食猶在所舍而用顧不可節乎紹興隆興間世未知用楮也其時國計不見匱乏民生亦無所患苦自楮幣行于今未七十年而調度狼狽禁令繁數

遂至此極且今天下非小于紹興隆興之天下也賦取則固倍之矣而若是焉者猶可不討求其故哉案支費必有目其創而增于前孰最重蠹壞必有原其積而至于今孰最深廣費因何論而興積壞至何事而見今修復用何策是欲搏約自何道始二君負經濟之學有閒矣幸悉心科別其條會而折諸理以對覲于世有補焉其勿習爲老生迂談而使區區者憮然重歎也

楮幣于宋謂之會子于今謂之寶鈔雖制用不同而以久而輕則幣一而已矣至于物價踊貴則以近年較宋



殆有甚焉

江東運司策問

景定中江東轉運司行貢舉引試北方士人一科時疊山先生謝公枋得爲考試官發策以中原爲問問目筆力甚偉當時遠近傳誦今將五十年矣故書中得舊本恐失之謾錄于此

問事有利害不切身而傷懷人有古今不同時而合志吾亦不知其何心也登治城訪新亭欲問神州在何處自南渡百四十年惟見青山一髮眇眇愁予耆老不足

證矣安得不夢寐東晉諸賢乎衰草寒煙猶帶齊梁光  
景徒以重人黯然而不知秦淮舊月曾見千載英雄肝  
膽乎惜其遠而不可詰也北來諸君忠義之澤在心慨  
歎黍苗悲歌蒲柳豈能忘情故都哉本朝道德仁義之  
教三代而後未有也士大夫苟且媮惰無能猷遠猶晉宋  
人物所不爲也自隆興至端平三大敗縉紳不敢問中  
原矣兵端不可妄開國事不可再誤思目前之危急舍  
分表之經營茲猶可籍口柏城澗水草木自春不知誰  
家墳墓乎每歲寒食夏畦馬醫之子無不以麥飯灑其

松楸者長陵杯土詎容置而不問哉劉裕入長安道路  
謁五陵時晉寄江左百十有三年矣五胡雲擾豈暇念  
晉陵廟舜野禹穴誰敢以疑心視之此臣子不忍言之  
至痛也由端平至今又三十年八陵不復動淒愴秦始  
皇陳隱王之冢猶有人守之三歲禋沛義夫節婦墳墓  
亦禁樵採況祖宗神靈所眷乎士大夫沈于湖山歌舞  
之媒何知有天下大義諸君北風素心豈隨末俗閒斷  
哉公卿談學問自許孔孟談功業自許伊周若限田若  
鄉飲若論秀若舉選皆欲仿佛三代此一事乃堪在晉



人下乎或謂本朝取中原者其失有四不保全名將不信任豪傑不招納降附不先據中原不知諸君所聞何如也後來童穉班荆輟音固晉人所深恨西北流寓抱孫長息于東南同父已知中原決不可復矣一旦聞有北方豪俊試于漕闡有司安得不驚喜也猶記乾道壬辰辛幼安告君相仇虜六十年必亡虜亡而中國之憂方大紹定驗矣惜乎斯人之不用斯世也諸君亦有義氣如幼安者百尺樓上豈可不分半席乎

或謂策問當設疑問難今一筆說去似非問目然文氣

振發終是一篇好文字其問目卽藏于議論之中但恐難爲對耳

咸淳庚午科盱江擬策問

陳文定公宗禮魁望立朝平生以名節自任縉紳高之咸淳初爲尙書嘗舉婺州通判冷應元廉介而兩浙運使潛說友因事誣冷貪酷公卽自劾不報徑出國門詔遣中使宣回公謝徑歸里朝廷不得已除公華文閣直學士知隆興府以華其歸公不拜己巳歲改知廣州兼廣東經略使衆謂公必終辭而乃徑赴鎮明年除端明

殿學士簽書樞密院事是時賈似道柄國每以官爵籠絡時賢敗其素履衆又謂公必不墮似道計初猶力辭似道以不能致公爲慊致書殷勤公遂爲動答書許之似道一日欣然語兩浙運使趙德茂與值日始謂千峯堅壁近得報書許爲某出矣由是中外失望是年適科舉有清江胡尉以遜來盱江貢闈校文當作次篇策題胡因以大臣出處大節爲問旣成章以呈監試黎通守靖德及同院考試官咸謂胡君文筆甚奇而指摘大切懼陳公借此以爲辭召之柄則朝廷推求罪必相及遂



命他考官改爲而胡之策題竟置不用其後旣拆院有  
得其橐者予愛其文今錄于後陳公旣造闕詔兼參知  
政事甫兩月薨于位君子曰陳公晚節殊可惜使其終  
于高臥不出不過兩月不入都堂耳而全名高節舉世  
無儔何至貽千古之憾哉其文曰

問天高地下古往今來悠悠風塵俛仰千載賢者畱芳  
簡冊不肖者蕪穢垓埏榮華富貴如浮雲過太空起滅  
瞬息獨士君子立身大節垂之千古與穹壤相爲不朽  
耳當此蕉鹿酣夢之場宜有磊落軒昂睥睨天地之士

翛然長往萬牛莫挽之風以警醒之此有司所以喜談  
而樂道者不知諸君所志何如也古之君子內重而外  
輕已大而物小其視富貴利達舉世之所攘袂而爭者  
猶如蟻蠊之過吾前舉無足以動其心故于進退行藏  
無一不合後世名羶利飴沈酣骨髓直欲以有限之光  
陰爭無窮之宇宙不知逆旅之炊粱未熟而人閒之大  
夢已覺矣回視疇昔所營了無所得徒使後人而復哀  
後人也東山雅志每形言色黃公酒壚邈若山河功名  
富貴駸駸迫人朝市山林從此永隔矣悲夫一日父子

東歸初無奇節初非甚高難行之事送者車數百兩至  
泣下咨嗟至寫爲圖畫以傳豈出其荆見故耶老子婆  
娑正坐諸君輩雖位極人臣貴埒公上曾不如雲孫聊  
爾弦歌蕭然環堵歸來三徑出岫無心耨子候門班荆  
共酌爲差樂而無苦耳古今賢相名卿士大夫不少率  
於茲事不滿人意立初節易保晚節難豈亦有所感而  
爲是論歟消搖堂聽雨早歸之約快閣歸船橫笛之盟  
二公心事皎如日月山川鬼神實與聞之異時宦海風  
濤卒不如志豈士君子之出處亦天邪功成謝事幅巾



東歸誰不願此由我者人非我者天畫錦故鄉黃華晚  
節耆英洛社白髮蒼顏高名全節照映古今千載而下  
想望猶天人也乃有望復位而目穿一斤去而涕泗上  
待輔臣如此曾無氣節高邁不貪祿位之人以感動之  
故年方四十卽求致仕而歸者意有在矣好事之徒乃  
謂急流勇退是蓋僂風道骨之人無乃見其面而未識  
其心歟自古被這般官爵引壞名節以君子觀之此理  
自不難見言者乃曰此事今人不及須于古人求之而  
天子亦曰只辭樞密一節朕自卽位以來僅見此人若

他人雖推之亦不去矣不知先朝盛時難進易退之風  
乃爾寂寥邪當時固有不好官爵不好奉養之人辭官  
之章多至十七八上一語不合卽稱疾而求去者或又  
詆之爲不情何邪再召赴闕倍道兼行投老鐘山書空  
咄咄何以閒執議者之口豈矯于始者不能不改于終  
邪至若不念舊惡稱爲長者常候人主之意未厭先求  
去故能三入殊非執拗不聽人言者比不知當時諸公  
唯唯書紙尾而不敢輒有所豫者何所疑憚而若是也  
不寧惟是平生所志不在溫飽榮進素定何有不爲而

晚思再入甘于自媒去就如此果能保其不以待復古者待我否雖然平生名節爲後生描畫盡惟有早退以全晚節吾愛之慕之居廟堂之高則憂其民處江湖之遠則憂其君吾亦愛之慕之曾何優劣之敢云況四郊多壘人物渺然宇宙內事莫非已分內事進居廊廟而無充位行文書之譏退處山林而無晚節浮沈之誚果何道而可諸君里巷閒與諸長老游從其于出處大致講之熟矣洗除場屋爛熟之談脫去常人握齷之態而以胸中梗梗者吐之有司于此觀其人敢問



盱學策問

前載千峯陳公晚節輕出遂爲胡尉發策獻嘲然策問措辭形容太切是年盱學王教授寅引放堂試亦以此意發問而其辭意忼慨深沈讀者不覺誠奇筆也其問云

至人無己神人無功聖人無名邀雲將兮游鴻濛躡天根問倏忽大辯何訥大智何愚大勇何怯大肆若拘許由巢父何孑孑而居龍逢比干何蹇蹇而誅我將釐是非混有無芴薄萬物與天爲徒薦紳大夫劃然而笑曰

子殆未知天乎古今天之晝夜晝夜天之一息也陰絀而陽施陽蒸而陰摩呼而炎噓而冷天且爲物絃爲氣化爲形驅子焉能違世而與道俱且夫乾吾父也坤吾母也其出也或爲之君其處也或爲之友雖尼山之老鄒嶧之叟尙役役焉同世趨子又焉能一爾汝忘形軀使青州饑民尙數十萬耆英會上忍家食以嬉乎使西師怙虐羶膽未寒畫錦堂中忍委身以歸乎

案已上俱用韻二

龍閒臥洛水無波清則清矣青苗手實滿枰俱敗忍不爲斯民活一著乎晨窗林景雲谷自春高則高矣潛邸

舊人出幽入明忍不爲國家伸一喙乎借曰太平無事  
我可擊伊川之壤都督有人我可織東湖之屨然名敎  
一家中原萬里彼能忘之乎四道狼煙萬宇俱盡戎馬  
迹獨不到西山南浦閒乎倚梧而瞑隱几而笑當爲是  
深長思而奚以靜爲高或曰我且直之何如大夫曰唯  
夫靜專動直乾道也子奚迂而況盲風夜收天宇爲霽  
狂瀾不驚上下一碧非神龍出游瞬息入極時乎天下  
憂患一疏大鳴于神好饒鼎之交而慶厯以後大事若  
默僅聞今日爭濮議明日爭濮議何故河朔三鎮一奏



力爭于表鋒奔逆之衝而建炎以來晚節浮沈舍典學  
數語外寂寂無聞何居或曰自仁祖朝優容言者太過  
其始也以詆訐而去爲賢其終也侵尋而入于諛靜與  
直胥失之此數百年通患而爭新法之罪吾黨所以平  
之也然則容言非朝廷福諱言反爲朝廷福乎直言非  
吾黨幸隱言反爲吾黨幸乎語涉太后忤之者用僭也  
隨之罷誰速之乎寵錦有聞傳之者固譌也分之去誰  
實激之乎批答弗稱疑之者固輕也鎮之出誰迫之乎  
天章十條撓之者僥倖乎抑有出于僥倖之外乎伯紀

十議忌之者僭叛乎抑有出于僭叛之外乎燈前夜雨掩卷悠思未嘗不爲志士一慨而亦未知所適從也顧

鳳岡之隆聳想直講之高風

案盱江城北有鳳皇山其麓有李直講墓直講名觀

字泰

銅陵石磴

南城縣志西十五里有銅山案麻原三伯

瀉紅泉李善注文選云銅陵卽銅山也

遁賢棲客亦與倘佯乎其中必有

能祛世迷者敢問

此題旣出時學內外應試者數百人皆莫悟其旨予退而歎曰是殆爲陳千峯發也蓋千峯爲賈公一出公議旣惜之而入朝一疏又乏骨鯁視疇昔四大願之說大

異于是逾失衆望今策問中有靜直訐諛四字蓋問目  
綱領而所引歐陽文忠趙忠簡直言不終意甚可見是  
時卽以出處語默爲答斷之曰士大夫未暇問語默先  
當問出處若出處之大節旣明則語默之小疵可略曰  
靜曰直曰訐曰諛明問偉矣顧纖悉于小節而濶略于  
大閑吾不知風範一潰廉恥道喪尙瑣瑣于言語諛激  
之分一何未哉其意以謂千峯一動已誤矣又何必復  
校其論諫之是非王公大喜遂于數百卷中擢予爲第  
一遠近傳誦翕然許可予往謝王公謂予曰初得此卷




以爲決非建昌城內諸公所能作若非金谿卽臨川人  
材也緣三年在此考校多矣若目前諸公之文皆能識  
之此卷文字風骨偉然非尋常所有故疑其爲遠方之  
文耳已而拆號見姓名乃知其爲南豐作者甚自喜所  
擬之不謬而又甚恨相識之晚自是與予定交相得懽  
甚明年三試皆中前列未幾公授代再注南安郡敎授  
別後猶不忘常寄書求予文期予以遠大甫三數載江  
西陷漫不相聞矣公廬陵人咸淳乙丑由江西運司混  
試補入成均戊辰卽中省試以內舍生得注敎官云此


策題失去者十有五年常思見其文不可致戊子六月  
宗人景周偶以此本見示因備錄之併記當時事爲之  
慨然

隱居通議卷二十一

終













隱居通議卷二十一

南塘劉堦起潛著

駢儷

總論

宋初承唐習文多儷偶謂之崑體至歐陽公出以韓爲  
宗力振古學會南豐王荊公從而和之三蘇父子又以  
古文振于西州舊格遂變風動景隨海內皆歸焉然朝  
廷制誥縉紳表啟猶不免作對雖歐曾王蘇數大儒皆  
奮然爲之終宋之世不廢謂之四六又謂之敏博之學

又謂之應用士大夫不游場屋卽工時文旣擢科第舍  
時文卽工四六不者弗得稱文士大則培植聲望爲他  
年翰苑詞掖之儲小則可以結知當路受薦舉雖宰執  
亦或以是取人蓋當時以爲一重事焉今究觀所作雖  
無補國家實政然否泰盛衰升降之運亦可因是觀之  
何者世道休明則辭氣盛壯固非濁世昏俗所能及也  
當時士君子率皆殫精覃思鑄出偉詞誠多精妙不可  
泯者要亦文明盛時習尙然也南渡以來名公著作多  
見梓刻海宇誦習近世尤多奇人俊士妙語風漪惜經



世變編簡淪漫無可採覽而又懼其久而逾忘也追記  
零落不忍遺輒附載之身歷亂離神志凋耗蓋記者不  
一二而遺者已什百矣姑列于後

陸放翁諸作

陸放翁名游字務觀文士也高宗紹興末已爲樞密院  
編修官孝宗初立召對與尹穡同時賜進士出身恩遇  
甚渥俄以不謹交游罷通判鎮江府上不樂由是屢薦  
不官久之乃從范至能成大入蜀旣而補郡稍遷部使  
者又以言廢淳熙末趙守嚴陵入見上勞勉之旣到官

以表謝曰明主恩深書生命薄唐帝之知李白一官不  
及于生前漢皇之慕相如遺橐徒求于身後上頗憐之  
內禪前十日命以軍器少監權禮部郎中孝皇愛惜人  
才不終弃如此晚年高臥笠澤學士大夫尊慕之會韓  
侂冑顯政方修南園欲得務觀爲之記峻擢史職趣召  
赴闕務觀恥于附韓初不欲出一日有妾抱其子來前  
曰獨不爲此小官人地邪務觀爲之動竟爲侂冑作記  
由是失節清議非之有四六前後續三集其文初不累  
疊全句專尙風骨雄渾沈著自成一家真駢儷之標準

也因摘其妙語以訓諸幼

賀茶山曾祕監有云聞諸耆舊昔在祖宗朝有道德魁  
偉之臣士鄙刑名功利之學政術既斥夫卑陋國勢自  
極于尊安豈惟右文飾治之方是亦折衝消萌之要至  
于主盟儒道典領書林必求名勝之宗尤極清華之選  
又曰舊聞入洛之盛事疑于古人追數過江之諸賢屹  
然獨在除刪定官謝丞相自敘有曰獨學寡聞倦游不  
遂瀾繙記誦媿口耳之徒勞跌宕文辭顧雕蟲而自笑  
低徊久矣感歎淒然使有一人之見知亦勝終身之不



遇然而稟資至薄與世寡諧在鄉閭則里胥亭長之所  
叱訶在州縣則書佐鈴下之所蹈籍聲名湮晦衣食空  
無賀張都督有曰仰惟列聖之恩實被中原之俗耕田  
鑿井舉皆涵養之餘寸地尺天莫匪照臨之舊豈無必  
取之長算要在熟講而後行顧非明公誰任斯事賀曾  
台州有曰上待老成惟恐弗當其意士聞靜退自消競  
進之心又曰歷考平生追配古人而奚愧中更俗吏益  
知儒者之有功賀禮部侍郎有曰惟宗伯之清華極近  
臣之遴選誠使此地常得其人則朝廷日尊自弭未形

之患論議守正亦折羣衆之萌差夔州通判謝啟有曰  
少也畸人長而獨學好莊周齊物之說樂以忘憂讀嵇  
康養生之篇慨然有志秉心不固涉世寢深兒女忽其  
滿前藜藿至于并日屢求吏隱冀代躬耕亦嘗辱記其  
姓名固欲稍畀之衣食費元化密移之力不知幾何悼  
孤生一飽之艱乃至如此除監司謝啟有曰衣食不繼  
自竄夔楚之邦齒髮寢衰倦游隴蜀之境惟習氣未忘  
于筆硯每苦心自力于文辭藏之名山本欲粗傳于後  
世待以國士豈期親遇于鉅公又曰士于知己寧無管

鮑之情人之多言誣爲李牛之黨又曰哀窮悼屈如伐木故舊之不遺懷昔感今異積薪後來之居上通王宣撫自敘有曰稟資凡陋承學空疏雖肝膽輪囷嘗慕昔賢之大節乃齒牙零落猶爲天下之窮人撫劍悲歌臨書浩歎每感歲時之易失不知涕泗之橫流知嚴州謝到任有曰淺智褊能薄才緜力棲遲屏迹但欲射石虎以終殘年辛苦著書不足藏名山而俟後世偶爲貧而求仕旋觸罪而免歸雁食無儲鶉衣不補凡百君子悠悠非特達之知平生故人往往處嫌疑之地欲言誰聽



投老何歸又謝啟有曰下愚難移大惑莫解不能高飛  
遠舉求避橫目之民乃復直情徑行自掇噬臍之悔永  
言窮薄數蹈躓回毀來靡待于道高災生豈由于福過  
斷雲零落敢懷出岫之心病鶴縈纒忽忝乘軒之寵又  
曰哀細德之儉微開洪鈞之塊軋念茲積譴雖擢髮而  
有餘察彼衆讒亦吹毛之已甚未加顯棄聊復少收又  
曰無復入關西曰舉釣竿之手惟希度世東封謁玉輅  
之塵賀丞相有曰永惟夷夏戴宋之舊思見太平時則  
祖宗在天之靈爲生賢佐上參政有曰爲治不難其道

顧何如耳用人若此吾國其庶幾乎傳聞四方歎喜一  
意某聞公論未嘗盡廢常苦不在于朝廷小人豈必無  
材惟患與聞于國事又曰仁人先天下而憂重矣自任  
賢者備春秋之責艱哉克終賀李運使有曰槩薄游戲  
之翰墨嬉笑怒罵之文章過黃初而有餘嗟正始之復  
見飛騰捷路恥煩狗監之吹噓散落遐荒寧付鷄林之  
裁鑑賀御史中丞有曰人情不遠立朝誰樂于枰彈仕  
者自謀于世本求于遇合又曰國有紀綱治自形于四  
海九州之遠士篤名義效或見于數世百年之餘賀丞

相有曰時玩久安輒生天下之患國無遠略必有意外  
之虞賀運使有曰寬猛異施古今莫一子產號衆人之  
母用于鄭而莫救陵夷申商爲法家者流弊至秦而卒  
以顛覆歷考簡編之迹莫先儒術之功又曰敢圖莫境  
獲備屬城閭里無聊擘涕下催科之筆事功靡著忍慙  
修候問之書自敘有曰笠澤漁家紹興朝士捫參歷井  
久困客游煮海摘山屢乘使傳旣罪愆之未洗復衰疾  
之相侵骨相宜窮頭顱可揣穿延和之細仗恍若隔生  
分新定之左符更叨起廢又賀丞相啟有曰廟堂之謨



代天而理物帷幄之算經遠而折衝平居用小大之材  
欲其披肝膽以自盡一旦付疆場之事欲其捐性命而  
不辭自非有以素服衆心則將誰與共濟大業晉文側  
席于子玉回紇下拜于汾陽王商以忠蹇立朝則單于  
不敢仰視平津以陰姁充位則淮南謂若發蒙自昔謂  
世之盛衰莫如置相之當否

以上皆放翁集中語凡此皆以議論爲文章以學識發  
議論非胸中有千百卷書筆下能挽萬鈞重者不能及  
後來惟劉潛夫尙書極力追攀得其旨趣壯年所作絕

似之晚年稍變槎牙蒼鬱之態然覺枯槁矣

劉後邨諸制

景定壬戌山東李璫以青齊來歸授璫保信寧武軍節  
度使督視京東河北等路軍馬齊郡王制曰臣子之情  
尊君而愛父春秋之法內夏而外夷載嘉蓋世之豪首  
決歸朝之策懷義概英風之鮮儷超勳階爵級之常彝  
誕播絲綸肆頒印節李璫關河閒氣淮海俊人市駿骨  
而捐金招來遺軼聞雞鳴而起舞寤寐功名感辛有爲  
戎之言抱魯連蹈海之志慨思爾考被遇先皇屬邊吏

之疏庸致勳臣之跋扈朕迹前事諒丹赤之初心爾效  
膚公欲雪清于前垢旣舉渤海歸職方氏復奉淄青入  
王會圖無疆界彼此之分有車書混同之漸王猛發正  
朔相承之論勿晉爲謀馬援知帝王有真而來于漢專  
意英雄所見今古略同是用加兩鎮元戎之榮峻二府  
督師之拜殄草地之通虜分茅土而胙齊少慰立身揚  
名之心併下改史復官之詔於戲吳起守西河而事魏  
國未聞竝擁于齊旄太公表東海而封營丘孰若徑疏  
于王爵承肩忠盡式對寵褒可云云口宣云卿擇主之



義高歸疆之功大擁將旄于淮蜀胙王社于青齊以厲  
英豪以獎忠孝茲爲異渥益懋壯圖其父李全特追復  
彰化保康軍節度使開府儀同三司京東鎮撫使依舊  
京東忠義諸軍都統制制曰君記人之功不瑕疵于往  
事子揚父之美蓋倫紀之至情家庭有特起之豪泉壤  
凜如生之氣差辰出綍疏渥還氈李全海岱奇才風雲  
壯概帥齊地陷蕃之衆歸于本朝立堂門勦虜之勛書  
之盟府加卿子冠軍之號極使相元戎之榮雄心方驚  
于白檀異夢奄罹于黑幟豹畱皮之志非不踐言狼跋

胡而然豈其獲已是生英嗣雅慕華風自拔衽髮之中  
來獻版圖之舊昔周封蔡仲志郭鄰之愆漢爵弓高原  
馬邑之責旣獎官堂而裂土乃令告第而復官仍改汗  
青用昭忠赤以慰霜露薰蒿之感以堅關河響附之心  
於戲剖符分功臣之封不及觀于子貴結草亢輔氏之  
役必能報于國恩可云云獎諭制招二閫詔有曰恩交  
義結不煩辯士之下齊檄走書飛已報王師之入蔡赦  
詞有曰被髮左衽英雄恥胡服之歸簞食壺漿父老迎  
王師之人以上皆劉潛夫克莊筆也時以工部尙書兼

直學士院一宗制詔盡出其手筆力高妙不假琚鐫而  
用事尤精切如白檀黑幟弓高馬邑用之李全無以加  
之白檀出漢書李廣傳黑幟晉陸機夜夢黑幟繞車手  
決不開天明遂遇害漢韓王信以馬邑降匈奴後其子  
頽當復歸漢詔封爲弓高侯正與李全事體同其妙如  
此時又有獎諭詔乃平舟楊元極棟當制有曰齊地開  
十二奉圖籍以歸本朝禹服廣數千知衣冠之爲正統  
覺文氣不及後邨活動矣

時又有安南國王陳日照

說文無照  
卽頽字

表稱年老乞傳位



其子威眇朝廷以前無此例議所以處者久之詔從其  
請封威眇爲國王而曰照加封大國王以尊榮之二制  
皆佳大國王制曰春秋大一統進爵所以勸來中庸有  
九經嘉善所以柔遠矧功成而身退宜恩厚而禮隆乃  
眷南交夙勤內向堂構屬聞于承襲梯航恪奉于貢輸  
爰錫殊稱誕敷顯冊具官安南國王陳曰熹沈雄而和  
衆忠順而達權始謹終欽居海瀕而霑聖化仰觀俛察  
知中國之有至仁久殿是邦欲授之子目昇平之舊觀  
表懇惻之忱辭維商是常亟修來享之禮謂午也可竊

希告老之風有嘉乃心奚靳所予尊無二上固難攀大  
漢之儀官必太先式克用成周之典授師垣之極品冠  
藩服之真封邑采加豐身章增賁疊此璽褒之寵昭其  
釜養之榮於戲安且吉者詩必稱義不忘于請命老而  
傳者禮所尙壽宜介于耆頤啟爾後人祇余明訓可特  
授檢校太師特封安南大國王依前云云功臣仍賜襲  
衣金帶主者施行威眺制曰周建諸侯之國錫以山川  
漢封異姓之王及其苗裔美矣家傳于恭順俾之世襲  
于蕃宣奄賜履之舊疆疏出綸之新渥安南國陳威眺

挺姿英毅秉性忠純在邦在家終始安民而和衆是父  
是子後先作室而冑堂過庭雖命以繼承馳驛尙勤于  
奉稟際天所覆鄉風慕文軌之同重譯而來效貢忘梯  
航之遠載嘉謹恪爰示寵褒爵超五等之崇秩視三公  
之貴旌節長安之本色錫盾琫戈名號凌煙之元功高  
冠長劒分茅如故食采有加益堅屏翰之心庸報君親  
之德於戲衆星北拱仰瞻象緯之垂百川東之孰謂鯨  
波之隔欽承恩遇永底榮懷可特授靜海軍節度處置  
等使特進封安南國王食邑三千戶食實封一百戶特



賜效忠順化功臣主者施行是時亡友范去非從包宏  
翁尚書在朝嘗錄此二制并山東李璿封齊王制詔一  
宗從行都郵遞緘以示予謂皆出後邨劉公視草予讀  
山東制詔見其雄奇超卓信非後邨公莫能也此前一  
制鎔意鑄詞亦似出劉之筆其後趙次山仕閩歸惠余  
後邨文集閱視之但有山東制詔而安南前制乃不載  
未幾後邨卒其家盡會萃其平生所著別刊少本爲大  
全集曾履祥仕閩歸又惠余一部復閱視亦無前一制  
如此則或出他學士視草未可知也嘗記故友車震卿

云景定閒畱行都待班引時後邨當制一日下直震卿  
謁之于寓舍公方苦痰眩不能迎客延入臥內則見其  
伏枕而又若有所構思者已而且嘔且視草震卿問之  
則方誤賈忠肅涉封魏王制也謂震卿曰適苦思得一  
聯云忠臣義士知祖逖誓江之心故老遺黎悲宗澤過  
河之志震卿極稱其佳且以祖對宗以誓江對過河又  
精切公謂自當制每得大詞頭多是无案底者意蓋謂  
山東歸朝出于創見無舊樣子也然安南遜位亦可謂  
無案底矣吾因震卿之說遂信前一制決出于公然集

中不載豈出于他人之筆乎

翁丹山濟王制

寧宗在位久前星未耀乃取沂靖惠王之子爲子賜名  
竑封濟國公嘉定十四年六月也十七年將立爲太子  
而寧宗不豫時史丞相彌遠顓國柄皇子惡之將俟晏  
駕有所處置史覺其意矯詔以皇姪邵州防禦使貴誠  
爲皇子賜名昀而以竑爲三府儀同三司判寧國府封  
濟陽郡王寧宗崩理宗遂于柩前卽位濟王旣出有潘  
壬潘丙者不能平奉王起兵于霅川朝廷遣兵討之王



自經死理宗由是享天位四十有一年深德史公公嘗力諫理宗以勿復濟邸官爵勿爲立後理宗入其言自臨御至升遐凡廷臣言倫紀乞繼絕者幾千百疏名臣鉅儒脣敝舌腐言之皆不報暨度宗繼統乃始行之制曰朕紹膺丕圖蒐舉缺典率時昭考友不得以因心遺我後人孝莫先于繼志乃若秦邸之事當其涪陵之時太宗悼之已首敘舊恩章聖承之遂盡復元爵矧親聆于詔命而可緩于愍章故皇叔巴陵郡公竑冒出帝家胙分王社子而能孝宜懷不憾之心臣若克忠冒犯無

將之戒恭惟聖父篤敘天倫尺布斗粟之謠自詒伊阻  
大衾長枕之樂豈不爾思故每于家庭之閒而念及泉  
壤之下謂事關社稷雖天不能違時使澤漏墳塋他日  
毋忘追敘且寶慶所顯膺之異數在端平亦稍慰其沈  
魂何爲屯膏正待渙汗對越敢塗之新屋悉還茅土之  
故封是用秩冠孤卿節仍兩鎮守冢置二千石合修上  
雍之儀乘車共七十人尙廣封蔡之意儻猶存歸地之  
魄其往謝在天之靈可追復少師保靜鎮潼關軍節度  
使濟陽郡王仍令所司備禮改葬主者施行此制語意

妙絕朝野夸誦蓋中書直院翁與可合筆也

賈相制

景定庚申賈師憲自軍中拜右丞相依舊京湖四川宣撫大使制曰涕泣而表出師不遑將母旬宣而歌維翰盡以付卿忘其誰筆也

紹陵登極赦

度宗登極赦文有曰洪惟先皇丕承大統傳家嗣十三聖光紹寧宗享國踰四十年遠幾仁祖馬翔父廷鸞當制也



馮景說賀賈相啟

山東來歸時賈師憲初入相馮景說夢得以啟賀有曰  
周公大誥淮夷卒寧王之圖事孔子既相魯國歸齊人  
之侵疆雖曰切當然周孔事業賢相亦難以語此況僉  
壬之賈似道乎賈師憲既辭相印居西湖自爲平章軍  
國重事五日一入朝赴都堂治事賀啟有曰日開門館  
對南北兩峯之高時游廟堂總東西二府之間亦甚切

督府檄文

德祐乙亥長江失守賈公開都督府移檄諸路罪狀諸

呂有曰元溫羣從竝受卯翼之恩李陵一門初無豪髮之損用事極切不知誰筆或云參贊李尙書珏所草也

陳丞相啟

陳丞相文龍咸淳初爲太學生是年學中引放公試之且適奔馳弗及旣至公闌則試者畢入已扃闢絕關矣公旣弗得入亟陳于當國者賈師憲特筆送入試已而同舍生忌公才名幸其不試又以爲此賈相送至有司必觀望私取則有妨同進競白于監試者卒不啟關公以此終不得試惟以一啟謝廟堂當時傳誦未幾公擢

戊辰進士第一敷歷清要景炎死節卒爲名臣云啟曰  
公聞鎖棘自外門牆相度包荒許歸甄治甫倉皇而得  
請殆粉碎以難酬欲剖懦衷先橫感涕竊以得失有命  
行止非人王勃有作記緣風借送舟之便李廣無封侯  
相天敎失路之迷蓋其逢不繫巧遇雖所投亦有奇耦  
乃若盱遲有悔之咎不勝進退維谷之難苟非有物敗  
之夫何使我至此伏念某齷鹽味苦葵荏品凡勇私怯  
公爲獧笑者八年矣跋前疐後譬蠅飛不數武焉徒以  
先緒灰寒親頭雪白慨青氈之未復誓鐵硯以相從淒



其萍梗于四方意者株守于一試居然不武何以謂文  
鷄旣鳴矣會且歸則可以速馬不進也非敢後何來之  
遲闔者辭焉君且休矣竊念廟堂之容物豈忍場屋之  
遺材聊仰首以鳴其窮果聞聲而見其事鄭重千鈞之  
判料理一介之寒尺度不拘章縫交誦人棄我取受相  
國之賜多誰復汝憐柰書生之命薄正舉頭而聽闔竟  
搖手以絕關如之何其拒人歟其不哀之亦命也垣圍  
繞繞真如失木之猿門外棲棲自笑立袍之鵠固知投  
璧是致遭疑初未入宮夫誰見妬吾過矣吾過矣何所

怨尤天厭之天厭之爲此顛沛是區區而不余畀將皇  
皇乎欲何之同輩深嗟不暇責我而悲我達人相語安  
知禍翁非福翁姑少逃紅勒帛之羞終未了白紵衫之  
債以俟知者知爾寧有利不利邪兩生不果來業已輸  
武成官之試三年將拜賜或可躋光範門之班茲蓋某  
官以不世之元勳爲斯文之盟主謂隔截進士忠厚樂  
易者不爲而收拾人才細大短長之竝蓄故當三吐哺  
三握髮之際不忘一舉手一投足之勞遂令金躍之頑  
均囿玉成之造某惟有益鞭其後再鼓而前失東隅收

桑榆詎敢忘于憤悱在公門盡桃李竊豫冀于栽培少  
潔心香莫殫舌筆

此啟既上賈師憲嘉其材餽以瓊苓露百瓶蓋揚州名  
酒也公復小啟以謝

上光範書甫介舍人之謁讀醉鄉記特華從事之頒何  
哉韓子之窮齋拜此曹相之醇酎溢榮觀于望外轉生  
意于愁邊某官酬酢周乎廣輪淺深存乎燮理一罇二  
簋慶明良之相逢百榼千鐘味聖賢之深趣溥四海皆  
春之意開萬閒庇廈之仁竟憐一夫之向隅俾與眾人



而皆醉某醺酣厚德傾倒感私天下一本瓊苓曷當嘉  
貺門外三千珠履願走後塵況懷大臣當報國士

以上二啟余舊錄藏亂離失去今從周丈季中假其本  
復錄于此陳公魁望名流孝于母忠于君可厲百世非  
特以文章重也因記公鎮臨川時頗知賤姓名期以過  
從論文一日因餞送曾通守赴袁州便道謁公一見語  
合蒙公傾倒細論相期千載竟日話心娓娓不能休時  
新君登極首除朱文昌禕孫爲京西湖北四川宣撫使  
鎮江陵公屬余作賀語余因援筆曰出命九重宣威六

路天昌宋祚乾元初御于正朝地重荊州渙號首開于  
大閭公一見大稱賞未幾公被劾解郡綬南歸道盱江  
予馳出橋南餞之贈詩曰擬峴臺邊正好春蕭蕭落葉  
忽愁人胸蟠冰蘖天能識紙挾風霜語未真無路叫閭  
空短氣有氓臥轍欲沾巾南歸僮馬淒涼甚添得憂時  
鬢似銀公覽詩甚喜爲駐長亭促膝劇談眷戀若不忍  
別者且復予詩又致饋焉其詩曰來到盱南賸有春山  
川秀麗毓奇人文追漢制才無敵詩接唐風味更真君  
別頻宜緘尺素我歸但欲岸綸巾相思千里惟心在明

月行天瑩白銀公歸里甫半載賈似道罷朝廷更化起  
公爲臺官以至執政然戎馬滿郊時事漸變予不復與  
公相聞矣其後三山建行朝聞公大用又其後閩地失  
守聞公忼慨死國子深哀其死而嘉其忠爲作小傳載  
其平生出處大節具見哀鑑以垂不朽且以見死生交  
情云公莆田人淳熙丞相正獻公俊卿孫也



隱居通議卷二十一終

隱居通議卷二十二

南豐劉 堦起潛著

駢儷二

盱江總評

敏博之學盱江尤盛以愚所見前一輩行則有劉信翁  
按南城黃希聲文雷傳幼安自得皆高自標致客諸侯  
有名聲信翁于子爲族兄蚤孤而敏前江陵戶曹張誠  
子白明奇之納以爲壻誠子學問該貫文辭高雅交乾  
淳間巨公偉人多見聞信翁由是得成其學嘗以鄉貢

試禮部不偶晚用累舉恩得官會朝家方修高孝光寧  
四朝大典顓建史局命尤端明焞以宿儒提領得自辟  
屬鄉寓公張孟博淵微以大魁爲祕書少監素善信翁  
薦之尤公得請于朝爲國史院校勘時寶祐丙辰信翁  
年七十餘矣亟供職修數傳將俟書成進御例合得改  
京官未及而病寒喘以卒有文集數卷其子孫弗克肖  
竟散失所作記序銘志極高古有韓曾法度而四六之  
作蓋不及也希聲則余前所書長歌行者有看雲集絕  
精于詩而四六亦不及焉幼安早以春秋學得聲場屋



後工古賦記序而其四六之文視前二公爲勝嘗著春秋證義獻于朝敕免文解今年八十有餘而記問該洽不少衰可敬也已此三賢皆前一輩也繼興者有車震卿東趙次山必岳范去非禮歐聖弼良雖文體各不同然同出一時年事相若互以筆力頡頏後進不及者望之若仙余以晚出幸及交此數公皆意氣相許予議論相叩擊文字相琢磨幼安嘗品題今世文人推許四公余不敏亦辱幼安進之曰文社得五友矣嗚呼孰謂四賢者俱去余而死乎震卿文尤蒼勁峻潔有風骨年二

十有六擢淳祐丁未第仕至瑞州新昌宰甫赴官卒于  
南浦亭歸葬盱之麻原次山文明瞻精切已詳書于前  
矣去非筆端流麗俊快一塵不染如其人累試不利年  
四十三卒樞密宏齋先生包公志其墓聖弼三貢于鄉  
登景定壬戌第仕止江淮坑冶司幹官其文典實莊重  
而乏正氣與去非俱爲包公所知今追記四賢舊作十  
忘其九謾列于後

車震卿諸作

李侍郎伯玉爲侍講誤犯穆陵嫌名上章自劾有旨免

罪震卿爲草謝表有曰講學方新聿陳古誼臨文不謹  
誤觸嫌名凜雷電之震驚荷乾坤之涵育臣若稽虞典  
舜曰重華載考夏書禹稱文命如揭日月不以山川有  
耳目者皆知豈齒牙之敢及又曰姓所同名所獨旣重  
犯于嚴威功惟重罪惟輕乃大恢于聖度此表一時爲  
人夸誦

寶祐戊午震卿爲袁州判官時方巨山岳爲太守自以  
省闈魁望素負材名又嘗守南康軍因杖湖廣總所綱  
梢爲總領賈師憲勒其具狀巨山不伏聞于朝力詆師



憲之非總領所劾上巨山徙知邵武軍聲名頓重由是益自高既至袁值丁子萬大全當國以袁玠知江州兼江西安撫沿江制置副使網羅諸郡利原無孑遺巨山素嫉其姦令下輒盛氣抗辨震卿適贊郡事巨山奇其人傾心委任于是安撫司劾上巨山與震卿俱降罷明年己未秋九月十有七日澣黃逗渡丁袁俱敗竄朝綱一新布恩宥過越明年震卿援赦恩得洗敘以啟謝檢正趙廣微崇嫩有日負弩而迎使者嘗隨牛馬走之塵升階而揖侍郎可想烏鵲飛之意敢謂十二樓之薄命

忽遇千萬閒之歡顏造化無私孤寒有恃某所學甚苦  
其貧則甘少而沈浸乎詩書直欲飲上池之水壯而膠  
搗乎事物何異登太行之山客娓娓而嘲雄人寥寥乎  
說項空自憐其猿臂誓不食于馬肝畢好雨箕好風難  
調眾口蜀吠日越吠雪自有他腸又曰脫幘投地露香  
告天所幸社稷靈長天王明聖雖未築鯨鯢而誅六賊  
然已禦螭魅而去四凶神觀復回殺機頓息李定治東  
坡之獄而今果安在哉歐陽辨師魯之書必有任其責  
者末云不圖今日幸復見公卿篤厚之風自誓此生尙

隋書卷一百一十二  
可奉郡國孝廉之對其所以報不在斯文又自辨有曰  
皇天后土張巡無降賊之心白晝通都會參有殺人之  
事此語尤淒壯可以感動

景定壬戌齊疆來歸公以啟賀當路有曰亦有英雄欲  
舉涿郡而歸者奈無豪傑恐得荊州而失之未幾山東  
果復陷人以震卿爲知言又曰要使順昌之旗幟見者  
寒心庶幾渭橋之鼓鐘從此歸命

樞密包公謝事歸里張宴招郡太守震卿爲作樂語有  
曰野服見賓客方從北山隱士之招金罇醉使君初上



西京循良之最好對一天風露共談千里耕桑未云如此良夜旣不辭北海之樽儻有餘情尙冀獲南山之獵盱城南門外有倫魁堂蓋曾文莊公鴻甫漸舊宅基也公赴紹熙庚戌廷對天子擢爲第二人官至工部侍郎子仲實穎茂旣貴顯移家城內乃卽故基剏別墅號倫魁堂以表之咸淳癸酉詔諸郡取士鄉友欲振士氣復于通衢建樓曰倫魁與堂相輝震卿爲作上梁文曰倫魁通衢武城文塾占千年之旺氣大啟山川建百尺之危樓坐挹星斗庚戌氣數將復癸酉詔書又來風露八

窗幻出廣寒清虛之府雲濤四面如坐瀛州方丈之圖  
又曰見八萬四千門戶運月斧于雲閒遡一千七百河  
源泛仙槎于天上末云奎文興宋魁宿臨盱重看忠孝  
狀元遂作太平宰相此數語殊不塵也

趙次山諸作

景定壬戌曾仲寶侍郎爲江西轉運使時度宗以忠王  
立爲皇太子四月九日乃其誕辰次山爲曾公作賀箋  
有曰純乾直月祥開初九之潛索震承華德稟函三之  
極諸司傳誦交稱精切蓋四月應乾而初九潛龍爻應

儲副且協其誕日也

周漢國公主增封兩國次山爲運司進賀皇帝表有曰  
王姬下嫁於皇車服之儀帝制坦明復增湯沐之邑及  
公主薨又進慰箋于東宮有曰太傅之教在前動遵于  
禮有姊之喪拱右悲發乎情願于晨昏定省之餘勉進  
哀樂中和之諫其慰皇帝表有曰豈不嬰于皇情願悉  
歸之天數皆確論也

次山初以曾公辟爲運使屬官曾公罷洪侍郎燾繼之  
次山以臺命往吉州督餉餽與吉守麋左司弁有違言



次山亟投劾歸里洪愛其才力招之次山不得已再趨  
幕以啟謝有曰辨幕抗塵歸夢遂歌于彈鋏使輶問俗  
恩光首出于招旌自敘有曰半生陋巷天與以貧賤肆  
志之資隻影窮途人知無狂惑喪心之疾頃自紅蓮之  
依水已慙小草之出山會司存承朝命以拘催俾幕底  
服官箴而往役怒移水中之蜩機驚海上之鷗當吾世  
而失諸侯不如其已吟小山之招隱士盍歸乎來乃特  
枉于招呼許重陪于畫諾名實笑狙公之朝暮來往類  
雁臣之春秋後洪公以京狀薦之朝次山啟謝有曰蕭

何之追韓信豈云得士之無雙秦穆之用孟明姑示與人之能壹皆精切如此

南豐以寇燬城隍祠爲之重創次山爲作上梁文曰封人造都邑之域百乘爲家吉禮事邦國之神三靈錫羨又曰穀熟而民人有德於時精多則魂魄強遂食茲土又曰罹彼不祥豈以其猶物于物與民同患蓋不欲自神其神侯無我違相奪予享又出疏云城郭千年是司隲相鬼神二氣亦有廢興眷邦邑之克協厥居職幽明而各治其事城隍神者民物繫焉適數墮于劫灰盍

謀還于舊觀必明宮齋廬之備與廟貌祭式之嚴先須  
計錢穀之幾何始可問木石于某所亟揮大手共發冒  
心揭虔妥靈其永綏于祀事捍災禦患尙無作于神羞  
李右司義山嘗以江東提刑守池州值鄂渚受圍命池  
州加浚築言者以其擾劾罷之後經赦敘官主管玉局  
觀次山賀之有曰舊聞玉局之名良不輕畀茲蓋銀符  
之信可卜峻遷又曰直指衣繡允藉于威名曲突徙薪  
竟無于恩澤皆切當而不塵腐李公回啟有曰鑿斯池  
築斯城類無具甚鍛乃戈峙乃幹尙竊遲之亦足以發



其意其後李公納次山之姪爲壻大合樂以宴次山次  
山謝之有曰大齊非偶冑從鄭國之婚小阮差賢榮附  
晉林之飲又曰孔雀屏芙蓉褥盛開李監之門闌鸛鵲  
杓鸚鵡栳爛醉翰林之風月末云行行解纜擬朝飛南  
浦之雲望望倚樓但夜看豐城之氣蓋次山官于隆興  
而李公居豐城此其所以爲切也

范去非諸作

周國公主出降去非爲趙廣微尙書進賀表有曰乾元  
御極化爰始于修齊吳索承華恩聿隆于選尙猗歟天

合允矣邦榮末云王姬肅雝婦道信內則之咸宜帝堦  
貴重朝廷喜中興之僅見蓋自南渡後累朝未有帝姬  
出降故也

穆陵掩攢祔廟去非作表曰辨兆域之圖于巖競秀號  
顧成之廟萬世不祧

馬觀文光祖爲沿江制置使移築舒城賜名安慶府旣  
畢役詔馬公升秩以賞其勞去非爲作賀啟曰某官負  
大聲名立實事業經綸社稷爲左右汝翼之臣表裏山  
河識南北必爭之地乃峙版翰盡闢草萊句極尊壯當

時震卿亦有作然不及此

去非賀會仲實侍郎三除江西運使有曰某官元豐故  
家端平諸老甘泉筆橐儼父子之後先綠野園林繫朝  
廷之輕重穩熟流麗可愛也又賀李提舉與再任廣西  
有曰綸綍疏榮節麾就熟青絲翠節又煩駟度于周原  
羅帶碧簪喜見馬諳于舊路亦甚穩熟

段深父浚爲婺州永康令被劾罷後敘復改正去非爲  
作啟謝廟堂有曰百里出宰不虞美錦之傷一氣轉鈞  
過賦緇衣之改又曰歸去來田將蕪自憐飛鳥之倦反



乎覆陂當復有同黃鵠之云俾得爲元祐之全人所恃  
有太平之宰相此作殊佳

包樞相恢嘗知平江府兼淮浙發運使奉詔行公田事  
既告成得轉通議大夫去非爲作謝表曰百畝畢公田  
之事詔俾奉行十行賜方國之書恩叨遷轉造語穩熟  
公田之行也賈師憲實主之雖曰省造楮以重國計然  
當時行之極擾浙右震動包公以大儒奉風旨大失士  
望故其轉官也公論惜之

去非作文有極俊麗者如正旦賀揚州制帥有曰笑倚

闌干對平山之楊柳醉摩盾鼻賦后土之瓊花如賀總  
領知郡有曰良二千石正奉揚子仁風連一萬艘矧方  
生于春水如賀沿海制使有曰青陽左个帝始執圭滄  
海東頭軍無傳箭自天介福與國同休某官筆橐侍臣  
詩書元帥日升若木曉回豹戟之光雲近蓬萊煥動龍  
旂之影如宴贛守陳吏部樂語有曰太微積星曰郎位  
流光八境之間孤雲落日是長安飛詔九天而下如冬  
至賀揚州帥以跨鶴之州對牽牛之度賀諸王以葭灰  
對茅土皆的對也又賀郡守有曰杜陵廣廈大庇寒而

士歡顏叔度歌襦不禁火而民安作如賀揚州又曰軍  
士歡呼盡醉瓊花之露文書暇憇笑爭楊柳之春如謝  
諸司清明節餽有曰三桮藍尾方驚賜火之新一騎紅  
塵遽辱兼金之寵皆洒然無塵俗氣

賈師憲自江上入相去非作賀啟有曰命珪相印瞻騎  
火之西來羽扇綸巾賦大江之東去兩股各共一脈殊  
精也賈後辭相位徑度浙江歸紹興詔遣朝士中使宣  
押入朝絡繹于道越二日復造闕詔以爲平章事待以  
成王尊事周公之禮去非作賀啟有曰居一二日上喜



蕭何之復來以億萬年王敬周公而勿替尤切當

歐聖弼所作

樞密包公道夫平生最疑周禮以爲非聖哲之書遂著  
書剖其非號曰周禮六官辨景定壬戌公與劉潛夫尙  
書同侍讀緝熙殿潛夫奏之有詔宣取歐聖弼爲作進  
表雖所辨未當而表則極佳每恨失其藁今年壬辰歲  
六月畱盱因叩其子聲道再求得之

道在五經固昭華于軌範書稽六典敢妄肆于管蠡不  
圖一得之愚仰徹四聰之聽臣竊謂孟子不盡信武成

之策宗元猶深疑月令之文矧茲設官分職之辭決非垂世立教之本蓋劉歆作以輔新室莫掩其奸謂周公以之致太平恐乖其實惟唐宗誤以爲聖作雖漢儒亦識其陰謀宇文放此而疾顛安石行之而大壞儻果出古者不刊之訓何至爲後來取敗之階臣退揆蒙愚未能渙釋耳提面命頗有得于父師口誦心惟因默參于義例乃詳訂而爲之辨欲深藏以淑其私顧惟積聞見于丁年豈意裨覽觀于乙夜茲蓋恭遇天生神聖日就緝熙格物致知固已循于本末謹思明辨尤欲盡于精

微遂令螢燭之末光亦造蟬蛸之邃宇臣夙哀臆說欣  
際昌期學古訓而求多聞涓埃奚補藏書府以待能者  
鉛槧爲榮

故友范去非精工表奏謂余曰此表殊未易作而聖弼  
作此極有手段馮虛駕空自成一片令人讀之心服去  
非與聖弼交情不孚而當時公論如此

吳允文諸作

車趙范歐四賢之後又有吳允文浚最後出以文稱然  
初年筆端傷于繁德祐危急中陳與權當國與允文有



舊引之自沿江制司參議官登朝爲祕書丞徙太常丞  
兼檢詳度支又兼翰林權直有制草一帙視少作加進  
極有可觀者是時賈師憲以太傅平章都督諸路軍馬  
捍禦于太平州李尙書珏爲都督府參贊軍事實從行  
師進次于魯港大潰師憲奔揚州上章待罪詔降三官  
罷爲醴泉觀使陳爲善合方直玉堂草制其戒詞有曰  
膺戎狄懲荆舒朕無望周公之事率秦師雪殽恥爾尙  
蓋孟明之羞蓋譏師憲每以周公自許也珏失勢翱翔  
江上不敢歸朝詔赴行在奏事上章辭時爲善已白禮

部侍郎超拜端明殿學士簽書樞密院以卒而允文兼  
權直適當答詔遂草詞有曰師出以律否臧則爲凶衆  
散而歸進退必以道珏得詔殊不平而措辭精切可愛  
也

初允文由臨安府學教授爲國子監書庫官遷宗學諭  
以言去踰年得監華州西嶽廟以啟謝諫官曾廣微淵  
子有曰多男富壽請祝聖人之三萬事功名竊誦諫官  
之四亦輕俊也允文舊所長者作賀體詩及長短句甚  
精工其後殊諱言允文失守後福州建行朝允文奉

密詔舉義初建閫屬余作謝表起句曰天臨南面將恢  
正統之山河地復西江重見中華之日月允文甚喜之  
其後允文事不成爲文丞相所殺予作哀文以弔之曰  
人懷舊主捐軀興忠義之師天厭中華縱敵負英雄之  
志衆競非其晚節我獨諒于初心輒摛朋友之哀以慰  
幽冥之憤故江西制置招討使侍郎吳公稟資明銳遭  
世艱虞當樞密誅范瓊實參計畫適翰林乏陸贄遂掌  
贊書俄拂衣從田里之歸忽游騎迫鄉邦之陷社稷實  
不血食深哀傾覆之何辜宗廟盡爲黍離每念播遷而



隕涕旣出危城之馭馭長懷故國之茫茫會飛龍重建  
于行朝而繫雁鼎來于密詔慟哭拜命忼慨起兵關中  
遺民喜見孔明之奮山東羣盜悉歸宗澤之招旣雲合  
而風從宜乾旋而坤轉云云

拾遺

景定癸亥冬至節次山爲運司進皇太子賀箋有曰聖  
心觀復驗初畫之震庚卦氣守中迂循環之乾甲蓋次  
年卽甲子見得是亥年賀震宮冬至也其賀皇帝表有  
曰壁中軫中密察乾文之運天大地大益昭王道之尊

次山得知撫州實建昌鄰郡且顏魯公補處也德祐乙亥二月到任時風塵震鄰矣次山屬子作謝表及謝廟堂啟極蒙賞音亂離失其橐僅追記數語零落無完篇啟語有曰維撫名城實旣鄰壤鬱山川其信美儼桑梓之相望當承平時尚可咤還鄉之繡今艱難世豈復吟凝寢之香亟馳單車來入危壘烽燧正當于孔道氈裘已迫于郊圻鳴于地舞于樓狡謀頗測鍛乃戈厲乃刃忠力自持緩則蘇民瘼而護本根急則守臣節而死城郭天子命我蓋將謹下國之扞防太守謂誰終恐誤上

台之推擇茲蓋恭遇大丞相身繫中華之脈忠格列聖  
之靈方苻堅傾國而來朝野大震及忠定守京而後宗  
廟再安云云結語云魯公嘗爲刺史緬想遺忠藝祖親  
戒藩侯恭承大訓

制置使加職名因任次山屬余作賀語有曰尊俎折衝  
呈赤雲之勝氣江山如畫照黃紙之除書次山稱其穩  
熟又記次山爲江西運司判官時丁圭叟應奎以省元  
爲國子錄因上書論宦者誤國致寇理宗怒其切直罷  
之出爲江西運司幹官與次山實同幕職也次山屬余



通啟曰叩閣言事聳聞蓋世之清名贊幕同僚將挹出  
塵之雅致試共論于心事殆慰滿于平生某官南省魁  
儒東都節士忠義耿耿與日月以爭光議論堂堂忤雷  
霆而不懼頃妖狐之馮社引胡馬之飲江通國震驚在  
廷喑默公獨憤甚請劍以斷佞臣士皆奮然折箠而笞  
羗虜使微片言以拔巨蠹則雖百戰而無成功閣豎動  
容覺朝班之增媿羯奴奪氣知中國之有人身雖屈于  
一時名已加于九鼎姑贊皇華驅馳之畫遄歸赤墀供  
奉之班與天子爭是非恢宏事業爲人材別袞正充擴

初心至如爵位之光榮是特名敎之餘緒某一官塵土  
十載山林痛飲而讀離騷永慨先人之忠憤研朱而點  
周易欲窺往聖之精微分終老于田廬誤見知于臺府  
強加辟置俾佐諏詢亦幸逢于偉人遂獲聯于王事老  
韓同傳慙俎豆于諸公李杜齊名尙丹青于信史次山  
覽之嘉歎曰此乃以散文爲四六者正是片段議論非  
若世俗抽黃對白而血脈不貫者也嗚呼知我如此可  
謂具眼矣予嘗與次山言不論古文時文詩章四六但  
凡下筆鑄辭便當以風骨爲主若文字有骨氣雖精采

差減正亦自佳次山大喜此論

隱居通議卷二十二終



隱居通議卷二十三

南豐劉 壘起潛著

駢儷三

聶侍郎上梁文

聶善之侍郎子述建昌人也少與曾文莊公漸同讀書于麻姑山刻苦肄習俱成大名文莊公赴紹熙廷對光宗擢爲第二人仕至工部侍郎卒于位年纔四十二聶公亦擢世科踐駁中外歷都司至法從爲四川制帥因張福之亂罷歸里晚年以宣奉大夫守贛川列爵至衛

郡公富貴壽康當時同郡無匹之者嘗自作上梁文數  
篇文采可觀偶得故本謾錄于此

寶慶三年公在贛重建鬱孤臺上梁文云千騎居上頭  
節鎮素雄于昭信入境見圖畫臺觀尤盛于鬱孤踞龜  
首之穹隆暎虎城之突兀崕峒對聳章貢交流自宇宙  
便有此山至東坡而增重與風月之無盡藏壓西江而  
獨尊騷人墨客相繼吟哦車轍馬迹爭先登覽然而年  
侵屋老基圯棟歌雖天造之絕奇奈人事之弗稱儻匪  
具胸中之丘壑安能領物外之雲煙使君于此不凡老

子之興不淺故須出手以遂改圖從太守而游行繼醉  
翁亭之集後天下而樂竊媿岳陽樓之碑茲舉修梁盍  
陳韻語伏願上梁之後一城和氣千里樂郊細民歌舞  
于春臺寒士歡欣于夏屋四并紀盛頻繁北海之開尊  
衆樂與同雜沓西園之飛蓋文風丕變戎索允安

嘉定閒公創新居上梁文云陳元龍卧百尺樓夙負功  
名之志揚子雲有一區宅晚安寂寞之圖盡收湖海之  
豪歸逐桑榆之煥定齋主人遭逢過分出處隨緣五更  
三點而入朝久厭承明之直八千餘里而湖峽敢辭蜀



道之難初心欲濟于艱虞何意適丁于變故頭頭險著  
步步危機病身空想于狐丘全家幾陷于虎口造物獨  
憐其忠赤上恩乃許以生還安行大地之風波只仗通  
天之肺腑陳力就列不能者止投閒置散乃分之宜歸  
去來兮只欲安身于容膝聊復爾耳可能無地以曬禪  
旋作鷦鷯巢林之謀庶同燕雀賀厦之喜棲圖書以娛  
老景藝花木以印歲寒滅匈奴何以家爲須還好手營  
菟裘吾將請老寧復遐心聊題六偉之詞以資一笑之  
噓伏願身心安泰骨肉康寧官堂收敎子之功含飴遂

弄孫之樂良辰美景邂逅四并樂歲豐年均沾一飽游  
山之腳力常健對客之酒量日增鬼神訶禁不祥門戶  
興起未艾

又作東宅上梁文云結廬南向甘歸隱于菟裘規地東  
榮更詒謀于燕翼爲乃翁行樂之所作諸兒棲息之區  
若箇圓成吾事滿足定齋主人不才宜棄未老得閒萬  
兵立帳而百吏繞前曾作元龍之夢一水護田而兩山  
排闥每羨野人之居天施斥去之恩神相歸來之福一  
枝定卜百指具宜尙恨無燕坐以接親朋無隙地以種

花木規模恣恣祇可爲奉禮太祝之聽童穉駸駸便當  
得參軍新婦之配載謀新築庶可莫居聚國族于斯何  
須輪奐定男位乎外靡限藩籬往來可當行窩福迫難  
論別墅展名畫于四壁列怪石于兩廂暴法帖則多漫  
字之碑蓄古琴則學無絃之譜有客喫常堂之飯無事  
讀來世之書只爾便了吾生捨此寧復多事婆娑正坐  
君輩敢懷責子之心辛勤有此屋廬肯忘束書之力聊  
題韻語以相工歌伏願心地清寧腳跟強健飽飯安眠  
而日日邨歌社鼓以年年老景團圓樂曰富貴而與飲食



阿奴蹒跚無災難而至公卿子舍發祥孫枝衍慶下澤  
車款段馬到處閒嬉赤腳婢長鬚奴勿來相惱鬼無鬪  
室人盡遜耕

又作歲寒堂上梁文云結廬在人境幸逃火劫之災藝  
木印歲寒添剌草菴之景聊取後凋之意以爲晚對之  
宜定齋主人勇退急流願爲老圃飽嘗世味掩鼻腐鼠  
之場識破幻塵畱眼歸鴻之外頃回祿之爲變偶靈光  
之偶存東里西鄰無復棟蓺之接南貧北富率爲瓦礫  
之場擴地得十畝之餘誅茅開三徑之所妖桃曼李祇

得意于春風蒼檜綠筠願定交于晚節茶梅擢秀于雪  
裏橘柚垂實于霜前凡此同盟之人允謂忘年之友十  
年之計種以木培植成陰一日不可無此君彈壓俗氣  
脩梁載舉韻語前陳伏願飽飯長閒挂冠得請胸中丘  
壑具山高水長之風筆下波瀾得霜降水涸之妙因孤  
竹君而識玉版老約赤松子而交黃石公徧參柏樹之  
禪頻醉梅花之夢淡交莫逆俗客不來共園公而賭玉  
麈相將橘隱會麻姑而劈麝脯重說桑田

又創一樓其上榜以水月觀其下榜以消搖游混融二

敎會作一家其上梁文云神僊好樓居聊欲消搖于物  
外水月通禪觀又將證悟于胸中合心迹于雙清融道  
釋干一致定齋主人在家羽士有髮衲僧跳出叟籃始  
覺昨非而今是愛穿翻鞵冒敎人重而已輕手持種樹  
之書身抱灌園之甕無復萬閒廣廈庇寒士之歡顏且  
圖百尺高樓斂少年之豪氣不爲行藏而獨倚將隨深  
淺以見機玉京十二闌干分明可到金地三千世界倏  
忽見前箇中落成吾生願足暫停工斲齊聽相歌伏願  
境靜長春人閑不老尻輪神馬徧從塵外遨遊心印法



燈盡向眼前了徹知有之非無無之非有悟空卽是色  
色卽是空挽浮丘袂拍洪厓肩相與共游方之內遭臨  
濟喝喫德山楮熟如不語之禪縱未能白日升仙也終  
解立地成佛

嘉熙庚子歲公于盱城景德寺門創一傑閣壑五百羅  
漢像于其中作上梁文云五百尊石橋大士化身久駐  
于淨方三千年劫火彌天餘燼未還于舊觀花甲已經  
于十稔檀那莫辨于衆緣水到渠成山鳴谷應定齋老  
人來佛果位見宰官身久厭塵緣求出世法無我相無

人相天開方便之門學小乘學大乘願求解脫之路不  
憚有爲之功德要成無上之因緣阿堵物聚少成多運  
斤手將勤補拙采山而木客立伐石而土丁愁伴圖告  
成卜筮協吉開法筵看第一義從淨土入不二門輪奐  
九霄龍象爲之歡喜聳飛萬瓦燕雀賀其崇成於以祝  
當今皇帝之壽齡於以鎮南瞻部州之世界聊題六律  
以相百工伏願佛日光明僧寶堅固爲一大事續如來  
無盡之燈於萬斯年增主上在躬之歷病居士消身口  
意之業善知識結去來今之因阿闍黎朝朝去應緣道

陽州志卷之三  
場小沙彌箇箇作承家法嗣風調雨順從今都是大有  
年貫朽粟陳到處盡成極樂國護持劫運鎮壓衰魔  
公有文十卷號定齋集其孫淮西運使世堅刊本濡須  
此其集中之一也他作多可觀然其仕宦所至頗乏廉  
稱其帥蜀也歸裝滿載由是田宅浸廣寶玩充物屢爲  
臺簡所攻故公論以此少之

馮初心諸作

馮景說夢得南劍人自號初心由進士入官歷知連山  
縣通判建昌軍開慶己未賈師憲以樞密使宣撫京湖



辟爲幹辦公事以箋表受知師憲入相力拔擢登朝歷  
清顯掌內外制與後邨劉潛夫相繼代言景說晚進名  
望在劉公下然劉公文章宿老爲工部尙書僅得兼直  
學士院而師憲擢景說乃至真拜翰林學士知制誥時  
論以爲不公蓋景定閒也景說有初心玉堂集十六卷  
掖垣集三十卷版行于時嘗見西園傳公謂予曰頃于  
矩齋曾公館中見几閒有初心二集謾啟卷觀其一二  
全不成文章因擿去不復觀予竊駭傳公之言以爲師  
憲固不學無術之相然朝廷擢一詞臣發帝之制海內

具瞻縱非奇材亦何至如傅公所言哉卽欲求其橐證  
驗不可得也歲在甲申乃始從曾九華假馮集熟觀見  
其所作嚴重縝密事辭飽滿亦可謂平正之文所病者  
層砌堆疊而乏疏暢活動之工比之後邨天材宏縱雄  
渾超卓則誠有不及而謂其全不成文擿置弗視則傅  
公之言眇之過甚蓋傅公老儒交游後邨梅亭諸公景  
說晚進固宜其俛視之然文章繩尺自有定論未容以  
輩行先後望風輕訾此吾所以欲爲平心之論也余編  
中華黼藻集已悉取初心集之佳者具載而猶有警聯

可稱者輒列于此

賈師憲進書加恩制詞有云恭惟茂陵越我穆考前聖  
後聖一也會之有元大事小事書之俟而不惑坦然示  
以軌範煥乎其有文章商頌十二篇茲蓋得於考父武  
成二三策實見取于孟軻今余宣乃重光成于五載日  
月所照罔不尊親天地之間而大豐美壹是謨烈之佑  
後亦惟朝夕以輔台予所謂嚴密飽滿而欠疏暢活動  
者于此可見矣葉鎮之夢鼎免右丞相依前少保授觀  
文殿大學士判福州福建安撫大使制詞有曰東海記



夜衣之往同州副渭獵之求曰俞汝諧爰置諸右未殫  
遠業遽動遐心惟三少一請得謝故事以爲非大夫七  
十致事有德則勿聽引年何謂抗疏不移胡寧忍予是  
自棄朕顧上下之交其志同也而君臣之義如何廢之  
旣難反于畱行是用華其去位賈師憲明堂加恩制有  
曰右我穆考格于皇天謨興唐虞以俟聖人不惑功見  
河洛號爲天運重開今也犧尊在西匏竹在下侑于宗  
祖交于神祇維朕屬屬如弗勝勿勿乎欲饗粢盛秬鬯  
爾乃將至治之馨衡統紘縕爾乃著孔容之側來馬游

乎閭闔畢寮從乎崑崙肸蠭豐融帝五位之時序洗濯  
鏟鋏民四方之大和以予敬休得師秩禮率有功而不  
伐將無官之可酬安南國王該郊祀加恩制有曰服領  
自治之雖殊周疆之索土宇爾厚矣俾服漢官之儀又  
曰維天於穆賜朕宏休孝通神明薄四海而皆準南暨  
聲教綏萬福以攸同陳昉除史官誥詞有曰君子多識  
前言往行具有典刑聖人所修舊史遺文尙求旨趣包  
恢除端明殿學士簽書樞密院事誥詞曰春秋王者無  
外首明一統之經天下大老來歸實重五經之本渙敷

明命孚諗羣工具官包某學積于原而心彌充智酬于  
變而力彌裕教于齊國本伏生口授之書儀我漢庭皆  
申生力行之對永肩一節逮事兩朝外而雲雷之經綸  
內而日月之獻納所至可紀非道不陳頃往聘者久之  
乃覽輝而至止爾惟訓克邁乃訓緝熙典學之功朕儀  
刑有德惟刑敷繹咸中之慶斯今圖小終之助屬采薇  
之勤於稽仁皇有若臣拯曾以方嚴之操而陪看密之  
聯尙有典刑矧乃書考四十必攀軌轍竄諸執政二三  
書殿穹班武經大筆以增西府之重以成南方之強噫



數前人命不忘大功蓋欲圖救寧之事今沖子嗣無遺  
壽耆尙思稽勤恤之謀克贊廟謨丕昭成效馬光祖自  
建康除參政有曰黃旗紫蓋千載南方之強大燾高牙  
三命北門之管又曰賢者時人耳目尙見老成執政猶  
吾股肱式和醴假姚希得除資政學士有曰大學東聽  
典故西聽會東知于先帝華玉蔑席文貝底席實協贊  
于沖人江萬里知太平州有曰朕綜核名實統輯黎元  
數下恩澤詔書誰與領此親見郡國守相問所以然又  
曰不遠帝城尙冀京師之福雖在外服毋忘王室之心

嘉與函生之民共由太平之路吳堅兵部尙書誥有曰  
王觀爲可思見春宮之端寮民功曰庸峻陟夏官之常  
伯洪天錫顯文閣侍制帥潭州有曰承明勞侍從勇辭  
加璧之招岳牧用詞人特重分符之寄莫如南紀用張  
中軍又曰翩翩亦集爰止已半老儒咄咄不相助邪獨  
一選士黃萬石殿中侍御史誥有曰通駿殿中無雙之  
稱勿替法筵第一之義萬古在前億世在後惟名節之  
不磨羣枉俱閉衆正俱開尙邦家之有賴章鑑遺表贈  
官有曰某蚤服官常晚登禁從清要之路老成尙想于

典刑間散之班俛仰已成于陳迹反吾初服懷我里居  
何蒹葭之淒淒曰龍蛇之起起惟是窀穸能不盡傷鄧  
垌贈光祿大夫誥曰窮化盡數忽擘予遺占隱卒崇終  
宜優于愍典某履行謙慈泣政廉平有此典刑曾不當  
于吾世居然夢幻遽已隔于重泉能不盡傷可無寵異  
昔貢禹守經據古山濤舍政自高皆以老成而拜光祿  
夫年彌高而德彌邵通國賢之生也榮而死也哀闔棺  
定矣其道美躅以賁寵章文及翁除尙書郎官行詞有  
曰圓精乖象太微著乎積宿天臺帥屬武銓勳于列部



非夫標清海岱津平水鏡則孰能舉用資其甄明薄最  
倚之詳綴者矣此蓋用六朝之體亦一格也南郊鹵簿  
使包恢加恩誥有曰詔招搖鉤陳使當兵流星旄而燭  
電令望舒飛廉使奔屬雜瑤象以駕龍紛其歲蕤靡不  
胖飾參旗來清晝之捷斗衡揭中宵之符琯玉和鳴芸  
珠絢耀賈似道曾祖母贈魏國夫人告有曰肇稱殷禮  
咸秩無文時維曾孫之助爲歌魏風曰大而婉世比小  
君之封賈涉封魏王有曰朕肇稱殷薦穆卜夏正天子  
相維辟公假哉皇考乃父厥有成績紀于太常賈似道

生母胡氏加封有曰母以子貴書特書而屢書君爲臣  
綱老吾老而及老知寶慶府廩葬被監司按發降官誥  
詞曰邵陽我先皇帝潛龍之邦嘗選用能太守以爾父  
溧爲嘉定直臣爾弟弁亦近世辨吏咨爾往牧亢其家  
聲乃使部使者得以數其過于朕前朕固憮然于此矣  
削官二列遲爾惟艾以上皆馮集中語稟經酌雅極有  
本原初不爲繆其短處在砌疊全句以求典實之工不  
知全句太多反傷重滯而無神化之妙作四六自有法  
度不用全句固不可純用全句亦不可馮其未知之歟

若意脈沈厚風骨蒼勁雖不用古人語而自作議論辭  
意俱到尤爲超絕近世惟陸放翁深得此體故其表啟  
獨步一時惜乎其不大用也使之當制必能黼黻皇猷  
以名百世其後惟後邨劉潛夫力學陸體故代言之作  
應用之文皆非時輩能及楊誠齋表箋亦自超出翰墨  
畦徑可諷而誦然病于大奇遂至刻露曾不如陸之深  
沈渾厚也嘗紀戊午己未閒景說倅貳盱江時通宏齋  
包公啟有曰其在暗室屋漏洞洞屬屬如交神明凡爲  
天下國家磊磊落落若行日月又曰九分君實兒童皆



誦其名一箇包家鬼神亦落其膽又通陳右司啟結句  
有曰春風坐了三箇月願自進于明道之門黃昏一洗  
十年腸殆庶幾乎後山之學自初學觀之亦可謂工矣  
其如累句之太多何

鄧季頤所作

臨川鄧季頤林號謙谷富有文采嘗以翰墨見賞于諸  
公閒開慶己未陳華父元桂出守臨江以鄉里故約季  
頤與俱凡文墨皆屬焉會鄂渚逗渡江右俱警江西制  
置副使徐有功敏子駐臨江華父大合樂以饗之季頤

爲作樂語甚佳有曰持節督官軍次碧嶂清江之列負  
弩迎使者瞻碧油紅旆之輝云云某官通身是膽滿腹  
皆神三十年前爲周造士進士一萬里外識漢護軍將  
軍云云結語云幸有陳平六出計可與相謀吾知徐公  
百不憂何妨徑醉試築急塹以動殺聲此數語奇氣拂  
拂真俊才也口號有曰平生朋友叔知我天下英雄操  
與君亦自佳句惜省記不全耳其後臨江破有功遁華  
父堅守死節理皇哀其忠贈官立廟澤及二子貶有功  
于封州季顒逃免後擢進士第客淮帥李祥甫庭芝館

中仕至京官後爲江西提刑黃東卿震所劾仕不大顯  
識者惜之



隱居通議卷二十三終

隱居通議卷二十四

南豐劉 壘起潛著

經史一

姚崇言十事

唐元宗初卽位召申州刺史姚崇欲以爲相崇至帝方獵渭濱卽召見帝曰公知獵乎對曰少所習也帝說與俱馳逐緩速如旨旣罷乃咨天下事曰卿宜遂相朕崇知帝大度銳于治乃先設事以堅帝意卽佯不對帝怪之崇因跪奏臣願以十事聞陛下度不可行臣敢辭此

一節先儒議之謂姚崇先設十事要君失人臣體愚以爲崇所陳十事皆關係國家大政初無私意君臣交際之初以誠要約他日各踐其言克全始終豈非美事又何失體之有今觀崇所奏十事曰垂拱以來以峻法繩下臣願政先仁恕可乎朝廷覆師青海未有率服之悔臣願不倖邊功可乎比來壬佞冒觸憲綱皆得寵自解臣願法行自近可乎后氏臨朝喉舌之任出閹人之口臣願宦豎不敢任政可乎戚里貢獻自媚于上公卿方鎮寢亦爲之臣願租賦外一絕之可乎外戚貴主更相



用事班序荒雜臣請戚屬不任臺省可乎先朝褻狎大  
臣虧君臣之嚴臣願陛下接之以禮可乎燕欽融韋月  
將以忠被罪自是諍臣沮折臣願羣臣皆得逆鱗犯忌  
諱可乎武后造福光寺上皇造金僊玉真二觀費百鉅  
萬臣請絕道佛營造可乎漢以祿莽閹梁亂天下國家  
爲甚臣願推此鑒戒爲萬世法可乎帝曰朕能行之崇  
乃謝翌日拜相封梁國公遷紫微令如上十事皆關係  
國體君德之大者真宰相之言使元宗始終信用何至  
啟播遷之禍耶非特當時行之有益雖後世明主謹此

十事亦足致治而以要君議崇迂矣

張良言八事

史載漢三年項羽急圍漢王滎陽漢王恐憂與酈食其謀撓楚權食其曰昔湯伐桀封其後于杞武王伐紂封其後于宋今秦失德棄義侵伐諸侯社稷滅六國後使無立錐之地陛下誠能復立六國後世畢已受印此其君臣百姓必皆戴陛下之德莫不鄉風慕義願爲臣妾德義已行陛下南鄉稱霸楚必斂衽而朝漢王曰善趣刻印先生因行佩之食其未行張良從外來謁王方食

曰子房前客有爲我計撓楚權者具以酈生語告子房  
曰何如良曰誰爲陛下畫此計者陛下事去矣漢王曰  
何哉張良對曰臣請借前箸爲大王籌之曰昔湯伐桀  
而封其後于杞者度能制桀之死命也今陛下能制項  
籍之死命乎曰未能也其不可一也武王伐紂封其後  
于宋者度能得紂之頭也今陛下能得項籍之頭乎曰  
未能也其不可二也武王入殷表商容之閭釋箕子之  
囚封比干之墓今陛下能封聖人之墓表賢者之閭式  
智者之門乎曰未能也其不可三也發鉅橋之粟散鹿



臺之錢以賜貧窮今陛下能散府庫以賜貧窮乎曰未能也其不可四矣殷事已畢偃革爲軒倒置于戈覆以虎皮以示天下不復用今陛下能偃武行文不復用兵乎曰未能也其不可五矣休馬華山之陽示以無所爲今陛下能休馬無所用乎曰未能也其不可六矣放牛桃林之陰以示不復輸積今陛下能放牛不復輸積乎曰未能也其不可七矣且天下游士離親戚棄墳墓去故舊從陛下游者徒欲日夜望咫尺之地今復六國立韓魏燕趙齊楚之後天下游士各歸事其主從其親戚

反其故舊墳墓陛下孰與取天下乎其不可入矣且夫  
楚唯無疆六國立者復撓而從之陛下焉得而臣之誠  
用客之謀陛下事去矣漢王輟食吐哺罵曰豎儒幾敗  
而公事令趣銷印此一事世論皆推良善籌策以愚參  
詳其事有難盡言者且八事之中多漢王所能行如表  
閭封墓發粟散財寬仁大度之主所優爲而謂之不能  
何也偃革倒戈歸馬放牛乃滅殷以後事今楚漢相持  
正是兵鋒之交而言及此曾不顧其爲迂何也其必不  
可能者惟有制籍之命得籍之頭而其必不可易之論

則六國立游士各歸事其主此合於理無可疑者餘未  
敢盡信也聽言之道當以事觀史亦豈盡實錄乎○史  
載高帝崩陳平自樊噲軍馳至宮哭甚哀因奏事喪前  
呂太后哀之曰君勞出休矣平畏讒之因固請得就宿  
衛中太后乃以爲郎中令曰傳教孝惠按是時惠帝甫  
卽位安得有諡今呂后稱孝惠卽見史之謬誤也左傳  
云陳桓公有寵于王正類此○魯仲連傳載魏新垣衍  
說趙王曰秦欲求爲帝趙誠發使尊秦昭王爲帝秦必  
喜且是時昭王在位正謀稱帝豈得有諡乎吾故曰史



非盡實錄也古書患不考究爾若著意采索折之以理其閒可議者何限

### 宇宙快事

周瑜蹙曹操謝元走苻堅唐莊宗破夾寨周世宗捷高平皆能以亡爲存以危爲安以敗爲勝奇偉英特照耀千古讀史至此令人意氣飛動宇宙閒一大快事也嘗欲合此數事類編名之曰古今快意集時一覽觀足激懦志其次如韓信破齊趙光武破尋邑劉裕北伐郭子儀見虜王晏球敗契丹凡以弱勝強出人意表者皆可

附見

事會無終極

曹氏父子方謀篡漢不知司馬懿父子已在其側蓋事會之無終極如此

昭烈霸業

漢昭烈能不忘劉表而不能不背劉璋此一事未免爲盛德之累故坡翁詩曰先主反劉璋兵意頗不義孔明古豪傑何乃爲此事璋無得罪于蜀民其亡有足哀者故昭烈之取之也亦遲回不忍及迫於羣言然後圖之

亦可見天理之在人心矣璋之失在知人不明聽言不審法正張松能謀而不用黃權王累劉巴善諫而不聽嚴顏盡忠而不使其亡宜矣孔明王佐之才至此乃徇詐力者亦以昭烈奔走狼狽無地駐足急欲求止泊處故爲此舉爾蓋昭烈霸業至此而後定

### 漢唐弱主伸法

漢唐末造多弱主不足稱然如和帝之誅竇憲代宗之誅元載德宗之貶常袞一時快事殊起人意有英主所不能爲者未易以弱主少之也憲之誅于當時尤難



生人婦

高宗皇帝嘗閱奏案有生人婦三字顧問輔臣時湯思退以博學宏詞科進爲宰相因對曰生人婦出三國志杜畿傳上歎其博記今觀陳壽魏志杜畿傳不載正傳乃裴注中所載魏略曰初畿在郡魏武帝擢畿爲河東太守被書錄寡婦是時他郡或有已自相配嫁依書皆錄奪啼哭道路畿但取寡者故所送少及趙儼代畿而所送多文帝問畿前君所送少今何多也畿對曰臣前所錄皆亡者妻今儼送生人婦也帝及左右顧而失色

先主德量

陳壽評蜀先主曰先主宏毅寬厚知人待士蓋有高祖之風英雄之器焉及其舉國託孤於諸葛亮而心神無貳誠君臣之至公古今之盛軌也機權幹略不逮魏武是以基宇亦狹然折而不撓終不爲下者抑揆彼之量必不容已非惟競利且以避害云此評殊公足以盡昭烈之平生

武侯惜赦

華陽國志曰諸葛亮爲丞相時有言公惜赦者亮答曰

治世以大德不以小惠故匡衡吳漢不願爲赦先帝亦  
言吾周旋陳元方鄭康成間每見啟告治亂之道悉矣  
曾不語赦也若劉景升季玉父子歲歲赦宥何益於治  
此數語甚偉非惟可見先主君臣論治之懿亦因是知  
先主與元方康成周旋固有得於儒者之論豈止專於  
武略而已哉

北地王守節

譙周勸後主降鄧艾北地王譙怒曰若理窮力屈禍敗  
必及便當父子君臣背城一戰同死社稷以見先帝可



也後主不納遂送璽綬是日諶哭于昭烈之廟先殺妻  
子而後自殺左右無不爲涕泣者禪旣降魏司馬師與  
之宴爲作故蜀技旁人皆感愴而禪喜笑自若師謂賈  
充曰人之無情乃可至于是乎雖使諸葛在不能輔之  
久全而況姜維耶充曰不如是殿下何由并之他日師  
問禪曰頗思蜀否禪曰此閒樂不思蜀也郤正聞之求  
見禪曰若王後問宜泣而答曰先人墳墓遠在隴蜀乃  
心西悲無日不思因閉其目會王復問對如前王曰何  
乃似郤正語邪禪驚視曰誠如尊命左右大笑以上出

漢晉春秋嗚呼若謚者可謂忠臣孝子死社稷者矣禪之庸若此何足負荷人言劉景升兒子豚犬以禪方琮抑又甚焉誰謂元德英雄而生子乃若是哉譙周逆賊千古共憤之

武侯子孫忠節

諸葛亮嘗自表後主曰成都有桑八百株田五十頃子弟衣食自有餘饒至于臣在外任無別調度隨身衣食悉仰于官不別治生以長尺寸若臣死之日不使內有餘帛外有贏財以負陛下及卒如其言嗚呼讀孔明此

表可謂不負人主矣彼胡椒八百斛者宜其遺臭萬世也亮子瞻字思遠景耀六年鄧艾伐蜀瞻督諸軍至涪拒艾前鋒破退駐縣竹艾遣書誘瞻曰若降者必表爲琅邪王瞻大怒斬艾使遂戰大敗臨陳死時年三十七瞻子尙歎曰父子荷國重恩不早斬黃皓以致傾敗何用生爲乃馳赴魏軍而死武侯有子有孫如此此所以爲武侯歟

通鑑帝魏綱目黜魏

司馬文正公作通鑑於三國帝魏而以吳蜀附之世病



其非然其說非始于司馬公也朱文公作綱目則黜魏而直以昭烈上繼獻帝世許其正然其說非始于文公也按陳壽在蜀仕屢見黜父又爲諸葛武侯所髡實于劉氏有私憾其著三國志故以魏爲帝而指漢曰蜀遂與孫氏俱謂之主通鑑帝魏因壽史爾然壽死未幾習鑿齒作漢晉春秋起漢光武終晉愍帝以蜀爲正以魏爲篡謂漢亡僅一二年則已爲晉炎興之名天寶命之晉武帝名炎而後主年號也其書五十四卷徒見于唐藝文志及宋朝太平御覽之目逮仁宗時修崇文總目其書已逸惟

晉史載所著論千三百餘言大旨昭然唐劉知幾史通云備王道則曹逆而劉順宋朝歐陽公論正統主于帝魏其賓客章望之著明統論非之見于國史南渡後張寧公枻作經世紀年直以先主上繼獻帝爲漢而附魏吳于下方綱目黜魏因此諸說爾壽曲筆以報父仇卑蜀特甚凡當時祫祭高帝以下昭穆制度皆略弗書慶元閒有廬陵士人蕭常潛心史學謂古以班固史爲漢書范曄史爲後漢書乃起昭烈帝章武元年辛丑盡少帝炎興元年癸未爲續後漢書帝紀年表各二卷列傳

十八卷吳載記十一卷魏載記九卷既正其名復擇注文之善者并書之別爲音義四卷論者謂常著此書殊善惜乎壽疏略於前使常不得追記當時英賢憲章以備見一代之制云

周恭帝禪位詔

五代開皇紀載恭帝禪位詔與宋朝太祖實錄所載無一字同殆史官改易元本乃知盡信書不如無書

南唐諸臣死節

南唐三主烈祖元宗後主本紀三卷列傳自宋齊丘至



高麗十五卷通十有八卷不著作者氏名然考敘論有  
曰政和中先君會稽公爲淮西常平使者又曰乾道淳  
熙閒予游蜀在成都則疑出于放翁陸氏筆也蓋陸農  
師佃會宦淮西而乾淳閒放翁以石湖范公辟爲成都  
府通判是以疑之南唐偏方狹境政體柔弱故其書亦  
淺蹙無以激發人英特壯偉之氣獨其四十年閒忠臣  
節士相望死國如我祖忠肅公以守壽春死孟堅以力  
戰福州死張彥卿以力守楚州死張雄父子八人以力  
戰溧水死孫忌以奉使不屈死潘佑以直諫不阿死廖

居素以直諫不聽朝服赴井死李延鄒以不韋降表死  
陳裔以不冑降附死胡則以力守江州死俱表表汗青  
照耀千古而其可恨者則以小國短世不得如張睢陽  
顏平原大顯於世耳書有徐鍇傳而無徐鉉傳不可曉  
其間有欠釐正修潤處暇日尙盡心焉後見揮麈錄云  
馬令作南唐書  
蓋此書有二馬所  
作又別一編也

黃石公素書

前漢書載張良嘗閒從容步游下邳圯上遇一老父後  
五日夜半出一編書曰讀是則爲王者師後十年興大

三年孺子見濟北穀城山下黃石卽我也後十三歲良  
從漢高帝過濟北果得穀城山下黃石取而寶祠之用  
是書佐高帝取天下此說近於怪誕知道君子所不信  
然良之事業卓冠一代非凡人所能及或者其有所受  
之也世多指兵書三略爲黃石公所傳之書宋張商英  
曰非也晉亂有盜發子房塚于玉枕中獲此書六篇凡  
一千三百三十六言上有祕戒不許妄傳世所謂素書  
是也或又謂素書之旨卽老子道德仁義禮之說實與  
道德經相表裏近得其書讀之其意雖祖老子其文殊



不古雅故不復錄而姑載其六篇之名云原始章第一  
正道章第二本德忠道章第三求人之志章第四遵義  
章第五安履章第六六篇之中多言修身治國用人之  
道而不及於兵似與兵法之說不合

忠肅劉公死節

南唐書載我祖忠肅公仁瞻死節甚著與五代史合而  
敘論乃曰乾道淳熙之間予游蜀在成都見梓潼令金  
君所藏周世宗除仁瞻天平軍節度使告身白紙書墨  
色印文皆如新金君言仁瞻獨一裔孫賣藥新安市客

死無後故得之又曰以仁贍之忠天報之宜如何而其  
後于今遂絕天理之難知如此可悲也夫子閱南唐書  
至此喟然歎曰誤矣按忠肅公既死節諸子中有一子  
諱讚者周世宗錄以爲懷州刺史刺史生工曹諱希述  
始來南豐葬九陂耆牛頭坑工曹生昇州通判二府君  
諱昭葬望市嶺側冷水坑尾墳墓至今存也通判生江  
樓居士八府君諱元載至予爲七世孫譜系具存然則  
謂之無後可乎孟子曰盡信書不如無書蓋紀載之難  
如此抑忠臣義士捐軀死國自以已分當然豈計後福

者當是時周世宗親征臨城爲公所扼多致喪失公寧  
保後日之不屠城舉室必盡戮寧復有後之可覲其幸  
而不絕者偶然耳臣子固自盡其心而天亦何心臯陶  
庭堅之不祀鄧伯道之無兒報應之理安有定論陸放翁老  
學菴筆記言親見節使告身在金宰處則敘論者卽放翁也

### 稷契

世以稷契竝稱按后稷乃舜時官名棄爲之契則臣名  
也爲司徒之官竝稱不類

### 揚雄傳



班孟堅作揚雄傳傳末數語抑揚有味而讀者每忽焉  
王莽時劉歆甄豐皆爲上公莽旣以符命自立卽位之  
後欲絕其原以神前事而豐子尋歆子棻復獻之莽誅  
豐父子投棻四裔辭所連及便收不請時雄校書天祿  
閣上天祿辟邪二石獸也治獄使者來欲收雄雄恐不能自免乃  
從閣上自投下幾死莽聞之曰雄素不與事何故在此  
閒請問其故廼劉棻嘗從雄學作奇字雄不知情有詔  
勿問以病免復召爲大夫家素貧嗜酒人希至其門時  
有好事者載酒有從游學而鉅鹿侯芭嘗從雄居受其

太元法言焉劉歆亦嘗觀之謂雄曰空自苦今學者有  
祿利尙不明易又如元何吾恐後人用覆瓿也雄笑  
而不應年七十一卒侯芭爲起墳喪之三年嚴久聞雄  
死謂桓譚曰子嘗稱揚雄書豈能傳于後世乎譚曰必  
傳顧君與譚不及見也凡人賤近而貴遠親見揚子雲  
祿位容貌不能動人故輕其書今揚子之書文義至深  
而論不詭於聖人若使遭遇時君更閱賢智爲所稱善  
則必度越諸子矣諸儒或譏雄非聖人而作經猶春秋  
吳楚之君僭號稱王蓋誅絕之罪也自雄之沒至今四

十餘年其法言大行而元終不顯然篇籍具存以上皆  
班語詳傳首言雄少好學不爲章句訓詁通而已博覽  
無所不見默而好深沈之思非聖哲之書不好也又曰  
用心於內不求於外觀此則雄之學豈尋常文墨士哉  
至傳末之辭乃如此則其學亦未足取重當時矣予昔  
嘗觀太元經雖曰準易何敢望易象山先生謂其乖錯  
陰陽必有所見而云子雲之揚從手不從木今漢書或  
作木易非是近世建昌守有揚其姓璵其名者居婺州  
其姓從手易豈蜀揚後裔歟又文章家多用載酒問奇



字不知載酒自一事問字自一事也合而用之誤矣按僧

一行讀太元經誤大衍元圖及義決一卷則太元未可輕議也

三尺法

西漢杜周傳客有謂周曰君爲天下決平不循三尺法專以人主意旨爲獄獄者固如是乎周曰三尺安出哉前王所是著爲律後王所是疏爲令當時爲是何古之法乎注曰以三尺竹簡書法律也今人常稱三尺法蓋本於此

司馬遷據左氏國語采世本戰國策述楚漢春秋接其

後事訖于大漢其言秦漢詳矣至于采經撫傳分散數

家之事甚多疏略或有抵牾

牾讀曰忤相觸迕也又曰牾觸也牾相枝柱不安也

梧音吾

亦其涉獵者廣博貫穿經傳馳騁古今上下數千

年閒斯其勤矣又其是非頗繆於聖人論大道則先黃

老而後六經序游俠則退處士而進姦雄述貨殖則崇

勢利而羞賤貧此其所蔽也然自劉向揚雄博極羣書

皆稱遷有良史之材服其善序事理辨而不華質而不

俚其文直其事核不虛美不隱惡故謂之實錄以上乃

漢書司馬遷傳贊語也其閒指摘子長所短極是特未知孟堅所著書果無可指摘者否予聞司馬公之序游俠述貨殖皆有所激而抑揚之尙俟深考

武五子贊

班固贊武五子有曰建元六年蚩尤之旗見其長竟天後遂命將出征略取河南建置朔方其春戾太子生自是之後師行三十年兵所誅屠夷滅死者不可勝數及巫蠱事起京師流血僵尸數萬太子子父皆敗故太子生長於兵與之終始云云前輩甚取此論



兩姑

兩姑之閒難爲婦此後周楊忠語忠卽堅之父也封隋公忠死堅襲爵是爲隋文帝

隋之亡國有二

致堂胡氏寅曰隋得天下無功無德特以資相奇偉蓋與蕭道成同而其亡國則有二焉一曰隋文以胥吏治國二曰獨孤后以妬忌治家如是而已矣然則以胥吏治國者尙其鑒于茲

隱居通議卷二十四終

隱居通議卷二十五

南豐劉 壘起潛著

經史二

世情

孟嘗君太息謂馮驩曰文常好客遇客無所敢失食客三千有餘人先生所知也客見文一日廢皆背文而去莫顧文者今賴先生得復其位客有何面目復見文乎如復見文者必唾其面而大辱之驩曰生者必有死物之必至也富貴多士貧賤寡友事之固然也君獨不見



夫朝趨市者乎明旦側肩爭門而入日暮之後過市朝者掉臂而不顧非好朝而惡暮所期之物亡其中今君失位賓客皆去不足以怨士而徒絕賓客之路願君遇客如故孟嘗君曰敬從命矣廉頗之免長平而歸也失勢之時故客盡去及復用爲將客復至廉頗曰客退矣客曰吁君何見之晚也夫天下以市道交君有勢我則從君君無勢則去此固其理也有何怨乎漢衛青爲大將軍貴顯而霍去病以功爲驃騎將軍大將軍權日退驃騎日益貴舉

凝按後卷於舉字句絕今皆貴字句絕

大將軍故人門下

多去事驃騎輒得官爵惟任安不肖以上三事一律蓋  
趨時附勢人情則然古今所同也何責於薄俗哉諺曰  
世情看冷暖人面逐高低若任安者垂名萬世宜矣太史  
公與任少卿  
書卽安也

### 軍聲

秦伐韓趙救之令趙奢將兵秦軍軍武安西秦軍鼓噪  
勒兵武安屋瓦盡振武安屬魏郡在邯鄲之西田單以火牛奔燕軍

五千人因銜枚擊之而城中鼓噪從之老弱皆擊銅器  
爲聲聲動天地此二事略同然秦以敗歸而單乃取勝

勝負又有不盡繫乎軍聲顧其勢何如乎

### 戰國四君

戰國四君者齊有孟嘗趙有平原魏有信陵楚有春申  
孟嘗君田文則齊之公子宣王之姪也平原君趙勝則  
趙之公子也信陵君則魏昭王少子無忌也春申君則  
非楚族姓黃名歇楚國人世指此四人俱爲公子非也  
太史公以孟嘗爲諡索隱辨其不然謂孟字也嘗邑名  
也嘗邑在薛之傍孟嘗生前封於薛時稱曰薛公則孟  
嘗乃死後之稱耳平原不知何時所封而信陵則魏安



釐王卽位後封公子爲信陵君也春申乃楚考烈王元年爲楚相封爲春申君今浙郡有申港卽其地也

按常州府江陰縣有申浦春申君所鑿東入無錫西入武進又松江府上海縣有黃浦一名春申浦自春申君鑿

### 珠履客

三千珠履事或指以爲孟嘗門下之客非也乃春申君客也史載甚明胡曾詩曰何事三千珠履客不能西禦

武安君未知其何所指

### 武安君

李牧在趙封武安君白起在秦亦封武安君

### 鄒陽書

鄒陽繫獄上梁孝王書徒富贍而無義味

### 穰苴孫武

穰苴誅莊賈孫武戮宮嬪同是一法

### 紹介

今人未相識而求以引導之者率曰介紹非也按平原

君謂魯仲連曰勝請爲紹介注引郭璞曰紹介蓋相佑  
助者又引索隱曰紹介猶媒介也古禮賓至必因介以  
傳辭紹者繼也介非一人故禮云介紹而傳命又鄉飲  
酒必立介

### 萬歲

萬歲之呼世以爲起於漢武帝登嵩山從官奏人有呼  
萬歲者三自此遂以爲祝君之禮然齊田單守卽墨遭  
使詐約降于燕燕君皆呼萬歲則此禮非起於漢矣又  
相如奉璧入秦秦人皆呼萬歲紀信詐降楚皆呼萬歲



之城東觀

說難

韓非作說難浩博可愛而本傳結之以一語曰余獨悲韓子爲說難而不能自脫耳只此一語則其言之浩博俱不足采矣此太史公筆力之妙隱然之貶也其書有曰夫事以密成語以泄敗未必其身泄之也而語及其所匿之事如是者身危注曰事多相類語言或說其相類之事前人覺悟便成漏泄故身危也此卽易曰君不密則失臣臣不密則失身幾事不密則害成而推廣之

老韓

老韓同傳論者多矣太史公以爲老子所貴道虛無因應變化於無爲故著書辭稱微妙難識韓子引繩墨切事情明是非其極慘覈少恩皆原於道德之意而老子深遠矣夫道德之于刑名相去遠矣流弊乃爾何哉

枹鼓

漢宣帝五鳳四年京兆尹張敞以擅殺掾絮舜免爲庶人數月吏民解弛枹鼓數起注云枹擊鼓杖音庖今人多作字字讀絮女居反今人多作孺字讀當考○按十

虞韻注枹擊鼓杖倣枹鼓柷鳴顏師古竝音桴又左  
傳成公二年援枹而鼓鼓槌音浮本作桴浮內不收合  
依漢書押又五爻韻曰枹木叢生也義不同十虞桴字  
注編竹木大者曰箴小者曰桴禮運及明堂位士鼓鼗  
桴竝音浮十八尤注云屋棟齊人屋棟曰桴曾南豐詩  
曰桴鼓不驚民氣樂未知正作何音讀如十虞韻注謂  
浮內不收合依漢書則孚音爲穩

杜微出處

山谷詩云杜微見諸葛興致但求去微豈真瞶者蓋以



嘗臣劉璋璋爲昭烈帝所襲以致敗亡實孔明畫策故  
微終身恨之不肖爲孔明屈雖其幹略未之見要是義  
士微之崛強豈曰無見我思若人敢不重拜

裴松之注三國志

裴松之注三國志謂陳壽銓敘失在于略時有脫漏于  
是上搜舊聞傷撫遺逸以爲注殊不知松之所注乃壽  
所棄餘者也

小兒聽古話

東坡別集志林載王彭嘗云途巷中小兒子薄劣其家

厭苦輒與錢令聚坐聽說古話至三國事聞劉元德敗則顰蹙有出涕者聞曹操敗卽喜躍暢快以是知君子小人之澤百世不斬也

三國名臣贊

東坡先生題三國名臣贊曰西漢之士多智謀薄于名義東漢之士尙風節短于權略兼之者三國名臣惟蜀孔明巍然三代王者之佐未易以世論坡翁此論甚偉看來武侯相業大綱常嚴蓋其學出于申韓故其政刻深識者每謂孔明以一隅之蜀抗天下若更不以法治

使官府一體豪貴斂手則國內先亂何以自立哉自古雖衰弱之國皆可爲惟無法之國不可爲孔明蓋有特見若其將略則是以攻爲守者

春秋不絕國祀

韓原之戰秦獲晉惠公宜爲戮矣已而復歸晉侯又輸之粟陳夏氏之亂楚子入旣縣陳矣已而申叔一言乃復封陳楚子圍鄭鄭伯肉袒牽羊以逆旣得國矣已而鄭伯祈哀乃退三十里而與之平此三者或已俘其君或已得其國是宜丘墟其宗社草芥其臣民使悉爲已



有可也而秦楚之君乃不然雖聲罪致討而不絕其國  
祀獨非聖王忠厚之意歟是猶可諉曰三代時事也乃  
若劉曜雖入洛而終不窮追絕晉契丹雖入汴而終不  
固守中原女真雖蹂及東南而終不絕宋紀然則劉曜  
耶律德光阿骨打之徒雖虎狼也猶可恕矣夫

### 夕陽亭

西晉賈充字公闔爲尙書令不能正身率下專以諂媚  
取容侍中任愷中書令庾純等剛直守正其嫉之會氏  
羌叛因進說請以充鎮關中乃詔充持節都督秦涼二

州諸軍事充旣失職深銜愷而無計將之鎮百僚謁于  
夕陽亭荀勗私焉充以憂告勗曰公國之宰輔而爲一  
人所制不亦鄙乎然是行也辭之實難獨有結婚太子  
不煩駕而自畱矣充曰然孰可寄懷對曰勗請言之俄  
侍武帝宴論太子婚姻事勗因言充女宜配帝納其言  
成婚充遂不行旣爲太子妃酷虐好殺或以戟擲孕妾  
子隨刃墮地武帝欲廢之勗等救解及惠帝卽位立爲  
皇后荒淫放恣亂彰內外後趙王倫作亂使齊王冏入  
殿廢后后驚曰卿何爲來冏曰有詔收后后曰詔當從

我出何詔也。后至上閣遙呼帝曰：「陛下有婦使人廢之，亦行自廢。」倫乃矯詔齎金屑酒賜后死。自是而後，晉室遂衰。惠崩，懷繼而劉曜、王彌、石勒、猗、玁亂華，遂陷洛陽。執帝北去。晉遂亡矣。故丹山翁公合嘗有言曰：「胡羯亂晉，不兆於上東門之長嘯，而兆于夕陽亭之一語。胡雛亂唐，不決于漁陽之鼙鼓，而決于曲江公之不畱信哉。」

○充仕魏曰：「高貴鄉公之攻晉王相府也。」

司馬昭

太子舍

人成濟以兵出問充曰：「今日之事如何？」充曰：「公等養汝正擬今日復何疑？」濟于是抽戈犯蹕，刺帝刃出于背。帝



崩于車中晉王于是歸罪成濟夷其三族然則濟之弑  
逆乃決于充之一語也帝受弑濟受誅充實爲之宜其  
死而絕嗣乃以外甥韓壽之子謚爲嗣而謚亦爲趙王  
倫所戮天道信昭昭云

史記擷語

元貞丙申歲八月閱史記未帙因錄所見與識者其評  
之

循吏傳公儀休爲魯相奉法循理食茹而美拔其園葵  
而棄之見其家織布好而疾出其家婦燔其機云欲令

農士工女安所售其貨乎劉子曰種葵而食織布而衣  
未爲悖理也拔棄之猶可何至于出婦此舉近矯亦且  
難信

汲黯傳文佳可讀

鄭當時字莊孝文時聲聞梁楚之間○年少官薄然其  
游知交皆其大父行天下有名之士也○其推轂士及  
官屬丞史誠有味其言之也常引以爲賢于已○此兩  
人中廢家貧賓客亦落劉子曰汲黯俱列九卿又俱廉  
內行修潔故同傳此傳太史公贊甚佳

儒林傳齊人轅固生孝景時爲博士與黃生爭論湯武受命放弑事景帝曰食肉不食馬肝不爲不知味今學者無言湯武受命不爲愚劉子曰景帝此語殊可味

文章爾雅訓辭深厚儒林傳序中語

董仲舒廣川人治春秋○學士皆師尊之仲舒一傳甚簡略

酷吏傳序文極平順可讀有曰昔天下之網嘗密矣姦僞萌起其極也上下相遁至于不振當是時吏治若救火揚沸非武健嚴酷惡能勝其任而愉快乎言道德者



溺其職矣又曰漢興破觚而爲圜斲雕而爲樸網漏于  
吞舟之魚而吏治烝烝不至于姦黎民艾安由是觀之  
在彼不在此此等議論皆正當

鄧都爲人勇有氣力公廉不發私書問遺無所受請寄  
無所聽常曰已倍親而仕身固當奉職死節官下終不

顧妻子矣劉子曰都此數語甚正後世鮮有及之者

政

云政有母在政身未  
敢以許人也卽此意

甯成好氣爲人小吏必陵其長吏爲人上操下如東溼  
薪劉子曰此非長厚者所爲

張湯傳趙禹爲人廉倨公卿相造請禹禹終不報謝務  
在絕知友賓客之請孤立行一意而已○張湯收接天  
下名士大夫已心雖不合然陽浮慕之○造請諸公不  
避寒暑○武帝問張湯曰吾所爲賈人輒先知之益居  
其物是類有以吾謀告之者○禹讓湯曰君何不知分  
也君所治夷滅者幾何人矣○非此母不生此子○東  
坡謂張湯宜無後者也而有後以其不蔽賢也義縱爲  
定襄太守始至報殺四百餘人郡中不寒而慄○縱以  
鷹擊毛摯爲治

鷙鳥將擊必  
張羽毛也

王溫舒自有傳而楊僕傳又專記溫舒事殆不可曉合  
同作一傳看

杜周重遲外寬內深次骨

大宛傳敘事縱橫可觀或曰此蓋竝司馬公之殘缺褚  
先生補之然以予觀其筆力奇妙處非褚所及校之龜  
策傳遠矣

月氏二字俱無音

鑿空二字出大宛傳謂張騫首通西域爲鑿空者蓋甚  
言破荒也今世用鑿空者失本意



漢使窮河源河源出于寘國其山多玉石采來天子按  
古圖書名河所出山曰崑崙云

宛貴人相與謀曰漢所爲攻宛以王母寡匿善馬而殺  
漢使今殺王母寡而出善馬漢兵宜解卽不解乃力戰  
而死未晚也宛貴人皆以爲然共殺其王母寡持其頭  
遣貴人使貳師約曰漢毋攻我我盡出善馬恣所取而  
給漢軍食卽不聽我盡殺善馬而康居之救且至至我  
居內康居居外與漢軍戰漢軍熟計之何從劉子曰文  
勢如此似非出褚先生也

太史公曰禹本紀言河出崑崙崑崙其高二千五百餘里日月所相隱避爲光明也其上有醴泉瑤池今自張騫使大夏窮河源惡睹本紀所謂崑崙者乎故言九州山川尙書近之矣至禹本紀山海經所有怪物余不敢言之也劉子曰司馬公去古未遠所疑猶爾況後世乎則所謂西王母之說愈謬矣

史記抑道德而進游俠輕仁義而重貨殖不知此老何意雖似有激而言然害義理

游俠傳郭解短小精悍解傳敘事甚整

佞倖傳力田不如逢年善仕不如遇合

籍孺閔孺公卿皆因關說

有所言說皆關由之

鄧通蜀郡南安人以濯船為黃頭郎

著黃帽也濯音掉

周仁最寵過庸不乃甚篤

言仁最被恩寵過于常人乃不甚篤如韓嫣也

滑稽傳一說滑亂也稽同也辨捷之人反易是非滑亂

同異也一說滑音骨酒器也轉注吐酒終日不已猶言

辭出口成章終日不竭若骨稽之吐酒見揚雄酒賦一

說滑讀如字稽音計以言語滑利其如計疾出

淳于髡曰臣從東方來見道傍有穰田者

為田求豐穰

操一



豚醢酒一孟而祝曰甌窶滿篝汚邪滿車五穀蕃熟穰

穰滿家臣見其所持者狹而所欲者奢

篝籠也甌窶猶杯樓也窶音如

婁言豐年收掇易滿篝籠也汚邪下地田也即下田之

中有薪可滿車○予聞前輩讀汚作蛙今史記乃無音

不知何如○執法在傍御史在後○希講鞠脰希音捲收衣袖也講音溝

鞠曲也脰與踞同謂小跪也

○奉觴上壽○朋友交游久不相見卒

然相覩歡然道故○前有墮珥後有遺簪○履舄交錯

栝盤狼籍○羅襦襟解微聞薌澤○六博投壺相引爲

曹○似近世好語

優孟傳以壺竈爲槨銅磨

金屑也

爲棺齎以薑棗薦以木

蘭祭以稷稻衣以火光葬之于人腹腸

東方朔附傳陸沈于俗避世金馬門

東郭先生久待詔公車貧困饑寒衣敝履不完行雪中履有上無下足盡踐地道中人笑之及其拜爲二千石佩青綬出宮門故同官待詔祖道都門外榮華道路當其貧困時人莫省視至其貴也乃爭附之諺曰相馬失之瘦相士失之貧其此之謂邪此數語古今不易

王先生敎北海太守對武帝語與東郭先生敎衛將軍以金與王夫人之親同一機也北海太守至殿下有詔

問曰何以治北海令盜賊不起叩頭對言非臣之力盡  
陛下神靈威武所變化也王先生所教止此一語而人  
主便洞見之亦大異事

索隱曰漢書宣帝徵渤海太守  
龔遂非武帝時此褚先生記謬

耳

粉飾二字出西門豹投巫事中

日者傳龜策傳遷沒之後亡去至元成之間褚少孫補  
之故言辭鄙陋非遷本意索隱曰日者不能記諸國之  
同異而論司馬季主龜策直太卜所得占龜兆雜說而  
無筆削功何蕪鄙也此論甚當以予觀當刪去



日者傳褚先生曰臣爲郎時游觀長安中見卜筮之賢  
大夫見姓好解婦來卜對之顏色嚴振未嘗見齒而笑  
也○富爲上貴次之旣貴宜各學一伎能立其身○非  
其地樹之不生非其意教之不成夫家之教子孫當視  
其所以好因而成之○子有處所可謂賢人○此數語  
有理

貨殖傳筋角銅鐵往往山出碁置○人物歸之襁至而  
輻湊故齊冠帶衣履天下○天下熙熙皆爲利來天下  
攘攘皆爲利往千乘之主萬家之侯百室之君尙猶患

貧況匹夫編戶之民乎。○歲在金穰水毀木飢火旱。○夫糶二十病農九十病末

烏氏倮巴蜀寡婦清此二人皆秦時能以其富抗萬乘用貧求富農不如工工不如商。○千金之家比一都之君巨萬者與王者同樂。○予觀貨殖傳筆力高古出司馬公手者自與褚不同

自序著十二本紀作十表八書三十世家七十列傳凡百三十篇五十二萬六千五百字。○序百三十篇以一語結之細玩有味

卷二十五終

隱居通議卷二十六

南豐劉 壘起潛著

經史三

秦不絕儒學 圖象

秦始皇焚書坑儒遺臭萬世而莆陽鄭夾漈樵謂秦未嘗廢儒學言有證驗似亦可採其說曰陸賈秦之巨儒酈食其秦之儒生叔孫通秦時以文學召待詔博士數歲陳勝起二世召博士諸儒生三十餘人問故皆引春秋之義以對是則秦未嘗不用儒生與經學也況叔孫



通降漢時自有弟子百餘人齊魯之風亦未嘗替故項羽旣亡而魯爲守節禮義之國則知秦未嘗廢儒而始皇所坑蓋一時議論不合者耳夾漈又曰蕭何入咸陽收秦律令圖書是則秦亦未嘗無書籍也其所焚者一時閒事耳世不明經者皆歸之秦火使學者不睹全書未免疑以傳疑然易固全書也何嘗見後世有明易之人哉所謂秦人焚書而書存諸儒窮經而經絕蓋爲此發也詩之亡篇有六乃六笙詩本自無詞書有逸篇仲尼之時已無矣皆不因秦火也自漢以來書籍至今百

不存一二非秦亡之學者自亡之耳以上二論甚新

至元

間焚道藏經無遺今復有之未始無也

夾漈又有論圖象一段亦極有理其說曰河出圖天地有自然之象洛出書天地有自然之理圖經書緯相錯成文有書無圖聞其聲不見其形有圖無書見其人不聞其語古之學者置圖于左置書于右索象于圖索理于書故人易爲學學易爲功秦雖棄儒學未嘗棄圖書誠以爲國之具不可一日無也蕭何知取天下易守天下難其入咸陽先取秦圖書以爲守計于戈既定文物

悉張何定律令而刑罰清信申軍法而號令明蒼定章程而典故有倫通制禮儀而名分有別高祖以馬上得之一時武夫役徒知詩書爲何物而此數公又非老師宿儒博通古今若非圖書可明見則一代之典未易舉況是時挾書之律未除屋壁之藏不啟所謂書者有幾無非按圖之效也

### 篁竹

篁竹字出漢書嚴助傳淮南王安諫用兵書中

天幸



陳止齋論有曰昔司馬子長論李將軍爲將其言哀痛  
反覆深悲其無成至論霍去病無佗美獨天幸不至乏  
絕子按衛青傳云諸宿將所將士馬兵不如驃騎即去病  
驃騎所將常選然亦敢深入常與壯騎先其大將軍軍  
亦有天幸未嘗困絕也然而諸宿將常坐畱落不遇由  
是驃騎日以親貴比大將軍今觀此語又似以大將軍  
衛青爲有天幸不然則須以常與壯騎先其大將軍爲  
句絕乃稱

驃騎曰益貴舉

大將軍青日退而驃騎日益貴舉大將軍故人門下多  
去事驃騎輒得官爵惟任安不肖驃騎將軍爲人少言  
不泄有氣敢任天子嘗欲教之孫吳兵法對曰顧方略  
何如耳不至學古兵法天子爲治第對曰匈奴未滅無  
以家爲也由此上益重愛之貴舉二字當考

凝按今文貴字句絕此讀舉字句絕更有味蓋貴舉  
卽貴倨古舉倨通用

剽姚字音

去病衛青姊少兒之子也初爲剽姚校尉服虔音飄搖

大顏按荀悅漢紀作票鷁蓋勁疾之貌票音頻妙反鷁音弋召反杜詩後出塞借問大將誰恐是霍剽姚論者以爲杜子美平聲讀兩字不知其用服虔音也

凝按宋王楙野客叢談所論更詳

### 大將軍軍出塞

元狩四年春大將軍軍出塞云云漢益縱左右翼繞單于軍單于遂乘六羸壯騎可數百直冒漢圍西北馳去

### 張釋之傳

秦任刀筆之吏吏以亟疾苛察相高然其敝徒文具耳



無惻隱之實注云謂空具文而無其實○文帝倚瑟而  
歌意慘悽悲懷

### 李廣不擊刁斗

一說謂以銅作鑣器受一斗晝炊飯食夜擊持行名曰  
刁斗一說謂小鈴如宮中傳夜鈴也一說謂形如鍬以  
銅作之無緣受一斗故云刁斗鍬卽鈴也一說云鑣溫  
器有柄斗似銚而無緣音鑣夫以一刁斗古人猶不能  
詳其制言之各異其說然其實只是今日搖鈴擊柝之  
類以警夜備非常耳

李廣數奇

大將軍青陰受上戒以爲李廣老數奇毋令當匈奴如  
淳曰數爲匈奴所敗奇者不偶也服虔云作事數不偶  
也愚按數字顏音所具反漢書音所角反未知孰是

戰國策

劉向未曾校定戰國策之先其書號曰中書又曰戰國  
策書或曰國策或曰國事或曰短長或曰事語或曰長  
書或曰修書其名不一至向始以爲此戰國時游士策  
謀定其書宜爲戰國策上繼春秋下訖楚漢之起二百

四十五年之閒列國時備載凡三十三篇舊有高誘注  
宋紹興閒又有縉雲鮑彪注尤詳且多駁正世稱其善  
向舊本起東周次西周又次秦齊楚趙魏韓燕宋衛而  
止以中山彪謂西周正統也不得後于東周故首以西  
周安王威烈王  
子也而東周次之

西周首章曰嚴氏爲賊而陽豎與焉嚴氏卽韓之嚴遂  
也遂字仲子時韓傀相韓列侯傀名俠累列侯重之嚴  
遂與之不相能求得軹深井里人聶政爲刺客殺俠累  
于東孟之會注殺人不以道曰賊豎小使也互見韓策



曰聶政陽堅刺相兼君注曰堅政之副猶秦武陽副荆軻又曰名堅見西周注是陽豎卽陽堅也殆堅字近豎誤文耳

嚴仲子謂聶政曰聞足下義甚高故直進百金者特以爲丈人麤糲之費注曰粟十六斗爲一秉舂米一斛曰糲

猶之井中而曰我將爲爾求火也此韓策中語甚佳

### 華佗

觀魏志華佗傳見其醫入神妙與造化通倉扁後財僅

見耳然佗能洞見世人之五臟而不能密察孟德之心術竟被收錄坐死豈其明智有所偏歟

限田

漢儒限名田之議甚好後世若能行之自可抑兼併豪強誠重本救末之良策也

貴賤無常

漢武帝衛皇后字子夫平陽公主家謳者武帝被霸上還因過主家飲武帝起更衣子夫侍尙衣軒中得幸上還坐驪甚賜平陽公主金千斤主因奏子夫奉送入宮

子夫上車主拊其背曰行矣強飯勉之卽貴毋相忘入宮有寵生三女一男男名據卽戾太子及陳皇后廢子夫爲后此貴賤之無常者一也子夫有弟衛青字仲卿以大將軍封爲長平侯其三子皆封侯貴震天下是時帝姊平陽公主寡居當用列侯尙主主與左右議長安中列侯可爲夫者皆言大將軍可主笑曰此出吾家常使令騎從我出入耳柰何用爲夫乎左右曰今大將軍姊爲皇后三子爲侯富貴振動天下主何以易之乎乃許之白武帝乃詔衛將軍尙平陽公主焉此貴賤之無



常者二也衛后出於歌謳衛青起于奴僕一旦際遇至  
于母天下壻帝廷而無非之者褚先生曰丈夫當時富  
貴百惡滅除出耀榮華貧賤時事何足累之哉予閱此  
傳深有感于此語


### 漢武微行自輕


漢武故事曰帝卽位爲微行嘗至柏谷夜投亭長宿亭  
長不納乃宿逆旅逆旅翁邀少年十餘人皆持弓矢刀  
劍令主人嫗出遇客婦謂其翁曰吾觀此丈夫非常人  
也且有備不可圖也天寒嫗酌酒多與其夫夫醉嫗自

縛其夫諸少年皆走嫗出謝客殺雞作食平旦上去還  
宮乃召逆旅夫妻見之賜嫗金千斤擢其夫爲羽林郎  
愚聞帝王之出入自有鬼神呵護固可安全然萬乘之  
主所爲如此若非遇逆旅之老嫗識人一反覆閒立爲  
齏粉貽笑萬世此時噬臍其可及乎漢武開此例至宋  
徽宗尤而效之抑又甚焉

隱居通議卷二十六終














隱居通議卷二十七

南豐劉 壘起潛著

禮樂

雩祭

周制月令建巳月大雩五方上帝其壇名曰雩祭于南

郊之傍以太昊青炎帝赤軒帝黃少昊白顓帝黑配五

帝左傳龍見而雩乃角亢星見時周之六月陽氣盛恆旱故雩雩之爲言遠也遠爲百穀以祈膏雨若國大旱則司巫帥巫而舞雩若旱暵則女巫舞雩世人常言舞

雩未知其義始此

### 靈星

周制仲秋之月祭靈星于國之東南漢高祖八年令郡國縣邑立靈星祠常以歲時祠以牛祠后稷以羊彘祠后稷而謂之靈星者以后稷又配食星也舊說星謂天田星也一曰龍左角爲天田主穀乃于壬辰位祠之壬爲水辰爲龍就其義也東晉靈星配饗南郊不置祠唐以立秋後祀靈星于國城東南又詩絲衣序高子曰靈星之尸則祠靈星亦立尸後世學宮門謂之靈星門者



或謂靈星之祭賓尸于此故名然今之靈星門于義實

所未喻

又淮南子主術訓君人之道其猶零星之尸也儼然元默而吉祥受福○詳見後學宮制

### 封禪義

帝王易姓必封泰山所以告成功也禮云因名山升中于天而必于泰山者萬物交代之處封增其高順其類也升上也中成也刻石紀號以著功績封訖而禪梁父者亦因天以及地也說者謂封禪取高厚之義封土于山而禪祭于地天以高爲尊地以厚爲德也增泰山之高以報天附梁父之厚以報地梁父者泰山之支山卑

下者也能以其成功相禪代故封禪以告太平

### 墓祭

世謂三代以前無墓祭而朝陵拜埽起于秦時古宗廟前制廟後制寢秦始出寢起于墓側漢因秦上陵皆有園寢起居衣服象生人之具古寢之意也唐開元二十年四月制曰寒食上墓禮經無文近代相傳浸以成俗士庶有不合廟享何以用展孝思宜許上墓同拜埽禮不得作樂仍編入五禮永爲恆制故議者以爲墓祭始于唐也

學校配享

州縣學祀文宣王以充國公顏子鄒國公孟子配享文  
廟後宋咸淳中議者以本朝崇尚四書宜并祀曾思配  
享于是以鄒國公曾參沂國公孔伋升配文宣王與顏孟  
爲四其意蓋以顏主論語孟主孟子而大學則曾之所  
述中庸則思之所作是因四書而尊四賢可謂備一代  
之盛典其後見北人云北方文廟惟以顏孟配而曾思  
不與焉蓋移蹕東南曾思竝配之令不及北方故中原  
隄守舊制也初制配享之禮顏孟東西相對其後熙豐



姦黨以私意追尊王安石因妄比王安石爲顏子遂遷孟子位西面東與顏子對者退處于位東面西與顏子竝旣而朝廷更化國論維新乃罷王安石配享亟毀其塑像一時因循不復釐正孟子仍舊位東面西咸淳增配承襲譌繆亦以曾思竝列于顏孟之下俱位東面西竟成虛右遂謂配位俱當左列其實不然舊

嘗陪從理宗大享明堂以太祖太宗配

位有四皆東西相面不偏于一以此見聖廟配享必東西相面也千載之後必有能正之者

# 大行

古者君亡未有諡皆以大行稱之往而不反之義也始皇崩于沙丘胡亥曰今大行未發喪禮未終見李斯傳愚謂行字可作去聲蓋諡未定則德未名姑總稱爲德行之大者

## 墓旒書例

古人題旒及題墓必加國號如曰唐故宋故所以表其爲何代之人後將有考也曹孟德自謂願題漢故征西將軍曹侯之墓者亦以漢國號加于故字之上此其凡

例也德祐以前題墓俱曰宋故不以爲嫌歸附以來皆不書國號惟書故字甚無義理近見北人皆書元故南人乃不然由今思之若不書元故則題旣題墓惟曰某官靈柩曰某人之墓此理爲長予有友人不書國號予并去其故字識者咸以爲當蓋既不書國號則故字之義無所承若必欲書則必加國號乃可

### 鹵簿字義

鬼谷子曰車駕行羽儀導從謂之鹵簿自秦漢始有其名後漢胡廣作天子行鹵大楯也所以扞敵部伍之次



皆著之簿儀其五兵獨以盾爲名者行道之時甲楯居  
外餘兵在內故但言鹵簿而五經精義亦曰鹵大盾也  
以大盾領一部之人故名之曰鹵簿其義如此

### 社稷之名

予于前卷嘗紀今世竝稱稷契爲非蓋稷乃官名契乃  
臣名也按國語載展禽曰昔烈山氏之有天下也其子  
曰柱能殖百穀百蔬夏之興也周棄繼之故祀以爲稷  
共工氏之伯九有也其子曰后土能平水土故祀以爲  
社注云烈山氏炎帝之號也即神農起于烈山祭注以烈

山爲厲山是也柱爲后稷自夏以上祀之夏禹之興棄能繼柱之功自商以來祀之共工氏伯者在羲農之間其子句龍在黃帝時爲土官九土九州之土也后君也使君土官故曰后土社后土之神也又棄勤播百穀死于黑水之山故曰稷勤百穀而山死由是觀之則柱與棄俱號后稷氏共工句龍號后土氏稱后稷后土則各以其官于理甚宜若以稷契竝稱則官名臣名雜述矣杜氏通典云顓頊祀共工氏子句龍爲社烈山氏子柱爲稷高辛氏唐虞夏皆因之殷湯爲旱遷柱而以周棄

代之欲遷句龍無可繼者故止又曰凡社皆以句龍配  
凡稷皆以棄配社者五土之神稷者于五土之中特指  
原隰之祇援神契云稷者原隰之中能生五穀之祇是  
也

### 漢酎

漢制正月旦作酒八月成三重釀醇酒也味厚故以薦  
宗廟八月嘗酎會諸侯王于廟中出金助祭謂之酎金  
皇帝齋宿獻金金不如斤兩或色惡王削縣侯免國今  
南方所謂一宿酒者只一重而已今至三重則其味醇



厚可知矣

九族

九族之說具載禮經

見喪服小記

然諸家議論不同按夏侯

歐陽等則以爲父族有四母族有三妻族有二與孔安國尚書注上自高祖下至元孫之說異然鄭康成孔穎達則謂出一而三由三而五由五而九故列圖于後以俟知者

父族四

已姊妹適人者及子

父五服內親族

父姊妹適人者及子  
已女適人者及子

母族三

母之姊妹及其女  
母之父姓  
舅族

母之母姓

妻族二

妻之父姓  
妻之母姓

三族

高曾祖父已子孫曾元

由一而三  
父已身  
由三而五  
祖  
父  
孫  
由五而九  
高曾

會元

學宮靈星門制

州縣學宮舊制外門曰靈星未詳其義余叔父秋麓先生博學多能洞究古誼嘗著其說云漢祭祀志曰龍左角爲天田天田號靈星見則爲農祥故春籍田而祈社稷祭之祠后稷又祭之祭之皆有尸天子諸侯卿大夫名以配先祖食不忍輒忘祭罷不容遽使之出門而就臣位故其退尸必尋繹復祭但天子諸侯祭之明日又祭曰繹卿大夫祭之當日又祭曰賓尸士曰寡尸皆退



尸也故於廟門外又一門曰靈星門漢郊祀志或言曰  
周興而邑立后稷之祠至今血食天下于是高祖制詔  
御史其令天下立靈星祠今無存者不可復考良耜詩  
序秋報社稷也與絲衣篇次相屬亦可考見絲衣詩序  
又載高子曰靈星之尸也旨意甚明近世儒者不知何  
故刊去此語殆由不知靈星之尸爲祈報社稷之尸也  
夫子釋奠祭之略無其義閒嘗深思其制抑昌黎先生  
謂夫子生民之功與社稷之功固自有次第者歟故作  
靈星門于廟門外而釋奠皆出揖之歟書此以俟後人

博采以上皆叔父所著說叔父嘗以明經兩試天子之  
廷退而博考經史百家多所論著尤于孔門諸子之學  
多所發明著聖門言行錄若干卷蓋勤苦考訂凡數十  
年而後成又自類所作曰山雞愛影集近得而讀之筆  
力超絕雖老師宿儒不敢望其藩也念昔垂髫從叔父  
學辱承獎掖今叔父八十有一余亦六十有六矣老冉  
冉至懷舊淒然子杜門隱處塵土枯槁海內知己貴人  
零落殆盡非復疇昔故雖勉自造就力昭其苦心使得  
崢嶸略慰平生而有不能也付之浩歎而已然叔父雖

高年詩筆彌勁而愚乃志氣日憊幾于進寸而退尺嘗  
自笑曰豈江淹才盡邪友人譚伯玉酷嗜叔父之文欲  
先刊其所作詩果成予當附數語其後

### 從祀之目

按史記及唐會要弟子凡七十七人而

缺

宋宰相王文正公旦嘗言會要所錄七十七人當  
從

缺

所載七十二人于是琴張申枹林放陳亢蘧瑗

以其俱見論語取此五人而削去公夏首等十人大觀  
四年并子思從祀凡七十七人東廡則金鄉侯澹臺滅



明其首而西廡則單父侯宓不齊其首也歷數之至考城伯戴聖而止其閒如左丘明公羊高穀梁赤荀況伏勝戴聖俱非聖門弟子除顏曾子思當時聖門弟子固惟止七十而已戴聖諸人并萊蕪伯高堂生至晉司徒杜預凡十有七人入宋續增唐昌黎伯韓愈至宋華陽伯張栻凡十人今元朝又新增左丞許衡一人通古今爲九十八人頃余于閩從邵武詣學瞻敬時郡侯廉公命立塑像裝繪一新像設嚴整絕勝諸郡子因計其數目與舊載文字相同如右廉公問子數目是否予答曰

是

六藝目

六藝者禮樂射御書數也其目或不能詳今載于後

五禮吉凶軍賓嘉

六樂雲門大咸大韶大夏大濩大武

五射白矢參連剡注襄尺井儀

五馭鳴和鸞逐水曲過君表舞交衢逐禽左

六書指事象形諧聲會意轉注假借

九數方田粟米衰分少廣商功均輸方程贏不足旁要

樂府諸調之始

樂府有般涉調雙調水調之類其來遠矣雖隋鄭譯律有七音音立一調故成七調然不著其名及考唐杜

缺

訣載唐諸樂名

太簇宮 時號娑陁調如萬國歡之類

太簇商 時號大石調如昇平樂破齊陳之類

太簇羽 時號般涉調如太和萬壽樂之類

林鍾宮 時號道調如垂拱樂之類

林鍾羽 時號平調如舞媚孌之類



黃鍾商

時號一越調如綠沈栢之類

黃鍾羽

時號黃鍾調如春楊柳之類

中呂商

時號雙調如傾栢樂之類

南呂宮

時號水調如五更轉之類

時號金風調如蘇幕遮之類

律管候氣

北齊神武霸府田曹參軍信都芳世號知音能以管候  
氣仰觀雲色常與人對語則指天曰孟春之氣至矣人  
往驗管而飛灰已應每月所候言皆無爽又爲輪扇二

十四面穉地中測二十四氣每一氣感則一扇自動佗  
扇竝住與管灰相應若合符契隋文帝開皇二年遣毛  
爽及蔡子元于普明等候節氣依古于三重密屋內以  
木爲案十有二具每取律呂之管隨十二辰置案上以  
土穉之上平于地中實葭莩之灰以輕緹素覆律口每  
地氣至與律冥符則灰飛衝素散出于外而氣應有早  
晚灰飛有多少或初入月其氣卽應或至中下旬間氣  
始應者或灰飛出三五夜而盡或終一月纔飛少許者  
帝異之問牛宏宏對曰灰飛半出爲和氣灰全出爲猛

氣吹灰不能出爲衰氣和氣應者其政平猛氣應者其  
臣縱衰氣應者其君暴帝駭之曰臣縱君暴其政不平  
非月別而有異也今十二月律于一歲內應不同安得  
暴君縱臣若斯之甚宏不能對夫天地之氣隱微深妙  
而數子者能以智巧相窺何其神也

音樂應驗

傳曰聲音之道與政通從古而然殆不可曉隋萬寶常  
聽太常所奏樂泣然而泣人問其故對曰樂淫厲而哀  
天下不久相殺當時四海全盛皆謂不然大業末其言



卒驗而寶常貧困無人贍遺飢餒將死取所著書焚之  
曰何用此爲見者于火中探得僅數卷行世又煬帝將  
幸江都有樂工王令言妙達音律令言子當從于戶外  
彈胡琵琶作翻安公子曲令言臥室中聞而驚起急呼  
其子曰此曲興自早晚對曰頃來有之令言歛歔流涕  
謂子曰汝慎無從行帝必不反此曲宮聲往而不反宮  
君也吾以是知之帝果被弑于江都

西域人知音

周武帝時有龜茲人曰蘇祇婆從突厥后入中國善胡

琵琶聽其所奏一均之中閒有七聲問之則曰父在西域稱爲知音代相傳習調有七種于是以其七調勘校七聲冥若合符乃知人性聰明無分夷夏詎可謂夷人有遜于中國也況所善胡琵琶者又其國俗素習者耶

### 埙制簫制

世本云埙乃暴辛公所造不知何代人周畿內有暴國豈其時之人乎爾雅注曰燒土爲之大如鷺子銳上平底形如稱錘六孔小者如雞子大者曰埙音叫○毛詩何人斯蘇公刺暴簫世本云蘇成公所造舊制云一曰管非也雖不公也

知其爲何代人然非舜前之人明矣舜時西王母獻琯  
則是舜時有之成公安得造簾乎爾雅曰大簾謂之沂  
注云簾以竹爲之長尺四寸圍三寸一孔上出寸三分  
名翹橫吹之小者尺二寸廣雅云八孔今有胡吹非雅  
器也蔡邕月令章句云簾竹也六孔有距橫吹之詩云  
仲氏吹簾是也今人常言塤簾而不識其制謾著于此  
嘗見賓退錄言塤簾之簾則竹虎二字之中猶加二撇  
今寫者多只從竹下繼之以虎卽非字矣考之說文信  
然



# 挽歌之由

魯哀公十一年吳子伐齊將戰齊將公孫夏命其徒歌  
虞殯孔穎達曰虞殯者謂啟殯將虞之歌也今人言挽  
歌之由止言漢高帝時齊王田橫自殺其故吏不敢大  
哭爲歌以寄哀而後代相承以爲挽歌不知其起于春  
秋也由來久矣

# 樂歌

六朝樂歌有丁督護二章亦曰丁都護宋武帝長女妻  
徐達之爲彭城内史被魯軌所殺武帝使內直督護丁

昨殯斂之達妻呼昨至閤下自問殯送之事每問輒歎  
息曰丁都護其聲甚哀後人因其聲廣其曲焉其辭二  
首一曰督護初征時儂亦惡聞許願作石尤風四面斷  
行旅二曰黃河流無極洛陽數千里坎軻戎旅閒何由  
見歡子○又有後闕

凝按郭茂倩樂府詩集宋武帝有丁督護歌五首此  
所載督護初征時云云乃其一也黃河流無極云云  
乃梁王金珠所作所謂後人因其聲廣其曲者其說  
本舊唐書然亦僅載一首云今歌是宋孝武帝所製

與樂府云宋武帝不合督護初征時句唐書又作督  
護上征去惜隱居通議後有關脫公之敘論無由盡  
聞也



隱居通議卷二十七終

隱居通議卷二十八

南豐劉  
壘起潛著

造化

兩儀

易有太極是生兩儀儀匹也不曰二儀者二有先後兩  
無彼此有相匹之意焉天一地二者乃先後之言爾地  
亦惟一而云地二者蓋言下已落第二也李明之衡山  
記云朱符謂火著如兩儀不可闕一故不曰二而曰兩  
者陰陽互爲用也羅氏路史發明其義乃知兩與二相

似而實有辨

### 亭毒

人常用亭毒二字而不明其義按路史注云亭蓄其形  
毒散其氣此謂天地之初也曰亭毒萬有風行焮逝攷  
亭之毒之原出列子俗見習熟以毒義爲不美然易曰  
以此毒天下而民從之正猶岐雷兪扁不惟參苓之養  
性其劫癰攻積雖烏喙亦所當用何也以毒攻毒有至  
仁焉善去兵者不廢師故曰毒天下而民從之吉

### 天地開闢數



皇極經世書言天地開闢之數實前古聖賢所未及今  
書其略于後

天地一開一闢謂之一元總計十二萬九千六百年開  
自寅已至戌戌而後閉開之時凡二百四十星計八萬  
六千四百年閉自戌戌至寅已而始開閉之時凡一百  
二十星計四萬三千二百年自夏禹八年過午至今猶  
屬午之中上必待滿足一萬八百年然後過未自開闢  
至今約三萬八千年自今以往猶須過四萬八千四百  
年

天地有初

衾裯新襲蟣蝨生之洲沼創出蟲魚產焉一氣之初萬物相見故雖天地必有初也按談藪云道言天地初闢一日爲雞二日爲狗三日爲豬四日爲羊五日爲牛六日爲馬七日爲人蓋賤者易生貴者難育故今人以建寅之月一日起至七爲人日謂天地有初其理則然而雞狗羊馬之說蓋先生物以供人之用耳

夫婦所始

元氣所孕始于子立于己子者字之始己者包之始也

自子而推男左行三十而立于巳女右去積二十而合  
之亦在巳也陰實從焉是故聖人因此制爲男三十有  
室女二十有家之禮參天兩地自然之數配也自己而  
妊之男十月毓于寅女十月毓于申申爲三陰寅爲三  
陽故年運起焉日生于申月生于庚日月西東夫婦之  
象申統于寅庚統於甲左右巳之合以子將以順性命  
之理爾又曰男子由戊子推之左行三十丁巳十月至  
丙寅以土生木也女子由庚子推之右行二十辛巳十  
月至壬申是金生水也此男女陰陽出于自然子不習



陰居通言卷二  
三  
數學未究其理姑記于此以待識者

古今一理

古之水火今之水火也今之聲色後之聲色也鳥獸竹木人民好惡以今而見古由此而知來千世之前萬歲之後無以異也此言出于王充充謂有理昧者謂古今殊觀非是

天地毀敗有數

天地及日月時至皆歸盡此語出于無常經物莫不有數雖天地莫能逃也山亡川邕郡陷谷遷沙漠遺舊海

之蹤厓險著蚌螺之甲晉殿破檻昆明劫灰有以見地  
嘗屢敗矣土石自天星隕如雨或夜明如晝或越裂崩  
地有以見天嘗毀矣宛首道君曰天地運度亦有否終  
日月五星亦有虧盈況于人乎此皆路史所載且注云  
今西北荒外沙漠閒皆是滄海遺蹟而太行麻姑朱厓  
等山險厓石罅皆有螺蚌之殼顏魯公以爲桑田之變  
也天地崩裂事史載甚多其最著者

缺

元年十二

月從天西北角至東南或坼裂二百丈或數十丈有聲  
如雷山鷄皆叫或見天中宮室之類豈果毀敗有數天

地莫能逃也建昌城西有石崇觀其石閒有螺蚌殼合之顏魯公所載信然

魁星移次

淳熙中殿試進士有鄧太史者告周益公魁星臨蜀臚傳先一日又告夕有震雷魁星自蜀移照吳分及期上忽以第一卷與第二卷互易之吳人果第一蜀人第二當時咸奇驗其言此事甚神前輩謂古天官書無魁星之名今所繪像又與斗魁不同使此星卽斗魁安得移照分野且移照又先以雷尤爲甚異據鄧之說魁先臨



蜀而是年蜀人當第一然則與吳分何與若此星亦如  
日月五星躔次周轉必漸次移照按吳分當南斗相去  
一百八十度何以遽能移照如是之速皆理之所不可  
解者也科目在宇宙閒特小小事耳事有類於此者尙  
多狀元雖貴然亦人閒一時之榮千載事業于此何與  
而便足以動天象如此豈文章科名亦天所貴耶天旣  
貴之而今又絕之何也近年有言狀元若在南中則國  
家運數將盡者已而咸淳辛未歲狀元張鎮孫乃廣州  
人也未幾而國遂亡然則科名氣數果有所關則昔人

所謂自有文章司造化莫將科目待時賢者信矣夫

### 氣數災異

氣數災異之說揆理不通然亦有適應者予嘗聞州里長老言嘉定壬午歲南豐大水甲申歲又大水紹定己丑廖寇破邑辛卯大饑荒後六十年至近歲壬午衆謂邑當大水竊意太虛浩蕩所識者廣豈屑屑獨計吾豐邪至期邑果大水甲申歲謂復水矣然卒不應逮乙酉又大水不減壬午焉丁亥大饑質鬻妻子至己丑衆又謂當有寇警殊又不然已而臘月盧遠耆與汀畚相挺

而起至庚寅春某月日寇乘橋攻南門州兵禦之幸不破城而辛卯又饑特不如丁亥之甚雖不盡應顧亦不免然則災異氣數豈有期焉先定之乎

三元

嘗見歷家有三元甲子之說而不曉上元從何而起近見史書云厯自漢降沿革不同然大抵皆布算積分上求數千歲之前必得十一月朔旦夜半冬至而日月五星皆會于子謂之上元以爲厯始

五行



卜筮家以四方分金木水火而土居中位于四方無所附麗于是寄之于水曰水土長生申水土旺在子水土庫在辰水土敗在酉愚嘗思之土不當寄于水克水者土安可相寄火實生土則火爲土母以子寄母似爲有理此說雖往來胷中未之能決因觀月令注黎兼爲土官止謂祭五官之神于四郊句芒在東祝融后土在南蓐收在西元冥在北是也實五官而爲四神者火土俱位南方其神皆祀黎又周禮大宗伯注顓頊之子曰黎爲祝融后土食于火土是黎兼二祀也由此觀之則愚

欲以土寄于火似合乎古人之說矣

### 五色

五色者青赤黃白黑也是爲五方之正色若夫以木克土則青黃合而成綠以金克木則白青合而成碧以火克金則赤白合而成紅以水克火則黑赤合而成紫以土克水則黃黑合而成駢此五方之閒色也

### 五星聚處

厯家謂明年甲申歲十有二月五星聚斗是爲丑寅之閒按五星緯天躔次不同其聚而同度實難考之前代

漢高帝時聚東井宋乾德五年聚奎明年甲申聚斗其聚于井實開文景之治其聚于奎實開咸平慶厯之治今聚于斗其應雖未可知然以古今之難逢者一旦會逢其爲禎祥必也自當有驗特未知孰當其應爾史載漢元年冬十月聚井以躔次推之當在六七月之閒宋初翰林學士竇儀與盧多遜楊徽之同朝嘗謂多遜等曰丁卯歲五星聚奎自此天下太平二拾遺見之嚴不及也已而果如其言今聚斗在十二月而厯家又謂來年十二月水星前行斗度數曰恐干躔次不合然亦未



知孰是余于歷學不習無以訂其是非然考五星所聚之方多在乾坤艮巽之位并在未申之間坤位也奎在戌亥之間乾位也斗在丑寅之間艮位也然則佗時復聚當在辰巳之間巽位邪巽位之宿爲角則四聚其在角乎漫記其說如此以待來者○後考淳熙十三年丙午歲八月乙亥日月五星聚于軫惟以乾德丁卯五星聚奎爲瑞至淳熙丙午之聚軫則未有以瑞言者或謂奎聚主文故爲瑞應而軫無可取故不言也然朱張呂陸星聚此時豈曰非瑞乎

妖孽之名

草木之變曰妖蟲蛇之變曰孽六畜變異謂之禍異物  
忽生謂之怪氣相傷相逆曰鑿已上出玉厯及漢五行  
志今世俗常談惟曰妖孽曰妖怪然未知其所以命名  
之義

隱居通議卷二十九

南豐劉 堦起潛著

地理

四方之限

溟渤漲洋天地所以限東徼也惡谿沸海天地所以限  
南徼也陷河懸渡之設乎西瀚海沙子之設乎北天地  
所以遮西而制北也激瘴霧于東維界黑水于南極泄  
流沙于西陲決弱水于北滅古文漢天地所以界四維也  
八荒之內奚有奚無八荒之外何止何極以上見羅泌



路史中說

惡谿沸海

惡谿在閩多厲毒中者溫屯嘔泄逾者脚輒腐弱其魚  
多鱗沸海常沸尤多惡魚炎州貢者經之路史之所載  
如此然予嘗仕閩數年不聞有此也惟聞延平一宣差  
言常汎南海海水中有火出郭學錄又言嘗見海嘯其  
海水拔起如山高

西土頭痛山沙子黑水

自罽賓國西行歷大小頭痛山及赤土身熱之阪山在

渠搜之東疏勒之西冬月過者有頭痛身熱吐逆之病  
驢畜皆然夏月卽死又經烏柁四百里石懸度山咫尺  
之路下臨不測在盤陀西南今葱嶺冬夏有雪卽佛書  
所言雪山者

路史說本  
漢西域傳

沙子在契丹後彌數千里往者女真旣滅契丹其臣大  
石林牙攜其子三晝夜踰沙子立之數十年粘罕不能近  
黑水在梁離間涉者脛黝黑

### 柳中路伊吾路陷河弱水

裴矩西域記自高昌東南去瓜州千三百里竝沙磧乏

水草四面茫茫蓋西州之柳中路又有一路自柳中縣  
南東行經大海東又東南渡磧入伊州卽裴所謂伊吾  
路今奉使者至高昌從武威西北有捷徑度沙磧千餘  
里四面茫然不可準記行者唯視人死骸骨及驢駝糞  
以爲記大雪卽不得行或見宮宇忽聞歌笑從之者多  
不反蓋魑魅所爲也當旦末西北沙中夏熱風爲患惟  
老駝能知之風將作則駝聚鳴而擁其鼻口否則死今  
高昌客旅皆由伊吾道

出陽關至于闐國路經陷河伐檀置中乃得渡也弱水



亦陷河之類羽毛皆沈今川廣之界亦有一小河淖澁而深今古不得渡蓋亦弱也

### 海外多國

昇明二年倭王奉表條其祖之勲謂東北服者二百九十有六國是固海東之國倭王所服者然其未服之國又幾十百矣支顯西游道其所記數百國此于闐以西之國支顯所知者然其所不知者又幾十百矣智猛法盛之錄曇勇道安之傳蕃王之國不下四五百大延四域之使魏氏四道之賓所奏國數亦不下四五百此世

所未嘗聞者是數千國俱樂土也則海外之國不勝其

多矣

疑按東北二字今路史本作東西

總前路史五段而論則知世閒疆土如此其濶遠也今人惟指中國所統以爲大直井蛙之見耳人豈可以不博覽哉

### 南陽形勢

往在閩閱艾軒先生林中書

光朝

文集內有一論謂南

陽可都其說甚備失於鈔纂今閱歐陽文載慶厯閒論西事書亦有一論曰臣聞漢高祖入秦不由東關而由

南陽過酈析而入武關曹操等起兵誅董卓亦欲自南陽道丹析而入長安是時張濟又自長安出武關奔南陽則自古用兵往來之境也臣嘗至南陽問其遺老云自鄧西北至長安六七百里今小商賈往往行之初漢高入關其兵十萬夫能容十萬兵之路宜不甚狹而險也然自洛陽建都後行者皆趨東關其路久而遂廢若能按而通之則武昌漢陽郢復襄陽梁洋金商均房光化沿漢之地十一二州之物皆可漕而頓之南陽沿漢之地山多美木近漢之民仰足有餘以造舟車甚不難



也歐公建明南陽地利之美如此其說與艾軒合然艾  
軒則以孝皇有志恢復故欲于此建都以北窺中原而  
歐公則以元昊犯邊欲于此聚餽以應接西事其勢不  
同其論則一自古雖未嘗建都于此然合二論參考則  
其地形勢有足取者陳龍川上孝皇書亦言荆襄南陽  
形勢可都謂東通吳會西連巴蜀南極湖湘北控關洛  
大意皆相近也

### 三輔黃圖

三輔黃圖上下二卷不著作書者氏名其載秦漢宮室

苑囿甚備顏師古漢書新注多取焉唐書藝文志有三  
輔黃圖一卷列于地理類之首亦不言何人作其閒多  
用應劭漢書集解劭後漢建安時人也至魏人注漢書  
復引此圖爲據以此考之得非漢魏閒人所作邪卷首  
一序頗雅潔漫載于左

易曰上古穴居而野處後世聖人易之以宮室上棟下  
宇以待風雨蓋取諸大壯三代盛時未聞宮室過制秦  
穆公居西秦以境地多良材始大宮觀戎使由余適秦  
穆公示以宮觀由余曰使鬼爲之則勞神矣使人爲之

則苦人矣是則穆公時宮室已壯大矣惠文王初都咸陽取岐雍鉅材新作宮室南臨渭北踰涇至于離宮三百復起阿房未成而亡始皇并滅六國馮藉富強益爲  
僑侈殫天下財力以事營繕項羽入關燒秦宮闕三月

火不滅漢高祖有天下始都長安實曰西京欲其子孫

長安都此也

長安本秦之鄉  
名高祖作都

至武帝承文景菲薄之餘

恃邦國阜繁之資土木之役倍秦越舊斤斧之聲畚鍤之勞歲月不息蓋騁其邪心以誇天下也昔孔子作春秋築一臺新一門必書于經謹其廢農時奪民力也今



哀采秦漢以來宮殿門闕樓觀池苑在關輔者著于篇  
曰三輔黃圖云東都不與焉。予觀此序簡而當質而  
不俚非近世所能及也

三輔本是三秦禹貢九州內則雍州也古豐鎬之地平  
王東遷以岐豐賜秦襄公至孝公始都咸陽咸陽在九  
嶷山渭水北以其山水俱在南故名咸陽秦并天下置  
內史以領關中項籍滅秦分其地爲三以章邯司馬欣  
董翳爲王謂之三秦故漢高帝入關定三秦也五年高  
帝在洛陽婁敬說帝都長安田肯從而贊之有居高屋

建瓴水之說自是漢始都之初置左右內史武帝太初  
元年改內史爲京兆尹與左馮翊右扶風謂之三輔俱  
治長安古城中公羊傳曰京大也師衆也天子所居馮  
翊注曰馮憑也翊輔也翼輔京師也其地今同州扶持  
也助也言助風化在今岐州

始皇三十五年作朝宮于渭南上林苑庭中可受十萬  
人車行酒騎行炙千人唱萬人和收天下兵聚咸陽銷

爲鐘鐻

古以銅爲兵故可鑄鐘

高三丈銷鋒鐻爲金人十二立于

宮門

舊注云鑄金狄人立阿房宮前

坐高三丈董卓悉椎破銅人銅臺

以爲小錢魏明帝欲徙二金人于洛陽載至霸城重不可致畱之

阿房宮一曰阿城規恢三百餘里離宮別館彌山跨谷輦道相屬前殿東西五十步南北五十丈木蘭爲梁磁石爲門門在阿房前悉以磁石爲之令四夷朝者或有隱甲懷刃卽吸止以示神亦曰卻胡門阿房宮未成欲更擇令名名之未果以其宮在阿基旁故天下因謂之阿房宮

望夷宮在涇陽縣界北臨涇水以望北夷故名

未央宮漢初蕭何造高祖見而怒其壯麗者也周回二



十八里前殿東西五十丈深五十丈高三十五丈武帝

以木蘭爲椽

椽椽也

文杏爲梁柱金鋪玉戶華榱璧璫

雕楹玉碣重軒鏤檻青瑣

窗也

丹墀左城右平

城階級也右則棗車

上故使之平左則人上故爲之階級

黃金爲壁帶閒以和氏珍玉風至其

聲玲瓏然也宮內又有金華承明昭陽等殿及麒麟閣

天祿閣金馬門

金馬門宦者署武帝得大宛馬以銅鑄像立于署門因名

建章宮在未央宮西長安城外漢武帝造度爲千門萬

戶自宮西跨城沱作飛閣通之正門曰閶闔

閶闔本天門而宮門

名之以像天門

高二十五丈左鳳闕

闕上有金鳳高丈餘卽銅鑄鳳也

高二十

五丈右神明臺門內起別風闕

以其出于宮垣識風從何來也

高五十

丈對峙井榦樓高五十丈輦道相屬前殿下視未央宮西漢宮中有百子池戚夫人侍兒賈佩蘭者後出宮爲扶風段儒妻能言在宮中時見戚夫人侍高祖常以趙王如意爲言高帝思之幾半日不能言嘆息悽愴未得其術使夫人擊筑帝歌大風以和之予嘗見盱江李先生命賦戚夫人有曰百子池頭一曲春不知其旨今閱黃圖乃見原委如此

漢有飛廉屬玉觀飛廉觀在上林武帝元封二年造飛

廉者神禽也能致風氣身似鹿頭如雀有角而蛇尾文如豹武帝命以銅鑄置觀上因以爲名屬王者水鳥似鷓鴣以名觀也又曰屬玉似鴨而大長頸赤目紫紺色石渠閣蕭何造其下礮石爲渠以導水若今御溝因以名閣所藏入關時所得秦圖籍成帝又于此藏祕書天祿閣亦藏書籍所漢宮殿疏云天祿麒麟二閣蕭何造以藏祕書以處賢材也

靈金內府藏太上皇微時一佩刀長三尺上有銘字難識傳云殷高宗伐鬼方時所作上皇游豐沛山中寓居



窮谷有人冶鑄上皇息其旁問鑄何器工者笑曰爲天子鑄劍慎勿言曰得公佩劍雜而冶之卽成神器可克定天下昴星精爲輔佐木衰火盛此爲異兆上皇解匕首投爐中鑄成劍殺三牲以釁祭之工問何時得此上皇曰秦昭襄王時予行陌上一野人授予云是殷時靈物工卽持劍授上皇上皇以賜高祖高祖佩之斬白蛇者也及定天下藏于寶庫守藏者見白氣如雲出戶狀如龍蛇呂后改庫名曰靈金藏惠帝以此庫貯禁兵器名曰靈金內府

世人常言高祖起布衣提三尺劍以取天下不知劍之所始乃如此

霸橋在長安東跨水作橋漢人送客至此橋折柳贈別

世人常用折柳送別事不知出此

唐王維詩蓋本此也遂爲故事

宮殿觀闕之盛肇于秦而繼以漢舉其最則秦有朝宮

阿房漢有未央建章以高言輒曰五十丈三十五丈或

二十五丈以深廣言輒曰東西五十步南北五十丈或

東西五十丈深五十丈以規恢延袤言輒曰三百餘里

少亦二十八里或曰可坐萬人或曰庭中可坐十萬人

或跨渭而造石橋或跨城池作飛閣輦道大槩極土木

之工始之于秦穆公惠文王大之于始皇尤而效之者

蕭何又甚焉者漢武也計其壯鉅雄峙摩雲霄而傷日月雖傷財害民不免怨讟然遐想氣象其能致此亦真丈夫之雄也惜夫興替不常古今同盡乃罔有巍巍千載者不旋踵而化爲游塵蕩爲冷風潘安仁西征賦有曰所謂尙冠修成北煥南平皆里名皆夷漫蕩滌無其處而有其名爾乃階長樂登未央汎大液凌建章又曰驚雉雥于臺陂狐兔窟于殿傍又曰洪鐘頓于毀廟榱風廢而不懸禁省鞠爲茂草金狄遷于霸川悲夫英雄之建立乃如斯而已乎予嘗欲一游終南之山渡灞澹之



水弔秦漢之故都而物色其遺跡今南北混一踰四十年兆足以行而予又老矣鄉里非無客京兆者京兆之人非無與余交者及詢訪往古俱不能知蓋其愚俗懵學故不能通知古今也姑述此以志予懷古之恨若夫陳之臨春結綺隋之西苑唐之華清宋之艮嶽是又不過供游宴之娛非若秦以壯大夸西戎漢以弔麗重威武者也無足道矣

新豐建立

史載漢高祖沛豐邑中陽里人也既定天下西都長安

而太上皇不樂關中思慕鄉里高祖爲徙豐沛屠兒酣  
酒煮餅商人立爲新豐并徙舊社放犬羊鷄鴨于通衢  
亦競識其家似此卽是仿效故豐街巷市并民居也一  
遷徙閒多少事節雖足以悅其父而不免于勞其民矣  
然此樣子則古所無之後世不再有之亦奇事也

### 袁廣漢園池

茂陵富民袁廣漢藏鏹鉅萬家僮八九百人于北山下  
築園東西四里南北五里激流水注其中壘石爲山高  
十餘丈連延數里養白鸚鵡紫鴛鴦犂牛青兕奇獸珍

禽充積其閒積沙爲洲嶼激水爲波致江濤海鶴孕雛  
產鰕延漫林池屋皆裴回連屬重閣脩廊行不能徧也  
廣漢後有罪誅沒入爲官園鳥獸花木皆移入上林苑  
中悲夫廣漢真愚人也已夫以漢武之爲人百世之下  
閱史冊猶知其非能容物者彼方修建宮苑夸示四夷  
一富民乃欲與之敵帝豈能平邪其取誅滅宜也近代  
韓侂胄修圃甚麗後亦沒官然事體卻不同

### 川江圖

予六十年前見蜀人李宰所藏長江萬里圖起岷州訖



浙江海門山川城郭歷歷可翫惜不復覩今黃德英示  
以蜀江圖一卷廣踰半尺長四丈餘其閒惟畫蜀江起  
威州訖公安而止不得如舊圖之抵海門也謾記大略  
以見泝蜀之艱險云自公安縣沙市而西卽江陵府治  
江北而荆門軍治江南有黃牛峽有鹿角灘歷巴東峽  
口卽峽州治江北有人熊甕有江心烏龍石進卽石首  
縣治江南又進卽歸州治江南有巫峽有楚王樓有巫  
山十二峯有宋玉亭皆南岸也又進卽巫山縣治江南  
有杜甫草堂進爲夔州有白帝城有八陳圖有瞿唐峽

豔頰堆雲安縣治江北而萬州忠州皆治江南歷清江  
縣至遂寧府重慶府及豐都縣亦治江南有豐都寺有  
豐都觀又歷涪州恭州而上則瀘州亦俱治江南前進  
敘州乃治江北有馬湖江有大小烏龍山又進則嘉定  
府治江南有九樓佛閣則在江北遂爲眉州亦治江北  
有蛾眉山有秦楚樓有芳草渡有萬里橋則俱在江南  
由眉而進則成都府治江南而永康軍則在江北有三  
十六峯在江南南爲青城縣有青城山有玉女關有玉  
壘關有七盤山至威州治江南止矣一卷之圖首尾如

此子跋其後曰右潁川德英父所藏蜀江圖也廣僅半  
尺脩踰四丈西起威州東訖江陵凡跨十有八郡其間  
山川城壘人物聚落仙宮梵宇風颿浪舶歷歷在眼往  
年德英曾示此圖一軸予固賞愛爲賦詩今閱此卷更  
自精工彌使人賞愛不已真奇筆也憶少日閱輿地志  
極愛西蜀風景形勢銳欲溯巫峽闕劒門周視古英雄  
爭戰處稍慰胸中之奇顧蹉跎浸老付來生矣展翫傷  
懷因寄一嘆并載前詩曰誰貌坤維入畫圖東西川合  
匯荆湖金湯夾岸提封接玉帛連檣貢賦輸劒閣幾煩



豪傑夢錦城曾是帝王都如今混一兵爭息見說煙花

漸似吳

凝案泯豪題跋  
內所載稍異

### 十二峯名

巫山十二峯口習耳聞熟矣終未悉其何名今因蜀江  
圖所載始得其詳曰獨秀曰筆峯曰集仙曰起雲曰登  
龍曰望霞曰聚鶴曰棲鳳曰翠屏曰盤龍曰松蠻曰仙  
人予因隲括成句曰筆峯獨秀集仙起雲登龍望霞盤  
龍翠屏聚鶴棲鳳松蠻仙人總爲六句聊便記覽耳山  
在歸州乃川江之南岸見者謂十二峯元不聯屬往往

懸隔相望若欲觀玩惟滄流入蜀者甚便儻順流而東  
則三峽水急如箭不容寓目所謂歸州淘米峽州喫飯  
可見其峻疾矣

凝案別書有朝雲淨壇上昇聖泉而  
無獨秀筆峯盤龍仙人俟更攷定

### 閩地險惡

予幼讀南豐先生所作道山亭記摹寫閩地山川險惡  
之狀筆力精妙宛如圖畫殆似西漢文章歐蘇不能及  
也然平時只作文字看實未信其險惡果如此至大辛  
亥赴官劔津初入杉關已見山嶺崇峻回首江西如在  
平地猶未覺其險也自邵武城下發官船歷挈口驛富

屯長驛順昌縣王臺驛順流赴劒然後見谿灘湍激石  
筍峭峻舟行其閒時遭驚駭予舟中因語孫兒以道山  
亭記昔聞而今見之其所歷與記中所載無不合者茲  
錄于後其略曰閩故隸周者七至秦開其地列于中國  
始併爲閩中郡自粵之太末與吳之豫章爲其通路其  
路在閩者陸出則阨于兩山之閒山相屬無閒斷纍數  
驛乃一得平地小爲縣大爲州然其四顧亦山也其涂  
或逆坂如緣絙或垂厓如一髮或側徑鉤出于不測之  
谿上皆石芒峭發擇然後可投步負戴者雖其土人猶



側足然後能進非其土人罕不蹟也其谿行則水皆自  
高瀉下石錯出其閒如林立如士騎滿野千里下上不  
見首尾水行其隙閒或衡縮繆揉或逆走旁射其狀若  
蚓結若蟲鏤其旋若輪其激若矢舟漭沿者役便利失  
豪分輒破溺雖其土長川居之人非生而習水事者不  
敢以舟楫自任也其水陸之險如此漢嘗處其衆江淮  
之閒而虛其地蓋以其陜多阻豈虛也哉云云朱文公  
嘗愛曾文以爲嚴健有法此語信然近學錄鄭見獨爲  
予言道山亭記豐碑鉅刻巍然猶存鄭三山人也故知

之他日有便至其地當命匠致墨本歸鄉里示親朋庶  
猶可想見鄉先達之萬一云

### 前代軍壘

秦墮封建易爲郡郡置守漢因之國皆爲郡更曰太守  
至隋廢郡置州唐世天下俱爲州改太守曰刺史宋又  
改曰知某軍州事此其大略俱可曉也獨有數小壘名  
之曰軍者未悟其義而其治所又多在各道接境去處  
如建昌軍邵武軍則江西福建界上也如南安軍則江  
西廣東界上也如江陰軍則浙西之盡頭如廣德軍則

江東之盡頭如桂陽軍武岡軍則湖南之沿界豈非當時諸州地里闊遠綏御不及故于接境聚軍以控扼之其初不過營壘久則因以軍爲名且從而例視若州府之類矣夫軍之字義與州府郡邑不同流俗承譌併失字義遂真以軍爲郡不亦謬乎以軍爲郡不記始于何朝而建昌志曰南唐元名建武軍入宋始改建昌則軍之剗也豈五代時邪其閒有臨江軍則居江西之腹興化軍則處閩海之濱茶陵軍亦在湖南內地今考之亦接吉安界又不盡居接境處又是一例宋時仕宦應得郡而資淺



者未授以州府首命爲知軍而軍之地望亦自不等如  
南安軍在江西窮處國小地狹而地望乃特重爲守臣  
者率年歲陞遷爲部使者如提刑提舉之類其平遷亦  
得往郡蓋以郡當東廣之衝地有蠻峒之擾苟撫治有  
功則因優之也景定庚申梅知軍鼎徑除江西提刑後  
趙知軍孟適段知軍浚皆擢守建昌其餘諸軍則未之  
聞也而宋時雄藩大鎮又自別有軍號如杭州曰寧海  
軍紹興曰鎮東軍溫州曰應道軍婺州曰寧遠軍嚴州  
曰遂安軍平江曰平江軍建康曰建康軍揚州曰淮南

軍龍興曰鎮南軍贛曰昭信軍建寧府曰建寧軍泉州  
曰平海軍如此者不盡記每軍皆設節度使官一品其  
地則謂之節鎮節度使止遙授請厚俸而不親臨其郡  
非若唐代淄青廬龍宣武等處節度則真有其地統其  
軍跋扈難制至于篡逆也宋制節度使官儀甚盛其家  
建巍樓植纛其中有黃幡豹尾之屬名之曰節樓又祀  
神名之曰節神其節度使每出則千兵擁衛捧節前驅  
見者避路有令曰衝節者斬然所統軍卒則咸無焉

天齊

封禪書載秦始皇祀入神一曰天主祠天齊天齊淵水也居臨菑南郊山下注引解道彪齊記云臨菑城南有天齊五泉竝出有異于常言如天之腹臍也又曰齊所以名爲齊以天齊也注曰當天中中齊愚嘗于前卷略議之凝案前卷今逸不存今詳具其說如此乃知衡華嵩恆俱稱某天某天而東嶽獨稱天齊有以也當天之中故祀天主與地主不同

不夜城

不夜乃古縣名齊記云古有日夜出見于齊東境故萊子之城以不夜爲名



市井

予嘗疑世稱市井二字無義按史記正義曰古人未有市若朝聚井汲水便將貨物于井邊買賣故言市井乃知舊所疑不差

九河之名

徒駭太史馬頰覆釜胡蘇簡潔鉤盤鬲津

陽關

唐王維送元二使安西詩曰渭城朝雨裊輕塵客舍青青柳色新勸君更盡一杯酒西出陽關無故人後知音

者以此詩作三疊聲歌之予初不考陽關在何許意疑  
玉門關左右及見五代晉高居誨奉使于闐記所載乃  
知陽關去玉關尙遠其略曰自靈州過黃河行三十里  
始涉沙入黨項界行四百餘里至黑堡沙沙尤廣遂登  
沙嶺卽黨項牙也渡白亭河至涼州又西行五百里至  
甘州卽回鶻牙也自甘州西始涉磧磧無水載水以行  
甘人教晉使者作馬蹏木澀木澀四竅馬蹏亦鑿四竅  
綴之乃可行西北五百里至肅州渡金河西百里出天  
門關又西百里出玉門關經吐蕃界西至瓜州沙州二

州多中國人瓜州南十里有鳴沙山云冬夏殷殷有聲  
如雷云禹貢流沙也又東南十里三危山云三苗所竄  
也其西渡都鄉河曰陽關云由是觀之則玉門關距雲  
州近二千里又歷瓜州沙州而後至陽關渡又遠數百  
里矣江南人望張掖酒泉已覺縣遠而班超云臣不敢  
復望至酒泉郡止願生入玉門關則其遠于酒泉可知  
已陽關又遠于玉門宜其謂西出陽關無故人也安西  
在陽關之外知又幾里今日甘肅置行省可見提封之  
廣識者謂天下地理惟西最廣恐或如此

音律中有甘  
州涼州伊州



曲

尾閭

宏齋先生包樞相嘗言昔爲台州通判日州連東海遙望海洋中有漩渦至數十疑卽所謂尾閭也予每欲質其事而無由至大庚戌辛亥閒石塘公厚因以宏齋舊州寧海主簿縣正與海接予與石塘公厚因以宏齋舊說叩之今得其回書云寧海在台東境距平陽嶺海七百里距鄞爲近其又東境卽大海舟人所不敢涉惟冬則釣船行二程輒止相傳其東則鬼國水勢流下雖潮

生時亦不可上恐是尾閭處也宏齋謂見有十數渦則  
某所未見也汲仲之所報如此予以嗜古好奇之故博  
徵異聞于所親歷者然猶不能究尾閭之實則據紙上  
而妄談者何足道哉

### 洗馬池

江西龍興市心有一方池臨街綠衣泓澂名曰洗馬池  
不悟其義近聞一人云古有姓李者仕爲太子洗馬居  
此地故得名然洗馬之洗本音鮮非音徙也豈俗不識  
字故傳譌邪予去年到龍興乃見已爲民居障蔽不復

得見矣去年乃至大辛亥○凝案注云去年乃至大辛亥時公年七旬有二明年爲皇慶元年壬子時公年七旬有三則在延平矣南昌府宋爲隆興病元改龍興路通議元時所作故隆



隱居通議卷三十

南豐劉 壘起潛著

鬼神

目擊三怪

神怪之事吾素不信但卽今數事乃吾目擊而身親者  
殊未有以自解南豐石仙觀之前有巨樟一株世傳宋  
咸平辛丑歲有方士冷道者在彼修煉一日叱木使開  
則木腹中虛因入其中坐化而逝木久生合里人相傳  
以爲神後治平丙午令公胡若者不信斧而驗之則見

道者兀然而坐儼然如生欲後來取信傳以塑繪焉自是歷二百年木不復合予親見所斧木竅長盈尺闊數寸中虛而枝葉茂冷道者兀坐猶故也心竊怪之越寶祐癸丑寒食後一日大風拔木木雖仆而冷道者猶兀坐木根之上屹無所傷屋而覆之至今猶存此不可解者一也豐之軍山險峻倚天號江南絕頂上有石室祠浮丘王郭三真君曰三仙禱祀者歸焉時見雲霧滃鬱中有光如日暈大如車輪鄉人稱曰圓光光中見三仙冠服貌像隱隱可辨其飛行翕忽或升或沈頃刻不見

此不可解者二也咸淳癸酉歲余家盱城中聞南豐母  
舅家爲鬼所侮每當昏時有聲歔然于屋前後或窗櫺  
或庖漏環繞而鳴老幼皆縮頸滅燭噤不敢聲達旦乃  
已明日復然如是者踰半年已而姪氏病且死子聞訃  
往弔將就寢忽聞鬼聲去臥榻三五尺去地僅二尺且  
行且鳴子叱之不止已而其聲或遠或近予亦困且睡  
矣禮畢余遄反盱城後乃聞其聲漸息而舅家亦遷別  
居越三載北兵薄盱城下予奉親還南豐無所于居因  
假舅氏舊館寓焉則昔之鬼聲無聞矣每獨坐至夜分



亦汔寂然未幾此屋遭兵燬蕩盡然當時何其怪也此不可解者三也神鬼有無當必有知者今紀目擊身親者如此

### 雷神顯應

趙倅良驂言宋時仕潭州一日迅雷擊壽星觀碎鴟吻道士見雷神青面緋衣褰回檐閒久之始去後乃知鴟吻中有真誥神取出之置于道寮窗內卓子上其褰回者疑一時未定置頓之所也

鄰寺林長老自衛言至元十九年隨其師曰湖山僧錄

者寓吉州一日雷震報恩寺寺有八難觀音堂堂皆涌  
壁雷繞其閒久不止有僧判甘臧卜者胡人用本俗法  
披紅禪衣誦一番呪語以米五斗撒之雷乃去擊其寺  
門而散雷神悉取涌壁上觀音像及從神等移置案上  
而于涌壁之後搜擊柱木皆碎凡佛像無一損者

吾州梓源李規可圓孫有子因事微忤規可明日規可  
出州訴之行至黃沙坪衆勸以反乃拜天訴子抵家以  
原詞竈中焚之未幾其子人州行至父所拜處迅雷一  
聲殛死衣裳破裂如絲是日也予在郡庠講堂聚話竊

怪劈歷非常已乃聞震死其子有至元鈔三百文兩張  
在身雷火不焚朱墨煥然

秋麓叔父鏗嘗言京源曾氏有婢常棄槌米穀于糞壤  
往往不加愛惜或勸止不從一日婢正撒米穀忽雷火  
焚婢自頂至踵炮其半體餘半體無所傷幸不死蓋亦  
憐其愚而警之

羅濟翁公讓言其鄉中有職役人二其一純實其一凶  
狡純實者因某事聚少米其凶狡者緣怒悉以米棄溝  
瀆中狼籍滿地純實者勸之不從一日二人同行暴風



急雨忽至雷電隨之漸覺晦冥二人者將避之而無其所遙望前途有社林焉擬造樹下避雨既至則見社林中有數人若吏卒或衣緋青或黃帕首急禽凶狡者粹之俄有一人若功曹然張幃幕及榜挂之命左右扶純實者去且令勿損其身俄迅雷一聲俱無所見惟見凶狡者橫屍在地此人惟頭髮被焚病啞三日而後能言所遇如此

吾州之東某里有耕夫某一日出外惟母在家舂米耕夫有子尚幼偶戲臼中不覺確墜竟舂死其子素狠母

懼其歸見孫兒以春死必怒也走某家避之其子歸見其然不言而淬礪一斧藏腰閒密往求其母得之某家邀母歸將甘心焉行至中途風雨陡暗迅雷一聲殛其子死而母汔全雷霆于佗事或恕惟不孝于親及不惜米穀二事考罰甚嚴蓋報應屢顯豈非天條所禁二事尤重邪丁丑年州前米戶某因忿詬棄米殛死今年甲辰歲重五節日北郭黃某之婦忤舅姑忽雷大震繞其家煙火滿室其婦焚髮而竄屋亦旋燬幸免殛死耳父母生我者也五穀養我者也造物蓋于二事獨重重生養也

大乾夢錄

子幼獲觀大乾夢錄一冊載隋溫陵太守歐陽公祐洛陽人仕閩授代歸自經邵武光澤之大乾愛其山水清秀盤桓久之已而舟溺夫婦俱死焉後人葬于其地久之發靈廟食累受封爵爲王宋時士人應舉者求夢多應好事者輯之曰夢錄世變以來文籍散失予不見此錄數十年皇慶癸丑宦于劔津鄰人詹翠屏出示新刊實錄視舊增倍因借觀之而摘其可存者漫記于後

王居西京洛陽河南府洛陽縣水南東地名福善坡東



有會仙樓南對瓦子門西抵鐵器市北有會景樓王以

缺月五日生娶崔氏缺

隋恭帝義寧二年始立歐陽太守之廟缺

唐僖宗文德二年始受龍湖禪師戒斷血食缺

宋仁宗缺元年始封通應侯元豐五年進封祐民公

崇寧缺額曰惠應廟政和六年封廣祐王紹興缺

廣祐王紹興十三年封明應威信廣祐王缺

明應威信廣祐福善王嘉熙中換封缺

福善王寶祐中又換明應威聖英惠福善王

缺

明烈威聖文惠福善王

唐僖宗少子得道千石霜和尚自湖南來邵武入龍湖  
建道場號圓覺大師名普聞實有戒行見廟下烹殺甚  
衆師憫焉爲偈曰悟道不同死死中生不忘虎用無心  
伏人來與惠降殺生及死祀輪回萬劫殃爲報人天界  
無遮福最強欲種<sub>多</sub>生果修齋勸大王昔年地獄裏今  
日作天堂是夕里老夢神云我已受圓覺禪師戒後祀  
我當如比丘飯足矣至今遵之自立廟歷二百七十  
一年而後斷血食  
古碑載王守泉州滿歸假道邵武維舟大乾谿渚偕夫

人崔氏蹤觀山川秀麗誓曰此福地可廟食復次舟行數里風浪掀作覆舟舉家陷溺公與夫人屍存涯涘遂沿流至于生前所誓廟食處鄉人驚異送其屍東下津流二十里明晨逆流又至所止處鄉人復津送加以里數翊旦又至所止處或謂斯乃賢哲人率衆備儀葬于山閒越十年凶荒疫癘民始崇禱建廟塑像

劉侍郎岑作郡城熙春臺別廟祀有惠應神徐端修自吳中來過建昌訪道士王文卿文卿授五雷法能致雷雨道行甚著因語徐曰邵武頃大旱子拜表至帝所見



所謂惠應神叩王陞爲民請甚力帝諭若不許然神具  
言其州窮且瘠民不可一日無穀詞甚懇切乃得請而  
歲有秋岑聞是語心敬焉

文卿卽  
王侍宸

實錄載邵武自宋代紹定庚寅之變比歲不靜端平甲  
午歲金華王子文埜爲守與寓公率士民迎福善王就  
郡治建黃籙醮邀龍虎山張天師至時寓公杜子所杲  
與祠家居與王守同主醮事命道士林逍遙拜章初拜  
未得達逍遙行持再往遂伏地不起自己至申州前忽  
雨天花一城競觀空中繽紛墜地卽不見盛以衣裾亦

無有踰時乃止久之林方起喜色滿面謂衆人曰適到天門遇福善王云已得請于帝子可回矣具言上帝以邵武醮事精虔特賜邵武太平四十年兩齋官皆得厚賞自是郡果寧息生齒日繁後王公仕至端明殿學士簽書樞密院事杜公仕至吏部尙書贈少師逮咸淳某歲黃廖二峒盜起寓公相與議曰四十年之期已過盍再建黃籙懇之于神衆推國子監缺吳某與缺大  
夫杜伯堂蕪主之蓋伯堂乃子所尙書之缺  
觀命道士謝某拜章既起徑入治靖色密語謂杜吳二

公曰適得報邵武當有大厄上帝已命福善王往芙蓉  
城去矣二十年方反殊可憂也中夜焚詞羣鴉喧噪衆  
失色明年兵禍果作丙子後盜屢犯城無寧歲大乾祠  
祀亦弛至元辛卯汀寇鍾明亮平後民始漸安香火繼  
盛而邵武亦粗復承平之舊焉天琴事乃黃某說方雨  
時親見之芙蓉城當時杜吳二公祕不言獨私告在軒  
黃公紹未幾二公捐館後在軒始與先人言蓋乙酉正  
月也

頃甲戌乙亥閒盱友易雪厓仲信往大乾叩國  
祚夢王者冕服相迎止云不忍言未幾革命

神怪竊冥



神怪窈冥之事知道者不言且不信謂其害道也然亦有不可以理曉者如洪都之鐵柱上清之仙巖軍峯之圓光西湖之飛來峯與夫廬阜天池則見普賢天燈西蜀峨眉則見文殊天燈皆彰彰在人目烏得以爲誣邪豈古亦有之特智者不言歟怪力亂神夫子不語耳而不曰無也然佛法自漢方人中國則廬山峨眉之天燈其亦古有之歟抑山嶽鍾靈光景異常而後之佞佛者遷就以神其教歟子又聞長老言州西門石背有王姓家建大醮醮之夜有神空中語云醮事甚虔但作羊屎

臭爾或以告之王王甚不滿窮詰其故乃是日炊齋而薪不足急毀羊圈木足之王由是震懼欲重建醮累歲齋潔疲精竭誠雖麩麥亦別畦以種不加糞穢復建醮事至中夜忽見馬靈官自虛空降入醮筵巡行一徧謂王曰上帝念汝至誠遣吾一視俄去不見又聞鄉里前街汪姓者因田地事建大醮其館客誤青詞有曰芒芒九土盡入吾疆醮之夜館客坐于門彷彿見大街一將吏乘馬自東來至前曰芒芒九土是何等語手摑其面俄不見客自是頭不正由是觀之則此事真不無邪傳

陽州志卷三十一  
日明則有禮樂幽則有鬼神以鬼神對禮樂而言其真有邪要之識者不必詰有無唯當修身謹行孝弟忠信以無媿對越而已象山先生陸文安公守荆門日罷設上元醮有榜文曰此心若正無不是福此心若邪無不是禍嗚呼盡之矣

土神誥詞

庚子五月因觀江漲至五通廟忽憶兒時見將軍誥詞一軸乃宋封周將軍爲宣缺侯者也今其軸雖不存中間一聯最佳云漢將軍有功得封缺



記其時某人當制也又記里中軍山神加封  
仁顯二字誥詞有曰能博其施斯之謂仁有赫厥靈於  
乎不顯語意俱到今刻石西門廟中

德祐拜章不達

沈德載言德祐危急時慈元命上清宮鄧道士拜章祈  
天永命道士伏地凡四日始寤曰章不得達也亦不得  
近天門止于剛風浩氣閒端跪以俟久之遙望祖師舉  
手麾之曰不可于是乃還已而果然

天師退潮

宋理宗時浙江潮溢犯杭都久不退朝野危之有旨召  
天師卻潮時三十五代天師則觀妙真人可大也既至  
而潮退理宗大喜加封錫賚甚侈聞之是年實以四月  
十三日策功今大德二年戊戌歲春潮犯鹽官州漫溢  
百餘里所損不可勝計漸逼城市久之不退父老援宋  
事請于江浙行省宜迎天師退潮今三十八代天師則  
凝神廣教真人與材也省命父老來迎且奏聞于朝使  
者至真人以其禮聘不莊汔不爲動卒辭行而遣宮中  
道士持鐵符往治之既至鹽官州行李叢雜姑以鐵符

插水濱忽波濤洶涌若有神護之者道士喜乃易法服持符登舟衆人羣擁聚觀簇立堤岸遙見彷彿有金甲神者立于空中道士行法擲鐵符符躍波面者數回而後沈沒頃之天色晦冥劈歷一聲越數日乃見于別處擁起沙堆十數里于其上得一物似鼃大如車輪介而三足蓋所謂能也取而剖其半入朝以其半入上清宮表顯其事方道士行後朝命奉御偕某官來真人以君命乃行亦四月十三日人皆異之真人至行省而妖已除乃作醮事又築堤建祖師正一真君殿以鎮之



朱張福業

浙西朱張二豪本樵夫乘乙亥丙子革命時南北雲擾入海嘯聚剽劫所殺略皆富商巨舶由是大獲致貲產珍貨無與比官皆宣慰參政而朱尤豪既豐溢卽思善果往往捐金佞佛剏寺建像極侈一日在金陵適張天師應詔經從朱建大醮祈張行持且請召神降筆以卜休咎張令設黃幃帳懸鸞筆俾朱默禱久之筆墜啟視書云積福如山造業如坑推倒福山填不得業坑朱大駭懼人以爲名言不數年果敗死家屬物產俱沒入官

世言湯武逆取而順守傳曰若晉取虞而明德以薦馨香神其吐之乎是以順守之意然而非也旣以逆取違天多矣其能守乎殺人取財冤氣貫日乃欲以不義之貨媚佛求救吾不知數椽之寺舍數堆之泥像而可贖彌天滔海之罪邪佛固仁慈然視衆生平等亦豈肯爲逋逃主而使冤死者不少吐氣哉朱張伏誅豈神不救夫子曰仁者能好人能惡人噫神真能仁矣

隱居通議卷三十

三

隱居通議卷三十終



隱居通議卷三十一

南豐劉 壘起潛著

雜錄

折獄龜鑑

高宗紹興三年降詔恤刑戒飭中外俾務哀矜時有承直郎鄭克明爲湖南提刑司榦官因閱和凝疑獄集嘉其用心乃分類其事自釋冤辨誣至嚴明矜謹凡十二門易舊名曰折獄龜鑑所載皆古事亦多有不切可刪者然有數事增人智議爰摘錄之

釋冤門載唐李勉鎮鳳翔有耕人得馬蹄金一甕送縣  
爲令者慮公藏守不謹收置私室翼日開視皆土塊耳  
令以狀聞府遣掾按之不能自明誣服換金初云藏之  
糞壤被人竊去後云投之水中失其所在雖未窮易用  
之所而皆以爲換金無疑時袁滋在幕府獨疑其枉勉  
乃移獄付滋鞠之滋閱甕閒得二百五十餘塊詰其初  
獲者則二人以巨竹昇至縣滋乃于市肆借金依塊形  
狀鎔寫校量始稱其半已及三百斤盡計大數非二人  
以竹擔可舉乃知在路之時金已化土矣令乃獲雪

出康

駢劇  
談錄

辨誣門載唐李靖爲岐州刺史有希旨告靖謀反者高  
祖命一御史往按之且曰李靖反狀實便可處分御史  
知其誣罔請與告事者偕行行數驛御史佯失告狀驚  
懼異常鞭撻行典乃祈告事者曰李靖反狀分明親奉  
聖旨今失告狀罪在我矣幸救某命告事者乃別疏告  
狀與之御史驗其狀與元狀不同卽日還京以聞告事  
者伏誅

又載李德裕鎮浙西有甘露寺主僧訴交割常住物數



丙被前知事僧沒金若干兩引前數輩爲證遞相交付  
文籍在焉鞠其僧已服盜取之罪未窮破用之所德裕  
疑其非實僧乃訴冤曰本寺積年止有文書陞載分兩  
交承其實無金衆人以某孤立不狎流俗欲乘此擠之  
德裕惻然曰此不難知也乃以兒子數乘命于連僧人  
入對悉坐之垞子中門皆向壁母得相見各與黃泥令  
模作前後交付下次金形狀以憑證據而形狀皆不同  
乃劾其誣一一服罪

議罪門載漢景帝時廷尉上囚有防年繼母陳殺防年

父防年因殺陳依律殺母以大逆論帝疑之武帝時爲太子在帝側遂問之對曰繼母如母明不及母緣父之故得比于母今繼母無狀手殺其父則下手之日母恩已絕宜與殺人同不當以大逆論

又載漢宣帝時燕代閒有三男子共娶一女而生一子及將分離爭子興訟丞相黃霸斷之曰此非人類當以禽獸處之遂戮三男以子還母

又載元帝時王尊守槐里令兼行美陽令事美陽婦人告其假子不孝曰兒嘗以我爲妻妬咎我尊遣吏收捕

驗問辭服尊曰律無妻母之法聖人所不忍書此經所

謂造獄者也

顏師古說歐陽尚書有造獄事謂非常刑各造殺戮之法

尊于是出坐

廷上取不孝子挂磔著木使騎吏五人張弓射殺之

又唐徐有功爲司刑丞時有韓純孝者受徐敬業僞官  
前已物故推事使顧仲瑛奏稱家口合緣坐詔依斷籍  
沒有功議曰律謀反者斬身亡卽無斬法若情狀難捨  
或敕遣戮屍餘非此塗理絕言象緣坐元因處斬無斬  
豈合相緣旣所緣之人亡則所因之罪減減止徒坐頻  
會赦恩今日卽斷沒官未知據何條例詔依有功議斷



放由是免籍沒者數百家

又杜鎬侍郎兄仕江南爲法官嘗有子毀父畫像訟未能決鎬尙幼輒曰僧道毀天尊佛像可以比也兄甚奇之

又邢州有盜殺一家其夫婦卽時死有一子明日乃死州司以其家財產依戶口絕法給出嫁親女刑曹駁曰父母死時其子尙在卽財產乃子物所謂出嫁親女乃係出嫁姊妹不合有分

懲惡門載孫沔知杭州有丐者左臂無一手右臂惟兩

指盜細民鑊相競至庭丐者舉臂泣曰細民誣我我無  
手人豈能盜鑊沔卽然之叱細民出撫勞丐者因子以  
鑊始弗敢受再三安慰丐者不悟也以指撮鑊徐以臂  
舉戴于首而去沔追還斷其指令于市

摘姦門後魏李崇爲揚州刺史部民苟泰有子三歲失  
之後見在郭奉伯家各稱己子竝有鄰證官不能決崇  
乃令二父與兒各別禁數日忽遣吏謂曰兒已暴死可  
出舉哀泰聞之悲泣不自勝奉伯嗟嘆而已殊無痛意  
遂以兒還泰

鉤隱門唐張允濟初仕隋爲武陽令鄰邑有民以牯牛  
依妻家數年孳生十餘犢及將異居妻家不與本縣不  
能決乃詣武陽訴之允濟曰爾自有令長何至此也民  
垂泣言所以然允濟遂令左右縛牛主蒙其首詣妻家  
村中云捕盜牛者盡召集村中牛質所從來妻家遽指  
所訊云此是女壻家牛不知來處允濟發蒙曰此是女  
壻可以牛歸之妻家驚服

又一事相類者王恭戍邊畱牯牛六頭于舅李璉家養  
五年產犢三十頭恭還索牛舅曰牯牛二頭已死當還



四頭老特餘非汝牛所生恭訴于縣縣令裴子雲以恭  
付獄追盜牛賊李璉璉皇怖而至子雲叱責曰賊引汝  
同盜牛三十頭藏汝莊內璉不伏喚賊對辭乃以布衫  
蒙頭立南墻下璉急吐款云三十頭牛是外甥特牛所  
生非盜得也子雲令除恭頭布衫璉驚曰此是外甥子  
雲曰是卽還牛更欲何語璉默然復謂璉曰五年養牛  
辛苦特與五頭餘竝還恭聞者歎服

又唐江陰令趙和咸通初以折獄著聲淮陰有二農夫  
比莊通家東隣嘗以莊契質于西鄰後當收贖先入八

百千自恃密熟不取文證再齎餘鎗至西鄰遂不認東鄰訴于縣于州皆不得直遂越界訴于江陰和曰縣政甚卑何以奉雪東鄰泣曰至此不得理則無處伸訴矣問爾果不妄否曰焉敢誣乃召捕賊人齎牒淮陰云有劫江賊按鞫已具其同惡在某處姓名狀貌悉以西鄰指之請梏付差去人西鄰自恃無迹不懼也至則械于庭和厲聲詰之囚泣訴其枉和曰事蹟甚明尙敢抵諱所劫之物藏汝莊中皆可推驗汝具籍貲產以辨之囚不虞東鄰之越訴也乃具折穀若干莊客某人者紬絹

若干家機所出者錢若干東鄰贖契者和復審問乃謂  
曰汝固非劫江賊然何得隱諱東鄰贖契錢入百千遂  
引其人對證乃慙服梏回本縣牒請檢付契書復置之  
于法

又章舉爲句章令有妻殺夫放火焚舍稱火燒夫死夫  
家訴官妻不服舉乃取猪二口一殺之一活之而積薪  
焚之活者口中有灰殺者口中無灰因驗屍口果無灰  
乃服罪

又南方有僞裝毆傷痕者以檳榔塗膚則赤如毆水洗



不脫然識者亦能辨之蓋真毆傷者血聚則硬偽者則  
否

又侯臨爲東陽令時他邑有民因分財產寄物嫫家遂  
被諱匿屢訴弗得直聞臨治聲越境求伸臨曰吾與汝  
異封法難以治止令具物之名件而去後半年縣獲強  
盜因蹤令妄亂供通有賊寄某家移文捕至下獄引問  
其人泣訴盜所供金帛皆親黨所寄者臨卽追元告民  
識認盡以還之人服其神

夾際通志

余自少聞閩中有大書一部名曰通志知其爲名儒鄭先生所著也先生諱樵字漁仲興化人自號夾漈子思見其書而無繇近大德歲閒東宮有令下福州刊通志于是益思見終無繇也游宦劍津始獲見通志二十略乃興化舊刊本近三十冊或曰此通志之節略者爾或曰此說非也通志凡二百卷爲全書而二十略者特傳志中之一所謂略者非節略之謂夾漈序曰總天下之大學術而條其綱目名之曰略凡二十略百代之憲章學者之能事盡于此矣由是而推則二十略自二十略

通志全書自全書而略在全之內也今福州所刊通志  
凡萬幾千板裝背成凡百十冊視興化之三十冊則福  
爲全志明矣大抵通志之作乃鄭先生欲破班固斷代  
爲史之非而律以司馬遷通歷代爲史之法故趙必昇  
之跋直指爲全史而不以爲類書其說謂通志以紀傳  
表志爲例大意法司馬子長史記以全書名志故以略  
名天官等書又曰莆陽刻本二十略然全史未之見則  
志自志略自略也予今僅見二十略而其全志未睹未  
敢輕于論議謹按二十略之次序曰生民之本在姓氏



故作氏族略書契之本見于文字故作六書略明七音之本達六合之情使裔夷之俘皆知禮義故作七音略天文在于圖象有義無象莫能知天故作天文略地理之家在封圻封圻之要在山川今準禹貢之書而理川原本開元十道圖以續今古故作地里略梁汴者四朝舊都足爲痛定之戒南陽者中原新宅宜爲無疆之基故作都邑略諡法一家國之大典今所纂削去引辭而除其曲說故作諡法略祭器者古人飲食之器今之祭器出于禮圖徒務說義不思適用故作器服略樂以詩

爲本詩以聲爲用齊魯韓毛四家博士各以義言詩遂  
使聲歌之道廢故作樂略學術苟且由源流之不分書  
籍散亡由編次之無紀故作藝文略冊府之藏不患無  
書校讐之司未聞其法故作校讐略圖成經書成緯古  
者左圖右書不可偏廢卽圖而求者易卽書而求者難  
故作圖譜略款識者古人之面貌金石之功寒暑不變  
今藝文有志而金石無紀故作金石略洪範五行傳者  
巫瞽之學也天地之間災祥萬種人閒禍福冥不可知  
若之何一蟲之妖一物之戾皆繩之以五行臣故削去

而作災祥略五方之名本殊萬物之形不一通鳥獸之情狀察草木之精神故作昆蟲草木略凡十五略出臣胷臆不涉漢唐諸儒議論禮略序五禮職官略秩百官選舉略言掄才之方刑法略言用刑之術食貨略言財貨之源流凡茲五略雖本前人之典亦非諸史之文也先生自序二十略之大旨如此其編摩之勤意度之新誠爲苦心千載獨步然披覽究意似亦止是類書故庸齋之序以爲博不如約特其該洽精審則勝于通典事文類聚翰苑新書之類至于通志全書世以爲史尙未



及見又不知先生所以用意者何如也姑俟續考。卷  
末有古壽呂君政跋云二十略乃通志內之一書也其  
說益明先生少不事科舉惟務著書三舉孝廉兩舉遺  
逸俱辭後以經筵列薦特召賜對稱旨命以官主管禮  
兵部架閣文字乞還山詔給筆札修史及繕寫成書二  
百卷造朝除樞密院編修官兼檢詳諸房文字又命繳  
進通志通略未及上而卒有子翁歸纔八歲家藏遺藁  
多散逸云

元貞陳言

元貞新政有北士吳助敎陳定本十六策其言雖若泛濫至其條例時弊處沈著痛快今摘其要以示後

今天下以爲亂邪而海宇清寧重譯來貢災沴不作年穀頗登未見其亂之迹也以爲治邪而官吏姦貪盜賊竊發士鮮知恥民不聊生號令朝出而夕更簿書斗量而車載庠序不立人材無自出之由律令不修官府無常守之法舍真儒用苛吏棄大本而求小功空中國事外夷取虛名而獲實禍漢以火唐以土此德運之重事先儒有相生相勝之評殷尙質周尙文此因革之大綱

今代無所損所益之譏學校科舉常平義倉平準物貨  
之法皆今之急務有益萬世而不爲僞金僞銀妄醫謬  
卜巫覡符水之流皆古之所禁不遠千里而必取金銀  
有人而無出不在乎鈔之舊新田疇少狃而多荒奚論  
乎穀之貴賤布帛翔涌而號寒者滋甚米粟漸平而哿  
饑者愈多邊鄙有數十萬之兵倉廩無五七年之積有  
司多不才之俗吏諸衛半無用之冗兵服色混有扎撒  
孫之權官爵濫有別里歌之選郡國苦達魯花赤不遷  
之虐驛站患脫和孫細檢之煩海東進名鷹動有千



百騎之擾安南獻馴象嘗遺一萬里之憂鰥寡孤獨之人饑凍不知其廣惠流連荒亡之輩醉酗不問其所由受一貫之錢者有刑撒花銀不在此例爭一壟之田者必訟奪草地莫敢誰何草料有孛歌孫之偏枯頭匹失有不蘭奚之乾沒海運糧不能以無擾鹽料草未免乎強科削民力置屯田利于此而害于彼改提刑爲肅政舊其弊而新其名秋官乏推讞之人吏部闕銓衡之法散官降職事三等選曹守無謂之規覃恩增品級一階有司敗垂成之典藍綠朱紫巧宦有四時之遷省部院

臺善進有九階之轉驟用者號稱不次滿考者目爲不通權門以之大開公道由是不立出納之吝一生二二生三上下交征萬取千千取百公行賄賂守令無牛犢之畱私舉錢糧豪富有羊羔之息米至倉而官不爲入商旅聲苦于上都物輸公而價不爲酬耆老稱冤于外郡御史言官也經年未見言章翰林論思也終日未聞論狀北門有編修修謬所修者未審何書東觀有祕監監丞所監者未知何事大常乃禮樂之根本孰明五音成均實敎化之淵源誰通六藝星芒示異本除舊布新

之事司天但務于禱祈日蝕爲災蓋扶陽抑陰之徵大  
史惟陳其躔度河渠峻由地形不便都水失治水之宜  
印版壞無方略可陳興文有喪文之罪曰清流曰雜職  
朝儀混文武之班爲大夫爲將軍官階失左右之寄財  
穀止有此數十倍入難應橫支官吏旣無定員千萬求  
莫尋見闕豺貍當道倖門如鼠穴之多虎豹守關甲第  
如蟻封之密士生纔弱冠上事君而下臨民親死不奔  
喪內成婚而外入仕上倍中中倍下田祿無公侯異等  
之頒窮則變變則通楮弊失母子相權之道江南苦茶



鹽之重稅山西患穀粟之遠移逋縣未已于追徵繇役  
安在乎蠲免棄產拋家者比比如是質妻賣子者往往  
皆然賜子弗加于賢能公私以之而匱乏笞杖無小大  
之節徒流無遠近之分俸秩應添而不添冗員當減而  
不減朝士無修己治人之學臺諫盡呈身識面之徒目  
刻薄爲忠貞殆似指鹿而爲馬用奸黠治郡縣何啻驅  
狼而牧羊大臣持祿而不言小臣畏罪而不敢以朝三  
暮四之術愚醉生夢死之民方今之勢如是而已雖非  
大亂亦未可謂之治矣○如上所陳多有警語特有時

而牽于對偶失之不切則其意惟在作文非言事之體  
又且毛舉縷數如此是內而朝廷外而郡邑無一事無  
弊無一處無病尙何足以爲國乎此蓋急于吐露而忘  
其裁制也然其文意到處自是可采所謂定本十六策  
其目曰修實德則天道定嚴宇廟則人事定重一統則  
大業定開言路則聞見定近正人則心術定設大學則  
風俗定杜倖門則奔競定罷遠征則邊鄙定議律令爲  
政之本廣學校爲教之本增從祀爲道之本復襲封爲  
德之本興勸農爲富之本汰監司爲治之本褒隱士爲

勸之本用賢才爲化之本以上十六事文詞浩繁且有重複迂緩處茲不盡錄或云此人謬成此書不會投獻而沒其彙流傳果如是殆亦好名之士歟雖然猶勝于暗暗默默與草木俱腐者也

### 前朝封爵

宋時封爵有大國次國小國之殊其閒亦有臣子所不敢受封者謂如累朝潛藩曾經封冊則俱在不封之例偶見景定條法具載甚詳因錄于此雖時異事殊亦可見當日典故云



大國

趙不封 晉不封 秦 齊 魏 韓不封 燕

楚 魯 梁不封 宋不封 陳 吳 越

夏 商 周 漢 唐 昇不封 冀

豫 兗 荆 雍 揚 徐 鎮

益 鄧 邠 潭 涼 鄆 蜀不封

太宗嘗封晉徽宗嘗封韓故不封餘皆此例若趙與宋則國名與姓故也

次國

郇	豐	弘	江		福	蘇	慶	衛
鄆	蔣	祁	滕	小國	宿	定	岐	鄭
						不封		
鄆	蕭	鄆	向		華	相	隨	蔡
戴	郈	取	黃			廣	密	曹
								不封
桐	譚	舒	紀			延	邢	許
		不封				不封		
遂	霍	介	譙			嫫	壽	代
							不封	
營	萊	道	原			涇	潞	瀛
							不封	

陸氏通譜卷三十一

三

管

沈

虞

應

息

英

不封

任

崇

榮

扈

濮

巢

觀

不封

安

申

號

邾

杞

賈

鄩

邳

巴

夷

穀

頓

麋

黎

葛

蓼

項

邶

邗

茅

胙

庸

皋

滑

不封

郡

牟

權

甘

祭

尹

溫

毛

樊

成

單

劉

鞏

邵

邶

酈

宰

鬲

甯

杜

呂

皖

畱

郡

鄆

郤



岷	鄴	裒	緇	易	汲	鄱	緇	焦
鄖	薊	康	卞	鄱	梧	鄱	勳	宛
		不封						
鄖	薊	沛	綸	洮	軹	潛	費	鄱
	不封							
莘	汧	邳	廬	澤	營	涪	邵	穰
順	沔	彭	翼	昌	翁	遼	隴	葉
渝	沂	竇	鄒	翟	沱	羸	范	郛
郛	肅	鄂	房	陸	蘭	絳	程	鄆

陳東野詩卷三十一

蒲 鄴 豐 棣 光 儀 懷

永 盛 濟 信 義 寧 襄

不封

均 睦 丹 思 簡 忻 韶

嘉 不封 端 不封 循 恭 不封 愿 駉 通

虔 資 昭 欽 珍 澈 集

和 衡 會 撫 岳 袁 桂

蘄 澧 深 洋 建 不封 廊 瓊

茂 衢 澶 德 吉 景 柳

博 質 惠 潤 莒 郊 夔

芮 薛 鄖 鄖 羅 郃

節鎮

北海

青

高密

密

濟南

洛南

魯郡

襲慶

彭城

徐

濟陰

興仁

東平

袁平

襄陽

襄陽

南陽

鄧

漢東

隨

安康

金

房陵

房

滎陽

鄭

靈河

滑

汝南

蔡

淮寧

淮寧

汝陰

順昌

澶淵

開德

景城

滄

信都

冀

常山

真定

鄴郡

相

博陵

中山

河東

河中

陝郡

陝

馮翊

同

華陰

華

華原

耀

新平

邠

洛郊

鄜

扶風

鳳翔

天水

秦

安定

涇

臨

熙

大原

大原



上黨 隆德

平陽 平陽

新秦 麟

廣陵 揚

譙郡 亳

符離 宿

廬江 廬

餘杭 臨安

會稽 紹興 吳郡 平江

丹陽 鎮江

吳興 安吉 東陽 婺

奉化 慶元 建康 建康

宣城 事國

豫章 隆興 南康 贛

長沙 潭 江陵 江陵

江夏 鄂

安陸 德安 蜀郡 成都

梓潼 潼川 雲安 夔

黔中 紹慶

益川 利 洋川 洋

建安 建寧 清源 泉

南海 廣

始安 靜江 普寧 容

漢中 興元 閬中 閬

永寧 邕

武當 灼 河澗 瀛

同安 安慶 武陵 常德

弋陽 光

新定 嚴 潯陽 江

巴陵 岳 唐安 崇慶

瀘川 江安 普安 隆慶 高安 肇慶 融水 融 龍水 宜

南平 重慶 犍爲 嘉定

前朝科詔

唐設諸科取人而進士科獨貴當時見之贊詠有曰利  
市襴衫拋白苧風流名字寫紅箋又曰揚州十里小紅  
樓盡捲上珠簾一半又曰莫羞脫落殘牙齒曾喫紅綾  
餅餤來皆所以多其榮也宋沿唐制亦貴進士科然唐  
猶兼采時望不專詞章宋則糊名考校一決于文字而  
已故議者有一番科第諸色人皆備之說雖則云然要

之實出于公其得之者蓋天與之而人亦貴之也獨有不可曉者如唐之李衛公卓爲一代才相會昌之政焜耀史牒袁州讀書遺蹟至今猶存而乃見遺于科目如宋之李盱江該博偉碩范文正公至以師禮待之如程伊川道德學術百世宗師如近世余樵隱才兼文武一代逸才乃衛公輩人俱不中第若以文論則尹少稷陸放翁劉後村皆學富文工豈不足以綴末科而咸被黜落至煩特旨賜第進列清華甚可笑也考之唐制不見有科詔之類宋至南渡後三載一策士大槩以子午卯



酉年鄉貢士以辰戌丑未年試禮部奏名進士而寅申  
己亥年則修明禋或舉郊祀其試鄉貢舊無定日故奔  
競者或有一人而試數郡紹興中懲其弊令諸郡同以  
八月十五日引試當是年則二月一日頒詔旨示以取  
士之意而戒飭之凡遇此歲通謂之詔歲自德祐丙子  
正月行都失守是年科廢逮今踰三紀矣往時故蹟銷  
磨漸滅後生小子無復能之前輩凋零鮮有能道者揭  
來劒津有儒家子賈似之出示咸淳登科記一冊黃絹  
碧標題曰咸淳七年同年小錄首載科詔覽之淒然蓋

不見此久矣因錄以示來者而并述大略如此

咸淳六年二月一日詔書

敕門下朕聞爲國之道得士則重隆周以鄉里舉盛漢以州郡薦莫不由此其選唐衆科之目進士爲尤貴本朝因之斯道浸昌名臣輩出蓋其效可觀矣朕自踐祚嘉興海內俊茂臻于斯路永惟天地之間惟理最大先皇帝寶表章之以幸斯文濟濟多士文王以寧信乎其以寧也前年羣試禮部深詔執事務索諸理以觀其學庶幾成風以章先帝詒謀之仁思昔仁祖嘗下詔書以

古道飭天下士天下士皆自濯磨亦翕然丕變一歸于  
正若時得人號稱最盛至元祐而裕于所用汔致隆平  
今天下方聞之士素所蘊抱有志當世而弗壹新美之  
真材何由見朕今有詔令中外各舉進士勿以具文應  
諸路轉運使者其爲朕精擇有司越庶伯君子尚旣乃  
心以考其藝淵原正大之學忠實剴切之言朕所欲聞  
也追琢其章金玉其相凡爾選造其爲時奮興式丕化  
于人文稱朕意焉故茲詔示想宜知悉

咸淳七年省試戒飭考試官御札



我朝取士之途惟進士一科得賓興遺意事莫重焉出  
爲世用者臺萊杞李之材相望也近年士風盛而古意  
衰習競浮華辭昧體要真材不足以勝謏聞雷同反得  
以敝帚倖出朕甚非之嘗于秋賦徵其原且令覆引汰  
其謬能者伸矣比復豫戒春闈以論策定去取經賦定  
高下此則蘇軾所謂以文章言論策爲有用意也茲簡  
儒彥參典文衡其旣乃心其詳乃視毋苟且毋偏執所  
置先後惟其當不必以不自己出爲嫌爲國得人益綿  
豐芑之澤則予一人以懌

付方逢辰以下

咸淳七年正月二十五日鎖院

敕差

知貢舉

中奉大夫權尙書吏部侍郎兼侍讀嚴陵方逢辰

君錫

朝散郎權尙書禮部侍郎兼權中書舍人兼侍讀

東嘉陳宜中與權

同知貢舉

朝散大夫起居郎兼權兵部侍郎括蒼陳存體仁  
朝散大夫起居舍人兼權直學士院兼國子司業  
兼侍講古涪文及翁時學

監試

朝散郎殿中侍御史南豐曾淵于廣微

參詳官一十二員點檢試卷官三十員主管牒試  
避親官一員監大門官一員監中門官一員中諸  
司官二員封彌官六員謄錄官三員對讀官二十  
四員巡鋪官八員彈壓受卷官一員總轄諸司官



一員同主管官一員外諸司官一員各有銜位不  
盡錄是年省元吉州劉夢薦

貢院排場日分

二月初一日初二日初三日引試大學諸州軍正解免  
解詩賦論策三場

二月初六日初七月初八日引試大學諸州軍正解免  
解經義論策三場

二月十二日十三日十四日引試博學宏詞三場并宗  
子取應二場

二月十四日十五日引試大學公試經義詩賦論策二

場

二月十五日十六日十七日引試武學公試七書義論

策三場

二月十八日引試三學泛免一場

二月十九日引試京學頻申一場

二月二十日引試京學零分一場

別院試

敕差

監試官

朝散郎監察御史古括張志立澤民癸丑姚榜

主文官

朝奉郎新除將作監兼崇政殿說書長沙丁應奎

圭叟癸丑姚榜

承議郎守祕書丞兼權度支郎官兼莊文府敎授

三山許自資道丙辰文榜

考試官二員點檢試卷官七員監門官共二員封

彌謄錄對讀巡鋪等官共八員今不盡錄



別院排場日分

二月初一日初二日初三日引試避親并諸路漕舉監  
舉進士詩賦論策三場初四日初五日歇

二月初六日初七月初八日經義論策三場

二月初九日初十日十一日十二日引試大學避缺

賦論策二場

同日引試武舉內地平等正請正免人七書義兵機第  
二場又引試大醫局習醫生局生三場又引試兩  
淮正請正免武舉并絕倫人及安東州江陵府進

士七書義兵機策二場

二月十二日引試宗學公試經賦論策二場

四川類省試

舉送

大中大夫權兵部尙書四川安撫制置使兼總領  
四川財賦軍馬錢糧專一報發御前軍馬文字  
兼提領措置屯田兼夔州路計度轉運使兼本  
路勸農使兼知重慶軍府事兼管內勸農使南  
部縣開國子食邑五百戶賜紫金魚袋閬中朱

禩孫千載甲辰留榜

監試官

朝議大夫直寶章閣潼川府路提點刑獄公事兼  
本路勸農提舉河渠事提舉弓手寨兵兼本路  
轉運判官四川制置使可

缺

鄧益季謙乙未吳榜

主文考試點檢監門封彌謄錄對讀等官皆不錄  
以上皆省試事

咸淳七年五月四日御試集英殿



敕差

詳定官

中順大夫試尚書吏部侍郎兼權吏部尚書兼給事中兼侍讀章鑑

朝散大夫權尚書工部侍郎兼中書舍人兼直學士院兼祭酒侍讀盧鉞

奉議郎守右正言兼侍講陳伯大

編排官

朝議大夫新除大府少卿鄧益

朝請郎尙書吏部員外郎右司陳緯

初考覆考點檢對讀封彌巡鋪等官共二十六員  
皆不錄

### 御試策題

問厥初顓寫實生兆民孰總其羣乃作之君孰牖其  
迷乃作之師君治之師教之禮樂刑政之所繇生與  
其天下國家者壹是以元元爲命脈凡議論所講明  
政事所設施罔非爲邦本計夷考載籍率與天竝言  
之明威視聽皆自我民其不可輕者固如此歟三聖

傳心之要不越執中數語斯蓋萬世君師之大綱領  
究其指歸則曰非后何戴非衆罔守然則一中妙用  
固所以爲維持固結之道歟道之出有原道之傳有  
統前聖後聖同一揆歟我國家誕受天命以奄有九  
有列聖代光紹明大保人斯無疆我先帝迪畏天顯  
懷保小民四十一年躋敬履仁用能延洪基緒式克  
至于今日蓋其精神心術之妙融會于六經之奧要  
語一書口傳面命其示軌範者在是朕祇遵猷訓行  
其所知召故老求賢才以尙賢也然召未能至求未



盡獲何以致信順之助訓守牧戒貪殘以布治也然  
訓未必孚戒未必革何以新治象之觀求牧與芻當  
謹也旣不用嫺戚每選用賢良宜有厚生之政而未  
見田里之無愁歎竭澤而漁弗忍也旣力郤貢奉且  
禁獻羨餘宜有益下之說而尙聞郡邑之有征斂義  
廩之發恃以賑饑而侵牟或不免田租之蠲本以寬  
賦而苛取或如故至若豁諸州之積負損版曹之故  
額俾紓急絕之擾淩寓省憂之實而民未有愜志勢  
苦中隔澤不下流歷思之汔不得其說意奉憲者導

之未明歟豈吏罕廉平則治道衰歟將治生乎積非  
可速成歟抑習錮于玩未易遽革歟朕寅念先帝詒  
謀常恐羞之重爲之惕然也子大夫博古通今夙抱  
經濟之蘊其據經以對毋有所隱朕將親覽焉

此題視草學士不知爲誰氣卑文弱黯無晶光甚  
非王言之體也當是時襄圍正急事所宜問孰大  
于此恬不之及乃枚舉六七事之泛常者謬矣

以上皆殿試事

咸淳七年同年小錄

五月二十一日

皇帝御集英殿唱名賜進士張鎮孫以下及第出身  
同出身五百二人當日起

期集所

六月一日准

敕依格賜進士期集錢及小錄錢一科計一千七百貫  
文十八界

六月初五日

朝謝



六月十七日謁謝

先聖

先師

七月初十日賜聞喜同日降賜御詩于禮部

七月十八日拜黃甲同日敘同年于禮部貢院

七月 日准

敕依格賜進士期集錢及小錄錢第二次第三次共三千四百貫文十八界立題名碑于禮部貢院

期集所職事官

糾彈 箋表 主管題名小錄 掌儀 掌計

典客 掌酒果 掌膳 掌器 司門 諸職並于五百

名內  
選差

謁殿職事

初獻張鎮孫 亞獻杜文甫 終獻陳鉞

糾彈 掌儀 贊禮 讀祝 奉幣 酌酒

詔禮 分獻 直罇 直盥洗 舉鼎 直爵洗

直爵 諸職依上選

第一甲

共十七人不能備載姑錄三魁可例其餘

字鼎卿 小名鼎 小字枝金

第鼎一 具慶下

第一名 年三十三月五日寅時生 治易

一舉

張鎮孫

外氏何

娶

兄弟

曾祖元貴

祖機

父南仲

本貫廣州南海縣城南廂高祖朝請大  
夫爲戶



字實翁 小名文舉 小字用之

第八十 永感下

第二名 年三十九八月二十二日生 治賦

鄉請初免舉

杜文甫 外氏姚 娶陸繼郊 兄奇縉雲主學

曾祖侁 祖芭 父一桂故通直

本貫台州臨海縣

字宜之 小名方中 小字鍾真

第正十二 具慶下

第三名 年二十七九月日時生 治賦 一舉

陳 鉞 外氏戴繼湯 娶計 兄某貢成均弟

某

曾祖思濟 祖紀 父應奎貢成均

本貫太平州 甯塗縣慈湖鄉化龍里

第二甲共三十九人

第三甲共七十七人

第四甲共一百九十八人


第五甲共一百七十一人


特奏名第一名吳清伯附第五甲


建寧府政和縣人

登科五百二人不能盡錄姑載三魁姓名于前則五百名可以類推蓋亦存古之意云爾革命以來不能存此者多矣賈氏子猶存此錄乃其父曰昌忠曰純孝者俱以辛未登科故有此也其本貫乃蜀之懷安軍金堂縣人兄弟皆治書中選可謂盛事其子今寓南劍城內之紫洲嶺云方今武功旣著文治將興吾黨之士其摩厲以須他日賓興將見代有偉人出爲吾道重此理之必至者也慎毋廢學自暴自棄云













道光己酉鐫

洞而清祿

海山仙館叢書

武山詩書

而青

道子西



PL  
2451  
P29  
v.45

洞天清祿集序

唐張彥遠作閒居受用至首載齋閣應用而傍及醯醢脯羞之屬噫是乃大老姥總督米鹽細務者之爲誰謂君子受用如斯而已乎人生一世閒如白駒過隙而風雨憂愁輒居三分之二其閒得閒者纔一分耳況知而不能享用者又百之一二於百一之中又多以聲色爲受用殊不知吾輩自有樂地悅目初不在色盈耳初不在聲嘗見前輩諸老先生多蓄法書名畫古琴舊研良以是也明窗淨几羅列布置篆香居中佳客玉立相映

時取古人妙蹟以觀鳥篆蝸書奇峯遠水摩挲鐘鼎親  
見商周端研涌巖泉焦桐鳴玉佩不知身居人世所謂  
受用清福孰有踰此者乎是境也閨苑瑤池未必是過  
人鮮知之良可悲也余故會萃古琴研古鐘鼎而次凡  
十門辯訂是否以貽清修好古塵外之客名曰洞天清  
祿若香茶紙墨之屬既譜載而亡謬誤者茲不復贅觀  
者宜自求之開封趙希鵠序

洞天清祿集

古琴辯

開封趙希鵠著

古琴以斷紋爲證蓋琴不厯五百歲不斷愈久則斷愈多然斷有數等有蛇腹斷其紋橫截琴面相去或一寸或二寸節節相似如蛇腹下紋有細紋斷如髮千百條亦停勻多在琴之兩旁而近岳處則無之有面與底皆斷者又有梅花斷其紋如梅花頭此爲極古非千餘載不能有也凡漆器無斷紋而琴獨有之者蓋他器用布漆琴則不用他器安閒而琴日夜爲絃所激又歲久桐



腐而漆相離破斷紋隱處雖腐磨礪至再重加光漆其  
紋愈見然真斷紋如劒鋒僞則否

僞作者用信州薄連紙先漆一層於上加灰紙斷則有  
紋或於冬日以猛火烘琴極熱用雪罨激裂之或用小  
刀刻畫於上雖可眩俗眼然決無劒鋒亦易辨

古琴惟夫子列子二樣若太古琴或以一段木爲之竝  
無肩腰惟加岳亦無焦尾安焦尾處則橫嵌堅木以承  
絃而夫子列子樣亦皆肩垂而濶非若今聳而狹也惟  
此二樣乃合古制近世雲和樣於岳之外刻作雲頭捲

而下通身如壺瓶狀或以夫子樣周徧皆作竹節形名竹節樣其異樣不一皆非古制又於第四絃下安徽以求異曰此外國琴尤可笑也

古琴有陰陽材者蓋桐木面陽日照者爲陽背陽不面日者爲陰也謂予不信但取新舊桐木置之水上陽面浮而陰必沉雖反復之再三不易也更有一驗古今琴士所未嘗言陽材琴旦濁而暮清晴濁而雨清陰材琴旦清而暮濁晴清而雨濁此乃靈物與造化同機誠非他物比也

古琴最難得過於精金美玉得古材者命良工旋製之  
斯可矣自昔論擇材者曰紙甌水槽木魚鼓腔敗棺古  
梁柱榱桷然梁柱恐爲重物壓損紋理敗棺少用桐木  
紙甌水槽患其薄而受溼氣太多惟木魚鼓腔晨夕近  
鐘鼓爲金聲所入最爲良材然亦有敲損之患別有擇  
材往監今陳述之昔吳越錢忠懿王能琴遣使以廉訪  
爲名而實物色良琴使者至天台宿山寺夜聞瀑布聲  
近在簷外晨起視之瀑布下淙石處正對一屋柱而柱  
且向日私念曰若是桐木則良琴在是矣以刀削之果



桐也卽賂寺僧易之取陽面二琴材馳驛以聞乞俟一  
年斲之旣成獻忠懿一曰洗凡一曰清絕遂爲曠代之  
寶後錢氏納土太宗朝二琴歸御府南渡初流轉至雪  
川葉夢得上之此乃擇材之良法大抵桐材旣堅而又  
厯千餘年木液已盡復多得風日吹曝之金石水聲感  
入之所處在空曠清幽蕭散之地而不聞塵凡喧雜之  
聲取以制琴烏得不與造化同妙以此觀之安琴之室  
亦當如是不宜近塵穢婦女喧雜之地也

工人供斤削之役若繩墨尺寸厚薄方圓必善琴高士

主之仍不得促辦如槽腹琴面之類每一事畢方治一事必相度審思之既斲削去則不復可增度造一琴並漆必三月或半年方辦合底面必用膠漆如皮紙厚合訖置琴於卓上橫厚木於卓下夾卓以篋絞縛之依法匣訖候一月方解底灰必雜以金銅細屑或磁器屑薄如連紙候極乾再上一次面灰用極細骨灰如薄連紙止一上竝一月方乾面上糙漆僅取遮灰光漆糙底灰漆差厚無害又微者繩也準繩墨以定聲尤宜畱意豈俗工所能哉若製造之法諸琴書備載宜擇其善者而

用之

今人見琴池沼中有雷文張越字便以爲至寶殊不知雷張皆開元天寶時人去今能幾何若得古材依法雷心斲之雷張未必過也惟求其是而已矣

湖南有范氏曾守土號范連州自能斲琴今有一琴在折彥質參政家其琴面乃用方二三寸許小桐木片以膠漆湊成之名曰百衲彈之則與尋常低下琴無異此何益哉木不成段聲必不應又爲漆所礙其室塞可知折氏至今寶之尤可笑今人或以琴材短不及式自岳



之外別用桐木接之亦不可也

古琴漆色厯年旣久漆光退盡惟黯黯如海舶所貨烏木此最奇古而或者以其無光磨而再漆之不惟頓失古意且滯琴之聲此大戒也

底面俱用桐謂之純陽琴古無此製近世爲之取其暮夜陰雨之際聲不沈然必不能達遠蓋聲不實也

今人多擇面不擇底縱依法製之琴亦不清蓋面以取聲底以匱聲底木不堅聲必散逸法當取五七百年舊梓木鋸開以指甲掐之堅不可入者方是

桐木不宜太鬆桐木太鬆而理疎琴聲多泛而虛宜擇  
緊實而紋理條條如絲纔密條達不邪曲者此十分良  
材亦以掐不入者爲奇其掐得入者粗疎柔脆多是花  
桐乃今用作漆器胎素者非梧桐也今人多誤用之

桐木年久木液去盡紫色透裏全無白色更加細密萬  
金良材

古人以桐梓久浸水中又取以懸竈上或吹暴以風日  
百種用意終不如自然者蓋萬物在天地閒必歷年多  
然後受陰陽氣足而成材之後壯而衰衰而老老而死

陰陽之氣去盡然後反本還元復與大虛同體其奇妙處乃與造化同功豈人力所能致哉豈吹暴所能成哉有梧桐生子如簸箕有花桐春來開花如玉簪而微紅號折桐花有櫻桐其實堪以搾油有刺桐其木徧身皆生刺如釘堪作梁柱四種之中當用梧桐詩曰椅桐梓漆爰伐琴瑟書曰椅木梓實而桐皮卽今花桐也花桐之實正類梓實桐卽今梧桐也二者雖皆可以爲琴而梧桐理疎而堅花桐柔而不堅則梧桐勝於花桐明矣今取舊材但知輕者爲桐不知堅而輕者爲梧桐毋怪



乎滿天下無良琴也俚諺曰新爲桐舊爲銅益指言梧  
桐也

有楸梓鋸開色微紫黑用以爲琴底者也有黃心梓其  
理正類櫛木而極細黃白不堪若作器用難朽非琴材  
漆木亦類梓蓋取其漆液堅凝古人亦以爲琴底須不  
經取漆而老大者方可用

製琴腹至安鳳足處須小阨之過足則復寬之蓋聲遇  
阨則不直達過阨寬則復悠揚而去所以韻長乃唐雷  
文祕法此論琴腹橫廣也面底皆然於阨處穿鑿足

琴足宜用棗心黃楊或烏木蓋取其堅實足之下須令平如鐵切忌尖與凹足之柄與琴之鑿必大小相當毋差毫釐若柄小而以紙副之琴聲必泛岳軫焦尾亦宜此三等木切不可以金玉犀象爲飾多誨盜併爲琴害矣

雷張製槽腹有妙訣於琴底悉窪微令如仰瓦蓋謂於龍池鳳沼之絃微令有唇餘處悉窪之正如今銅錢之背穿眼處有絃凸起令聲有關閉旣取其面底如瓦相合而池沼之唇又關閉不直達故聲有所匱而不散豈

論琴腹堅深也余嘗見畢文簡公張越琴於池沼閒以指探之果如此

古之愛琴者沒則戒子孫藏之塚閒或有用石匣者復出而爲世用多是聲沈闇闇然蓋以受土氣多溼氣勝耳法當用大甑蒸之以去溼氣一蒸未透再多蒸之於風日處挂晾經月聲復矣

婺女浦江一士夫家發地得琴長大有斷紋紹興閒獻之御府爲巨璫所阻曰此墟墓中物豈宜進御遂給還其家至今寶之雖聲帶濁而以作廣陵等大曲彈愈久



而聲方出此琴若用前蒸曝法當無比矣

南昌一士人家有古琴面上三穿孔然皆不當絃不礙聲號曰玲瓏玉有達官以千緡疋市之而去紹興諸暨一士大夫家有一穿孔亦不當絃今已轉徙他處

琴案須作維摩樣庶案腳不礙人膝連面高二尺八寸可入膝於案下而身向前宜石面爲第一次用堅木厚爲面再三加灰漆亦令厚四腳令壯更平不假坭板則與石案無異永州石面案固佳然太薄必須厚一寸半許乃佳若用木面須二寸以上若得大柏大棗木不用

膠合以漆合之尤妙又見今人作琴卓僅可容一琴須闊可容四琴長過琴三之一試以案較琴聲便可見琴案上切不可置香爐雜物於前吳自強雲山集云於案面作小水槽不必爾也

前輩或埋瓮於地上鳴琴此說恐妄傳蓋彈琴之室宜實不宜虛最宜重樓之下蓋上有樓板則聲不散其下空曠清幽則聲透徹若高堂大厦則聲散小閣密室則聲不達園囿亭榭尤非所宜若幽人逸士於高林大木或巖洞石室之下地幽境寂更有泉石之勝則琴聲愈

清與廣寒月殿何異也

挂琴不宜著壁有土氣惟紙糊格及漆格上當風處爲妙然須無人往來小兒婦女貓犬所不到處當挂時則加袋以障塵匣之則去袋蓋袋能引溼氣梅月須早入匣以厚紙糊縫安樓上陰涼處琴匣之制須低矮窄小僅可容此琴蓋令容受子口仍釘鉸加鎖若令僮僕抱琴勿橫抱多前遇物觸損雲牙不若於袋上作帶繫豎背肩後則不損然繫須緊不可寬

露下彈琴而聲不乏蓋陽材也若鐘鳴雞唱霜清月皎



以陽琴鼓之聲更清徹陰材則不然

未彈琴先盥手手澤能膩絃損聲夏月尤甚惟早晚差涼宜弄琴正午炎熱非惟汗汗天氣太燥亦難爲絃若陰涼處無害

焚香惟取香清而煙少者若濃煙撲鼻大敗佳興當用水沈蓬萊忌用龍涎篤耨凡兒女態者

彈琴對花惟巖桂江梅茉莉茶蘼薝蔔等香清而色不豔者方妙若妖紅豔紫非所宜也

夜深人靜月明當軒香爇水沈曲彈古調此與羲皇上

人何異但須一更後三更前蓋初更人聲未寂三更則人倦欲眠矣

彈琴舞鶴鶴未必能舞觀者閤然彈者心不專此與觀優何異非君子之事

湍流瀑布凡水之有聲處皆不宜彈琴惟澄淨池沼近在軒窗或在竹邊林下雅宜對之微風灑然游魚出聽其樂無涯也

春秋二候氣清而和人亦中夜多醒月色臨窗披衣趺坐橫琴膝上時作小操然須指法精熟方可爲此

琴徽古人所以不用金玉而貴蚌徽者蓋蚌有光彩得  
月光相射則愈煥發了然分明此正謂對月及膝上橫  
琴設若金玉則否今人少知此理然當用海中產珠蚌  
他蚌無甚光彩

道人彈琴琴不清亦清俗人彈琴琴不濁亦濁而況婦  
人女子倡優下賤乎

古硯辯

世人論硯者皆曰多用歙石蓋不知有端硯不知歷代  
以來皆採端溪至南唐李主時端溪舊坑已竭故不得



已而取其次歟乃端之次其失一也近時好事者作硯  
譜惟分端溪上中下三巖不知巖惟有舊坑無下新坑  
上中二巖則皆有新舊坑於歟亦然其失二也世之論  
端溪者惟貴紫色而不知下巖舊坑惟有漆黑青花二  
種初未嘗紫無他未曾睹古硯其失三也余慮世人貴  
耳鑒而無心賞故述古硯辯惟說端歟而不他及蓋他  
石皆不及端歟或強以爲硯寧不羞見子墨客卿乎是  
說非老於用硯者其孰知之

端溪下巖舊坑卵石黑如漆細潤如玉扣之無聲磨墨

亦無聲有眼中有暈或六七眼相連排星斗異形石居  
水底須千夫堰水汲盡深數丈篝火下繩深入穴中方  
得之此品南唐時已難得至慶厯閒坑竭下巖舊坑又  
一種卵石去臙方得材色青黑細如玉有花點如筋頭  
大其點別是碧玉清瑩與硯質不同唐吳淑硯賦所謂  
點滴青花是也故名青花子石今譌爲青花紫石李長  
吉詩已誤作紫字其實未嘗紫也青點之中或有白點  
如粟排星斗異象水涇方見扣之無聲磨墨亦無聲此  
品南唐時已難得慶厯閒坑竭已上二品石久用鋒銳

愈出不退鈍不假磨礪下巖上有一坑出此二種石別無新坑所謂新坑蓋元坑已盡而別開一坑下巖則否端溪中巖舊坑石色紫如新嫩肝細潤如玉有眼小如菉豆粒純綠色而無暈或有綠條紋或白條紋如綫蓋豎而圓者爲眼橫而長者爲條紋此種亦是卵石外有黃臙包絡扣之無甚聲磨墨亦無聲久用鋒鋌不退不假磨礪今此坑取之亦竭中巖新坑色淡紫眼如鵠鵠眼大重暈而緊小其中如瞳人狀石老者扣之有聲嫩者無甚聲磨墨則微有聲石有枯潤潤者雖難得然久



用則鋒鋌退乏必假磨礪今此品難得遂爲希世之寶  
百研之中見一二耳世人見其希有又未曾見古研遂  
目此爲下巖舊坑不知此去下巖已低三等矣

端溪上巖新舊坑皆色灰紫而粗燥眼大如雄雞眼扣  
之璫然磨墨相拒如鋸聲久用則鋒乏光如鏡面不堪  
用然舊坑差勝新坑今士夫所藏研多此品

他處石類端溪而非者有一種潔石出九溪潔溪表淡  
青裏深紫而帶紅有極細潤者然以之磨墨則木塞而  
不鬆快愈用愈光而頑硬如鏡面閒有金綫或黃脈直

截如界行相閒者號紫袍金帶高宗朝戚里吳琚曾以  
進御不稱旨一種辰沅州黑石色深黑質粗燥或微有  
小眼黯然不分明今人不知往往稱爲黑端相去天淵  
矣今端溪民負販者多市辰沅研璞而歸刻作端溪樣  
以眩士大夫被獲重價若辰沅人自鐫刻者則大雕篆  
或作荷蓮水波犀牛龜魚八角六花等樣藻飾異常雖  
極工巧而材不堪用此亦辯辰沅研之一法

歙溪龍尾舊坑色淡青黑湛如秋水竝無紋以水溼之  
微似紫乾則否細潤如玉發墨如泛油竝無聲久用不

退鋒或有隱隱白紋成山水星斗雲月異象水涇則見  
乾則否此亦是卵石故難得極大者不過四五寸多作  
月研就其材也或有純黑如角者東坡最貴重此品今  
得之亦貴重不減端溪下巖然龍尾舊坑雖極細猶微  
涇墨端溪下巖則直如鋏盤場蠟矣以此爲辨南唐時  
方開龍尾舊坑今已無之新坑色亦青黑無紋而粗燥  
礪墨退筆久用則鈍乏有極大盈三尺者

羅紋刷絲金銀閒刷絲眉子四品新舊坑四品舊坑竝  
青黑色紋細而質潤如玉羅紋真如極細羅刷絲如髮



密眉子如甲痕或如蠶大金銀閒絲亦細密久用不退  
鋒磨墨無聲無潤大者然皆次於龍尾舊坑亦南唐時  
開坑今已無如得之貴重不減龍尾舊坑四品新坑竝  
紋粗而質枯燥且不堅眉子大者或長二三寸刷絲每  
條相去一二分羅紋如羅花紋拒墨如鋸久用退乏光  
硬大者盈一二尺甚大者三尺

金星新舊坑竝麤燥淡青色雖金星滿面然礪墨退筆  
久用退乏大者盈尺別有一種黑石金星姿質亞端溪  
下巖漆黑石乃是萬州懸金崖金星石色漆黑細潤如

玉隱隱金星水涇則見乾則否發墨如泛油無聲久用不退之非歟也今萬崖亦已取盡如得之不減端溪下巖

銀星新舊坑竝麓燥淡青黑色有星處不堪磨墨工人多側取之置其星於外謂之銀星牆壁拒墨如鋸久用退乏如鏡面大者盈尺

除端歟二石外惟洮河綠石北方最貴重綠如藍潤如玉發墨不減端溪下巖然石在臨洮大河深水之底非人力所致得之爲無價之寶耆舊相傳雖知有洮研然

目所未睹今有綠石硯名爲洮者多是潞石之表或長沙谷山石潞石潤而光不受墨堪作砥礪耳

荆襄鄂渚之間有團塊黑玉璞正與端溪下巖黑卵石同而堅纒過之正堪作研惟不如玉器出光畱其鋒耳但黑中有白玉相閒甚者濶寸許玉石謂之閒玉瑪瑙其白處又極堅恐槩墨若用純黑處爲研當在端溪下巖之次龍尾舊坑之上

硯匣不當用五金蓋石乃金之所自出金爲石之精華子母同處則子盜母氣反能燥石而又誨盜法當用佳



漆爲之研雖低匣蓋必令高過寸許方雅觀然只用琴  
光素漆切忌用鈿花犀毗之屬四角須布令極牢不宜  
用紗匣取其容研而周圍寬三紙或作阜絹襯尤妙今  
人於匣底作小穴小竅容指本以之出研而多泄潤氣  
但令匣稍寬不必畱竅或有墨汁流下多汙几案又或  
匣底之下作豹腳取其可入手指以移重研此尤非所  
宜蓋硯實則易發墨虛則否故古人作研多實其趺又  
加以絁褥正爲是也

古鍾鼎彝器辨

夏尙忠商尙質周尙文其制器亦然商器質素無文周  
器雕篆細密此固一定不易之論而夏器獨不然余嘗  
見夏琱戈於銅上相嵌以金其細如髮夏器大抵皆然  
歲久金脫則成陰窵以其刻畫處成凹也相嵌今俗譌  
爲商嵌詩云追琢其章金玉其相

銅器入土千年純青如鋪翠其色午前稍淡午後乘陰  
氣翠潤欲滴閒有土蝕處或穿或剝竝如蝸篆自然或  
有斧鑿痕則僞也銅器墜水千年則純綠色而瑩如玉  
未及千年綠而不瑩其蝕處如前今人皆以此二品體

輕者爲古殊不知器大而厚者銅性未盡其重止能減三分之一或減半器小而薄者銅性爲水土蒸陶易盡至有鋤擊破處竝不見銅色惟翠綠徹骨或其中有一綫紅色如丹然尙有銅聲傳世古則不曾入水土惟流傳人閒色紫褐而有朱砂斑甚者其斑凸起如上等辰砂入釜以沸湯煮之斑愈見僞者以漆調硃爲之易辨也

三代古銅竝無腥氣惟新出土尙帶土氣久則否若僞作者熱摩手心以擦之銅腥觸鼻可畏



識文夏用鳥跡篆商則蟲魚篆周以蟲魚大篆秦用大  
小篆漢以小篆隸書三國用隸書晉宋以來皆用楷書  
唐秦用楷隸三代用陰識謂之偃囊其字凹入也漢以  
來或用陽識其字凸閒有凹者或用刀刻如鐫碑蓋陰  
識難鑄陽識易成陽識決非三代物也

款識篆字以紀功所謂銘書鐘鼎款乃花紋以陽飾古  
器款居外而凸識居內而凹夏周器有款有識商器多  
無款有識

古人作事必精緻工人預四民之列非若後世賤丈夫

之事故古器款必細如髮而勻整分曉無纖毫模糊識  
文筆畫宛如仰瓦而不深峻大小深淺如一亦明淨分  
曉絕無纖毫模糊此蓋用銅之精者竝無砂顆一也良  
工精妙二也不吝工夫非一朝夕所爲三也今設有古  
器款識稍或模糊必是僞作質色臭味亦自不同

古者鑄器必先用蠟爲模如此器樣又加款識刻畫然  
後以小桶加大而略寬入模於桶中其桶底之縫微令  
有絲綫漏處以澄泥和水如薄糜日一澆之候乾再澆  
必令周足遮護訖解桶縛去桶板急以細黃土多用鹽

并紙筋固濟於元澄泥之外更加黃土二寸畱竅中以銅汁瀉入然一鑄未必成此所以爲貴也

句容器非古物蓋自唐天寶閒至南唐後主時於昇州句容縣置官場以鑄之故其上多有監官花押甚輕薄漆黑款細雖可愛要非古器歲久亦有微青色者世所見天寶時大鳳環瓶此極品也

偽古銅器其法以水銀雜錫末卽今磨鏡藥是也先上在新銅器上令勻然後以醃醋調細硃砂末筆蘸勻上候如臘茶面色急入新汲水滿浸卽成臘茶色候如漆



色急入新水浸卽成漆色浸稍緩卽變色矣若不入水卽成純翠色三者竝以新布擦令光瑩其銅腥爲水銀所匱并不發露然古銅聲微而清新銅聲濁而闕不能逃識者之鑒

古銅器入土年久受土氣深以之養花花色鮮明如枝頭開速而謝遲或謝則就瓶結實若水秀傳世古則否陶器入土千年亦然

古銅器多能辟異崇人家宜畜之蓋山精木魅之能爲祟以厯年多耳三代鍾鼎彝器厯年又過之所以能辟

崇范文正公家有古鏡背具十二時如博棊子每至此時則博棊中明如月循環不休又有士人家藏十二時鐘能應時自鳴非古器之靈異乎

古之居官者必佩印以帶穿之故印鼻上有穴或以銅環相綰漢印多用五字不用擘窠篆止宜小篆筆畫停勻故有左三字而右二字者或左二字右三字者其四字印則畫多者占地多畫少者占地少五代以前尙如此今則否

古人惟鍾鼎祭器稱功頌德則有識盤孟寓戒則有識

他器亦有無識者不可遽以爲非古但辨其體質款紋  
顏色臭味足矣

字書曰刁斗以行軍晝炊夕擊今世所見古刁斗柄長  
尺四五寸其斗僅可容勺合如此則恐非炊具擊之則  
可此物乃王莽時鑄威斗厭勝家所用耳或於上刻貳  
師將軍字及其他官號尤表其僞大抵刁斗如世所用  
有柄銚子但可炊一人食卽古之刁譌刁字爲銚字耳  
字書以銚爲田器不言可知也鏹斗亦如今有柄銚子  
而加三足余曾見之辨其質與色真三代物蓋刁鏹皆



有柄故皆謂之斗刁無足而鑱有足耳又字書以鑱爲  
溫器蓋古以鼎烹大鼎則卒難至熱故溫已烹之冷物  
一二人食則用鑱余所見者正然

余猶及見漢館陶侯鼎可容今三斗則三代可知矣然  
近世所存古鼎或有容一升半升者考其款識則真古  
物也亦謂之鼎鼎乃大烹之器豈爾耶此蓋古之祭器  
名曰從彝曰從則其品不一蓋以貯已熟之物以祭宗  
廟象鼎之器形而實非鼎也猶今之食器亦有象銚釜  
者凡曰鬲曰匱曰甗曰尊其形有甚小者皆然故小尊

或識曰寶尊彝

古以蕭艾達神明而不焚香故無香爐今所謂香爐皆以古人宗廟祭器爲之爵爐則古之爵後狔爐則古之踴足豆香毬則古之鬯其等不一或有新鑄而象古爲之者惟博山爐乃漢太子宮所用香爐之制始於此亦有僞爲者當以物色辨之餘姚一達官家有古銅盆大如火爐而周圍有十二環婺州馬鋪巖人家掘得古銅盆兩環乃在腹之下足之上此二器文字所不載或以環低者爲古欝器

禹之聲尙文王之聲以追蠡趙岐注以追爲鍾紐於義未安追者琢也詩云追琢其章今畫家滴粉令凸起猶謂之追粉所謂追蠡蓋古銅器款紋追起處漫滅也趙氏釋蠡爲絕亦非蓋剝蝕也今人亦以器物久而剝蝕者爲蠡

道州民於春陵塚得古鏡背上作菱花四朵極精巧其鏡面背皆用水銀卽今所謂磨鏡藥也鏡色略昏而不黑竝無青綠色及剝蝕處此乃西漢時物入土千年其質竝未變信知古銅器有青綠剝蝕者非三代時物無



此也

或傳嶧縣僧舍治地得磚有永和字及得銅器如今香  
爐而有蓋蓋上仰三足如小竹筒空而透上筒端各有  
一飛鶴爐下亦三足別有銅盤承之

怪石辯

怪石小而起峯多有巖岫聳秀嶽嵌之狀可登几按觀  
玩亦奇物也其等有靈壁石英石道石融石川石桂川  
石邵石太湖石與其他雜出亦多等今列於後

靈壁石出絳州靈壁縣其石不在山谷深土中掘之乃

見色如漆閒有細白紋如玉然不起峰亦無巖岫佳者如齒蒼或如臥牛如蟠螭扣之聲清越如金玉以利刀刮之略不動此石能收香齋閣中有之則香雲終日盤旋不散不取其有峰也僞者多以太湖石染色爲之蓋太湖石亦微有聲亦有白脈然以利刀刮之則成屑英州出石如銅礦聲亦如銅倒懸生巖下以鋸取之故底有鋸痕大者或長七八尺起峯至二三寸亦几桸奇玩然色潤者可愛枯燥者不足貴也

道州石亦起峯可愛但石粗又枯燥之甚且體脆不任

衝撞

融州有老君洞所出石亦起峯粗燥體脆又甚於道州石

川石奇聳高大可愛然多人力雕刻後置急水中春撞之其色枯燥

桂川石靜江府所出雖出自然而石粗色不佳閒有玲瓏者雅宜置之花檻中他無用也

邵石寶慶府所出色黑多以作博棊子或刻作筆架竝無自然峯巒



太湖石出平江太湖土人取大材或高一二丈者先雕  
刻置急水中舂撞之久久如天成或用煙熏或染之色  
亦能黑微有聲宜疊假山

紹興一士夫家有異石起峯峯之趾有一穴中有水應  
潮自生以之供硯滴嘉定閒越帥以重價得之

東坡小有洞天石石下作一座子座中藏香爐引數竅  
正對巖岫閒每焚香則煙雲滿岫今在豫章郡山谷家  
其家珍重常與告身同置一篋

研屏辯

古無研屏或銘研多鑄於研之底與側自東坡山谷始作研屏旣勒銘於研又刻於屏以表而出之山谷有烏石研屏銘今在婺州義烏一士夫家用南康軍烏石蓋烏石堅耐他石不可用也

洪景廬夷堅志云一士夫赴官就道其子婦方懷妊轎夫顛仆而半產乃翁呼轎夫欲治之夫曰逗曉不辨道路爲一石所礙翁不信親往視之匾濶微如玉良璞也攜詣玉工解作三片青質白章成山林雲月飛鳥像厯厯分明自取其二以一謝玉工工治作屏因貴璫以獻

御府惜其無對召工問之工具以士夫姓名對被旨以重賞宣取湊成三屏置之玉虛殿

永州祁陽縣石雖成紋然景叢雜不清遠又多刻畫而成以手摸之有凸凹可驗閒有自然者不甚佳

蜀中有石解開自然有小松形或三五十株行列成徑描畫所不及又松止高二寸正堪作研屏屏之式止須連腔腳高尺一二寸許濶尺五六寸許方與蓋小研相稱若高大非所宜其腔宜用黑漆或烏木不宜用鈿花犀毗之屬



取名畫極低小者嵌屏腔亦佳但難得耳古人但多留  
意作阮面大如小盃者亦宜嵌背苟非名筆則不可或  
用古人墨蹟亦妙

### 筆格辯

筆格惟黑白琅玕三種玉可用須鐫刻象山峯聳秀而  
不俗方可或碾作蛟螭尤佳嘗見一士人家用玉作二  
小兒交臂作劇面白頭黑而衣紅腳復白以之格筆奇  
絕或以小株珊瑚爲之以其有枝可以爲格也

銅筆格須奇古者爲上然古人少曾用筆格今所見銅

清江雜錄  
三  
鑄盤螭形圓而中空者乃古人鎮紙非筆格也

靈壁英石自然成山形者可用於石下作小漆木座高寸半許奇雅可愛

象牙烏木作小桮面上穴四竅下如座子洗筆訖倒插桮上水流向不損爛筆心

### 水滴辯

余嘗見長沙同官有小銅器形如桶可容今一合號右軍研水盂其底內有永和字此必晉人貯水以添研池者也古人無水滴晨起則磨墨汁盈研池以供一日用

墨盡復磨故有水盂

銅性猛烈貯水久則有毒多脆筆毫又滴上有孔受塵水所以不清故銅器不可用金銀錫者尤猥俗今所見銅犀牛天祿蟾蜍之屬口銜小盂者皆古人以之貯油點燈今人誤以爲水滴耳止堪作几按玩具

白玉或瓊子玉其色旣白若水稍有泥淀及塵汙立見而換之此物正堪作水滴上加綠漆荷葉蓋蓋之蓋側作小穴以小杓柄嵌穴中永無塵入若當中作滴子則塵必入如無玉器用古小磁盂貯水亦佳



古翰墨真蹟辯

此紙用橫簾造紙紋必橫又其質鬆而厚謂之側理紙桓溫問王右軍求側理紙是也南紙用豎簾紋必豎若二王真蹟多是會稽豎紋竹紙蓋東晉南渡後難得北紙又右軍父子多在會稽故也其紙止高一尺許而長尺有半蓋晉人所用大率如此驗之蘭亭押縫可見王氏所藏右軍建安帖真蹟今在長沙士夫家其帖本云四月五日羲之報建安靈柩至胡世將曾以此帖勒於豫章其建安靈柩字提起別作一行蓋古人簡帖寫

至他人事或稱尊長者舊處皆如今提空此常禮也余  
屢見硬黃做書亦然今長沙所見建安二字乃與羲之  
報字相連而不提空豈有碑提空而真蹟反不提空者  
此乃揭淳化閣帖贗作無疑蓋太宗朝刻淳化閣帖乃  
侍書待詔王著摹勒著小人不學故於古人提空處皆  
連屬之此猶可也至於蟲鼠侵蝕與字之漫滅者皆不  
空缺而率強聯之故多讀不成句鬻書者多以故紙浸  
汁染贗蹟又以墨雜朱作爲印章令紙闇殊不知塵水  
浸紙表裏俱透若自然舊者其表色故其裏必新微揭

視之則見矣古人印章必用上等朱譬如古畫著色愈久愈新初未嘗昏闇也

硬黃紙唐人用以書經染以黃藥取其辟蠹以其紙加漿澤瑩而滑故善書者多取以作字今世所有二王真蹟或用硬黃紙皆唐人倣書非真蹟

顏魯公之後寓居永嘉好事者守郡聞其家有魯公真蹟一篋以獄事羅織之而擇其尤者摹郡齋篋書遂歸泉南好事者晚年卜居武夷之下以聲伎自隨一夕暴雨洪水發漂所居無蹤跡其人暴尸溪側篋不知所在



朝中名賢書惟蔡莆陽蘇許公

易簡

蘇東坡黃山谷蘇

子美秦淮海李龍眠米南宮吳練塘

傳朋

王逸老皆比

肩古人莆陽典重有法度許公無愧楊法華東坡草聖  
得意咄咄逼顏魯公山谷乃懸腕書深得蘭亭風韻然  
行不及真草不及行子美乃許公之孫自有家法草聖  
可亞張長史淮海專學鍾王小楷姿媚遒勁可愛龍眠  
於規矩中時見飄逸綽有晉人風度南宮本學顏自成  
一家於側掠掣趯動循古法度無一筆妄作練塘深入  
大令之室時作鍾體逸老草殆欲欺凌懷素或謂過之

古今石刻辨

北紙用橫簾其質鬆而厚不甚滲墨以墨拂之如薄雲之過青天猶隱隱見紙白處也凡北碑皆然且不用油蠟可辨

北墨多用松煙故色青黑更經蒸潤則愈青矣南墨用油煙故墨純黑且有油蠟可辨碑文欲辨墨者皆放此徽宗御府所儲書其前必有御筆金書小楷標題後有宣和玉瓢御寶淳祐壬寅於臨安客舍見永嘉一士人藏一帖乃唐人硬黃倣右軍書前有金字御筆云王右

軍書長者帖後有宣和玉瓢樣御寶

今售墨蹟者或云古人真蹟皆筆勢相聯屬後世贗作者必逐字爲之殊不知此論行草者也若楷書則此論難用古人真蹟字畫雖不聯而意實相聯屬觀其意可也若泥其說誤矣

古人晨起必濃磨墨汁滿硯池以供一日之用用不盡則棄去來早再作故研池必大而深其真草篆隸皆用濃墨至行草過筆處雖如絲髮其墨亦濃近世惟吳傅朋深得古人筆法其他不然也



以紙加碑上貼於窗戶閒以游絲筆就明處圈却字畫  
填以濃墨謂之響揚然圈隱隱猶存其字亦無精采易  
見

世言紙之精者可支千年今去二王纔八百餘年而片  
紙無存不獨晉人如唐世善書之蹟甫三百餘年亦稀  
如星鳳何也嘗攷其故蓋物之奇異者常聚於富貴有  
力之家一經大盜與水火則舉羣失之非若他物散落  
諸處猶有存者桓元之敗取法書名畫一夕盡焚所喪  
幾何良可悲也

太宗朝搜訪古人墨蹟令王著銓次用棗木板摹刻十卷於祕閣故時有銀錠紋前有界行目錄者是也當時用李廷珪墨拓打揩之不汙手唯親王宰執使相除拜賜一本人閒罕得當時每本價已八百貫文至慶厯間禁中火災其板不存今世所見閣帖多乏精神焉有絳帖以閣本重摹而祕閣反不如絳帖精神乎則此可以觀也

絳州法帖二十卷乃潘舜臣用淳化帖重摹而參入別帖然比今所見閣帖精神過之舜臣筆力單微而自能

鐫石雖井闌階礎皆徧刻無餘所以段數最多或有長尺餘者舜臣死二子析而爲二長者負官錢沒入上十卷於絳州絳守重摹下十卷足之幼者復重模上十卷亦足成一部于是絳州有公私二本靖康兵火石竝不存金人百年之間重模至再慶元閒子官守長沙嘗見舊宰執家有南渡初親自北方攜得舜臣元所刻本末分析時二十卷其家珍藏非得二千緡官陌不冒與人乃北紙北墨精神煥發視金國所模者天淵矣淳化閣帖旣頒行潭州卽模刻二本謂之潭帖余嘗見



其初本當與舊絳帖鴈行至慶厯八年石已殘闕永州僧希白重摹東坡猶嘉其有晉人風度建炎金騎至長沙守城者以爲礮石無一存者紹興初第三次重模失真遠矣

劉次莊摹閣帖於臨江用工頗精緻且石堅至今不會重模獨二卷略殘闕然拓本旣多頗失鋒芒今若得初本鋒芒未失者當在舊絳帖之次新潭帖之上然其釋文間有譌處

上蔡臨模絳帖上十卷雖比舊絳帖少下十卷而迥出

臨江之上余嘗見於長沙兩府劉轡家

武岡軍重摹絳帖二十卷殊失真且石不堅易失精神  
後有武臣守郡嫌其字不精采令匠者卽舊畫再刻謂  
之洗碑遂愈不足觀其釋文尤舛繆然武岡紙類北紙  
今東南所見絳帖多武岡初本耳驗其殘闕處自可見  
彭州亦刻歷代法帖十卷不甚精采紙色類北紙人多  
以爲北帖

元祐中奉旨以淳化閣帖之外續所得真蹟刻續法帖  
元本在禁中後過太清樓今會稽重模本亦不減古絳

帖也

淳化祕閣帖板雖禁中火災不存而真蹟皆藏御府至徽宗朝奉旨以御府所藏真蹟重刊於太清樓而參入他奇蹟甚多其中有蘭亭帖者是也名曰太清樓帖

高宗聖學天成奎文煥發肆筆成書垂法萬世壽皇重規疊矩宸畫尤妙兩朝訪遺書多得晉唐舊蹟至淳熙閒奉旨以御府珍儲模勒入石名淳熙祕閣續帖置祕書省寶慶火災其石不存

汝帖乃王宋輔道摘諸帖中字牽合爲之每卷後有汝



州印爲黃伯思所掊擊不直一文今會稽又以汝帖重  
開謂之蘭亭帖其實汝之靡耳

宋宣獻公刻賜堂帖於山陽金鄉首載古鍾鼎識文絕  
妙但二王帖詮擇未精今石不存胡龍學世將刻豫章  
法書種種精妙今已重模後有小字隸書范忠宣公子  
弟戒者是初本許提舉閑刻二王帖於臨江模勒極精  
然少詮擇廬江李氏刻甲秀堂帖前有王顏書多世所  
未見但繼以本朝名公書頗多大抵今人書自當作一  
等耳曹尚書彥約刻星鳳樓帖於南康軍雖以衆刻重

模而精善不苟竝無今人書韓郡王侂冑刻羣玉堂帖  
所載前代遺蹟多所未見者後亦多今朝人書韓敗後  
入祕書省

蘭亭帖世以定武本爲冠自薛珣作帥別刻石易去於  
元石鐫損天流帶右四字以惑人然元本亦有法可辨  
鐫損四字一也管弦之盛字上不損處若八字小龜形  
二也是日也觀宇宙兩行之閒界行最肥而直界伸腳  
十字下出橫闌外三也管弦之盛盛字之刀鋸利如鉤  
四也痛字改筆處不模糊五也興感之由由字類申列

敘之列其豎如鐵釘此其大略也然定武又自有肥瘦二本而鐫損者乃瘦本爲真定武無疑何以知之今復州本以真定武本重模亦鐫損四字其字極瘦王順伯尤延之爭辯如聚訟然瘦本風韻竟勝豈能逃識者之鑒其瘦本之石宣和間就薛珣家宣取入禁中龕於睿思殿東壁建炎南渡宗澤遣人護送此石至維揚金犯維揚不知所在或云金人以氈裘裹之車載而去世傳二王帖皆以真蹟模勒獨樂毅論就石書丹其石在高學士紳家已殘缺至海字後轉屬趙立之處今重



模者後猶有趙立之印余嘉熙庚子自嶺右回至宜春  
見元本於一士人家用北紙北墨無一字殘缺而清勁  
道媚正類蘭亭字形比今世所見重摹本幾小一倍此  
蓋齊梁閒拓本真人閒希有之寶

元常力命帖惟北本與潭州本佳他無足取

顏碑在南方者尙多麻姑壇記吳興石桂記舊本干祿  
字書妙喜寺記西林題名皆絕品也

歐陽小字千文在邢州溫彥博墓志在東京九成宮碑  
仲夏蘭若二帖化度寺碑丹州刺史碑竝在北方會稽

高續古家有重模化度寺碑咄咄逗真

鴈塔題名帖有北本有彭州本然北本爲上彭本頗失  
真

徐騎省鉉深得古小篆法有篆千文刻石南昌精妙無  
愧古人今已重模失真

余溯瀟湘歷衡潭永全道五郡竝無古刻惟道州有漢  
綏蠻校尉熊君之碑若涪溪中興頌乃唐中世所立邇  
亦已石乏工人每因舊蹟加洗刻以爲衣食業故愈失  
真

余嘗見南嶽一僧云衡山多秦漢以來碑在林莽蔽翳閒寺僧懼爲官司所擾匿不敢言亦不敢遷至屋下故愈爲霜露剝蝕良可歎也

山陰僧僞作王大令書保母墓志韓侂冑以千緡市其石予每疑其贗作殊無一點大令氣象及見東坡所作子由保母墓志語則僧實僞也

古畫辯

古人遠矣曹不興吳道子近世人耳猶不復見一筆況顧陸之徒其可得見之哉是故論畫當以目見者爲準



若遠指古人曰此顧也此陸也不獨欺人實自欺耳故  
言山水則當以李成范寬花果則趙昌王友花竹翎毛  
則徐熙黃筌崔白崔順之馬則韓幹李伯時牛則厲范  
二道士仙佛則孫太古神怪則石恪貓犬則何尊師周  
瓘得此數家已爲奇妙士大夫家或有收其真蹟者價  
已千金矣何必遠求太古之上耳目所不及者哉

李營丘作山水危峯奮起蔚然天成喬木倚磴下自成  
陰軒窗閒雅悠然遠眺道路窈窕儼然深居用墨頗濃  
而皴斫分曉凝坐觀之雲煙忽生澄江萬里神變萬狀

余嘗見一雙幅每對之不知身在千巖萬壑中也

范寬山川渾厚有河朔氣象瑞雪滿山動有千里之遠  
寒林孤秀挺然自立物態嚴凝儼然三冬在目

趙昌折枝尤工花則含煙帶雨笑臉迎風果則賦形奪  
真莫辨真僞設色如新年遠不退王友乃昌之上足賦  
采入昌之室寫生則未逮繼友之後者惟長沙吳澤也  
徐熙乃南唐處士腹飽經史所作寒蘆荒草水鳥野鳬  
自得天趣黃筌則孟蜀主畫師目閱富貴所作多綺園  
花錦真似粉堆而不作圈綫孔雀鵝鸕鷀鸚鵡之禽動止

皆有生意

崔白多用古格作花鳥必先作圈綫勁利如鐵絲填以  
衆采逼真所作荷蘆颯然風生順之乃白之孫綽有祖  
風所作翎毛獨步天下上有御寶乃順之所作玉虛殿  
立屏面流落人間徽廟已艱得之

韓幹與李杜同時所作馬世閒見一二長幀上作街道  
闌干不作馬攏并無他物其馬神駿不可名狀

伯時惟作水墨不設色其畫殆無筆跡凡有筆跡重濁  
者皆僞作其餘人物面相尤妙



厲歸真范不泯皆異人厲多作寒林而牛則遠觀如活  
近視有未工處范多作楊柳筆頗嫩而牛亦不及厲然  
二家近時所無

孫太古蜀人多用游絲筆作人物而失之軟弱出伯時  
下然衣褶宛轉曲盡過於李

石恪亦蜀人其畫鬼神奇怪筆畫勁利前無古人後無  
作者亦能水墨作蝙蝠水禽之屬筆畫輕盈而曲盡其  
妙

何尊師不知何許人周炤則熙寧畫院祇應所作貓犬

何則有士夫氣周則工人態度然生動自然二家皆有古畫多直幅至有畫身長八尺者雙幅亦然橫披始於米氏父子非古制也

河北絹經緯一等故無背面江南絹則經粗而緯細有背面唐人畫或用搗熟絹爲之然止是生搗令絲褊不碍筆非如今煮練加漿也古絹自然破者必有鯽魚口與雪絲僞作者則否或用絹包硬物椎成破處然絹本堅易辨

古畫色黑或淡黑則積塵所成自有一種古香可愛若

僞作者多作黃色而鮮明無塵暗此可辨也

古畫軸多作簪頂軸小而重今人所用多如蔗段大而輕古人用棗木降真烏木象牙他木不用也

米南宮多游江湖間每卜居必擇山水明秀處其初本不能作畫後以目所見日漸模倣之遂得天趣其作墨戲不專用筆或以紙筋或以蔗滓或以蓮房皆可爲畫紙不用膠礬不冑於絹上作一筆今所見米畫或用絹者皆後人僞作米父子不如此

臨江楊无咎補之學歐陽率更楷書殆逼真以其筆畫



勁利故以之作梅下筆便勝花光仲仁補之嘗游臨江  
城中一倡館作折枝梅於梁上矮屋至今往來士夫多  
往觀之倡藉以壯門戶端平閒爲偷兒竊去其壁車馬  
頓稀今江西人得補之一幅梅價不下百千匹又詩筆  
清新無一點俗氣惜其生不遇蘇黃諸公今人止以作  
梅目之竟無品題之者

郭忠恕石恪厲歸真范不泯輩皆異人人家多設絹素  
筆硯以俟其來而求畫然將成必碎之閒有得之者不  
過一幅半幅耳李營丘范寬皆士夫遇其適興則畱數

筆豈能有對軸哉今人或以孤軸爲嫌不足與之言畫  
矣

擇畫之名筆一室止可三四軸觀玩三五日別易名筆  
則諸軸皆見風日決不蒸溼又輪次挂之則不令惹塵  
埃時易一二家則看之不厭然須得謹愿子弟或使令  
一人細意舒卷出納之日用馬尾或絲拂輕拂畫面切  
不可用椶拂室中切不可焚沉香降真腦子有油多煙  
之香唯宜蓬萊甲箋耳窗牖必油紙糊戶口常垂簾一  
畫前必設一小桯以護之桯上勿設障畫之物止宜香

江天清集  
三  
爐琴硯極暑則室中必蒸熱不宜挂壁大寒於室中漸  
著少火令如二月天氣候挂之不妨然遇夜必入匣恐  
凍損

畫不脫落不宜數裝背一裝背則一損精神此決然無  
疑者墨蹟法帖亦然

古畫絹脆以手指點之皆能破損一壞則不復可救又  
有酒餘污染食後油膩此皆大戒切須片紙先寫此說  
粘窗間以呈客方可引客入觀然又有以此獲罪於貴  
客者所以人家有法書名畫止可時以自娛苟以奇品



自銜成賈禍之媒切宜謹之墨蹟法帖亦然若古鐘鼎  
尤脆爛手觸之則糜潰米元章之言如此

人物顧盼語言花果迎風帶露飛禽走獸精神逼真山  
水林泉清潤幽曠屋廬深邃橋約往來山腳入水澄明  
水源來歷分曉有此數端雖不知名定爲妙手  
人物如尸似塑花果類瓶中所插飛禽走獸但取皮毛  
山水林泉模糊遮掩屋廬高大不稱橋約強作斷形山  
腳不澄明及水源無來歷凡此數病皆謬筆也

郭熙畫於角有小熙字印趙大年永年則有大年某年

筆記永年某年筆記蕭照以姓名作石鼓文書崔順之  
書姓名於葉下易元吉書於石閒王晉卿家藏則有寶  
繪堂方寸印米元章有米氏翰墨米氏審定真蹟等印  
或用圓印中作米芾字如蛟形江南李主所藏則有建  
業文房之印內合同印陳簡齋則有無住道人印記蘇  
武功家則有許國後裔蘇耆國老等印東坡則用一寸  
長形印文曰趙郡蘇軾圖籍吳傅朋則曰延州吳說私  
印

石恪作飛鼠張之則鼠不入室何尊師作貓則鼠皆遠

避宮洞於雪川長興成山寺羅漢壁上作猿鶴皆走而  
復歸吳道子作出水小龍在姑蘇達官家舒之則雲霞  
生信州懷玉山有畫羅漢郡中每迎請祈雨常有一二  
身飛還寺中

宋復古作瀟湘八景初未嘗先命名後人自以洞庭秋  
月等目之今畫人先命名非士夫也

近世畫手絕無南渡尙有趙千里蕭照李唐李迪李安  
忠栗起吳澤數手今名畫工絕無寫形狀略無精神士  
夫以此爲賤者之事皆不屑爲殊不知胸中有萬卷書



目飽前代奇蹟又車轍馬跡半天下方可下筆此豈賤者之事哉

唐盧楞伽筆世人罕見余於道州見所畫羅漢十六衣紋真如鐵綫惟崔白作圈綫頗得緒餘至伯時萬不及也

畫無筆蹟非謂其墨淡模糊而無分曉也正如善書者藏筆鋒如錐畫沙印印泥耳書之藏鋒在乎執筆沈著痛快人能知善書執筆之法則知名畫無筆蹟之說故古人如孫太古今人如米元章善書必能畫善畫必能

書畫其實一事爾

人物鬼神生動之物全在點睛睛活則有生意宣和畫院工或以生漆點睛然非要訣要須先圈定目睛填以藤黃夾墨於藤黃中以佳墨濃加一點作瞳子須要參差不齊方成瞳子又不可塊然此妙法也

臨者謂以元本置按上於傍設絹素像其筆而作之謬工決不能如此則以絹加畫上摹臨之墨稍濃則透汙元本頓失精神若以名畫借人摹臨是棄之也就人借而不從尤非名鑒者也米元章就人借名畫輒模本以

還而取其元本人莫能辨此人定非鑒賞之精也

唐小李將軍始作金碧山水其後王晉卿趙大年近日趙千里皆爲之大抵山水初無金碧水墨之分要在心匠布置如何爾若多用金碧如今生色罨畫之狀而略無風韻何取乎與水墨異其爲病則均耳

畫忌如印吳道子作衣紋或揮霍如蓴菜條正避此耳由是知李伯時孫太古專作游絲猶未盡善李尙時有逸筆太古則去吳天淵矣

此書近時刻本皆譌清祿爲錄且去集字又謬分



爲十一門似未詳讀本序者也古畫辨中次第亦多錯亂皆當以此本爲正康熙癸巳義門何焯記右本傳自陸朗夫中丞家元澹生堂鈔本經何義門手校者較胡文煥刻本多一十九條又不特如義門所云序次不同而已寶之寶之

乾隆乙卯七夕歙鮑廷博書於西湖沈莊

洞天清祿集終

道光丁未鑄

周  
燾  
三  
類  
編

海山仙館叢書



海山錄

周燿見鼎

直方

調燮類編目次

卷一

總綱

乾棟

坤維

時令

宮室

卷二

身體

器用

衣服

寶玩

文苑

秘方

卷三

粒食

清飲

蔬供



葷饌

菓品

卷四

花竹

草木

鳥獸

虫魚

襍著

雜

五

四

三

二

一

十

九

調燮類編卷一

總綱

天體如碧瓊透映而渾圓七曜列宿層層旋轉以裹地  
地如彈丸適天之最中人所居立皆依圓體天運旋於  
外其氣升降不息四面緊塞不容居側地不得不凝於  
中以自守也然總無方隅四面都是上無可墜處適天  
之至中亦無可倚處天之東升西降亦就人所居而言  
天則無處非升無處非降渾淪環轉而已地圓則無處  
非中以天頂而分四方亦可界爲三百六十度以合天



行也

天經或問

天之虛非虛也虛者氣充滿之無有空隙如以瓶挈水  
閉其一孔水便不入氣塞中也氣卽天也地之實非實  
也氣出入之雖有土石其堅者悉在皮表進焉則虛濡  
也天內有氣故時結爲欒槍彗孛諸星映爲暈珥靄珮  
諸象地內有空故潮汐呼吸轉爲泉源深山大谷吐爲  
雲霧陰伏陽愆發爲震撼其理一也

天經或問

西人精於天文其厯法較中法尤爲縝密中法謂水載  
地而天包水而氣承天西法謂地居天中四面皆空亦

四面皆上中法謂天圓如倚蓋地方如棋局西法謂天體圓地體亦圓中法謂天去地二億一萬六千七百八十一里半度地之厚與天高等南北相去二億三萬五千五十七里二十五步東西短四十步西法謂天體不可思議地體循環不過九萬里中法指恆星爲天西法七政恆星各居一重天而恆星之上復有天中法分周天爲三百六十五度有奇西法齊之以三百六十中法分一日爲百刻西法齊之以九十有六中法南極入地三十六度常隱不見北極出地三十六度西法極之高

低因人所居而定中法日月有形無質故相遇不相碍  
西法日去人遠月去人近竿影可驗又論恆星有南北  
差黃赤道有疎密差七政有視差七政近地平有清蒙  
氣差日食有三差生於視又有外三差生於氣月食時  
刻與節氣時刻有里差種種數法根極理要令術家無  
可置喙又謂日大於地月小於地五星大於月月食於  
地影論似奇而實確月五星有本輪有次輪輪法雖繁  
而實當至若算歷有術三角八線之用通神達化窺天  
有器渾儀遠鏡之制窮巧極工是以蹟無不探隱無不



索義和復起弗能易矣

敬堂  
文鈔

凡地以名山爲輔佐石爲之骨川爲之脉草木爲之毛  
土爲之肉東西爲緯南北爲經山爲積德川爲積刑高  
者爲生下者爲死邱陵爲牡谿谷爲牝山者水之源水  
者山之委諸山皆發於崑崙本雖同而末則異諸水皆  
會歸於海本雖異而末則同所以山愈聳愈高而分則  
小水愈下愈大而合則多其勢然也

廣治  
平暑

山西少雷滇南無雪粵中無瘴氣燕地冬無雨推而論  
之如太平海全無風浪大西洋至大明海四十五度以

南風有定候四十五度以北風常變亂倏忽更二十四  
向小西洋至大浪山潮極大而風浪甚險滿刺加國無  
風而倏起數里之波北極之北海冰堆成山矣哥阿之  
地無雨常晴晴至數年德墨多國則多雨泥入多國則  
無雨亦無雲泥祿河一年一漲亞大臘之山頂終古晴  
明蓋其地獨高雲雨皆在其下耳然則風晴雨雪亦隨  
時隨地爲之非可一律求也

堪輿志

歷所紀者候也而候之所應則惟氣氣至而物感物而  
候變如天地之氣撓萬物者莫疾乎風也正月而東風

風解凍則天地收斂之氣散矣七月而涼風至則天地發舒之氣散矣動萬物者莫疾乎雷二月而雷始發聲陽之中也八月而雷始收聲陰之中也悅萬物者莫悅乎澤潤萬物者莫潤乎水六月而土潤溽暑大雨時行者陰之濕陽之終也十一月而水泉動十二月而水澤腹堅者陽之動陰之終也陰陽之氣變而爲虹季春虹始見者陽勝陰也孟冬虹藏不見者陰勝陽也陰陽之氣鳥獸草木得之爲先鷹主殺而秋擊鼠主貪而夜出而卯辰之月能化鳩鴛者以卯辰者陽之壯陰爲陽所



化也爵乳子而春集雉求雌而朝昬而戌亥之月能爲  
蜚蛤者以戌亥者陰之極陽爲陰所化也蜚虫啟戶者  
與陽俱出也蟄虫坏戶者與陰俱入也孟春而獺祭魚  
者逐陽氣而上游也季秋而豺祭獸者感陰氣而見殺  
也春而鴻雁北元鳥至者各乘其陽氣之所宜也秋而  
鴻雁來元鳥歸者各乘其陰氣之所宜也二月而倉庚  
鳴四月而蜚蠊鳴者鳴以陽也及五月一陰始生鵙一  
鳴而反舌則無聲矣七月而寒蟬鳴者鳴以陰也及十  
一月一陽始生鷦鷯能鳴而感陽則不鳴矣四月而蚯蚓

蚓出者陰之屈者得陽而伸也十一月而蚯蚓屈者陽雖生矣而陰尙屈也夏至得一陰而鹿角解者鹿陽獸也冬至得一陽而麋角解者麋陰獸也草木正月而萌動者陰陽交而爲泰也九月而黃落者陰長陽消而爲剝也桃桐華於春者應陽之盛也黃菊華於秋者應陰之盛也四月靡草死者陰不勝於陽也十一月而荔挺出者陽初復於陰也麥得陰之稊也故金旺而生火旺而死而麥秋在於四月也禾得陽之稊也故木旺而生金旺而熟而禾登於七月也至於腐草之爲螢則植物

之變爲動物無情之變爲有情豈非陽明之極而陰幽之物亦隨之以化哉大抵陰陽二氣無形而默運於內風雨露雷昆虫草木有形而改變於外君子觸其景而測其應則可以寓對時育物之心因其候而思其義則可以悟陰陽貞勝之理矣

廣治平畧

木火土金火五行相生之序也水火金木土五行相尅之序也然往來生死循環無端東方木而丹章有金銅之山南方火而交趾有大海之川西方金而蜀隴有名林之林北方水而幽都有積砂之地則生尅無定位也



水性寒也而有華陽之溫泉火性熱也而有蕭邱之寒  
燄金性堅也而有拂菻之流金木性浮也而有哀牢之  
沉木則生尅無定質也非心通造化者孰能究其微乎

文樞

堅土之人剛弱土之人柔墟土之人大沙土之人細息

土之人美垆土之人醜

家語

輕水者多禿與癭人重水者多尪與僂人甘水者多好  
與美人辛水者多疽與痤人苦水者多疝與偃人  
木氣人勇金氣人剛火氣人強而燥土氣人智而寬水

呂氏春秋

氣人急而賊

任子書

山氣多男澤氣多女水氣多暗風氣多聾木氣多偃石  
氣多力險阻氣多癭暑氣多殘雲氣多奇谷氣多痺邱  
氣多疔衍氣多仁陵氣多貪

草木子

耳目爲陽也故便左手足爲陰也故便右人之目上睫  
動者天氣運於上也人之口下頰動者地氣運於下也  
河以北坎位也故其人多內實江以南離位也故其  
人多內虛內實者陽在內宜寒瀉內虛者陰在內宜溫  
補九爲老陽六爲老陰乃數之極極則不生惟變化

耳八爲少陰七爲少陽少則生育生育之道交媾存乎  
其間故八交七七交八八交七是以女子生也七月而  
齒七歲而鬻二七而天癸至七七而天癸絕七交八是  
以男子生也八月而齒八歲而鬻二八而天癸至八八  
而天癸絕蓋男子少陽得七數其根實在於八女子少  
陰得八數其根實在於七也 或問三魂七魄之說答  
曰此洛書九宮之位三居於東七居於西東爲木主藏  
魂者肝也西爲金主藏魄者肺也 人之手心抓而不  
痒足心抓之則痒者何也蓋人手心通心氣心屬火喜



動故不痒人之足心通腎腎屬水喜靜故痒

蠡海集

男子之生也覆女子之生也仰其死於水也亦然男子

內陽而外陰女子反是

東坡志林

人生一月而膏二月而肤三月而胎四月而肌五月而筋六月而骨七月而成八月而動九月而躁十月而生

淮南

子

髮乃血餘齒乃骨餘指甲乃筋餘氣乃神餘

相經

心精爲火其色赤其竅上通於舌肝精爲木其色青其竅上通於目肺精爲金其色白其竅上通於鼻腎精爲

水其色黑其竅上通於耳脾精爲土其色黃其竅上通

於口

子華子

肺病好哭脾病好歌腎病好呻吟肝病好呌呼心病好

妄言

脉勇怒而面青骨勇怒而面白血勇怒而面赤 神爲

氣主神動則氣隨氣爲水母氣聚則水生故人一身貧

心動則津生良心動則淚生愧心動則汗生慾心動則

精生

彙纂

入心思火則體熱思水則體寒怒則髮豎驚則汗滴懼

則肉顫愧則面赤悲則淚出慌則心跳氣則麻痺言酸  
則垂涎言臭則垂唾言喜則笑言哀則哭又若日有所  
見夜必夢擾日有所思夜必譫語竅迷則成痴怒則發  
狂此皆因心而生者也可於靈君令一刻不在絳宮  
以統百屬乎 精氣神道家所謂內三寶也耳乃精竅  
目乃神竅口乃氣竅是爲外三寶寶內所以安外寶外  
亦所以養內也

遵生  
箋

東方有比目魚南方有比翼鳥西方有比肩獸北方有  
比肩民中有枳首蛇此四方中國之異氣也

爾雅



動物本諸天故頭順天而呼吸以氣植物本諸地故根順地而生降以津蓋動物取氣於天而乘載以地植物取精於地而生養以天

通攷

人順生草木倒生禽獸橫生

說原

甲虫影伏羽虫體伏食草者多力而愚食肉者勇敢而悍齧吞者入竅而卵生咀嚼者九竅而胎生無角者膏而先前有角者脂而先後食葉者有絲食土者不息食而不飲者蠶飲而不食者蟬不飲不食者蜉蝣屬卻行蛇屬紆行蜻蛉屬注鳴蜩屬旁鳴發皇翼鳴蚣屬

鳴榮原胃鳴

酉陽  
雜俎

蝟使虎口蛇令豹止物各有所制也鵲巢知風之自獮

穴知水之高下

淮南子

視鷗制施觀魚制帆鳩食桑甚則醉貓食薄荷則醉虎  
食狗則醉鷄鵲能救水故宿水而物不害鶴能步巫禁  
蛇啄木遇蠹以嘴畫字成符而蠹出鵲有隱巢木鷺鳥  
不能見燕避戊巳日則巢固而不傾鸛有長水石故能  
於巢中養魚而水不涸燕惡艾雀欲奪之則啣其中  
鷺避戊巳蝠伏庚申一歲三蚕則桑弱馬耗鳥無胃

肺蛤蜊無臟蛭以空中而生蠶以無胃而育 蛄抱者

鵠鵠鸛雀也影抱者龜鼈鼃鼃也 獾皮殼甚銳然性

畏蚊蚊小螫之輒斃煮羊以鬲煮鱉以蚊物有相感鵠

胡飲水數升而不足鱣鮪入口若露而死猿有手可以

捕鼠鹿有角可以制犬而制於犬

續博物志

飛禽卵皆先具形待交始生育走獸胎生胎則遇交始  
成形生育是以有旦卵無旦胎也獸得陰數陰數無始  
爲無上故無翼禽得陽數陽數無終爲無下故一竅而  
無尿也 鷄鵝鴨家畜不能飛其他野禽皆能飛或曰



家畜皆卵內卽生毛故不能飛野禽皆卵外生毛故能飛又曰家畜雌抱伏而雄不抱伏得陰氣多故不能飛野則雌雄皆抱伏故能飛也二說皆通 春夏之氣飛騰物因之而變化者亦然青虫化爲蝴蝶水虫化爲蜻蜓之類是也秋冬之氣潛降物因之而變化者亦然雀入大水爲蛤雉入大水爲蜃之類是也

鶴以怨望鴟以貪顧雞以嗔視鴨以怒嗔雀以猜懼燕以狂肝鶯以喜嚙鳥以悲啼鳶以飢鳴鶴以潔唳梟以凶呌鵝飛則蜮沉鵝鳴則蜩結鵲俯鳴則陰仰鳴則晴

陸生之鳥味多銳而善啄水生之鳥味多圓而善啖短

脚者多伏長脚者多立

禽經

鷺目成而受胎鷓鴣影接而懷卵鴛鴦交頸野雀傳枝

龍能變水人能變火

陰陽變化論

鳩化為鷹之類皆身在而心化若鼠為鴽雀雉為蛤蜊

之類皆據身而化

周禮注

鶴以聲交鵲以意交鳩鵲以睛交而孕凡禽以翼右

掩左者雄左掩右者雌野鷄屬陰先鳴而後鼓翼家鷄

屬陽先鼓翼而後鳴

爾雅疏

詩經卷第一

乾爲馬坤爲牛乾陽物也馬故蹄圓坤陰物也牛故蹄折陽病則陰勝故馬疾則卧陰病則陽勝故牛疾則立馬陽物也故起先前足卧先後足牛陰物也故起先後足卧先前足

造化權輿

暮鳩鳴卽小雨朝鳶鳴卽大風鵝驚鬼鵲厭火孔雀避惡牛走順風馬走逆風犬喜雪馬喜風豕喜雨兔吐子鷓鴣吐雛蝦蟆無腸龜腸屬於頭羊跪乳爲孝鹿斷腸爲慈蟻立君臣雁篤夫婦犬馬報主雉知時鵲知風蟻知水其精靈有勝於人者

通典



龍不見石人不見風魚不見水鬼不見地 人火得水

則滅龍火得水而熾

內典

虎善卜狸善搏鶴善符鶴善舞鷄善鬪鸞善歌鸛鶴善  
言鳩善步罌鴛善畫印鴻鵠善勅螺贏善祝蛇蟠向壬  
鵲巢避太歲燕伏戊己虎奮衝破乾鵲知來猩猩知往  
鶴聲抱鰲睛抱蝦蟇聲抱熊宜經鳥宜申龜宜息狼宜  
顧此皆物性自然之巧也 青要食虎金翅鳥食龍蜈  
蚣食龍鼠食象獅食象角端食獅元龜食蟒蚺蛇吞鹿  
狼蝨齧鶴蚺蛆困螭蛇蟾斃蜈蚣飛鼠斷猿豈在形之

大小哉氣足以制之而已 獼飲酒而斃猩猩飲酒而

伏虎食楊梅而醉雀食木鱉而醉熊食鹽而死魚食巴

豆而浮雒鵠食豕肉而瘋猫食黃魚而癩狗食木鱉而

死此皆物性之違也

留青

陰陽變化莫可端倪如雀化蛤雉化蜃虵化雉蛙化鶉  
黃魚化鶉田鼠化鶉鷦鷯化雕鷹化鳩鵲復化鷹虎化  
鰻鰻亦化虎海鯨化虎鰭魚化鯊蛇化鱖竹化鱖荇茅  
根化鱖死人髮化鱖腐菌化蜂橘蠹化蝶蔬菜化蝶樹  
葉化蝶壤帛化蝶水蠶化蜻蛉飯粒化蜘蛛茅根化蠅

爛灰生蠅蛆化蠅蠅復生蛆茅根化螢竹根化宵行朽  
木化蟬木蠹虫化蠨牛白瓜子化蠹魚稽之簡策確有  
可據其他書不盡傳而山林湖海之士能鑿鑿言之者  
又不知凡幾也陰陽摩蕩神矣哉

敬齋  
隨筆

象胆隨四時在四腿熊胆春在首夏在腹秋在左足冬  
在右足黃頰魚胆春夏近上秋冬近下蚺蛇胆上旬近  
頭中旬在心下旬近尾 龜行氣導引鶴能任運脉熊  
舉目引氣謂之熊經蝙蝠善伏氣鹿卧啣外腎能通督  
脉猴無脾以行消食鷓鴣夜飛則以木葉自覆其背綬



鳥必遠草木慮觸其嗉黃鳥冬月以泥自裹伏候春始  
出鵲伏子擇礪石以煖氣鴛鴦窟破塚間以狐自衛烏  
賊魚吸波喫墨令水溷黑以自全 鷄知將旦鵲知夜  
半驢鳴應更鵲亦應更節猫目可定時魚腦螺肉及蜊  
黃白皆應月獺肝一月一葉猫鼻常冷惟夏至一日則  
溫虎啗人狸啗鼠皆隨月旬爲上下 鵲鳴在上蛇蟠  
不動鵲鳴在上蝟反不行魚不畏網罟而畏鵲鵲白蟻  
聞竹鷄聲則化爲水 龍畏蠟蛟避筍守魚以鯿養魚  
以鱖 狐善疑猶善豫 鵲立必順風而東向鷓鴣開

翅必先南翥 猫欲孕可以借氣於帚雞無雄可以借  
氣於灶 羊性前逆宜驅牛性前順宜牽 鷦鷯刺巢  
如鞭綬鳥吐物如錦 鷺啄則絲偃鷹捕則角弭藏殺  
機也 鵝見異類差翅鳴雞見同類拊翅鳴 子規先  
春而鳴百舌夏至而嘿斑鳩雄呼晴雌呼雨鸛羣飛擊  
雨雨爲之散鵲嚮風搖翅因風疾擊 鳥迎風而飛魚  
逆流而上 山雞自愛其羽毛終日影水自照孔雀  
密護其身弗令人見象退牙犀退角麝退香皆輒藏覆  
狐能禮北斗烏魚首有七星夜朝北斗 蛭寸裂得

水則生鱉既烹得莧卽活 蝦蟆懷土取置遠處一夕

自返雲南繭蝶攜至別省萬里飛回 鹿比類而環角

以自防羚羊獨棲而懸角木上以遠害 獺祭魚其祭

也圓鋪水象也豺祭獸其祭也方鋪金象也 鷹不擊

伏鶻不擊妊 蜂一日兩朝應潮上下蟻居必有等行

必有隊羣鹿視麀尾爲準羊以一雄爲主舉羣聽之雉

分地爲界以一雄爲主莫敢越界 蜈蚣性制蛇而

蜘蛛蝸牛蜒蚰能制蜈蚣 蛙畏蛇而制蜈蚣三物相

值皆莫能動 象傷見日卽痊蝎尾斷能自續 麀尾



生風蜥蜴吐雹蟹畏霧蠶畏風濕鯨畏隙光射之必死  
而日中曝之反無恙 馬力在膊驢力在臚象一軀之  
力皆在鼻 鹿走必山岡駱駝知泉脉雞子日中則正  
正日昃則偏蝌蚪月大先生前足月小先生後足牛於  
月望前生者子行母前月望後生者子隨母後 象交  
牝則在水中以胸相貼瓦雀雌雄相感必一俯一仰  
海東青小鳥也能擒天鵝燕弱鳥也能剪海東青鸚鵡  
四趾齊飛鷓鴣一足起舞烏魚胆甘鰕魚有肚烏鰂引  
鳥鮫鯉誘蟻鰻鰻附鬣而生水母以鰕爲目雉鵒取火

火鴉吞炭鰻魚腹中能貯水養子鸛鳥伏子能營池養魚此皆化工之巧在物亦不自知其所以然也

彙抄

禽畜菜茹之色所在不同如江浙間豬黑而羊白至江廣吉州二者反是蘇秀間鵝皆白或有斑褐者則呼爲雁鵝若吾鄉凡鵝皆雁也小兒至取浙中白者飼養以爲湖沼觀美浙西常茹皆紫其皮白者爲水茹吾鄉凡茹皆白而水茹則紫其異如是

宋永亨搜采異聞錄

東方多麥稻西方多麻北方多菽中央多禾 漠北五穀不生地氣冷故也今温州田禾一歲四熟廣東又有

三熟田地氣煖故也 杭有水旱二種南方地下塗泥  
多宜水稻北方地平惟澤土宜旱稻西南夷亦有燒山  
地爲畚田種旱稻者謂之火米 五穀之種數百各隨  
土地所宜其形之光芒長短大小不同也其色味之赤  
白紫烏堅鬆香否不同也其性之溫涼寒熱亦因土而  
異 觸露不指葵日中不剪韭 薑畏烈日藕畏南風  
芡菱喜穢語芝蔴須夫婦同種 望梅止渴食芥墮淚  
五液之自外也 蓬生麻中不扶自直青出藍染反勝  
於藍 南瓜節節生根柳楊倒插亦活

農圃  
全書



稻花也葵花也蓮花也晝炆宵合而向日麥花也菱花也拘佛頭花也宵炆晝合而向月親陽親陰性也

留留青

四時有花者月桂四季桂月月紅而春夏秋冬各有其種者碎剪羅也四時不凋者松柏樟竹石楠冬青黃楊棕櫚黃柏樟腦萱草萬年青吉祥草金星草木賊草黃連厚朴麥門冬金銀藤而秋盡冬花春實夏熟合四時爲生成者枇杷也草木分雌雄者穀樹竹笋鷄舌牛膝而雌雄必須相對或映水乃結實者銀否也草木具人物形者柏木楠木蕪菁松芥枸櫞茯苓枸杞商陸而五

官四肢畢備或夜半能作人聲呼呌者人蓐也

通攷

梧桐紀月左右生十二葉從下敷一葉爲一月有閏則生十三葉藕十二孔閏益一孔茨菰一根環十二子閏年十三子芋生應月遇閏則益立夏後種卽不孕子菱花背日而舒晝合宵炕隨月轉移葵葉傾日不使照其根黃楊性最難長每閏年則低一寸臭條隨日東向轉西暮則下垂至旦仍東向日胡椒葉晨開暮合夜合花暮葉自合何首烏入夜藤自交合天將雨檉先起號爲雨師冬青花五穀樹並可占水旱類而推之則古史所

紀朱草生莢英滋亦常理耳鳥足怪

景典

萱草可忘憂夜合花蠲忿橙花難發榛實多空桃花愛  
艷粧罌粟喜穢語桂樹氣侵他木瑞香味損群花玫瑰  
喜分移菟絲能絕地枳枸能奪酒味椰漿可以醉人楊  
花入水化爲萍橘樹逾淮變爲枳蚯蚓結爲百合馬漈  
化爲菰蓉梧桐枝實幹疎郁李先開後合虞美人花見  
人謳歌則動搖如舞紫薇花樹禿無皮搔之枝卽搖動  
唐棣樹潤無風自動獨活得風不搖無風自動草木雖  
曰無知氣機自能鼓鑄拈花微笑會心者應嘿嘿點首



也彙抄

桃枝以四寸爲一節木瓜一尺一百二十節木蘭去皮不死荆木心方木再花夏有雹李再花秋大霜山上有葱下有銀山上有薤下有金山上有薑下有銅錫山有寶玉木旁枝皆下垂

西陽襍俎

金百鍊不輕久埋不黯而精氣往往外現玉氣如白虹精氣見於山川餌玉者能化之爲水消之爲粉燒之爲粉最奇者火玉可烹鼎煖玉可辟寒寒玉可辟暑香玉有香軟玉質柔觀日玉洞見日中宮闕銀能鎮心可粉

可柔可鍊爲母珠禦火災尤珍者能夜明能走盤能定  
風能辟塵能履水馬腦天生文彩其中往往有人物鳥  
獸諸形玻璃展開有兩點花紋玫瑰起之層層各異猫  
睛石一線中橫四面活光輪轉照人空青有漿者能化  
銅鐵鉛錫作金珊瑚能化金漿玉液琥珀中有蜂形可  
拾芥妙硫砂面面如鏡遇陰晦有紅漿汁出也柏砂奕  
奕光生照見一室雄黃奇特者價類金有孕佩之轉女  
成男雌黃陰山金氣所薰造化黃金非此不成亦能柔  
五金乾汞此皆寶氣之神明變化非明眼人莫測其底

裏也彙鈔

聞鐘可識興衰聽瑟可知生殺鼓音可驗晴雨燈心可  
辨吉凶漆器雷火不焚棕繩入水不朽洋鏡光映千里  
羅盤字定四方陽燧對日則燔方諸照月則潤桃符辟  
鬼筆墨通靈璣衡上測天機斤削下關地氣凡此皆人  
工所製而氣機應焉況秉五行之精而各從其類者乎

通攷

模樁熟柿皂莢藏蟹死猫引竹翡翠屑金人氣粉犀物有  
相感非人智慮所及

歸田錄



虎嘯風生龍吟雲起磁石引針琥珀拾芥漆得蟹而散  
麻得漆而軟樹得柱而枯戎鹽累卵獺胆分杯其氣爽  
之相關感也

本草經

胡桃燒灰可藏針酸漿入孟水垢浮燈心能細乳香榧  
子能軟甘蔗撒鹽入火中炭不曝皂角入竈突煙煤堅  
瓜得白梅爛栗得橄欖香猪脂炒榧皮自脫韶粉和梅  
牙不酸滑石可去衣油石灰可藏鐵器羹湯洗杯青蠅  
不至燂炭斷道行蟻自回桐油入水池荷死江茶入水  
池菱枯松毛可殺米虫麝香能祛壁虱馬食雞糞則生

骨眼蒼蠅蝕蠶則生肚虫春日火烟青冬日火烟黑香  
油抹龜眼則入水不沉唾津抹蝶翅則當空高飛乳香  
久留能生舍利松根年久則生茯苓橘樹不宜肥枇杷  
不宜糞羚羊角能碎佛牙人髮根粘起舍利橘過江北  
化爲枳麥得濕氣則爲蛾荆葉逼蚊虫臺葱逼蠅子酒  
能發香藕皮散血葶薺煮銅則軟甘草煮銅則硬芒種  
日螳螂一齊出九月九蚊子嘴生花燕畏艾入蝎畏蝎  
牛磬畏茈茹芥怕肥皂螺螄畏雪落蜘蛛申日能越燕  
子戊日不歸夏月熱湯入井成冰冬用柳絮襯硯不凍

草索可祛青蠅薺莖能衛飛蛾蠶過小滿則無絲蟹過  
霜降方可食枳實軟魚骨薄荷去魚腥燈心能煮江魷  
麻葉可逼蚊子物類相感如斯而已

東坡物類  
相感志

蛇化爲龜雀化爲蛤蓋其神淺精思之有日時至形化  
性使之然也 老楓化爲羽人朽麥化爲蝴蝶自無情  
而之有情也賢人化爲貞石蚯蚓化爲百合自有情而  
之無情也 朽瓜爲魚腐草成螢糞丸生螭白人血化  
野火感氣而變化固無足怪 昆虫不蟄不能奮揚木  
不斂津豈能條暢 梟夜明而晝昏雞晝明而夜昏稟



性使然也 牝牡之道龜龜相顧神交也鶴鶴相唳氣  
交也蓋由情愛相接所以神氣可交也豺虎行草木偃  
毒鴆怒土石揭威之所鑠氣之所搏頑嚚爲之作 狐  
狸之怪雀鼠之魅不能幻明鏡之鑑者明鏡無心之故  
也 悲則雨淚辛則雨涕憤則結癭怒則結疽心之所  
欲氣之所屬無所不有 胡人多髯矧足羌人扞鼻仰  
首胡夫越婦生子似父蠻夫羌婦生子似母或陰孕陽  
或陽孕陰也梨接桃其實毛梅接杏其實甘或剛孕柔  
或柔孕剛也 礪松所以能凌霜者藏正氣也美玉所

以能犯火者蓄至精也鏡非求鑑於物而物自投之橐  
非求飽於氣而氣自實之觀其文章則知其人貴賤  
焉觀其書篆則知其人性情焉聞其琴瑟則知其人道  
德焉聞其教令則知其人吉凶焉

譚子  
化書

乾棟

天經或問天大地小地在天中大氣舉之四面皆空人  
附地四面皆上腴豆可驗也

春秋內事積陽之熱氣生火火氣之精爲日故陽燧見  
日則熱而爲火按陽燧以銅爲之如鏡而中凹投艾向

日取火立熱 淮南子註方諸大蛤也熟摩拭令熱以  
向月則水生可治內熱朱子曰雷雖只是氣但有氣便  
有形據此則雷斧雷字之說理或有之必泥王充論衡  
非敬天之道也

重霧三日必大雨未雨不可出行

雲笈七籤五日午時取天落水磨硃寫一龍字明年若  
又雨取水磨墨寫一龍字如錢大二字合作一丸婦人  
難產乳香湯吞之生出男左女右手中握字丸卽下如  
次年無雨丸字無用矣每年須寫百字以濟人



詩經卷之十一  
雪水甘寒收藏能解天行時疫一切熱毒烹茶最佳或  
疑太冷實不然也

大霧不宜遠行宜少飲酒以禦霧障

星月下裸形觸犯天神易于邪崇

暴風雨震雷昏霧皆是諸龍鬼神經過宜入室燒香靜  
坐以避之吉切勿犯房

大風雨雷電時犯房者生子頑愚無賴日月蝕犯房者  
生子五官不備

凝視日光損目

雷鳴初打牀荐能去壁虱

大風大霧大寒大熱勿冒犯之以一握元氣豈可與大  
造敵耶必不得已亦須飽食一切熱氣寒氣及邪氣難  
入

梅雨水洗癬疥滅癰痕入醬令易熱沾衣便腐澣垢如  
灰汁有異他水

電水醬味不正取一二升納囊中卽如本味

天經或問俗傳天開門史志謂之天裂非真裂也此是  
火際偶吸下土之氣鬱積騰燄如金銀在爐冶中鎔躍

之狀與彗孛雷電同也亦或有晝見兵馬戈戟行空者  
或見樓臺宮室森然者是日光爲濕雲所蔽濕雲上受  
日光下吸地影故有此象若倒映水面卽蜃樓之類也  
見者慎勿驚訝

驗日影法周禮馮相氏以土圭立表冬夏致日春秋致  
月夏至日景同影尺五寸冬至景丈三尺春分秋分景七  
尺三寸六分

觀雲法周禮注二分二至觀雲預備斗威儀青雲爲虫  
白雲爲喪赤雲爲兵荒黑雲爲水黃雲爲豐年



斗威儀觀日法政太平日五色政公平日黃中而赤暈  
政和平日黃中而黑暈政象平日黃中而白暈政升平  
日黃中而青暈觀月法政太平月多曜政公平月赤明  
政和平月黑明政象平月白明政升平月青明  
驗風雨雪雹霜露法天經或問有雲則無霜風盛則露  
微日月暈氣漸稠而黑者雨徵也有忽然去一邊者風  
徵也忽然全去者晴徵也氣行空中爲濕性所得不得  
上升觀之見其宛曲者雨徵也曉間霧開而復擁者雨  
徵也晨起氣昏者雨徵也煙氣下垂者雨徵也日出時

雲多破漏日光四射者雨徵也日光黯淡而色蒼白者  
雨徵也日出雲霧卽掩者雨徵也忽有黑雲擁起者雨  
徵也晨西北有黑雲堆積者雨徵也昏西北累層煙霧  
者雨徵也目能射日者雨徵也天低氣昏游氣浮蔽雲  
勢四合俱雨徵也春大寒夏氣蒸秋忽涼冬忽溫亦雨  
徵也日出無雲掩映者晴徵也煙氣亭亭直上者晴徵  
也晚霞彩者晴徵也晨有霧而漸開者晴徵也晨無霧  
露者亦晴徵也風從東南來者晴徵也午後多赤雲者  
晴徵也雲如火光者旱徵也冬大寒而數日忽溫暖者

雪徵也冬冷而群鳥飛者雪徵也夏日炎氣鬱蒸者雹徵也空中有雲如線不動者雹徵也井水忽溷者雹徵也或雲片相逐雲色慘白聚散不常繞圍日下日月昏暈日赤日圍月過房箕壁軫夜星爍躍參星動搖太白晨見此皆風徵或繼之雨也至於人事物類亦可以徵風雨者如頭痒耳熱面赤髮潮體燥肢痛鳥雀翻飛噪空圍舞魚出跳躍群蟻出穴蚓過路蛇曝日石脉潤樹汗流琴聲不清鼓音不亮燈燄搖閃燄爆有聲此皆風雨之先徵也



詩經集解卷一  
三  
日月蝕時飲損牙

棘枝可以辟霜故鵲巢中必有棘枝以護寒氣凡養花者初春以棘枝置花蓀上霜不爲害

天道不遠日監在茲勿指天爲證勿怒日月星辰勿裸體以褻三光勿對三光濡溺勿月下猥褻勿唾流星勿久視雲漢勿嗔怨風雨勿指虹霓雷鳴勿仰卧伏熱勿驟飲水衝寒勿驟飲湯日出則出日入則息朝出莫飢暮息莫飽朔不可泣晦不可歌此天時避忌之要畧能遵行者日與善氣相迎吉神擁護理不爽也

以銅錢置碗底稍遠不見以水實碗其錢立見西人測  
天法能收遠爲近升卑爲高蓋衍此意

屍未斂者遇雷鳴必腹脹以鏡揜腹則晶光上透烈氣  
迎之而散河水遇雨則開見霧亦解舟行遇凍者徒望  
清明無益

坤維

銅山西崩洛鐘東應宋儒若朱子蔡氏皆以爲然其要  
總不出有水以聚無風以散二語今人酷信風水幾以  
身殉固屬太過然亦不得一味鹵莽以致禍生不測也

山有孔穴採寶者惟三月九月餘月山閉氣交入者多  
死游士探奇宜知此說 山野夜行常扣齒或手掠腦  
髮後則精邪不敢近歌唱叫號大不祥

渡江河書禹字佩之能免風濤之厄或以手書土字可  
不驚恐涉江海見奇形魚獸勿指示叫號恐惑人且易  
招崇

潮乃地之喘息一日之內自子後陽生之時陽交於陰  
而潮生午後陰生之時陰交於陽而汐至隨月消長朔  
後明生之時潮勢大望後魄生之時潮亦大秋時獨盛



於東海涉江海者不可不知泛海全憑羅盤若訛一線  
便差千里製法悉秘不傳以物理考之總不離磁石者  
近是磁石磨針鋒則能指南然常微偏不全南也亦有  
磨而之北者磁石之指南猶栢之指西莫可原其理  
凡古井及深窞中多毒氣不可輒入其水尤不可飲五  
六月最甚先下鷄鴨試之若旋轉不下是有毒氣先以  
熱醋數斗投井可入窺露井損壽塞古井令人盲聾  
水有水弩虫處不可渡虫射人影卽死先以物擊水虫  
散方可渡陂湖水有小影是魚秧勿食

陰地流泉六月行路飲之發瘧

溫泉性熱有毒切不可飲就浴能愈諸風惡疾體虛者  
毋得輕入泉不流者食之有害山居之民所以多癭腫  
也

海現蜃樓皆是遠地樓臺上映於空中濕氣倒映水面  
人望之樓閣崢嶸謂之蜃氣者亦如虹謂之蜃蜺也見  
者多驚訝或生幻妄智亦淺矣

乳穴水乃岩穴中涓涓而出之水秤之重於他水宜人  
地有龜龍體有麟鳳貌有弓弩勢有升斗象有張舒形

有塞閉容有隱真之安有累卵之危有膏腴之利有培塿之害此十形者氣勢之始終陰陽之所及建邦立邑不能出其範圍卽一封一鎮一墳一宅莫不有來龍去路生尅禍福之理明眼者自能辨之

孝經云卜其宅兆而安厝之古人卜地今人擇地理自相通世儒疑人死氣散未必相屬試思入土白骨以嫡血滲之自能深入則一氣感通無間生死也萬一委親骸於朽壤子心何安且求福未必獲福小不經意其禍立見人子須知一書不可不讀也



人死以入土爲安卜地稍宜卽當營兆如貪求吉地日久沉閣雖位置有方不得地氣如樹根不附土立見凋瘁也 有絕向無絕地蓋大地隨處可以埋人向有不利殺氣直人如行路當面遇風自難躲閃也

風不聚水不侵蟻不害存歿均安便是吉壤若山明水秀龍飛鳳舞乃山川精靈之氣冲和之萃陰有神物護持固造物秘之以待善人者一味營求必至弄巧成拙三合土葬法可以長保不壞却難得地氣所以士夫之家不肯輕用

敦土之學同於敬天勿以刀杖怒擲地勿輕掘地深三尺卽有土氣傷人勿裸卧地上入深山當持明鏡以行使精魅不敢近入山念儀方二字以却蛇念儀康二字以却虎念林兵二字以却百邪入山至山腳先退數十步方上山山精無犯入山將後衣裾摺三指挾於腰蛇虫不敢近渡江河寫土字於手心下船無恐怖行熱勿以河水洗面井水沸起者勿食屋漏勿食濁水未經杏仁泥攪或明礬淨清者勿食此地忌之大畧合前天時諸忌節宣之學思過半矣

蠡海集凡握地作坎出其土既成坎以其土實之則耗半矣蓋萬物藉氣以爲質一動則氣泄氣泄則質爲之損也觀此則無故動土必洩地靈勿視爲兒戲也

時令

正月日時不宜用寅犯月建百事不利餘月倣此

元日四更時取葫蘆藤煎湯浴小兒終身不出痘瘡其藤須在八九月收藏一云除夕葫蘆煎湯亦可却只宜一人爲之不令人知乃驗

元日五更時點火把照果樹則無虫生以斧敲打各樹



身則結實

是月將三年桃樹上尖刀畫破樹皮直長五七條比他樹結子更多恐皮緊不長調物性以養天和也

是月加綿襪以煖足則無病

二月宜食韭大益人心

千金月令驚蟄日取石灰溲門限外可絕虫蟻

禮記月令是月也日夜分雷乃發聲始電蟄虫咸動啟戶始出先雷三日奮木鐸以令兆民曰雷將發聲有不戒容止者生子不備必有凶災

三月三日取薺菜花鋪竈上及坐卧處可辟虫蟻

是日採苦楝花無花卽葉於卧席下可辟蚤虱

清明日或三月三日日出時採薺菜花莖候乾作燈杖  
可辟蚊蛾三月三日或戊辰日收薺菜花桐花芥菜藏  
羽毛衣服內虫不蛀

清明日三更以稻草縛花樹上不生刺毛虫

菱兒菜性寒是月勿多食令下焦冷有傷陽道

四月爲陰月宜節聲色薄滋味謹嗜慾定心氣

是月伐木不蛀

月令纂是月於魚池中納一神守則魚不走養鯉善飛  
尤爲緊要神守卽團魚也

五月上屋令人魂魄不安

五月勿晒床荐蓆

是月屬火午火大旺則金氣受傷古人於此獨宿淡味  
以養生臟正嫌火之旺耳

五日午時韭菜地上面東不語取蚯蚓糞泥藏之要圓  
如碎珠粒粒成塊爲妙遇魚骨鯁喉用此少許擦咽喉  
外皮卽消



五日取葵子微炒爲末患淋者食前溫酒服一錢立愈  
六月極熱可用扇急搗手心則五體俱涼

真誥是月十九日二十四日拔白永不生

夏月單用醋煮肉可留十日

是月凡製一切果蔬俱用臘雪最佳

七月七日取赤小豆男女各吞七粒令人終歲無病

雲笈七籤七日曝皮裘可以辟蛙

七月二十三日二十八日拔白永不再生

立秋日用水吞赤小豆十四粒一秋可免赤白痢疾

八月勿食生果生蜜雞子勿食蟬霜降後方可食蟬秋  
穀初成老人食之發宿疾

九月取枸杞子浸酒飲令人耐老

九日勿起動床蓆

十月夫婦戒同寢忌純陰用事

是月勿戴煖帽使腦受凍則無眩暈之疾

冬夏卧被蓋太煖睡覺卽張目吐氣以出其積毒則永  
無疾

十一月一陽初生宜節慎較仲夏尤甚

言外集卷一  
冬至日勿多言當閉關靜坐以迎一陽之生不可動作  
是日以赤小豆煮粥合門食之可免疫氣並後十日夫  
婦當戒容止

十二月子日晒荐蓆能去蚤蝨

臘八日收鰕魚燒存性研細用酒調服治小兒斑痘不  
出卽發亦安

除夜取水稱輕重元日又取稱之可較兩年之高下

清明柳條可止醬醋潮溢

冬至之日立八尺之木日中視其晷晷如度者歲美不



如度者歲惡暑進則水暑退則旱進一尺則日食退一尺則月食

按歷志候氣之法爲室周密以布縵室中以木爲案從其方位加律其上以葭莖灰抑其兩端按歷候之氣至則灰飛

漢書先冬至夏至懸炭鐵如衡各一端令相停冬至陽氣至炭仰而鐵低夏至陰氣至鐵仰而炭低以此候二至

辟寒丹用雄黃赤石脂

粘舌者佳

丹砂

光明者

乾薑各等分爲

言步明經卷一  
三  
末蜜同白松香爲丸如桐子大酒下四九服十日止能  
辟寒氣冬月赤身可行水內

辟暑丹用雄黃研水飛白石脂水飛丹砂細研黃泥裹  
燒如粉磁石擣碎水飛去赤各等分人乳同白松香化  
爲丸如小豆空心湯下四九服三兩日後夏月可衣裘  
褐炎氣不侵

冬至後百十日可浸稻豫蓄雪水浸稻則不生虫

### 宮室

宅有五實令人富厚宅少人多一實宅大門小二實墻

院周完三實宅地相停無屋少地多之病四實宅水從東南流五實反是爲五虛主貧耗

桑樹不宜作屋料死樹不宜作棟樑接木爲柱尤不吉梓爲木王屋有此木則餘材不震若梓木作柱在下手則木響叫云是子位

杉木煇炭爲末安門櫺中開門則能自響

枳栲樹作屋屋中酒味薄

禳除匠魘之法詳載宅經大概木匠魘人必插木筏在首不令插之則不靈矣



庭前種桐妨碍主人屋內種芭蕉久而生祟大約槐竹之外門庭垂雙棗庭前石榴爲佳餘多妨忌

木盛則土衰土衰則人病中庭種樹究非所宜苑囿尤宜另造廳後不宜作竈房門不可對天井厨門不可對房門

門前不宜有水坑大樹不宜當門

家內不宜穿井

書齋宜明淨不可太厰明淨可爽心神宏厰則傷目力

正門前不宜種柳

天井內種花木主淫泆大凶

住房貴曲折門外一望如直腸大不利

地有陰基有陽宅以陰基立宅畧沾旺氣子孫終不繁衍

住房自有體格或如寺院或如官廳俱不吉

池水護基別墅則可若作住屋主孤耗

西方主殺大門向西恐干殺氣或當門有天生屏障則可否則宜築照牆以蔽之

宅內無故起土傷地脉洩地氣北人忌由其土氣厚

也終不甚利況南方地氣淺薄那得效尤  
樑柱初成誤漬人血久或作祟不可不慎  
屋內燒烟可辟龍風

舊屋重加洗刷立見家道蕭索

芸香辟蠹故藏書臺稱芸臺書牕曰芸牕

故窻紙治鼻衄窻間積塵敷刀口有驗

安處者南面而坐東首而寢陰陽適中明暗相半屋無  
高高則陽盛而明多明多則傷魄屋無卑卑則陰盛而  
暗多暗多則傷魂人之魂陽而魄陰苟傷明暗疾病生



焉不可不慎

草堂之中或草亭僻室製爲琴室地下埋一大缸缸中懸一銅鐘上以石墁或用板鋪上置琴磚或木几彈琴其聲空朗清亮自有物外氣度

北方地土高燥祇須樓房或高架便可隔絕潮氣南方暑雨時藥物圖書皮毛之物每爲黴溽壞盡宜煨閣去地一丈多閣中循壁爲櫺二三層壁間以板弭之前後開牕櫺上懸長笏物可懸者懸於長笏中餘置格上天日晴明則大開窓戶令納風日爽氣陰晦則密閉以杜

雨濕中設小爐長令火氣溫鬱則無他患

中門種槐三世昌盛屋後種榆百鬼辟易門前青草易  
滋愁怨中庭種花易啟淫邪

人之家室土厚水深居之不疾土欲堅潤而黃水欲甘  
美而清坐卧之處四面周密無斜風陰氣是爲大祥

發祥之宅勿輕改移宅經云宅乃漸昌勿棄室堂言不  
得因富改造也


造房最忌倒木木值必取生氣根下而梢上麗者倒用  
之使人家不長進作事顛倒墜柱時宜仔細檢點


造作前樑臨上乃移爲後樑大忌



調燮類編卷一

終











PL  
2451  
p29  
v. 46

調燮類編卷二

身體

指甲中有垢者以白梅與肥皂一處洗則自去

彈琴士指甲薄者用僵蠶燒烟薰之則厚

染頭髮用烏頭薄荷入綠礬染之

食梅子牙軟吃藕便不軟一用韶粉擦之

油手以鹽洗之可代肥皂一云將順手洗自落

髮爲血餘埋之土中千年不朽煎之至枯復有汁出誤  
食入腹變爲臟虫煨治服餌令髮不白



生人髮挂菓樹鳥不敢食其實人逃走繫其髮於緯車  
上却轉之則迷亂不知所適

有孕之乳謂之忌嫺有毒

病瘖者試取叫子使顙子作聲習久自依利可辨

手捏耳邊止火痛

象山要語精神不運則愚血脉不運則病

凡人卧牀常令高則地氣不及鬼吹不干鬼氣侵人常

因地氣而逆上耳人卧室宇當令潔靜潔靜則受靈氣

不潔靜則受故氣一身亦爾宜常令潔靜

手患冷者從上打至下得熱便休脚冷打熱亦妙愈於  
向火

夏月不宜坐日晒不上熱則成瘡冷則疝睡鐵石上損  
目

夏月遠行用冷水洗足成病

伏熱以冷物逼體殺人大汗當風冷水洗面成目疾醉  
後冷水沃面生黑點

目不宜輕點耳不宜長挖

夜間小便時仰面開眼至老不昏

言類彙編卷二  
行汗豉牀懸脚久成血脾腰痛

行路多夜間向壁角拳足睡則明日足不勞

燕飲於神像之旁神思不安坐卧塚墓旁令人精神散  
口吹燈則損氣留燈而卧神魂不安行房尤忌

將睡叩齒則齒固用溫鹽湯漱口堅牙益腎

卧宜側身屈膝不損心氣覺且舒展精神不散舒卧招  
邪魅濯足而卧四肢無冷臥足一伸一屈不夢洩  
睡不可張口洩氣損氣尤忌言語五臟如懸磬然不懸  
不可發聲



酒醉卽卧外生瘡癰内生積聚醉卧黍穰中發瘡必甚  
人卧不可戲將筆墨塗其面恐魂不歸體

起晏則神不清晝則耗元氣

沐浴未乾勿睡旣睡飲水更睡成水癖

頻浴者氣壅於腦滯於中血凝而氣散體雖澤而氣自  
損故有癰疽之患

大汗徧脫衣及醉令人搦生偏枯半身不遂

醉不可忍大小便成癰閉腸痔等疾

醉飽行房致百病目疾行房成目盲

熱湯漱口及馬尾做牙刷俱損牙

諸禽獸魚油點燈令人盲目燒甘蔗柵令人目暗

飢忌浴飽忌沐浴疾忌浴犯者盲目

卧當舍脊不祥頭向北多失意事卧處頭邊安爐傷目

早摩手令熱以摩身體從上至下名曰乾浴令人除百

病

秋冬宜溫足凍腦春夏足俱凍

冬月陽氣在內近火醉酒則陽氣太甚且手足能引火

氣入心尤不可久烘

卧弗蒙首得長壽以長有天地之清氣入腹中也

摩腎囊熱則腎氣透而易於生精摩足心熱則湧泉穴透而血不下滯臨卧時令童子用手搓摩爲宜

夜行傷筋凡行路勿多言恐神散而損氣

多汗損血冬月天地閉血氣藏縱有病亦不宜出汗

大凡人坐常以兩手按膝左右紐肩數十則血氣通暢不生諸疾婦人產後勿見狐臭人

生瘡毒未愈食生薑鴨卵則肉突出作塊凡惡肉用烏梅肉燒存性研傅一夜立盡



本草注鉛性能入肉故女子以鉛珠紅耳卽自穿孔石  
女無竅者以鉛作鋌逐日鈺之久久自開此皆昔人所  
未知者也

妊婦不可沐頭沐之則橫生逆產

兒若卧乳當以臂枕之令乳與頭平卽乳不噎母欲睡  
則奪其乳睡着不知飢飽卽成嘔吐兒啼未定勿遽以  
乳飲之交合時尤不宜令兒飲乳

小兒睡母鼻中吹風及顙門處成風疾母泪不可滴入  
兒眼中經後一日三日五日受胎者皆男二日四日受

胎者皆女過六日則子宮閉

凡胎衣宜藏於天德月德吉方深埋緊築令兒長壽若  
爲猪犬食令兒顛狂虫蟻食令兒瘡癰鳥鵲食令兒惡  
死棄於火中令兒瘡爛近於社廟污水井竈皆有所禁  
蓋銅山西崩洛鐘東應自然之理也

人汗入肉食之作疔瘡

### 器用

商歆銅器以肥皂塗之燒赤後入梅鍋爍之則黑白分  
明

言考其系卷之二  
黑漆上有朱紅字以鹽擦則作紅水洗下

油籠漆籠漏者以馬屁字塞之卽止酒餅漏者以羊血擦之則不漏肥皂塞油籠亦可

柘木以酒醋調礬灰塗之一宿則成間道烏木

漆器不可置蓴菜雖堅漆亦壞

棗木作匙者爲其不蝕及不粘飯也

熱碗足燙漆桌成跡者以錫注盛沸湯衝之其跡自去

銅器或鍮石上青以醋浸過夜洗之自落

琴旣無聲者乃舊而膠解也宜用沙湯洗之



針眼割線者宜用燈燒眼

錫器黑垢上用煇雞鵝湯洗之

碗口上有垢用鹽擦之自落

水煇炭缸內夏月可凍物煇炭餅中安貓食夏月亦不臭

刀子鏽用木賊草擦之則落鉄鏽以炭磨洗之鈍以乾煇炭擦之則快

以皂角在竈內燒煙鍋底煤并突煤自落

肉案上抹布猪胆洗之油自落

藁木湯布拭酒器并酒桌上蠅不來

燭心散以線縛之燈剪用無名異塗之剪燈則燈自斷  
鮓桶漏用醋調合粉泥之

香油蘸刀則刀不脆

神前琉璃用醬湯洗油自去

椒木作播槌不臭且香

泥灰火煨過作磨石甚佳

竹器生蛀用生桐油點蛀處卽止凡作竹器以火熏去  
竹油則永不蛀

炭不旺者洒鹽則旺炭易爆者洒鹽則不爆

刀針以石灰末包藏則不銹凡鐵器皆可用石灰收藏  
胡桃燒灰藏亦可

凡櫥櫃箱篋暗用關鍵則窺伺者沮謀

餅胆用銅其水易腥以錫爲之則不腥而亦易製

茗性宜於砂壺其嘴務直一曲便多阻塞酒注又當別  
論

茶葉與磁銅等罐性不相能惟宜錫瓶但懼有眼發洩  
潮氣宜再三試驗錫瓶頂蓋最忌雙層



滾甃時令湧泉穴受擦最爲便益

禪燈高麗石者爲佳有日月二石月燈光白如初月出海所在多有日燈如東升曉日一室皆紅不可多得小者尤覺可愛價亦倍高

聖蠟燭方槐角子二斤八月收白膠香一兩硫黃四兩先將角子搗爛將膠香化開入器中一同熬爛次下硫黃以槐條攪用小指大竹筒長七八寸將三物灌入陰去其竹筒每條可點一二日

聖燈方浮萍瓦松俱六月收遠志黃丹蛤粉各一兩爲

細末每油一兩入藥一錢可照一月

難消炭竈中燒柴下火取出罈閉成灰不拘多少搗爲末用塊子石灰化開取濃灰和炭末加水調成以毛竹一筒劈作兩半合脫成銆晒乾燒用終日不消

獸炭細骨炭十斤鐵屎十斤用生芙蓉葉三斤合搗爲末糯米粥和成作塊晒乾每燃一枝三日不滅如不用以灰掩之

芥瓢法研碎芥辣以筆畫及長竟如刻成稜界或欲瓢曲撥破藤根入巴豆一粒二三日葉萎瓢軟隨意拗曲

以線縛定取出巴豆旋即生活或以瓢子種鷄冠花旁  
各去皮合縛爲一及切斷瓢根令托鷄冠結瓢紅色謂  
之仙瓢

柳生子大於瓢垂枝間內有漿水飲之得醉取其殼爲  
酒器如酒中有毒則沸起今皆漆其內則非用柳意  
葶薺擦刀可切冰 銅刀切葶薺則壞切西瓜皮則快  
荷花葉煎湯洗鐵器如新或用荷梗亦好一方用糟醋  
水缸內養魚三兩箇則活不生腳

伏中收松柴斫碎以黃泥水中浸皮脫晒乾冬月燒之



無烟竹青亦可

黑漆屏風能養目力

飲食收器中宜下小而上大若覆之不密虫鼠欲盜食而不可壞器墮涎食者得黃病通身如蠟針藥不能療書燈用香油一斤入桐油三兩則耐點又辟鼠耗以鹽置盞中可省油以生薑置盞中不生暈薺菜梗作挑燈杖則無飛蟲

匙筋用象牙金銅爲之可試食毒虎毒試毒酒尤驗酸漿入盂水垢浮

呵鏡子以津唾畫鏡令乾呵鏡自見

漆器在燥熱及霜冷時則難乾得陰濕雖寒月亦易乾最忌見蟹若沾漬人以油治之凡驗漆惟稀者以物蘸起細而不斷斷而更收更塗乾竹上蔭之速乾者並佳磁瓦竹木等器破損用真生漆拌飛麵可接

裝烟具上截只將下截對敲則上

靴底旁污黑以水洗晒則黃用淨水洗過再刷礬水帶潮擦以白粉宛然如新晒亦無害

衣服

夏月衣蒸以冬瓜汁浸洗其跡自去或銀杏蒜洗亦可  
夏衣生黴用梅葉煎湯洗之

洗葛衣用梅葉揉碎洗之經夏不脆用木盆則黑以磁  
盆洗之

墨污絹綢牛膠塗之候乾揭起膠則墨隨膠而落

墨污衣口噙水以筋頭滴水洗卽去又法帶濕以油浸  
透須用灰汁攪之

油污衣用炭灰熨之或以滑石擦熨之滑石須研極細  
熨火宜燄或用石灰乾晒亦可



猪油污衣用生栗子細嚼放污處揉擦卽去

血污衣用冷水洗可去忌用熱湯一法用溺煎滾以其氣熏衣一宿來日洗之則落

油墨污衣先以油墨潤一宿用半夏烏賊骨滑石枯白礬等分爲末洗淨燈草揩擦卽去

綠礬百藥煎污衣服用烏梅洗之

北絹黃者以雞糞煮之卽白鴿糞煮亦好

鞋中着樟腦去脚氣用椒末去風則不痛冷

帽裏用沸湯擺洗內加少鹽則垢自落熱麵湯擺洗亦

妙

槐花污衣者以酸梅洗之卽去

蠍靴用黃蠟四兩以二兩粘漚青入蠟均用

靴底污用粉秤擦之甚佳白土亦可

絹作衣棉夾裏用杏仁漿之則不吃絹

伏中裝綿布衣無綿珠秋冬則有以燈心少許置綿上則無珠也

笠子油污或汗透者以烏頭煎濃湯洗之

茶褐衣段發白花點者以烏梅煎湯用筆塗發處立還

原色

元色衣有白跡若以墨塗之則光亮難看須買白雲減  
頓溫入皂礬點之則無跡 酒醋醬污衣藕擦之則無  
跡梅蒸衣以枇杷核研細爲末洗之其斑自去  
氈襪以生芋擦之則耐久而不蛀

紅莧菜煮生麻布則色白如苧

楊梅及蘇木污衣以硫黃熏之然後洗其紅自落

衣裳蒸壞先以水浸濕次用蘿蔔汁洗之

毛衣用無油漆板匣收貯紙糊板縫不通風則不蛀或



洒以潮腦亦可

戎衣用花椒捲收或芫花末摻之則不蛀一用出缸藍布包之亦妙

風領煖耳包藏瓮中密封瓮口毛決不脫

甘菊作囊置枕上睡明目延年涼枕內不宜放茉莉恐引蜈蚣虎豹皮上睡驚神毛入瘡有大毒

蒲花褥九月採蒲畧蒸不然生虫曬燥裝入卧褥或坐褥內以杖鞭擊虛軟溫煖長久可用深秋採蘆花裝入布被中初涼覆之不甚傷煖

紙帳用繭紙纏於木上以索纏緊勒作皺紋以線折縫縫之稀布爲頂取其透風或畫以梅花或畫以蝴蝶自是分外清致

鵝毛柔煖而性冷選細毛夾以布帛而爲被新秋甚佳卽冬時亦可用尤宜嬰兒能辟驚癇

春水未泮衣欲上厚下薄暖時宜一層一層漸減不可驟去

汗濕衣不宜久著洗汗衣須用滾水汗乃下不然翻潮濕水粉漿衣酸氣可憎將粉晒乾入水便無惡味

酒污衣不可擦急以燒酒潤之則全化而無跡

紅紬絹或帽緯縐者漬水熨盪恐失色以燒酒代水則紅色不減

### 寶玩

金久埋不生衣百鍊不輕其色七青八黃九紫十赤以赤爲足色嗅之不腥舐之似甜以白布擦拭無藍跡者真

玉可以烏米酒及地榆酒化之爲水亦可以葱漿水消之爲粉亦可餌以爲丸可燒爲粉寶藏論謂餌之其命



無極然其道遲成服一二百斤乃驗不得法或反爲害  
至以肉好分明溫潤而澤其聲清越以長者爲真

北方有罐子玉雪白有氣眼乃藥燒成者然皆無溫潤  
惟潔白猪膏叩之有聲者爲真

珠一圓二白佩之飛燐野火悉不敢近

荷葉蕈火能粉銀羚羊角烏賊魚骨鼠尾龜殼生薑地  
黃磁石俱能瘦銀羊脂紫蘇子油皆能柔銀世之術士  
有以朱砂而成者有銕火而成者有焦銅而成者辨之  
不可不慎

駿梅草開黃花子如浮萍味酸搗汁煮銀可使紅色變  
白

馬腦非石非玉堅而且脆刀刮不動其中有人物鳥獸  
形者最貴試法以研木不熱者爲真得自然灰卽軟可  
刻也

玻璃本天生自然之物有紫白二色展開有兩點花者  
爲真

陳藏曰珊瑚生石巖下以刀刻之汁流如血以金投之  
爲金漿以玉投之爲玉髓久服令人長生其然豈其然

乎 珊瑚生於海底生石巖下者朱草也莖如珊瑚有  
融金化玉之異見抱朴子

琥珀中有蜂形手摩熱可拾芥者真

空青係銅精所熏中有漿者最爲難得語云山中有空  
青人間無瞽目

抱朴子犀角爲筭導攪毒藥則生白沫無復毒勢

犀角最堅雖剉刮入藥終有片屑惟鋸成小塊薄紙襯  
裏藏肘腋間俟人氣蒸透人白應手成粉

象牙粉紅色者最佳用鮮滷煮之自軟可刻



牛黃多僞磨指甲上黃透者爲真

生人參形類蔓菁桔梗故世以桔梗欺人亦有金井玉欄但皮無橫紋味亦淡薄不同耳市人參者皆繩縛杵上蒸過故有繩痕買者若不識真僞惟要透明以肉近蘆有橫紋者則假參不得索之凡用宜擇秋參勿用春參

人參易蛀惟用盛過麻油瓦罐洗淨焙乾人華陰細辛與參相間收之可留經年

人參生時背陽頻見風日易蛀凡生用宜咬咀熟用宜

隔紙並忌鐵器

人參具人形者希世之寶茯苓似人龜鳥獸者爲良枸杞千年其形如犬服之延年商陸根亦有如人形者可煮食赤黃色者但可貼腫與參苓枸杞成形者功效迥別人或概挾爲奇貨失之遠矣

阿魏狀如桃膠其色黃如栗辨者爲上色黑者不堪用劉純詩云阿魏無真却有真臭而止臭乃爲珍驗法以半銖安熟銅器中一宿至明沾處白如銀永無赤色卽真三七合金瘡止血有奇效試法以未摻猪血中血化爲

水者真

銅器入土千年純青如鋪翠名曰土古其入水千年純綠瑩如玉其色午前稍淡午後乘陰氣翠潤欲滴名曰水古其色紫褐有朱砂斑甚或凸起如上等辰砂名曰傳世古

銅器入土入水千年色分青綠皆瑩潤如玉未及千年雖有青綠而不瑩潤一云入土年遠近山岡者多青近河源者多綠高瑞南謂鑄時銅質清瑩不襍者多發青質之渾襍者多發綠譬之白金成色足者作器純白久



乃發黑不足色者久乃發紅發綠也

古鏡以銀背爲上鉛背次之青綠又次之銀背者塚內水銀沾染年久入骨有先受血水始受水銀侵入則色如鉛若鉛背埋土年遠變黑謂之黑漆背此價又高而此色甚易爲假

褐色出自高阜古塚磚宮石室惟地氣蒸潤日久光瑩變爲褐色純一不襍故古銅以褐色爲上水銀黑漆爲次青綠者又次之也若得純青綠一色不襍瑩若水磨光彩射目者又在褐色之上

柴窑青如天明如鏡薄如紙世不常有

汝窑色卵白汝水瑩厚如堆脂然汁中棕眼隱若蟹爪  
官窑哥窑大率相同色取粉青爲上淡白次之油灰色  
下之紋取冰列鱗血爲上梅花片墨次之細碎紋紋之  
下也式以古朴者爲最二窑時有窑變狀類蝴蝶禽魚  
麟豹等色布於本色是皆火之文明變化更爲難得  
定窑乃宋北定州造其色白間有紫有黑然俱白骨加  
以泐水有如淚痕者爲最

石蟹係海蟹風飄化而爲石置之几上能明目

盆景有石梅一種乃天生形質如石燕石蟹之類石本發枝含花吐葉厯世不敗中有美者奇怪莫狀此可以杭之天目松爲匹更以福之水竹副之可充几上三友水銀是粗次硃砂煅煉飛升亦間有從地自然溢出者水銀同白礬食鹽等升鍊則成輕粉水銀同硫黃升鍊則成銀硃昔人謂水銀出於丹砂鎔化還復爲硃者卽此也

水銀撒了以鋤石引之皆上石又津唾可溶水銀末茶可結水銀



伏中不可鑄錢汗不清各爐凍

爐甘石赤銅得之卽變爲黃今之黃銅皆此物點化也  
金遇鉛則碎銀銅相襍易溶化錫銅相和硬且脆水淬  
之極硬

文苑

研墨出沫用耳膜頭垢則散

臘梅樹皮浸硯水磨墨有光彩

礬水寫字令乾以五楮澆之則成黑字

絹布上寫字用薑汁磨及粉則不湮開綾幅上墨汚用

言煉紙法卷二  
蒜擦其反面則墨去

肥皂浸水磨墨可在油紙上寫字肥皂水調顏色可畫  
花燭上磨黃芩寫字在紙上以水沉去紙則字畫脫在  
水面上

畫上若粉被黑或硫黃煙熏以石灰湯蘸筆洗二三次  
則色如舊

蓖麻子油寫紙上以紙灰撒之則見字一云杏仁尤佳  
可以密書信

鹽酒寫紙上烘之字黑

冬月令水不冰以楊花鋪硯槽名文房春風膏硯若用酒磨畢竟易淡

樺皮燒烟熏紙作故色甚佳

收筆東坡用黃連煎湯調輕粉蘸筆候乾收之或加蒿  
芭湯更妙用黃栢水亦不蛀

琴墨龍涎香樂器皆惡濕常近人氣則不蒸

書畫濕蒸變浥者用冬瓜或銀杏蒜洗之

墨用熟艾收或藏風化石內則不蒸闇中宜用新墨陳  
者易碎調硃入膽黃或白芨水研則不落



洗硯用蓮蓬殼或大半夏擦之去滯墨

金扇難寫者以香灰擦之則字易上以醬油洗之能去字跡

白紙扇有油用粗紙擦之欲去字跡以燈草蘸水洗之洗畫絹墨法同

紙沾水點者必縐用水將全幅一概噴濕將書押之則平

裱字畫於漿內入胡椒末則不蛀入蘿蔔汁則不瓦以臭過漿裱則不泡

熬水膠磨生礬寫字反面用墨塗之則成黑紙白字宛如法帖名曰頃刻碑

印色用蓖麻子仁搗碎用水煮之撇淨沫水再煎以滴水不散爲度成油加胡椒七粒入膽黃麝香黃蠟少許印褥用攀枝花或竹茹最佳

油紙臨寫法帖以濕手巾按之則易上其油厚者以肥皂汁磨罌則上

荆川紙亦可加礬襯帖摹臨勝於油紙

寫金字用穀樹汁寫將乾上金以乾筆掃之若用水膠

久則易黑

絹用蒜塗擦則寫字易上

毫筆寫過洗去墨藩則穎不禿

用墨過揩淨頭則不碎落

粉版上多年字跡以香灰擦之則下家禮改題神主用此法

今人燕集往往焚香以娛客不惟相悅亦有謂也黃帝云五氣各有所主惟香氣湊脾漢以前無燒香者自佛入中國然後有之楞嚴經云純燒沉水無令見火此佛



燒香法也

收書於未梅雨時開閣厨晾燥隨卽閉門內放七里香  
花生蠹魚

收畫未梅雨前逐幅抹去蒸痕日中晒晾令燥緊捲入  
匣以厚紙糊匣口四圍梅後方開匣須杉木杪木爲之  
不用紙糊并油漆以辟黴氣

收畫用溫閣由來舊矣又法閣中設床二三下收新出  
窰炭實之乃置畫片床上永不黴不須設火其炭至秋  
供燒明年復用新炭床上切不可卧卧者病瘡屢有驗

蓋火氣所爍故耳

好畫不宜多裱裱多失神亦不可洗更不可剪去破碎  
條邊當細細補足

硯品最多古人以端硯爲首唐之澄泥硯品亦第一惜  
乎傳少佳硯池水不可令乾每日易以清水以養石潤  
不可一日不滌若三日不滌墨色差減滌者不可磨去  
墨鏽此爲古硯之徵滌以皂角清水爲妙滾水不可滌  
硯絲瓜穰滌洗雖佳究不若舊蓮房浸軟爲妙大忌滾  
水磨墨茶尤不可新墨初用膠性并稜角未純不可重

磨恐傷硯也

紙用膠礬作畫殊無生氣否則不可着色法以皂角搗碎浸清水中一日用沙礮重湯煮一炷香濾淨調勻刷紙一次挂乾復以明礬泡湯加刷一次挂乾用以作畫儼若生紙若藏二三月用更妙拆舊畫卷綿紙作畫甚佳有則寶藏可也

花瓶中欲水不臭用火燒瓦一片在內膠泥亦可

瓶花忌香烟燈煤燠觸忌油手拈弄忌藏密室夜則須見天日忌用井水貯花味鹹花多不茂



冬月插花須用錫管不惟愛護磁瓶卽銅瓶亦畏冰凍銅質厚者尙可否則破裂雖用硫黃投之不凍恐亦難敵惟日色南窓下置之夜近卧榻庶可多玩數日

穀樹汁和白芨飛麵調糊接紙永不脫解過於膠漆熊胆和丸能資勤苦文苑中不可無此一味

孔聖枕中丹治學問易忘文苑中至寶也方用敗龜板醋炙龍骨研爲末入雞腹中煮一宿遠志去心苗菖蒲九節者去毛切片各等分爲末蜜爲丸一錢一九每服一九溫酒化下日三服爲散亦可凡人多識不忘者心

血足而無所蔽也若心血不足邪氣蔽之則傷其虛靈之體而學問易忘矣龜介虫之靈物也龍鱗虫之鱗物也用龜甲龍骨者假二物之靈養此心之靈欲其同氣相求也遠志辛溫味厚辛溫可使入心味厚可使養陰菖蒲味辛氣清味辛則利竅氣清則通神學問豈易忘耶是方出孫真人千金方

秘方

因女色病陰症傷寒用陳皮熟鍋內炒焦以酒烹下瀘酒飲之立解

中暑發昏以新汲水滴兩乳以扇搨之重者以地漿灌  
則醒與冷水吃則死

旅途中暑者急就道上掬熱土於臍上撥開作竅令人  
尿其中次用生薑大蒜細嚼熱湯送下

乾霍亂用鹽一兩生薑半兩同炒黃水煎溫服甚者加  
童便

霍亂吐瀉用屋下倒挂塵湯泡澄清服之大忌飲食入  
腹則死吃冷水不妨不可吃熱湯

物落眼中用新筆蘸水繳出又方好墨清水研傾入眼



中卽出濃好墨點眼亦出

惡虫入耳用韭汁灌之蜈蚣入耳炙猪肉掩之卽出  
蚰及諸虫入耳用麻油灌耳內或生葱汁或姜汁亦可  
鼻衄用飛麴二錢鹽一錢汲新水調下又方用紙團兒  
右衄塞左耳左衄塞右耳

舌腫用百草霜爲細末醋調傳又方用亂髮烟灰水調  
下

飛絲入口細嚼紫蘇葉白湯送下狼煙入口飲少醉解  
之

急喉風用胆礬少許吹入喉中去涎又喉閉用枯礬末吹入喉中急則用燈盞底油腳灌下

蜈蚣傷用蜒蚰或蝸牛去殼細研塗傷口立效或雞糞塗或雄黃塗俱可

蝎螫痛不可忍者以葱白切一片厚二分置螫處灸三五次又方蝎蚊蜈蚣傷用大香油燈吹滅以餘煙燂之

蛇入人竅中急以手捻定用刀刻破以椒或辛物置破尾上用綿繩擊之自出勿拔

蛇傷用大糞或用艾炙傷處甚者先吃生菜油一碗鎮心次用調麵同傷處化錫少許滴入傷上立愈

一切蛇虫所傷用貝母爲末酒調盡量飲酒化爲水自傷處流出盡却以藥渣敷瘡上又方蛇虫咬搗蒜敷之效又方芋頭葉搗傅腫毒及諸虫咬傷神效

蜘蛛等虫咬用臍粉生薑汁調敷蠶咬以苧根汁塗之諸惡虫咬香油浸紫蘇塗之

人咬傷用龜板或團魚板燒灰爲末以香油調塗之

馬咬細嚼栗子傅傷處若用獨顆栗子燒灰香油調貼



追出毒氣其愈更速

犬咬傷用草麻子五十粒去殼以井水研成膏以鹽先洗咬處貼上又方杏仁熬黑研成膏搽之欲止痛不腫用細嚼杏仁塗之亦妙

風狗咬用大糞塗仍拔去頂上紅髮又方米泔洗淨沙糖塗後用末子益元散四兩重斑貓十四箇去頭翅足同煎空心服或經久復發無藥可療者用好雄黃五錢麝香五分研勻用酒調二錢服下去惡物再服必使得睡不可驚覺其雄麝用大塊者佳大忌食熱湯粥房事

并鑼鼓聲

金瘡腹破腸突出用乾人糞抹腸卽入

刀鎗傷黃丹飛過并枯礬爲末乾糝

自刎氣喉未斷者將食喉接住頸外覆以生熟雞皮用  
脚帶纏之漸可調治

斃死者不得近前急喚但咬其脚腿及唾其面不省者  
移動些少卧處徐徐喚之元有燈則存無燈切不可點  
宜用皂角搐兩鼻  
驚怖死者以溫酒灌之

凍死微有氣者用大鍋炒灰令煖包灰熨心上冷卽換待眼開以溫酒粥湯與之不可便與烘火

冬月落水微有氣者以大器炒灰熨心上候煖氣通溫水粥稍稍吞之卽活便將火炙卽死猝死無脈無他形候者牽牛臨鼻上二百息鹽汁塗人面卽肯舐

溺水者救起放大橈上睡着橈後腳墊起二磚却以鹽擦臍中待其水自流出有牛者伏牛背牽動更妙切不可倒提出水但心頭微熱者皆可救治又方急解去衣帶以艾炙臍中



卒暴墮顛壓倒打死心頭溫者可先將本人如僧打坐  
令一人將其髮搓放起用半夏末急吹入鼻內如活却  
以生薑汁香油打勻灌之

男婦縊死口閉捏拳者可救須莫放倒切不可割斷繩  
子以膝頭或手厚裏衣物緊塞穀道婦人并抵下體抱  
起解繩放下揉其項摘鼻及吹其兩耳待其氣回方可  
下手若使氣洩則不可救矣一云急刺雞冠血滴入口  
中卽活男用雌雞女用雄雞仍塗喉下更妙

中惡客忤卒死者灸臍中百壯以皂角末吹鼻或研韭

汁灌耳中

悞吞竹木魚骨鯁塞用象牙爲末水調一錢呷服又方  
竹木物鯁者用貫仲煎湯呷之頻漱

悞吞銅錢用生苡蓀汁呷飲自然消化又方多食生葶  
薺自消

悞吞稻芒麥芒於咽喉間者急取鵝口中涎令灌之或  
取荇頭草細嚼下尤妙

骨鯁者楮樹皮爲丸或楮子研碎水下二三十丸又方  
縮沙甘草等分爲末以綿裹少許噉之旋旋嚥津其骨

隨痰而出

竹木刺入肉細嚼白梅傳之又方用烏羊糞研碎水塗之蘆葦刺入肉細嚼栗子粗盪之

凡針鐵竹木等刺入骨中刮象牙末水塗之立出

中砒毒用早禾稈燒灰新汲水淋汁絹帛濾過冷服一碗凡解毒之藥俱宜冷飲又方菜豆搗水飲下又方欬金末二錢入蜜少許水調下又方醬調水服

食金銀者雄鴨血灌之

食鹽鹵者以豆腐汁灌之令吐則化成豆腐而出



鉛子入肉者用水銀從傷內鑽入則鉛隨水銀而出  
刀斧打撲損胸傷用帶鬚葱炒熟乘熱搗爛研盒上冷  
則換血不止用麵盒

擗撲損傷用松節煎酒飲骨肉損醋搗肥皂爛厚盒之  
以帛束住傷重者用生薑汁四兩香油四兩打勻無灰  
酒熱調下

壓死跌死服藥不及急劈開口以熱小便灌之立效  
壓死兼治中惡自縊墻壓溺水產氣絕用皂角末或半  
夏末如豆大納鼻中噎則氣通可治

破傷風用魚膠燒灰存性爲末酒調下仍封瘡口又方  
用生人手足指甲全付香油炒研極碎酒調服汗出便  
好

湯火傷搗梨傅之立效或蜜塗或雞子清調豆粉或醋  
泥塗或燒蛤蜊灰塗之

火燒悶絕以新尿冷飲之或冷水和蜜飲之

負重担肩破剪猫兒頭上毛用不語唾粘貼破處

燒酒醉不醒者急用萊豆粉盪皮切片將筋撬開口用  
冷水送粉片下喉卽安

絞腸沙男左女右小指第一節灸三壯卽止

走馬疳用大蜘蛛一箇濕紙裹外用荷葉包於火中煨  
令焦存性細研入麝香少許共爲細末遇有此病擦之  
甚效

走馬疳用巴豆去皮以綿子微裹隨左右塞鼻中立透  
如左右俱有用二枚

魚骨鯁以蒜塞鼻中自出又方噙青魚胆少許嚙津卽  
愈

蜂叮痛以野苧菜搗傳之



中風多用香油或生薑汁灌之吐卽醒

心疼用晚蠶沙少許白湯下虫咬急心疼用真香油頓  
溫服一盞

大便風和用不蛀皂角當中一寸許去黑皮沸湯半盞  
泡通口服之通後卽食白粥又方以葱白或葱尖納下  
部

小便不通鹽填臍內艾炙三壯又方磨剪刀交股水飲  
一盞

大小便不通燒皂角灰粥清湯下

男婦暴痢用獨頭蒜搗成膏敷兩脚心

下痢脫肛取鯨頭一枚燒令烟盡爲末以鞋底托上  
蛔虫上行口鼻以烏梅噙之或煎湯飲

小便尿血烏梅燒存性研末醋糊丸梧子大每服四十  
丸酒下無端煩悶不眠大棗十四枚葱白七莖水三升  
煮一升頓服

纏喉風用皂角刮水濾過灌之得吐卽愈

喉閉朴硝爲末將蘆管吹入喉中立效又方胆礬抹擦  
喉下立愈

男子陰莖腫用鯉魚胆敷

男子陽物蠟燭炆用青果核煨存性冰片少許神效  
脫肛取蜘蛛搗作油傅下臍丹田上一時卽收

疔背諸毒廣陳皮用口嚼爛按毒上疼甚疼過卽愈又  
方疔瘡神思昏沉用苦筴莖汁塗上卽除

痰中欲絕大茶子一粒糯米七粒共爲細末以些少吹  
入鼻中吐出稠痰數碗卽醒

噤口痢山藥薏苡仁石蓮子共爲末白湯調三五服卽  
思飲食又方蓮肉亦好



小兒驚風用猢猻糞燒存性碗覆出火毒生蜜調灌少許

急慢驚風百治不效者蛇蛻皮一分牛黃一錢研頓服五歲以上倍服

小兒瀉痢不服藥用土木鼈半箇母丁香四粒麝香一分半共爲細末吐津調爲丸如芡實大納一丸臍內外用不拘小膏藥貼之立止

婦人妊四五箇月動胎下血取葱白一大把煎湯飲之因爭鬪胎動腹內氣刺痛上喘用苧根一大把洗淨生

薑五片水一大盞煎至八分調粥服

婦人難產用黃蜀葵子四十九粒研爛酒醋下又方吞  
槐子十四枚逆產燒銅錢通紅放酒中飲之橫生草蓀  
子三十箇研爛於婦人頂上剃去些髮以藥塗之須臾  
腹中攪動提正便刮去藥塗之於腳心板上自然順生  
也盤腸生卽以盆盛溫水浸其腸入香油一盞令母仰  
卧以言語安慰其心却用好米醋半盞和新汲水七分  
攪勻忽喚於母面或背微以手拊之則腸漸收兒卽產  
矣

產後血悶打醋炭熏之則醒又方用乾荷葉燒灰爲末  
溫酒調一錢服甚效

胎衣不下用最初洗兒湯服下休令知之又方竈心土  
細研水調服之

血崩服蒲黃黑神散又方縮砂仁不拘多少新瓦上炒  
香爲末白湯調下

解中諸物毒用白礬細茶各一錢并水調服以吐出爲  
妙 吞水銀者用鉛四兩煎水服立解下

調燮類編卷二終



調燮類編卷三

粒食

天生五穀以養人惟秔稻得中和之氣洵安民鎮國之至寶也若滇嶺之粳則性熱惟彼土宜之耳

糯米緩人筋令人多睡其性糯也

糯米性寒作酒則熱糟乃溫平或謂糯米性溫者誤

大麥性平涼助胃氣爲麴勝小麥而無燥熱今人喜小麥而諱言大麥豈知衛生哉 大麥久食多力健行頭髮不白宜人

小麥爲用最廣殆不可缺但新者性熱陳卽平和故以宿藏爲貴立秋前以蒼耳剉碎同晒收之不蛀秋後卽生虫矣凡中麵毒漢椒蘿蔔皆可解

蕎麥過春月不宜食能發風動氣

蕎麥多食動風頭眩和猪肉食脫眉髮

麥占四時秋種夏收北方多霜雪麵無毒南方少雪麵有毒

大豆有黑白青黃褐斑諸色性平炒食極熱煮食甚寒作湯極冷造醬則平牛食之溫馬食之冷一體之中用

之數變惡五參龍胆綠豆粒粗官綠者皮薄而粉多粒小油綠色者皮厚而粉少若用治病則皮不可去去皮壅氣作枕明目

萊豆湯大水一滾色碧解暑多滾則色濁不堪用矣

芝蔴須夫婦同種方茂生油止可點燈再煎煉成方爲熟油可食初乘熟壓出尙爲生油

豇豆補腎氣每日空心煮食入少鹽有益

扁豆白色者久食頭不白

粥水忌增飯水忌減



花露傾入飯鍋一角稍閉拌勻座客應咤爲異種然祇宜於薔薇香櫟桂花三種以其色味俱與穀性相近也飯得羹而易消且有羹則飯易下古人所以食常居左羹常居右也

做飯入朴硝在內則自各粒而不相粘

煎鹽盆中能煮飯不攪動則不鹹也

天落水做飯白米變紅紅米變白

仙人粥採何首烏大者不可犯鐵竹刀刮去皮切成片收起每用五錢砂罐煮爛下白米三合煮粥食之髮黑

體健

乳粥用肥人乳候煮粥半熟去湯下人乳汁代湯煮熟  
置碗中加酥油一二錢旋攪甘美大補元氣無酥亦可  
菊苗粥用甘菊新長嫩須叢生摘來洗淨細切入鹽同  
米煮粥食之清目寧心

薏苡粥淘淨對配白米煮粥入白糖一二匙食之  
梅粥收落梅花瓣用雪水煮粥候熟下梅瓣一滾卽起  
食之能清神思

山藥粥用淮山藥爲末四六分配米煮粥食之甚補下

元

清晨食白粥能暢胃氣生津液

粥內入白湯成淋病粥後飲白湯爲淋爲停濕

麵不宜過水以滾湯候冷代水用之

食麵後當食蘆菔解麵毒不宜食麵湯蓋麵之毒在湯也

煮麵令湯清北方用花鹽南方用糠醋撮

食包子當用醋

餛飩用白麵一斤鹽三錢入水搜和爲餅劑少填揉百



遍摘爲小塊擇開菜豆粉爲粹四邊要薄下鍋煮時先用湯攪動置竹條在湯內沸頻頻洒水常如魚津樣滾則不破其皮堅而滑

餛飩入香葦在內不噉

蒸糕須候湯沸漸漸上粉要使湯氣直上不可外洩不可中阻其布宜疎或稻草攤甌中

燙粉皮忌杏仁有則不就索麵亦然

麤夏月易壞用白湯燂過自然如初

老人以牛乳煮粥大補益法用真生牛乳一鍾先將白

米作粥煮半熟去少湯入牛乳待煮熟盛碗再加酥一匙服之

新登五穀老人不宜食動一切宿疾

婦人將豆醬與藿同食墮胎食漿粥令子骨瘦不成人  
小兒食蕎麥髮落

服大荳末者忌猪肉炒豆與一歲以上十歲以下小兒  
食之卽噉猪肉久當壅氣死

造醬用三伏黃道浸豆黃道日拌黃或有蛆用草烏五  
七箇切作四片撒上其蛆盡死不卽碎切馬草烏入之

亦可

日未出及日已沒下醬不引蠅子

伏中合醬與麴不生虫

醋宜生用一入鍋則苦

米醋內人炒鹽則不生白衣

紅糟酸入鴨子與酒則甜

麴見肥皂則不就

清飲

藏茶之法十斤一瓶每年燒稻草灰入大桶茶瓶坐桶



中以灰四面填桶瓶上覆灰築實每用撥灰開瓶取茶些少仍覆上灰再無蒸壞次年換灰爲之又法空樓中懸架將茶瓶倒放則不蒸

茶畏日氣宜焙不宜晒

茶品多矣惟嶺南多瘴癘之氣染着草木北人食之往往致疾須待日出山霽霧障收盡收採可也大抵閩廣以南水亦不可輕飲以花拌茶終不脫俗必欲爲之如蓮花茶於日未出時將半含蓮撥開放細茶一撮納滿盞中以麻皮畧紮令其經宿次早傾出用建紙包茶焙

乾再如前法又將茶葉入別甕中如此者數次取出焙乾用不勝香美

木樨茉莉玫瑰薔薇蘭蕙橘花梔子木香梅花皆可作茶諸花開時摘其半含半放香氣全者量茶葉多少摘花爲伴花多則太香花少則欠香而不盡美三停茶葉一停花始稱如木樨花須去其枝蒂及塵垢虫蟻用磁罐一層花一層茶投間至滿紙箬紫固入鍋隔罐湯煮取出待冷用紙封裹置火上焙乾收用諸花倣此水泉不甘能損茶味山水江水次之雪水梅雨水亦妙藏水

壞者燒瓦片投入罈內便解

茶有真味有真香不宜投以襍果如核桃榛栗之類亦可用

茶能止渴消食明目除災人固不可一日無茶然祇宜於飯後過飲則損脾胃

細茶宜人粗茶損人少飲則醒神思多飲則致疾病

空心茶去人脂則清晨及飢時俱不可飲茶也晚茶令人不寐有心事者忌之

橘湯橘一片去殼與中白穰膜以皮切細同橘肉搗碎



炒鹽一兩甘草一兩生薑一兩搗汁和勻橙子同法曝乾密封取以點湯服之甚妙

暗香湯梅花將開時清旦摘取半開花頭連蒂置瓶瓶內每一兩重用鹽一兩洒之不可用手漉壞以厚紙數重密封置陰處次年春夏取開先置蜜少許於蓋內然後用花二三朵置於中滾湯一泡茶頭自開如生可愛充茶香甚一云蠟點花蕊陰乾如上加汁亦可

天香湯白桂盛開時清晨帶露用杖打下花以布被盛之揀去蒂萼頓在淨器內新盆擣爛如泥榨乾甚收起

每一斤加甘草一兩鹽梅十箇搗爲餅磁罈封固用沸湯點服

茉莉湯將蜜塗在碗中心抹勻不令洋流每於凌晨採摘茉莉花二三十朵將蜜碗蓋花取其香氣薰之午間去花點湯甚香

栢葉湯採嫩栢葉線繫垂掛一大甕中紙糊其口經月可用如未甚乾更閉之至乾取爲末如嫩草色不用甕只密室中亦可但不及甕中者青翠若見風則黃矣此湯可以代茶夜話飲之尤醒睡飲茶多則傷人栢葉湯

甚有益若近栢樹者新採洗淨點湯尤妙

橙湯橙子五十箇乾山藥末一兩甘草末一兩白梅肉  
四兩共搗爛焙乾捏成餅子白湯用

香櫞湯大者二十箇將內穰以竹刀刮去囊袋並筋收  
起將皮刮去白細細切碎箴籬熱滾湯中焯一二次榨  
乾收起入前穰內加炒鹽四兩甘草末一兩檀香三錢  
沉香末一錢不用亦可白豆仁末二錢和勻用瓶密封  
可久藏用每以筴挑一二匙充白湯服胸膈脹滿膨氣  
頓消醒酒化食導痰開鬱妙不可言但勿多用恐傷元



氣

甘菊可餐止黃白二色入藥供茗最良

金銀藤夏月採花供茗味絕香勝且益人釀酒尤良

菊花舒時採莖葉襍黍米釀之至來年重九始熟名菊花酒

桂花玫瑰柑橘木瓜五加皮俱可浸酒藥酒方雖多莫如歸圓爲妙

銅器內不可盛酒過夜

酒中置茄子灰則酒到夜成水

飲酒欲不醉服礪砂末 葛花可醒酒

新煮酒灰氣者開時入水一杯

救酸酒每大瓶用赤小豆一升炒焦袋盛放酒中卽解  
又韶粉去酒中酸味

飲酒食红柿令人心痛至死 生薑不可與燒酒同用

飲白酒生韭令人病增 飲白酒忌諸甜物

飲酒少則益人過多而醉則肝浮胆橫諸脉衝激由之  
敗腎毀筋久之神散魂冥不飲不食獨與酒宜去死無  
日矣飽食之後尤宜忌之飲覺過多吐之爲妙飲酒後

勿飲冷水冷茶被酒引入腎中停爲冷毒酒後不得風  
中坐臥袒裸扇此時毛孔盡開風邪易入戒之戒之  
清晨酒宜忌以其亂性也黃昏酒尤宜忌以其能動火  
也申未之間好酒三杯斯爲養生者

傷寒後不可飲酒 小兒多飲酒易起驚

婦人纔分娩不可與酒產母臟腑方虛熱酒入腹必致  
昏悶七日方進些酒可以辟風邪養血氣下惡氣行脉  
氣也

飲酒毒大黑豆一升煮汁二升服卽愈



銅器內盛水過夜不可飲

銅錫瓶內煎湯飲之損聲

陶瓶內插花宿水及養臘梅花水飲之能殺人

病眼者禁飲冷水及冷物逼眼

薄荷湯夏月可以代茶採前一日近晚以水澆之則性涼而味美病瘥者勿嘗恐虛汗不止

### 蔬供

芥菜子隔年收者則辣小滿前收鹽芥菜可交新收冬瓜忌荅帚風 凡瓜毒瓜皮煎湯鹽少許服

生薑社前收無筋患癰者不可食薑並忌雞肉

生薑同猪肉食發大風

茄子以爐灰藏之可至四五月 糟茄入石綠切開不

黑

豆豉內用甜瓜頭生者晒乾方可入不然則爛晒以爐灰摻之不引蠅子

研芥辣用細辛少許與蜜同研則極辣

晒葫蘆乾以藁本湯洗過不引蠅子

染房瀝過淡灰晒乾用以包藏生黃瓜茄子至冬月可

食

椒宜久煮美久煮則作藥氣 冷水解花椒毒如神

胡椒入鹽並葱葉同研則辣而易細

胡椒辛熱純陽走氣助火昏目發瘡多食損肺傷脾令人吐血食蒜令口中不臭用生薑枣子同食

製蒜梅法用青硬梅子二斤大蒜一斤剝淨炒鹽三兩酌量水煎湯停冷浸之候五十日後瀹水將變色傾出再煎其水停冷浸之入瓶至七月後食梅無酸氣菜無葷氣也



梨帶皮入醬缸內久而不壞香櫞橘子去穰醬皮佛手  
全醬

筍切片條淡晒收貯用時米泔水浸色白如銀鹽湯焯  
卽醃筍矣

白菜荳芽水芹焯熟入清水漂着臨用時榨乾拌油菜  
色青翠又脆可口凡家菜野菜皆用此法

甘菊花春夏旺苗采嫩頭湯焯拌食甚佳

夏秋採菱科去葉去根惟留梗上圓科焯食甚佳糟食  
更美野菜中第一品也

茉莉花嫩葉采洗淨同豆腐漚食絕品

芙蓉花去心蒂滾湯泡一二次同豆腐少加胡椒紅白可愛

丹桂花洒以甘草水和米春粉清香滿頰

採玉簪花半開蕊分作二片或四片拖麵煎食味甚香美

木菌用朽桑木樟木楠木截成一尺長段臘月掃爛葉擇肥陰地和木埋於深畦如種菜法春月用米泔水澆灌不時菌出逐日灌以三次卽大如拳炒食作脯俱美

木上生者且不傷人

胡荽久食令人多忘根發痼病 服藥忌食胡荽蒜生

菜

芫荽同猪肉食爛人腸

韭黃滯氣動風共牛肉食成瘕 解諸食毒搗韭汁飲

百損一益者蒜百益一損者韭韭一歲可四五剪凡剪

不用日中諺云觸露不相葵日中不剪韭每一剪一加

糞收子者只可剪一次 韭宜病人多食日暗酒後尤

忌勿與蜜同食



韭畦用雞糞尤良二月七月皆可種法用升盞合地成圍布子圍內以韭性向外不向內也

蒜性熱喜敞快膈善化肉暑月人多食之禍積久自見養生者忌之 八月食蒜損壽

剪葱避熱時必用清旦八月則止不止葱無袍而損白茄性寒滑多食下利女子傷子宮秋後多食損目

栽茄當候雨時勿令日炙根須築實土虛則死

茄開花斟酌子數削去枝葉別長晚茄圍人每摘茄葉散布路上以灰圍之則生子必繁名曰嫁茄

栽茄時初見根處拍開入硫黃一錢以泥培之結子倍多其大如盤味甘而能益人

茄根帶根曝乾熟以養火爐中延夕不滅

蘿蔔生沙壤者甘而脆生瘠土者堅而辣宿根生者多疥不肥帶露勿鉏犯則虫入或以大梨剗去心如甕狀納蘿蔔子蓋定埋土中候梨爛取出畦栽則實大如梨兼有梨味

蘿蔔力弱人不宜多食生者滲人血

俗傳種蓴葵時口出穢語則茂 胡葵煎酒勿令洩氣

候微冷可催痘疹除面不噴奇驗

八九月多食薑至春多患眼損壽減筋力孕婦食之令  
兒多指晦翁語錄亦有秋薑天人天年之語

薑性惡濕畏日故秋熱則無薑 伏天切薄片入少鹽

晒乾曰伏薑久藏不壞初摘嫩芽同硃砂入醋漬之色

味俱勝 糟薑瓶中置蠶蛻少許卽老薑亦無筋

菱白逐年移栽則心不黑

葦惟桑榆楊柳者可用凡煮先以薑屑飮顆投之若黑  
色者有毒殺人夏月尤不宜食 中葦毒連服地漿水



解之多食橄欖亦解薺菜與麵同食發病

冬瓜切動未吃盡者三五日皆爛以石灰糝之則不爛  
冬瓜經霜能生病 凡藏冬瓜忌酒漆麝香及糯米觸  
之卽壞

冬瓜多食陰濕生瘡發黃胆九月勿食

凡藏黃瓜用染坊淋退灰晒乾埋之冬月如新

一切瓜苦者有毒兩鼻兩蒂者殺人

南瓜經霜收置煖處可留過春

絲瓜葉汁可染綠瓜藤長後於根下拍開入銀硃少許

以泥封之瓜瓢紅鮮可愛

山藥或子或根皆生壅培勿用人糞用牛矢或麻粃良  
芋有水旱二種旱芋微辛不若水芋甘勝春時下種立  
夏後種卽不孕子秋宜壅糞至霜降則捩其葉使液歸  
於根故魁大而子繁芋生必應月數每魁皆有十二子  
遇閏則益民間收藏可以代糧蝗所經處獨不及芋誠  
禦荒要物每芋一畝其入視稻三倍下田近水處尤良  
芋以灰煮之則蘇 芋冬月食不發病 土漿水解  
野芋毒 芋切作方塊入釜炒之悉浮白輕圓脆美特

甚入少糖麵卽成飢果卽俗所謂蓼花毯也獲利較收芋又加十倍

莧多食動氣煩悶共鱉及蕨食生瘕

夏月剩飮用生莧菜蓋之過夜不餒

芹赤色者害人和醋食之損齒

蒔蘿根曾有食者殺人

菜着霜不可食 一切簷下雨滴菜有毒

獨頭蒜同蜜食殺人

食蓴菜能引疫氣蓴菜上有水銀也



妊婦臨月煮莧菜二三次食之滑產易產

小兒食王瓜生疳虫

凡菜摘之務鮮洗之務淨煮冬瓜絲瓜忌太生煮王瓜甜瓜忌太熟煮茄瓠利用醬醋而不宜於鹽炒韭宜候鍋極熱方可投下

### 葷饌

炙肉以芝蔴花爲末置肉上則油不流

臘肉內用酒脚醋煮肉紅酒調羹則味甜

晒肉須油抹不引蠅子 荷花蒂煮肉精者浮肥者沉

夏月醃肉用炒過熱鹽擦肉令軟勻下缸用石壓一夜掛起見水痕卽以大石壓乾掛當風處不敗

夏月熟肉單用醋煮可留旬久

煮陳臘肉待滾時將燒紅炭數塊淬之則不發

臭肉與阿魏同煮或用寸段稻草一把或鑽孔胡桃皆不臭食猪肉過傷者燒其骨水調服或生韭汁解之

千里脯將肉切作大塊每一斤用鹽半兩香油同醃片時入陳皮川椒茴香酒醬煮至乾曝極乾夏月旬日不壞

煮肉投鹽太早則難爛預以酒付之則易爛而味美將熟時投酒一杯亦妙 魚肉內投鳳仙子數粒極易爛 凡襍色羊肉入松子則無毒 羊入鍋則易消入腹却易脹凡行遠路最宜居家無事則宜留腹中餘地以俟其脹恣食恐生成變煮羊以杏仁則易糜以胡桃則不燥不宜用銅器煮

患瘡者勿食羊肉恐發病致死

雞黃者宜老人鳥者宜產婦 老雞頭有毒殺人 熟

雞熟肉不再煮不可食 煮老雞以山裏果煮就爛或



用白梅煮亦好煮老鵝不爛就竈邊取灰一片同煮卽爛如泥羊亦然 老鵝用櫻桃葉數片同煎則易軟

白鵝多食發酒疾蒼鵝發瘡膿諸禽尙雌而鵝獨尙雄諸禽貴幼而鵝獨貴長爛蒸老雄鵝功效比參著也

黑鵝滑中發痢脚氣人不可多食白者六月忌食白鵝補虛目白者殺人 野鵝九月以後卽中食身上熱瘡久不好者多食卽瘥雉損多益少久食疲人

煮魚羹臨煮熟入川椒則去腥

夏月魚肉安香油久亦不臭

鰯魚去腸留鱗用布拭去血水放盪鑼內以花椒砂仁  
醬搗碎水洒葱拌勻其味和蒸去鱗供食但能發疔瘡  
疾勿恣食

鯉魚發風熱五月五日勿食

鰕魚有十二骨每月一骨毒殺人取橄欖核末流水調  
服則愈

白魚發膿有瘡癰人勿食

鯽魚春不食其頭中有虫故也子與麥門冬食殺人

魴魚患疔瘡者禁之

河豚魚有毒浸血不盡有紫赤斑眼者及修治不如法  
殺人肝有大毒中其毒者橄欖汁或蘆根汁解之  
鱈魚多食成霍亂 一切魚忌荊芥犯必殺人 中魚  
毒煎橘皮湯或黑豆汁解之 魚子不可與猪肝同食  
蟹忌莧亦不可與雞蛋及雀肉同食 煮魚滴生油  
數點則無涎 魚生溪澗沙土中者有毒多在腦中不  
得食其頭 枳實者魚則骨軟或用鳳仙花子凡物腦  
能消身所以餐膾食魚頭羹也  
糟蟹久留則沙見燈亦沙治法用皂角一片置瓶下則



不沙一說初醉蟹時點燈一盞炤之入甕則與燈光相

習永無沙患 蟹用蜜塗候乾煮之則青用柿蒂三五

箇同煮亦青 糟酒醬蟹入香白芷則黃不散 喫蟹

以蟹鬚洗手則不腥 蟹與芥湯同食吐血 蟹忌紅

柿主吐血生藕汁解之 九月食蟹腸有稻芒

蝦鹽炒盛蘿內用井水淋洗去鹽晒乾不變紅色 蝦

發風動氣無鬚者及腹中黑煮而色白不可食

蛤蜊用枇杷核內仁同煮則脫下 蚌冷無毒 螺大

寒療熱醒酒 蜆多食發嗽消腎 蛭天行病後不可

食 醃鹹蛤蜊以蘆灰入鹽醃之味美且不開口要卽熟則在日中晒

鱖鱖鯽以鮮勝者也宜清煮作湯鰱白鰱鯪以肥勝者也宜厚烹作膾火候不及者肉生生則不鬆太過者肉死死則無味旋烹旋食方臻妙境水多一口魚淡一分不可多用水其最簡捷者莫若用作料置鑊內緊火蒸之極熟則鮮味盡存一氣不洩隨時早晚供膳咸宜也

以雞鰕笋簞之物和湯入諸品則物物皆鮮其餘湯汁

不足恃也

鹿肉痿人陰餌藥人食之無效以其食解毒之草故也

五六月麀鹿肉勿食 食驢肉飲酒致疾殺人

藏乳多醎以茶清水洗之則滅 牛乳不可與醋同食

雞鴨卵不可多食俗謂鵝卵能補大不然宜少食

鴨卵不可合蒜及李子鯊肉食 食雞子毒醇醋解之

鴨蛋以礶砂畫花及寫字候乾以頭髮灰汁澆之則黃

直透內做灰鹽鴨子月半日做則黃居中不然則偏一

云日中做



煮紅鴨子以金桐根同煮白皆紅

用鹽洗猪臟脂子則不臭 煮猪脂及血臟羹不可入  
椒同煮作猪糞氣臨熟後卽起 洗猪肝用乾麴洗猪  
臟用砂糖洗猪脂用洋糖則不腥 猪腦損陽酒後尤  
不可食 諸禽獸腦滑精不可食 猪臨殺驚氣入心  
絕氣歸肝尤不宜食 食猪羊血過多則鼻中生毛晝  
夜可長五六寸漸粗圓如繩雖忍痛摘去復生惟乳食  
硃砂餅爲丸可治此疾

一切肉食過度還飲肉汁卽消 凡夜不宜多食雞鴨

猪肉能致霍亂 諸般肉煮用紙封鍋口或以楮實同  
煮則易爛 凡肉汁器中氣不洩者有毒以銅器蓋之  
汁滴入者亦有毒 穿屋漏水襍諸脯中食之生癰瘰  
中諸肉毒壁土調水一錢服之又白扁豆燒末亦可  
凡飲食後心煩悶不知中何毒者急煎苦參汁飲之  
令吐

時行病後勿食魚膾及蝗與鯉魚鱔魚再發必死百日  
之內忌猪羊肉並腸血肥魚油膩乾魚犯者必大下痢  
不可復救又禁食麵及胡蒜韭薤生菜蝦等物此多致

傷發則難治又令他年頻發

猪肉之用最多然不宜久食食之暴肥致風猪腎能理腎氣多食腎虛久食少子猪腦損陽嘴動風尤毒

解中禽魚鱉等毒五倍子白凡等分水調服或生蘆根搗汁服或橘皮煎湯服

解中鳥獸中箭藥死者毒用大豆汁入鹽少許服之

解中狗肉毒杏仁三兩連皮研溫湯調服吐出爲妙

解中牛肉毒猪牙燒灰水調服有食之生疔瘡者用菊

花根水煎服以菖蒲研爛酒調服取汗效



解中驢馬肉毒生蘆根搗汁服再用根煎湯洗浴效

解中六畜毒壁泥用水調服

孕婦食鱉令子項短及損胎 食蟹令子橫生 食雀

腦令子雀目 食雀肉飲酒令子無恥多淫 雞肉與

糯米同食令子生寸白虫 食羊肝令子多厄 食山

羊肉令子多病 鯉魚與雞子同食令子成疳多瘡

食犬肉令子無聲音 食兔肉令子缺唇 鱖魚田雞

同食令子瘖啞 鴨子與桑椹同食令子倒生心寒

食驢騾肉過月難產

小兒食雞鴨卵魚子之類長而多忘 食鱗魚結癥瘕  
咳嗽 食雞肉生蛔虫 羊肝同椒食損兒

菓品

收栗子不蛀以栗蒲灰淋汁澆二宿出之候乾置盆中  
用沙土覆之 煮銀杏栗子用油紙撚在內則皮自脫  
小兒食生栗難化熟者多滯氣大人亦宜少食

藏金橘橙柑橘子於菜豆中則經時不變 用松毛包  
藏橘子三四月不乾

五日以麥麴煮成粥入鹽少許候冷傾入甕中收新鮮

紅色未熟桃納滿甕中至冬月如生

用臘水同薄荷一握明礬少許入甕中投浸枇杷林檎  
楊梅於中顏色不變味涼可食

藏柑子以盆盛用乾潮沙蓋之土瓜同法

煮菱要青用石灰水拌過先洗去灰煮則青 藕皮和

菱米食則軟而甜

吃栗子於生芽處咬破些吹氣一口剝之皮自脫 竹

葉與栗同食無粗 藏胡桃不可焙焙則油

藏梨子用蘿蔔間之勿令相着經年不爛今北人每於



樹上包裹過冬亦妙 梨蒂插蘿蔔上亦不得爛藏香

櫟同此法

松子仁帶皮則不油 食蓮子宜蒸熟去心生則腹脹

不去心令人嘔

梅子不宜多食食梅齒齲者嚼胡桃肉以解之同韶粉  
食則酸不軟牙梅葉尤佳

乾果子蒸了者露之味如新 生菓停久有損處者不

可食

白菓生引疳解酒熟食益人不可多食 炒銀杏在十

箇以上則不爆 菱煮過以礬湯綽之紅綠如生

大棗刷淨曬乾醋拌封固臨食取用鮮潤而甜異於常  
棗 病牙者勿食棗

杏多食傷筋骨 杏仁久服目盲眉髮鬚落動宿疾雙

仁者殺人 桃杏花本五出而六出者必雙仁能殺人

者失常也 一切果核雙仁者害人 桃損胃多食有

熱

李發瘡食多令虛熱和白蜜食傷人五內 李不沉水

者有毒 久病者食李加重

梨治心熱生不益人多食寒產婦金瘡人勿食令痿困  
其性益齒而損脾胃正二月勿食  
柿乾者性冷生者彌冷食多腹痛

甘草作釘鍼葡萄立死以麝香入葡萄皮內則葡萄盡  
作香氣若引其藤穿過棗樹二三年後皮粘樹竅斫去  
原根託棗自生實味更異葡萄初結時剪去繁葉使  
受露無不肥大冬月收藤包藏封土中至春更架架下  
不可飲酒恐虫矢傷人葡萄蔓好引向西南作架者  
須知



藕以鹽水拌食則不損口同油煤麵果食則無渣 藕  
久食輕身耐老止熱破血

橄欖樹高將熟時以木丁釘之或刻根下方寸許納鹽  
入內一夕子皆落木亦無損 橄欖鹽過則不苦澀同  
栗子食作梅花香 橄欖木作舟楫着魚皆浮出物性  
相制也人誤食河豚肝及子迷悶至死惟此木煮汁能  
解之

木瓜最療轉筋如轉筋時但書其名及書土作木瓜字  
皆愈理不可解 爾雅楸木瓜轉筋時呼楸爲得

糖霜以蔗汁過樟木槽取而煎成如以銅式印成物像  
郵寄遠地先以竹葉及紙包裹外用石灰埋之不得見  
風雖夏月及久陰雨俱不消化

荔枝熟時人未采則百虫不敢近人纔采烏鳥蝙蝠之  
類無不傷殘故采荔枝者必日中而衆采之 食荔枝  
多醉醉以殼浸水飲之卽解此卽食物不消還以本物  
消之之意

榧煮素羹味更甜美猪脂炒榧黑皮自脫榧子同甘蔗  
食其渣自軟皮反落豆能殺人也

林檎樹生毛虫埋蠶蛾於下或以洗魚水澆之卽止

佛手柑安芋片於蒂而以濕紙圍護經久不癢或云搗蒜罨其蒂上或指上則香更充溢然究非雅人深致也

香櫞用蒜罨法亦妙 香櫞蒂上安芋片則不癢

桑樹上接楊梅則不酸楊梅樹生癩以甘草丁釘之則死 水楊梅入浮炭不爛

葶薺善毀銅合銅錢嚼之則錢化可見其爲消堅削積之物故能化五種膈疾而消宿治誤吞銅錢也

橙能消酒宿醒未解者啜之卽醒 橙子皮多食傷肝



櫻桃經雨則虫自内出人莫之見水浸良久則虫自出  
乃可食櫻桃多食發暗風傷筋骨

葡萄根莖中空相通暮漑其根而晨朝水浸子中矣故  
俗呼其苗爲木通以利小腸

甜瓜多食作脹者食鹽花卽化最忌麝與酒凡食瓜過  
多但飲酒及水服麝香尤於食鹽漬水也

瓜性最寒曝而食之尤冷故稽聖賦云瓜寒於曝油冷  
於煎物性之異也

食西瓜後食其子卽不噫瓜氣以瓜劃破曝日中少頃

食卽冷如冰也得酒氣近糯米卽易爛猫踏之卽沙性  
甘寒最解酒毒故有天生白虎湯之號但不宜多食

藏西瓜不可見日影見之則芽 楊梅核與西瓜子同

柿子漆粗拌晒乾自開只揀取仁

柑蔗多食齟血 砂糖多食心痛同鯽食成疳同筍食

成食瘕小兒亦不宜食 諸果毒燒猪骨爲末水調服

胡桃多食動風痰脫人眉同酒肉多咯血食酸傷齒者

食之卽止

有風病者勿食胡桃有暗風者勿食櫻桃食之立發

調經類編卷三

產後忌生冷惟藕不爲生冷爲其能破血也

栗子飼小兒齒遲腎氣弱

妊婦食茨菇恐消胎氣食梅李令子青盲

調經類編卷三

終



調變類編卷四

花竹

玉蘭性畏水遇浸則瘁秋後接於辛夷澆以糞水花特芬馥 玉蘭花和麵煎之極佳 紫荊花下不可設飲能害人

海棠以櫻桃接則成垂絲以梨樹接則成西府以木瓜頭則成白色欲其鮮盛冬至日早以糟水或酒腳澆根下復剪去花子來年卽花茂而無葉

梔子花能悅顏色面藥用之採花和麵煎食清芳可愛

瑞香枝左手折下隨即扞插不換右手無不可活以燂猪湯澆之宜凡香花大抵忌糞唯用頭垢或浣衣灰汁爲妙 瑞香根甜灌以灰水則蚯蚓不起 瑞香花別名麝囊香氣能損群花世亦號爲花賊宜特處之夜合花古人多植之庭除使人蠲忿

牡丹皮桃杏之類入藥以不經移接者爲佳 栽牡丹法秋社前分後全根掘出勿傷細鬚視可分處用手劈開以小麥一握拌入土中又和白斂末培之可殺虫蠹須直其根曲之卽死接枝亦宜秋社前後 培養牡丹

須八九月壅土二寸秋冬霜雪護以棘枝花未放去其  
小莖謂之打剝花纔落剪其故枝勿損花牀 清異錄  
有招舉牡丹法九月取角屑硫黃礬如麵拌細土挑入  
花根壅罨入土一寸出土三寸地脈自暖花蕾初生搯  
去止留中心一莖開時花大如盞

木槿作飲令人得瞑用花作湯代茗可以治風葉可沫  
髮去腫尤良

桂味辛螫挫屑布磚縫中宿草盡死呂氏春秋云桂枝  
之下無襍木雷公炮炙論云以桂爲丁釘木中其木卽



死自其性相制耳 桂患蛀損取芝麻梗懸樹間能殺  
虫 桂接石榴開花尤紅

芙蓉將放時如欲染色隔夜以靛刷紙蘸花房上仍裹  
其尖花開淺碧五色皆可染也 林洪采芙蓉花煮豆  
腐紅白交錯恍如雪霽之霞名雪霞羹

栽芍藥法秋分後用竹刀掘根剝去朽腐以猪糞和泥  
分栽向陽處更以鷄糞培之黃酒澆之則能改色花開  
後亟剪其子屈盤枝條使不離散則脉理歸根明年花  
繁而色潤

玫瑰性嗜潔人溺之卽斃凡花木不喜常分獨此花嫩  
條長時移栽則茂若木根太盛反致凋瘁

罌粟培灌得宜妖艷百出中秋夜或重九日裸體種之  
口兼罌穢兩手交換撒子仍用竹帚掃勻則花必重臺  
千葉地須肥鬆子用墨汁拌撒以土覆蓋可免蟻患若  
土瘦種遲變爲單葉矣單葉者子必滿磨取作腐少供  
清味亦澁精一藥也

蓮白者花香而藕勝紅者花艷而藕瘠清明前分秧勿  
損尖芽則生若用缸栽先取稻泥實築半缸隔一席片

置秧其上又將河泥壅定日晒開裂下水灌之別法用  
硫黃臘糟豆屑猪毛皆屬可省或浸靛缸底卽作青色  
癸辛襍識每歲南月南風少則好藕晒荷葉遇雨雨  
所着處皆成黑點藏枯荷葉則須密室見風則蛙損不  
堪用矣

歲時廣記二月種百合宜雞糞壅之相傳百合是蚯蚓  
纏結所化乃好雞糞不可解也

鳳仙子性急速能透骨軟堅庖人煮魚肉硬者投數粒  
則易爛是其驗也緣其透骨最能損齒凡服者不可着



齒 鳳仙欲其再開但將子逐旋摘去則又生花 鳳  
仙莖入饌大勝萵苣采白花浸燒酒中半餉鮮紅如丹  
霞

玉簪含蕊時納粉少許凌晨傅面大能助粧

雞冠花清明前播子於地高低隨人撒高卽高撒低卽  
低高者或至七八尺低則三四寸於石砌磚縫中尤宜  
花多變幻最能耐久杆插薔薇築實旁土止留寸許在  
外長卽易瘁如腦生青虫以傾銀爐灰撒之 占城國  
人取薔薇花上露並其花浸水以琉璃瓶試之翻搖數

四其泡周上下者真

木香卽薔薇一種而清幽似勝摘入瓶中水洒蒸之作薔薇露絕香不減南番所市

秋海棠性喜陰濕宜向幽窓背日處種之

菊花二月雨過分畦不用肥土仍忌日晒長及尺許卽摘去苗心使生歧枝剔去細莖勿分花力若葉黃痿用韭汁澆根青色如故矣最易生虫去之宜慎如欲催花莖大時以龍眼殼罩之隔夜灌硫黃水次早去殼花卽大開或有罩至春初始放者亦一奇也

甘菊可餐止黃白二色入藥供茗最良 抱朴子菊苗  
可以菜花可以藥囊可以枕釀可以飲令人長生 續  
博物志菊花舒時採莖葉襍黍米釀之至來年重九始  
熟名菊花酒 又真菊可以延齡野菊可以瀉人  
凡花悉貴重臺惟水仙則貴單瓣五月初旬竹刀掘根  
浸以便溺逾宿取移近煙竈處至九月中用猪糞拌土  
種之不得缺水或云和土晒煖亦得  
蕉宿根愈久愈大欲栽盆將根切碎用油簪腳橫刺十  
字二孔只高尺許殊可供玩



凌霄花露下不宜仰視滴入眼中卽成翳花能墮胎妊婦宜避嗅臘梅花生鼻痔 養荷花用溫湯入瓶中以紙蒙了以花削尖簪則花開且久 蜀葵花削煨以石灰蘸過令乾插水瓶中開至頂而葉不軟 冬青樹上接梅則開洒墨梅 石榴以麻餅水澆則花多 養牡丹芍藥梔子並刮去皮火燒以鹽擦之入瓶 種蘭去土用水煇屑種之 草木花被羊食並不發 牡丹根下放白木諸般顏色皆腰金 凡花紅者令白用硫黃燒煙薰之用盞子蓋花則白 葫蘆照水種自

正

竹多年者則生米而死急截去離地三尺許通去節以大糞灌之則餘竹不生米也 竹葉以沸湯蘸過則不捲藏擣甲 續蘇骨插竹圍四向竹不沿出芝麻骨亦可

江梅接桃杏皆生接苦棟則成墨色不經栽接花小而香子小而硬 蜜漬梅花法用白梅肉少許浸雪水潤花露一宿蜜浸荐酒清雅異常

山險峻者欲增斌媚以桃杏核包泥彈丸打上不數年

山繡如錦或言椿樹枝上接牡丹花大如斗信有之亦  
奇觀也

插梅瓶中置硫黃一錢以熱湯插之則榮 種梔子將  
剪斷處敲碎加鹽些少於瓶水養之則開

牡丹花貯滾湯於小口瓶中插花一二枝緊緊塞口則  
花葉俱榮三四日可玩芍藥同法一云以蜜作水插牡  
丹不悴蜜亦不壞芙蓉蜀葵同法

戎葵鳳仙芙蓉凡折枝花皆滾湯貯瓶插下塞口則不  
憔悴可玩數日



荷花採將亂髮纏縛折處仍以泥封其竅先入瓶中至  
底後灌以水不令人竅竅中進水則易敗 海棠以薄  
荷包枝根水養或薄荷水養數日不謝

冬月插花如瑞香梅花水仙山茶臘梅皆冬月妙品插  
之用肉汁去浮油入瓶插梅花則萼盡開而更結實  
又法以鹽泥三七對插花更妙不凍而花更榮

薔薇正月初剪枝長尺餘杆種

月月紅凡開花後卽去其蒂勿令長大則花隨發無已  
種盆荷花用老蓮子裝入雞卵殼內將紙糊閉孔與母

雞混衆子中同伏候雛出取開收起蓮子先以天門冬  
爲末和羊毛角屑拌泥安盆底種蓮子在內勿令水乾  
則生葉開花如錢大可愛

葫蘆秧種小盆得土甚淺至秋結子形僅寸許垂挂可  
觀又法選畦中粗大者一株作主次將旁株去皮一片  
兩株結縛以泥塗封稍長去其一苗留本又將旁株再  
就以根株並作一株延蔓則三本之力歸一苗矣其結  
實成形又刪去衆苗止留壯者一枚至秋成實大比尋  
數數倍用作酒樽攜帶山遊誠物外清品也又有寄生

紅白雞冠旁法竟成紅色葫蘆妙不可言

盆蘭枝上花盡多候開次有未開一兩莖頭便可剪去  
若留盡開則奪了來年花信 蘭盆兩三日一番旋轉  
取其日晒均勻則開時四面皆有花若晒一面則一處  
有之 灌蘭不可從上澆下恐壞其葉并水性陰恐致  
凍損溫潤則不必澆恐爛根 盆須架起庶令風從底  
入以得透氣爲佳又免蚯蚓蟻虫之患蓋蚯蚓每從底  
孔中入不可不防 葉黃惟用苦茶澆之最忌春雪一  
點着葉則一葉斃矣



竹有雌雄雌者多筍當自根上第一枝觀之雙枝是雌若獨枝者雄也冬至前後各半月不可種植蓋天地閉塞而成冬種之必死若遇火日及西南風俱忌花木皆然凡種竹處當積土令稍高於平地二三尺則雨潦不損謂之竹腳

草木

艾名醫草博物志云削冰令圓舉以向日以艾承其影得火故一號冰臺 搗艾入白茯苓三五片同研卽時可作細末

菟絲蔓寄空枝漸能絕地子研末能明目去風壯腰膝  
久服老變爲少子最細難研曝乾時入紙撚數條同搗  
應手成粉

浮萍發汗奇驗五月五日取萍陰乾燒烟能辟蚊性陰  
靜以承陽故曝之不死惟以盆水在下承之而虛閣萍  
於上晒之卽枯決明子主肝家熱每日取一匙空腹吞  
之夜見字

石菖蒲盆栽極清雅夜置窓間能收煙明目平旦葉尖  
自有滴水如珠洗目大佳 培養菖蒲勿令肥勿令見

泥勿澆井水使葉上有白星壞苗勿令日曝勿冒霜雪  
最解醉人或油手腥手摩弄必致殘缺 石菖蒲無力  
而黃者用鼠糞洒之

三七草青鬱可玩其根係止血聖藥有活種閩廣帶回  
者近地亦有此種葉如野蒿花黃而小極易生鮮者採  
葉搗爛跌打破碎者接上立止血疼過二三日即愈又  
不潰爛真神草也收葉乾作末亦可治吐血鼻血上衝  
者皆宜佐以治藥服之其功效脩開於後  
治刀斧箭傷血出不止者嚼少許罨上即止



治婦人血崩看年遠近研一二錢白酒調服服後四物湯加三七五分煎服

治吐血用一錢或五分自嚼米湯下或用人參五分煎服

治腸風下血用四物湯加三七五分煎服或空心用五分調酒服

治杖瘡淤血用一二錢嚼爛罨在破上再服一二錢免血攻心

治產後血湧用一二錢研細水調服卽止

治跌打青腫不消者用一錢嚼細敷患處卽愈

治害眼十分重者用少許水磨調點眼眶內卽消

治赤白痢疾用一二錢爲末米泔水調服

治虎狼蛇咬用一二錢爲末酒調服嚼少許塗患處

治受下蠱毒先吃少許毒卽返出

治一切瘡毒癰疽疼不止者用一二錢爲末水調塗之

立效種種奇效難以枚舉勿以小草而忽之也

栢性堅緻有脂而香故古人破爲白用以搗鬱

桑屨條分者良以構接則桑大根下埋龜甲則不蛀吳

中栽桑斬其葉而植之謂之嫁桑却用螺殼覆其頂以防雨損二年卽盛午日不得鋤桑園甚熟時采黑紫者取汁煎膏入蜜點湯服妙

構穀樹也

齊民要術梧桐山石間生者作樂器則鳴

榆嫩芽可瀹爲羹茹令人多睡其皮爲粉最粘水調作糊勝於膠漆荒歲屑以充糧人多賴之

槐初生嫩芽可茹亦可代茗十月上巳日取子及皮納新瓶中封口二十日初服一枚再服二枚日加一枚至十日又服一枚起終而復始能明目黑髮去百病 凡



槐樹生虫擗鼓樹下其虫自落

酉陽雜俎世重黃楊以其無火也用水試之沉則無火  
凡取此木必以陰晦夜無一星伐之則不裂

楓樹生菌不可食食之令人笑不止

欒櫚近葉處有皮裹束二旬一采皮轉復上生不剝則  
樹死或不長也棕繩入水千年不朽

橘樹忌猪糞或以死鼠埋根下其果必多樹有蛀孔用  
鐵線鈎虫作木釘塞之或以硫黃灌入冬月用稻草緊  
束樹以防寒雪 橘皮爲脾肺三經分藥留白則補脾

胃去白則理肺氣同白朮則補脾胃同甘草則補肺獨  
用則瀉肺損脾

柘葉飼蠶其絲作琴瑟弦清鳴響亮遠勝凡絲

穉穉味能解酒毒人家左右前後有此木則醞酒不成  
以木作屋屋中酒味薄

皂莢樹最高大枝間多刺九十月采莢用篋籬樹下一  
夜自落有不結莢者鑿一孔入生鐵三五斤泥封之則  
結收皂莢置油瓶中久藏不蛀

桃品甚多易於栽種且早結實宜年以刀割其皮出其

脂液則多延數年

李樹極耐久但忌連陰故宜稀不宜密元日或上元以磚着樹了臘月以枝擊樹枝至正月晦日擊可令多子如不結實亦以元旦五更點火照之當年便生謂之嫁李

栽杏法畧同桃李但種宜近人居不得移動性差異耳梨花六出上已無風則結實必佳梨核每顆有十餘子種之惟一二子生梨餘皆生杜杜棠梨也梨品甚多必須棠梨桑樹接過者則結子早而佳



銀杏核三稜者爲雄二稜者爲雌須雄雌同植相望乃結雌樹臨水種亦結或鑿一孔用雄木一塊泥之亦結銀杏能醉人食滿千箇者死小兒尤忌

胡桃能制銅誤吞銅錢多食胡桃自化出戲術嚼錢如粉預置胡桃肉一塊口內將銅錢嚼之卽碎

種東端午日用斧斑駁打敲樹本候花放時以杖擊枝振去狂花如子熟時遇火霧更取糝麻絰樹障之可無傷損

栗但可種成不可移栽於五果屬水水潦之年則栗不

熟類相應也霜降後苞自裂而子墮者方可久藏以橄欖同食作梅花香宋人名爲梅花脯

柿置漆器中自紅或用檳櫨烘之飲酒食紅柿令人易醉或心痛欲死別云解酒毒者誤

石榴移栽卽活種子亦生須安僵石枯骨於枝間下花  
花卽茂盛

烏臼樹爲利甚溥須接博乃佳或云春初將樹枝一一振轉其心自碎卽生子與接博者同但不宜種魚池旁落葉入水卽變黑色能損魚

柿接桃則爲金桃李接桃則爲李桃梅接桃則脆樹生虫煮猪頭汁澆之則止

種桃時核尖頭向上覆土深尺許春深芽長移栽實地或云種時以桃核刷淨令女子艷粧下之則花艷而離核又春後以刀直劃其皮則液不憑社日春根下土或以刀襍斫其枝則實不墜生虫以多年竹燈檠掛樹間虫自落

凡桃多係接成殊失本性桃仁入藥用本生者爲宜

### 鳥獸



凡飛鳥投人家口中必有物拔而放之大吉

鵝伏卵則逆月謂向月取氣助卵也五六月生卵熱不可抱拔去兩翅十二翮以停之積卵腹中候八月乃下凡雞但看舌黑者則肉骨俱黑入藥更良男用雌女用雄母雞下卵時裸麻子食中飼之即不肯抱生卵尤多

凡鴨皆雄瘖雌鳴重陽後始肥清明後生卵即內陷伏卵聞礮聲磨即鰥而不成無雌抱者以牛糞嫗而出之亦物理之不可曉者也廣東湯燁鴨卵出雛浙江火

焙鴨卵出雛四川所畜之鴨真糞可以淘金

狐貉皮毛見燕卽脫燕肉不可食損神氣入水爲蛟龍  
所吞雷或擊之

山海經黃鳥卽黃鸝也食之不如梁武帝郗后性妬曾取爲

膳妬果減半

鵲巢常背太歲而向天乙能知來歲巢低主水高主旱  
田家往往以此爲驗 又知風之所起歲多風則巢於  
下枝

鸛鵒卽入哥也舌如人舌五月五日剪去舌端卽能效人言

言類彙編卷四

又可使取火也 鸛鵒目睛和人乳滴眼中能見煙霄  
外物

鷓鴣野鳬也似鳬而小俗呼油鴨其膏塗劍刀不鏽  
鷓鴣帶帽兒飛去立喚則高去伏地喚則來

雞未狨者以荇帚趕之則狨毛倒生 母雞生子與青  
麻子吃則常生不抱卵一云續麻子 雞吃貓飯能啄  
人 竹雞叫可去壁虱並白蟻

癸辛襍志凡遇虎者當作勢與之敵而旋退引至曲路  
卽避去蓋虎不行曲路故也 山居者云虎懼傘入山



持傘頓有大威光也

北人牛瘦者每以蛇灌鼻口則爲獨肝水牛有獨肝者殺人

羊食鉤吻則肥食仙茅則肪食仙靈脾則淫食躑躅則死性畏露宜晚出早歸煮羊以杏仁則易糜以胡桃則不臊不宜用銅器煮梓樹葉飼豕肥碩十倍

劣馬食牛肉則馴馬食杜衡則善走食稻則足重食鼠屎則腹脹食雞糞則生骨眼以僵蠶烏梅拭牙則不食得桑葉則解掛鼠狼皮於槽內亦不食土中有海馬

骨則不行芻粟中入貫仲飼之易肥性畏暑不畏寒病  
宜洗澡不宜日晒 凡駒初生時卽以乾土遍擦其身  
則馴而不蹄嚙以銀簪分界其鬃則兩開 猪槽飼馬  
石灰泥槽汗物繫門三事落駒 凡兒騾馬產者見馬  
必嚙驢產者見驢必嚙多有嚙死者異氣配合自多矯  
揉也行路之人不可不防

猪小時糟飼者不長用麻子二升擣碎鹽一升同煮和  
糖三升食之卽肥 猪腦損陽酒後尤不可食 凡肉  
有補唯猪肉無補令人習而不察也 猪臨殺驚氣入

心絕氣歸肝尤不宜食胡麻麵啖犬則黑光而駿 黑  
犬能辟伏尸舌青斑者識盜則吠食竹茹則聲啞食木  
鼈子則死小犬吠不絕聲者用香油一蜆殼灌入鼻中  
經宿則不吠

凡餌藥之人勿食鹿肉服藥必不得力爲其食解毒之  
草制諸藥性也

麋脂令人陰痿麋令人弱房發腳氣妊婦食之令子損  
目 麋角自生至堅無兩月之久大者乃重二十餘斤  
堅如石計一晝夜須生數兩凡骨最難長而此成長神



速更甚於草木此骨之最強者所以能補骨堅陽道強  
精髓也若鹿角專補陰今多借用大誤

牡猫無牡但以竹帚掃背數次卽孕或用斗覆於竈前  
以刷帚頭擊斗祝竈神亦孕此亦竈雞之類也理不可  
曉 猫病以烏藥水灌之生虱搗桃葉塗之獅子猫炙  
猪肝飼之令毛彫潤 猫眼可以定時有歌云子午線  
卯酉圓寅申巳亥銀杏樣辰戌丑未側如錢  
獺穴高下可占水旱性畏芙蓉一葉沾皮卽爛至骨人  
家往往植之池上以禦其入

狼腸直其糞可作烽煙直上不斜故曰狼烽駝駝糞亦然荷花梗塞鼠穴自去鼠殘物食之生癰

蝟肉可食骨不可食能瘦人使人縮小

大抵禽肝青者獸赤足者有岐尾者煮熟不斂水者生而斂者禽獸自死無傷處者米甕中肉脯久藏者皆殺人元雞白頭或四距及野禽卵有八字及死不伸足目不閉者皆不可食

### 蟲魚

蛇頭不可以刀斷必同傷人名曰蛇箭蛇畏薑黃

魚瘦而生白點者名虱用楓樹皮投水中則愈

驚與蟪蛄被蚊叮卽死 木驚子一對同雄黃蜜煉丸

燒治蚊虫壁虱 水中浮萍乾焚煙熏蚊則死 麻葉

燒煙能逼蚊 荊葉能逼蚊

馬蝗畏肥皂 煇炭斷道行蟻自回

使蒼蠅不來席上以稻草索數條懸壁間則盡 樓葱

逼蠅陳茶末燒煙蠅速去

令蛙不鳴三五日以野菊花爲末順風撒之

收大黃葉鋪荐上去壁虱



鰻鱺魚治勞夏月以乾鰻魚室中燒之蚊蟲卽化爲水  
置其骨於衣箱及氈物中斷蠹魚蛀蟲

蚯蚓去泥以鹽塗或納入葱中化爲水可治天行諸熱  
病癩癰丹毒漆瘡等疾

芝蔴柴掛樹上無蓑衣蟲 花樹虫孔以硫黃末塞之  
龍火得濕則焰得水則燔以人火逐之則息故人之相  
火似之龍之性粗猛而畏蠟愛玉及空青而嗜燒燕肉  
或曰其性畏鐵又畏練葉及五色絲

池魚滿三千六百蛟來爲之長能率魚而飛置筍水中

蛟卽去

鬻魚種者陸路而行日換新水數度擇其稍大而黑鱗者去之恐傷其衆終日奔馳夜亦時加動搖則洋洋然無異乎江湖反是則水定魚死矣初養之際或以油炒糠飼之後並不育子

鯉脊上兩筋及黑血有毒溪澗中者毒在腦俱不可食凡服天門冬硃砂人尤忌

鱖鯊骨取插瓜蒂上一夜瓜輒熟

諸魚屬火獨鯽魚屬土有調胃實腸之功若多食亦能

動火

鯉夜拱斗有自然之禮故從禮胆獨甘故從醴道家忌

之以其首戴斗也

俗作鳥魚

除夜黃昏時烏魚煮湯浴小兒令遍體俱到卽不出痘若留一處不到遇痘發此一處偏多

金魚食水蛆紅色尤鮮以橄欖渣肥皂水入缸中卽死凡食河豚一日內不可服湯藥恐犯荊芥桔梗甘菊之類子尤不可食曾以水浸之一夕大如芡實也每一歲中必有一二人中其毒者不可不慎



言類彙編卷四  
三  
鰻鱺四目者殺人背有白點無腮或重四五斤及水行  
昂頭者並不可食

販鰻者器中寘鰓云鰻喜睡鰓好游不可睡死

烏賊魚腹中黑可書字初書迹如淡墨逾年卽滅但存  
空紙凡作券須索濃墨方無此弊

龜溺和銀硃寫字入木極深術士用鏡照雄龜取溺或  
以猪鬃刺其鼻出溺書奇字於漆桌或漆門上惑人識  
者自能辨之

龍脂磨鐵最明

八九月爲蟹浪時漁者緯蕭承流取之夜以火照蟹卽  
畢聚

儿販賣鰕米及甘蔗者每用人溺灑之則鮮美可愛所  
謂眼不見爲淨也

養蠶之室欲明而溫飼之必捲窓門幃飼訖還下勿用  
露葉

收養蜜蜂之法置房南壁間外穴一隙以簾隔之止容  
數孔出入有他虫來盜蜜侵害者亟除滅之候蜜滿脾  
須中夜蜂息時切取勿令蜂知量留其蜜以給冬月其

言類辨錄卷四  
三  
滓煎作黃蠟再加煉淨亦成白色

蠟虫作房冬青樹枝纍纍抱樹若子中皆虫卵一苞數百立夏日摘取以箬葉包之分繫樹間芒種後苞拆卵化虫乃延緣枝葉食汁吐涎結成脂至處暑時剝取溶置冷水中凝聚成蠟若過白露卽堅粘難刮矣

蛭卽馬蟻也性最難死卽寸寸斷裂得水亦活人行水草中一着脛股直入皮膜中生育爲害唯用田中土或槲黃泥漿水飲之卽出 蛭空中而生亦如魚子經三年得水猶活或云雖用火炙經年猶活惟澆以菜油則



不復生又畏石灰食鹽

白蟻最能穴木唯煇炭桐油可制之

螢火丸可辟五兵祛盜賊天行時疫佩之不染誰謂小虫乃禦大患如此

蜒蚰卽蝸牛之無殼者能制蜈蚣所經之路必有涎蜈蚣觸之卽死傳蜈蚣傷甚驗 蝸牛涎能制蜈蚣蝎蠆物各畏其天也醬塗蜈蚣傷亦驗

陸佃云蟾吐生其肪塗玉則輒刻削如蠟

陶隱居云五月五日取東行蟾五枚反縛着密室中閉

言類編卷四  
三  
之明旦視自解者取爲術能使人縛亦自解

戲術燈上見蛇影小蛇一條取血染燈心數條候乾點  
燈則見蛇影現於燈上如將二蛇血染燈心每將一條  
合點則見二蛇影相絞定也

葛洪云蝮中人最急卽時以刀割去創肉投於地其沸  
如火炙須臾焦盡乃得活

守宮蝮虎類也古法飼以硃砂滿七斤擣萬杵以塗女  
體如赤痣一偶卽脫故云守宮

驟窺蜂房輒群起攻之 蜂蜜有出崖石上者樹木上

者土中者人養者皆隨土地人事所出不同諸家辨論未的要之當以花爲主山野之中花色良毒正襍蜂必採其糞穢方得成蜜其間必有制伏之妙不得而知故夏冬爲上秋次之春則易變而酸閩廣蜜極熱以龍荔草果檳榔花類熱多霜亦少故也川蜜溫西南之蜜則涼矣

驚甲剝屑以莧封裹置土坑內以土蓋之一夜盡生小驚人誤將莧驚同食腹中生驚服曰馬尿可消夏月每有蛇化爲驚切不可食腹下有蛇紋者蛇也



凡魚目能開閉及兩目不同無腮無胆及白目白背黑  
點赤鱗者鰲目大者赤足者腹下生王字形者三足者  
獨目者腹有蛇蟠紋者蟹背上有星點者脚生不全者  
獨螯者獨目者兩目相向者足斑目赤者腹有毛者蝦  
無鬚者腹中黑者煮而色白者並不可食

襍著

留宿火法好胡桃一枚燒半紅埋熱灰中三五日不滅  
釜底煤可代火爇取火

溪中水沫取起令乾爲末入湯中卽冷而不沸 池中

渾濁以瓶入糞用箬包紮之投水則清 油紙燈入荷

池葉死

燈心蘸油再蘸礬末粘起炭火雞子開小竅去黃白淨  
入露水又以油紙糊好日中晒之可以自升起離地三  
四尺櫟炭灰成花燒之有墨處着無墨處不着

天門冬二斤熟地黄一斤共爲末煉蜜爲丸如彈子大  
每服三丸溫酒下湯亦可日進三服若遇山居之日辟  
穀不飢

服食松根法取東行松根剝取白皮細剉曝燥擣篩飽

食之可絕穀渴則水

製松栢粉法取葉在帶露時採之經隔一宿則無粉矣  
嫩葉汁澄粉如嫩草色鬱葱可愛

祛身上生虱法口吸北方氣一口吹於筆尖寫三五寸  
長黃紙上斂深淵黥漆五字置之牀席衣領間可辟虱  
虫人身大虱以一置之桌上將虱頭朝北决不北行惟  
走三方雖百次亦不北向也此法甚合虱性 滴燒酒  
泡百蔞封固一日擦身蟣虱皆死身體虛弱者宜慎  
夏月熱湯入井成冰



玻璃裏凹以影像觀之宛然如生 礬擦竹片畫花入  
水盡浮蝙蝠磨末糊壁夜間作響 壁虎乾爲末入碗  
肉動

手捏耳邊止火痛

雞子數箇打和入猪脬紫好投井中逾時取出煮熟黃  
白停勻儼如大蛋

象忌鼠置鼠於其前則不動

鎗沸底冷以手承之不傷沸一停則熱凡油在鍋中滾  
者其心必冷術家每以此誇異

戲術葫蘆相打法一貯鐵屑一貯磁石也又有葫蘆勸  
鬧法再投一葫蘆便止中貯水銀故也

以錢置碗底稍遠則不見加水滿碗其錢立現

大棗洗淨晒乾用好醋拌勻貯磁瓶藏之肥大而鮮潤  
戲術以端午楊柳枝貫白頸蚓浸香油內過三七日後  
用點燈兩蚓相貫可愛名曰燈光虹貫

千里不飲水不渴方用白蜜一兩二錢甘草一兩薄荷  
一錢烏梅肉一兩白茯苓三兩五錢乾葛一兩鹽白梅  
一兩何首烏二兩五錢蒸共爲末蜜丸如彈實大

行路不吃食自飽方用芝蔴一升紅枣一升糯米一升  
共爲末蜜丸如彈子大每吃一九水下一日不餓

神像往往遇獻酒則面作赭色由其丹青中用藥物故  
也 神像往往有鳥雀不污者由取土處及塑像時偶  
與日辰旺相相符也 壁畫神鬼往往目隨人轉點眸  
子極正則爾

松脂能亂乳香燒之立辨

瘡藥中有硫黃氣者以竹葉燒煙薰之則不臭

巴豆大黃同用反不能瀉人




凡刀刃所傷切勿飲水令血不止而死若血不止急以布蘸熱湯盪之

鹿茸內有小虫不可以鼻嗅虫入鼻則藥力不及

腿轉筋踏實地自止


烏梅肉燒存性研傅惡肉一夜立盡











道光乙巳鐫

菰中隨筆

海山僊館叢書



卷之五

蔣中

蔣中

PL  
2451  
P29  
v. 417

亭林先生老而好學遇事之有關於學術治道者皆細  
書劄記述往俟來其用意豈止博聞強記勦勝于不說  
學者哉身歿後遺書悉歸于東海相國然不知愛惜或  
爲人取去此菰中隨筆一冊余于友人案間得之視如  
天球大圖時一省覽以警惰偷南北奔走未嘗不以自  
隨也先生所著區言五十卷皆述治天下之要余曾在  
相國處見一帙言治河事亦如此細書者不識能寶藏  
否若遂付之鼠齧蟲穿不惟有負于先生而亦重生民  
之不幸矣庚午仲秋之月後學何焯識





菰中隨筆

東吳顧炎武亭林著

宋文帝性仁厚恭儉勤於爲政守法而不峻容物而不弛百官皆久於其職守宰以六期爲斷吏不苟免民有所係三十年間四境之內晏安無事戶口蕃息出租供徭止於歲賦晨出暮歸自事而已閭閻之間講誦相聞士敦操尙鄉恥輕薄江左風俗於斯爲美後之言政治者皆稱元嘉焉孝武卽位多變易太祖之制郡縣以三者皆滿宋之善政於是乎衰

南史恩倖傳晉宋舊制宰人之官以六年爲限近世以六年過久又以三周爲期謂之小滿而遷換去來又不依三周之制迭故迎新吏人疲於道路四方守宰餉遺一年咸數百萬唐中宗神龍中御史中丞盧懷慎上疏曰臣聞孔子曰爲邦百年可以勝殘去殺又曰苟有用我者期月已可三年有成故書云三載考績校其功也昔子產相鄭更法令布刑書三年而人乃歌之子產賢者也其爲政尙累年而化成况常材乎竊見比來州牧上佐乃兩畿縣令下車布政有多者一二年少者三五

月遽卽遷除不論課最或歷時未改便傾耳而聽企踵而望爭求冒進不顧廉恥亦何暇爲陛下宣風布化求瘼恤人哉禮義未能興行風俗未能齊一戶口所以流散倉廩所以空虛百姓凋弊日更滋甚職爲此也何則人知吏之不久則不從其教吏知遷之不遙又不盡其力偷安爵祿但養資望上下相蒙共爲苟且而已臣請諸州都督刺史上佐及兩畿縣令等在任未經四考不許遷除察其課效尤異者或錫以車裘或就加祿秩或降使臨問并璽書慰勉若公卿有關則擢以勸能政績



無聞抵犯貪暴者放歸田里以明聖朝賞罰之信則萬方之人一變於道矣致理救弊莫過於此

孫樵書褒城驛壁褒城驛號天下第一及得寓目視其沼則淺混而茅視其舟則離敗而膠庭除甚蕪堂廡甚殘烏覩其所謂宏麗者訊於驛吏則曰忠穆公嘗牧梁州以褒城控三節度治所龍節虎旗馳驛奔輶以去以來轂交蹄劇由是崇侈其驛以示雄大蓋當時視他驛爲壯且一歲賓至者不下數百輩苟夕得其庇飢得其飽皆莫至朝去寧有顧惜心邪至如掉舟則必折篙破

舩碎鷁而後止漁釣則必枯泉泊泥盡魚而後止至有  
飼馬於軒宿隼於堂凡所以汙敗室廬糜毀器用官小  
者其下雖氣猛可制官大者其下益暴橫難禁由是日  
益破碎不與曩類其曹八九輩雖以供饋之隙一二力  
治之其能補數十百人殘暴乎語未既有老叻笑於旁  
且曰舉今州縣皆驛也吾聞開元中天下富蕃號爲理  
平踵千里者不裹糧長子孫者不知兵今者天下無金  
草之聲而戶口日益破墮場無侵削之虞而墾田日益  
寡生民日益困財力日益竭其故何哉凡與天子共治

天下者刺史縣令而已以其耳目接於民而政令速於行也今朝廷命官旣已輕任刺史縣令而又促數於更易且刺史縣令遠者三歲一更近者一二歲再更故州縣之政苟有不利於民可以出意革去其甚者在刺史曰明日我卽去何用如此在縣令亦曰明日我卽去何用如此當愁醉醲當飢飽鮮囊帛積金笑與秩終嗚呼州縣眞驛邪矧更代之隙黠吏因緣恣爲姦欺以賣州縣者乎如此而欲望生民不困財力不竭戶口不破墾田不寡難哉予旣揖退老眊條其言書於褒城驛屋壁



路史至和三年諫官范鎮言恩州自皇祐五年秋至去年冬知州事凡七換河北諸州大率如此欲望兵馬練習固不可得伏見雄州馬懷德恩州劉渙冀州王德恭材勇智慮可責之以辦治乞令久任任之不久而欲其成事不可得也

李牧爲趙將功以久而成李勣守并州威以久而伸而晉人陰計中吳則使其將帥屢易故渾濬得以收功蓋責任之不久則不足以有爲而卒功業也

白居易贈友詩云京師四方則王化之本根長吏久於

政然後風教敦如何尹京者遷次不逡巡諸君屈指數  
十年十五人科條日相矯吏力亦已勤寬猛政不一民  
心安得淳九州雍爲首羣牧之所遵天下率如此何以  
安吾民誰能變此法待君贊絲綸慎擇循良吏令其長  
子孫

晉書諸葛恢傳爲會稽太守太興初以政績第一詔曰  
自頃多難官長數易益有諸弊雖聖人猶久於其道然  
後化成況其餘乎漢宣帝稱與我共安天下者其惟良  
二千石斯言信矣是以黃霸等或十年或二十年而不

徙所以能濟其中興之勲也賞罰黜陟所以明政道也  
會稽內史諸葛恢蒞官三年政清人和爲諸郡首宜進  
其位班以勸風教今增恢秩中二千石

宋書劉道產傳論曰漢之良吏居官者或長子孫孫曹  
之世善職者亦二三十載皆敷政以盡民和興讓以存  
簡久及晚代風烈漸衰非才有起伏蓋所遭之時異也  
劉道產之在漢南歷年踰十惠化流於樊沔頗有前世  
遺風故能樹績垂名斯爲美矣

宣宗大中元年正月戊申制曰古者郎官出宰卿相治



郡所以重親人之官急爲政之本自澆風久扇此道稍  
消頡頏清途便臻顯貴治人之術未嘗經心欲使究百  
姓艱危通天下利病不可得也爲政之始思厚儒風軒  
墀近臣思備顧問如其不知人疾苦何以膺朕眷求今  
後諫議大夫給事中中書舍人未曾任刺史縣令或在  
任有贓累者宰臣不得擬議守宰親人職當撫字三載  
考績著在格言貞元年中屢下明詔縣令五考方得改  
移近者因循都不遵守諸州或得五考畿府罕及二年  
以此字人若爲成政道途都吏有迎送之勞鄉里庶民

無蘇息之望自今須滿三十六箇月永爲常式

舊唐書劉祥道傳顯慶中爲黃門侍郎上疏言唐虞三載考績黜陟幽明兩漢用人亦久居其職所以因官命氏有倉庾之姓魏晉以來事無可紀今之在任四考卽遷官人知將秩滿必懷去就百姓見有遷代能無苟且以去就之人臨苟且之輩責以移風易俗其可得乎望經四考就任加階至八考滿然後聽選還淳反樸雖未敢必期送故迎新實稍減勞弊

武后時獲嘉主簿劉知幾表陳四事其四以爲今之牧

伯遷代太速倏來忽往蓬轉萍流旣懷苟且之謀何暇  
循良之政望自今刺史非三歲以上不可遷官仍明察  
功過尤甄賞罰

宋史錢若水傳眞宗時上言安邊之策太祖朝制置最  
得其宜止以郭進在邢州李漢超在關南何繼筠在鎮  
定賀惟忠在易州李謙溥在隰州姚內斌在慶州董遵  
誨在通遠軍王彥昇在原州但授緣邊巡檢之名不加  
行營部署之號率皆十餘年不易其任立邊功者厚加  
賞賚其位皆不至觀察使蓋位不高則朝廷易制任不



易則邊事盡知然後授以聖謀來則掩殺去則勿追所以十七年中北邊西蕃不敢犯塞以至屢使乞和此皆陛下之所知也苟能遵太祖故事慎擇名臣分理邊郡罷部署之號使不相統轄置巡檢之名俾遞相救應出則擊寇入則守城不數年間可致邊烽罷警矣

實錄洪武七年正月庚午吏部奏主事員多欲以主事王性改任戶部上不許曰自古設官分職以理庶務政有煩簡故官有多寡豈得盡拘一律况初入仕者政非素習必久而後通今未滿考而遽遷之使所施者非所

習事何繇治職何由稱哉自今六部官毋得輕調如有  
年勞者就本部陞用

佐領官不宜部選

漢制州郡佐吏自別駕長史以下皆刺史太守自辟歷  
代因之

北齊武平中後主失政多有佞幸乃賜其賣官分占州  
郡下及鄉官多降中旨故有敕用州主簿郡功曹者自  
是之後州郡辟士之權浸移於朝廷以故外吏不得精  
覈由此起也

後周時刺史僚佐州吏則自署府官則命於朝廷

隋文帝時牛宏爲吏部尙書高構爲侍郎最爲稱職當時之制尙書舉其大者侍郎銓其小者則六部以下官吏咸吏部所掌自是海內一命以上之官州郡無復辟署矣

牛宏嘗從容問於劉炫曰案周禮士多而府史少今令史百倍於前減則不濟何也炫曰古人委任責成歲終考其殿最案不重較文不繁悉府史之任掌要目而已今之文簿嘗慮覆治鍛鍊苦其不密萬里追證百年舊



案故諺曰老吏抱案死今古不同若此之相懸也事繁政敝職此之由宏又曰後魏北齊之時令史從容而已今則不遑寧舍其事何由炫曰齊氏立州不過數十三府行臺遞相統領文書行下不過十條今州三百其繁一也往者州唯置綱紀郡置守丞縣唯令而已其所具寮則長官自辟受詔赴任每州不過數十今則不然大小之官悉由吏部纖介之迹皆屬考功其繁二也省官不如省事省事不如清心官不省而望從容其可得乎宏甚善其言而不能用

唐沈既濟選舉雜議或曰昔後漢貢士諸生試經學文史試牋奏則舉人試文乃前王典故而子獨非於今何也答曰漢代所貢乃王官耳凡漢郡國每歲貢士皆拜爲郎分居三署儲才待詔無有常職故初至必試其藝業而觀其能否至於郡國僚吏皆府主所署版檄召用至而授職何嘗賓貢亦不試練其選州陋邑一掾一尉或津官戍吏皆登銓上省受試而去者自隋而然非舊典也或曰吏部有濫止由一門州郡有濫其門多矣等之爲濫豈若杜衆門而歸一門乎答曰州郡有濫雖多

門易改也吏部有濫雖一門不可改也何者凡今選法皆擇才於吏部述職於州郡若才職不稱紊亂無任責於刺史則曰官命出於吏曹不敢廢也責於侍郎則曰量書判資考而授之不保其往也責於令史則曰按由歷出入而行之不知其他也黎庶受弊誰任其咎若牧守自用則罪將焉逃必州郡之濫獨換一刺史則革矣如吏部之濫雖更其侍郎無益也蓋九流浩浩不可得知法使之然非主司之過故曰門雖一而不可改也或曰今人多情故長官許其選吏必綱紀紊失不如今



之有倫也答曰不假古義請徵目前以明之今諸道節  
度都團練觀察租庸等使自判官副將以下皆使自銓  
擇縱其間或有情故大舉其例十猶七全則辟吏之法  
見行於今但未及於州縣耳利害之理較然可觀何紀  
之失何綱之紊向令諸使僚佐盡授於選曹則安獲鎮  
方隅之重理財賦之殷也或曰頃年嘗見州縣有攝官  
皆是牧守所自署置政多苟且不議久長纔始到官已  
營生計迎新送故勞弊甚矣今令州郡召辟則其弊亦  
爾奈何答曰國家職員皆稟朝命攝官承乏苟濟一時

不日不月必乎停省人雖流而責不及績雖著而官不成便身而行不苟何待若職無移奪命自州邦所攝之官便爲已任上酬知已下利班榮爭竭智力人誰不盡今常調之人遠授一職已數千里赴集又數千里之官挈攜妻孥往復勞苦必一周而在路料間歲而停官成名非知已之恩後任可計考而得此之不苟而誰爲苟杜佑通典曰隋文帝素非學術盜有天下不欲權分罷州郡之辟廢鄉里之舉內外一命悉歸吏曹纔廟班列皆由執政執政參吏部之職吏部總州郡之權是故銓

綜失敘受任多濫豈有萬里封域九流叢湊掄材受職  
仰成吏曹以俄頃之周旋定才行之優劣求無其失不  
亦謬與

宋馬端臨曰按自隋時海內一命之官竝出於朝廷州  
郡無復有辟署之事士之才智可效一官者苟非宿登  
仕版則雖見知於方鎮岳牧亦不能稍振拔之以收其  
用至唐則仕者多由科目矣然辟署亦時有之而其法  
亦不一有旣爲王官而被辟者若張建封之辟許孟容  
李德裕之辟鄭畋白敏中之辟王鐸是也有登第未釋



褐入仕而被辟者若董晉之於韓退之是也有強起隱  
逸之士者若烏重允之於石洪溫造張搏之於陸龜蒙  
是也有特招智略之士者若裴度之於柏耆杜愔之於  
辛讜是也而所謂隱逸智略之士多起自白衣劉貢甫  
言唐有天下諸侯自辟幕府之士唯其才能不問所從  
來而朝廷常收其俊偉以補王官之缺是以號稱得人  
蓋必許其辟置則可破拘攣以得度外之士而士之偶  
見遺於科目者亦未嘗不可自效於幕府取人之道所  
以廣也宋時雖有辟法然白衣不可辟有出身而未歷

任者不可辟其可辟者復拘以資格限以舉主蓋去古  
法愈遠而倜儻踈弛之士其不諧尺繩於科目受羈轡  
於銓曹者少得以自達矣

唐白居易集策曰臣伏見吏部之弊爲日久矣臣聞古  
者計戶以貢士量官而署吏故官不乏吏士不乏官士  
吏官員必相參用今則官詰於古吏倍於官入色者又  
倍於吏也此由每歲假文武而筮仕者衆冒資蔭而出  
身者多故官不得人員不充吏是以爭求日至奸濫日  
生此乃爲弊之一端也臣又聞古者州郡之吏牧守選

而舉之府寺之寮公卿辟而署之其餘者乃歸有司有司所領既少則所選必精此前代所以得人也今則內外之官一命以上歲羨千數悉委吏曹吏曹案資署官猶懼不給何暇考察名實區別臧否者乎至使近代以來寢而成弊真偽爭進共徵循資之書賢愚莫分同限停年之格才能者淹滯而不振巧詐者因緣以成奸此又爲弊之一端也今若使內外帥長者各選其人分署其吏則庶乎官得其才矣使諸色入仕者量省其數或間以年則庶乎士不乏官矣官得其才則公平政理之



通鑑建中元年協律郎沈既濟上選舉議以爲選用之法三科而已曰德也才也勞也今選曹皆不及焉考校之法皆在書判簿歷言詞俯仰而已夫安行徐言非德也麗藻芳翰非才也累資積考非勞也執此以求天下之士固未盡矣

郡吏當用士人

朱馬端臨曰按兩漢二千石長吏皆可以自辟曹掾而所辟大槩多取管屬賢士之有才能操守者蓋必如是乃能知閭里之奸邪黔庶之休戚故治狀之顯著者常必由之後世長吏既不與之以用人之權而士自一命以上拘於三互之法不使之效職顯能於本土士之賢者亦以隱情惜已不預郡府之事爲高而與郡守縣令共治其民者則皆凶惡貪饕舞文悖理之胥吏矣

漢選士之法

有三老 本秦制 高帝二年舉民年五十以上置以爲三老 文帝時始置常員 新城三老董公遮說漢王 壺關三老茂上書

有孝弟力田 惠四年舉孝弟力田復其身 高后置孝弟力田二千石者一人 孝文二年戶口率置孝弟力田常員

有掾史 趙禹以佐史補中郎于定國以郡決曹補廷尉史以至爲侍御史梅福以郡文學補南昌尉如此之類不一有以察廉而爲令長者尹翁歸是也舉賢良而



爲茂陵令者魏相是也

有多貲入粟 漢制貲五百萬爲常侍郎張釋之以貲

爲騎郎司馬相如以貲爲郎 孝景詔曰今貲筭十乃

得廉士無貲不得官今限貲筭四得官 武帝始置武

功爵級故黃霸以入錢賞官補侍郎謁者所忠建議請

令世家人財子弟得舉爲郎吏道雜而多端至後漢遂

有入粟爲關內侯者矣

有從軍良家子 李廣在文帝時以良家子從軍擊胡

有功爲郎騎常侍趙充國以良家子補羽林後從軍擊

匈奴還拜爲中郎馮奉世武帝時以良家子選爲郎功  
次補武安長

有賢良 漢世有大災異有大政事卽下詔求賢良

文帝三年以日食詔舉 十五年太子家令晁錯以諸

侯王公卿郡守舉對策遷中大夫 武帝以長星見詔

舉 董仲舒景帝時爲博士至此以賢良對策 公孫

宏先爲博士後免以賢良對策 武帝時舉賢良對策

嚴助吳人以郡舉對策擢爲中大夫魏相朱邑皆以卒

史對策 昭帝時特詔舉文學高第 章帝時大司農

劉寬舉魯丕時對策者百餘人惟丕在高第除爲郎  
安帝時蘇章對策高第爲議郎

有孝廉 漢初無此科獨馮唐在文帝時以孝著爲郎  
中 武帝元光元年用董仲舒言初令郡國舉孝廉各  
一人以備宿衛無問吏民 元朔元年詔令合郡不薦  
一人者罪 王吉以郡吏舉孝廉爲郎路溫舒爲決曹  
舉孝廉爲山邑丞其王國人雖以孝廉舉亦不得宿衛  
龔勝舉孝廉以王國人出補吏 元朔元年議曰不舉  
孝不奉詔當以不敬論不察廉不勝任也當免孝與廉



待之蓋有輕重焉 順帝陽嘉中左雄上言郡國孝廉  
請自今年不滿四十者不得察舉 張衡上書曰孝廉  
必先孝行有餘力乃學文法耳今詔書一以能誦章句  
結奏按爲限雖有至孝不當其科 其後黃瓊以雄制  
於取士之義猶有所遺乃奏增孝悌及能從政者爲四  
科 种暘傳田歆爲河南尹謂王湛曰今當舉六孝廉  
多貴戚書不宜相違欲自用一名士以報國家爾助我  
求之乃與暘 漢初郡國各舉一人末乃增至五六人  
有茂才 董仲舒傳州郡舉茂材自仲舒發之 武帝

元封五年詔州郡察吏民有茂材異等可爲將相及使  
絕國者 宣帝元康四年遣太中大夫強等十二人循  
行天下舉茂材異倫之士 元帝初元二年詔丞相御  
史中二千石舉茂材異等直言極諫之士 儒林傳曰  
博士弟子卽有秀才異等者輒以名聞 漢舊儀載州  
舉茂才移名丞相丞相考召取三科一明經一明律令  
一治劇 後漢世祖始詔三公光祿監御史司隸州牧  
歲舉茂材有定員矣

有射策 漢儒林傳曰自武帝立五經博士開弟子員

設科射策則射策始於武帝時也其射策者謂爲難問  
疑義書之於策量其大小等爲甲乙之科列而置之不  
彰顯有欲射者隨其所取得而釋之以知優劣何武蕭  
望之翟方進等皆以博士弟子得射策甲科爲郎若使  
人皆得射策則幾於濫進恐爲博士弟子者可得射策  
故傳贊曰開弟子員設科射策然王嘉傳直言以明經  
射策甲科爲郎匡衡房鳳傳直言射策耳

有明經 召信臣以明經甲科爲郎則明經亦有試

後漢伏恭爲劇令青州舉爲尤異太常試經第一拜博



士建武中楊仁舉孝廉除郎太常上仁經中博士則爲  
吏者亦試經 質帝本初元年令郡國舉明經年五十  
以上七十以下詣太學受業歲課試 章帝元和三年  
令郡國上明經者十萬以上五人不滿十萬三人  
有任子 袁盎以兄任汲黯以父任蘇武亦以父任爲  
郎大抵任子多爲郎次爲太子洗馬 宣帝時王吉上  
言曰今使吏得任子弟率多驕傲不通古今宜明選求  
賢除任子之令 劉向以父任爲郎以行修飭爲諫大  
夫是漢法旣任而復有所決擇初非泛然用之也 東

漢桓榮之子郁以父任爲郎郁經授二帝時稱其能出  
傳家而桓焉亦以父任爲郎明經篤行位至三公  
有下詔特舉 高帝十一年詔曰賢士大夫有肯從我  
遊者吾能尊顯之下郡守其有意稱明德者必身勸爲  
之駕遣詣相國府署行義年 其召爲博士者博士蓋  
秦官秦時叔孫通爲博士 文帝時河南守吳公薦賈  
誼召以爲博士 夏侯勝召爲博士 亦有試者張禹  
爲郡吏久之試爲博士 武帝時舉茂材丞相以三科  
考士有明經科以待博士諫大夫之選

有公府辟召 惠帝時曹參擇郡國吏謹厚者爲丞相  
史 武帝元狩六年開丞相史員三百八十二人故令  
丞相設四科之辟漢制州郡察其功能然後爲五府所  
辟王商爲特進領城門兵得舉吏以此知五府得辟吏  
後漢黃瓊雖五府俱辟而不應孔融辟司徒府

有上書 武帝初卽位招天下賢良文學之士四方多  
上書言得失自鬻者以千數其不足采者徑報聞罷可  
采者待詔公車徐樂嚴安上書朝奏暮召皆爲郎中  
有童子 宣帝時何武以童子習科歌中和樂職宣布



詩得召見遣詣博士受業 順帝時左雄爲尙書時汝  
南謝廉濟南趙建年始十二各能通經雄奏拜爲童子  
郎

有武勇 成帝元延元年詔北邊二十二郡舉勇猛知  
兵法者 平帝元始二年詔郡國舉勇武有節明兵法  
者 後漢安帝永初五年舉列將子孫明曉戰陣任將  
帥者 建光元年又有武猛堪將帥者之舉 順帝永  
和三年又選剛毅武猛有謀謨任將帥者補試 後漢  
順帝陽嘉元年以太學新成試明經下第者補弟子

唐取士之法

唐取士多因隋舊然其大要有三由學館升者曰生徒  
由州縣者曰鄉貢皆升于有司而進退之其科之目  
有秀才凡秀才試方略策五道以文理通粗爲四等  
有明經凡明經先帖文然後口試經問大義十條答時  
務三道亦爲四等狄仁傑徐有功皆以明經舉而祝欽  
田明元稹亦擢明經  
有明法凡明法試律七條令三條  
有明字凡書學先口試通乃墨試說文字林二十條

有明筭凡筭學錄大義本條爲問答明數造術詳明術理然後爲通試九章三條

有一史有三史凡史每史問大義百條策三道通一史者白身出身三史皆通者特擢之

有開元禮凡開元禮通大義百條策三道者超資與官有道舉元宗時開元二十九年始置崇元學習老子莊子文子列子亦曰道舉

有童子凡童子科十歲以下能通一經李泌開元中以童子召元宗登封劉晏八歲獻頌奇其幼時號神童韓



退之有送張童子序裴耀卿童子科

有俊士進士凡進士試時務策五道帖一大經杜牧白居易楊綰顏真卿韋貫之裴垕所習皆舉進士而李宗閔牛僧孺亦舉進士而明經之別有五經有三經有二經有學究一經有三禮有三傳有史科此歲舉之常選也

其天子自詔曰制舉所以待非常之才焉然制舉之名七十有餘

如賢良方正直言極諫則有裴度韓休劉蕡之徒然賈

餽牛僧孺皇甫鎛則亦以是進

如博學宏詞則有陸贄杜黃裳之徒然王涯劉禹錫則亦以是進

其他如武舉武后時始置武舉唐志云選用之法不足道不復書然以武舉異等中第如郭子儀遂能成再造唐室之功

如任子李德裕以元和宰相之後調官

大抵衆科之目進士尤爲得人方其取以文章類若浮文而少實及其臨事設施隱然爲國名臣者不可勝數

也 自煬帝以來風俗浮靡始有進士之科而試以律  
賦唐室因之孝廉秀才之科雖在然唯明經進士二科  
最盛而孝廉衰矣 寶應中楊綰上言進士者皆誦當  
世之文而不通經史明經者但記帖括又投牒自舉請  
依古察孝廉縣薦之州州送于省仍自投牒乃詔明經  
進士與孝廉兼行而終不足以勝二科也又其後也文  
華之士日盛進士益重而明經稍衰減矣是以鄭覃嫉  
進士浮薄屢請罷之文宗不可 武宗時李德裕論進  
士不根藝實朝廷顯官須公卿子弟爲之何者少習其



業自熟朝廷事體臺閣之儀不教自成寒士雖有出身之才固不能閑習也其議亦卒不行 自漢至隋以前惟孝廉與秀才常行自隋唐至宋朝惟進士明經常行至熙寧間荆公用事改取士之法自是進士獨存明經始廢

歷代相傳治縣職官異同之圖

夏殷周

長

佐

屬

正

周制百里爲縣有縣正

春秋

宰

公

尹

大夫

右縣大郡小故邑長曰宰曰尹曰公曰大夫

秦

令

丞

尉

長

漢

令

丞

尉

長

斗食

佐史

亭長

三老

嗇夫

游徼

經師

萬戶爲令減萬戶爲長  
百石以下有斗食  
十里一亭亭有長  
十亭一鄉鄉有老三老掌



教化嗇夫職聽訟收賦稅游徼巡禁盜賊  
道邑侯國曰校置經師一人鄉曰庠聚曰序  
並置孝經師一人

後漢

令丞尉

長

相

掾史

三老

有秩

嗇夫

亭長

萬戶爲令不滿爲長侯國爲相掌治民顯善  
勸義禁姦罰惡理訟平賊卹民秋冬集課上  
計於所屬郡國縣各署諸曹掾史諸曹略  
如郡員五官爲廷掾監鄉五部春夏爲勸農  
掾秋冬爲制度掾

魏同

晉

令尉

長

宋

令

丞

尉

長

齊

梁

陳

魏

北齊

後周並同

隋

令

丞

正

尉

唐

令

丞

主簿

改尉爲正後置尉又封爲戶曹法曹

尉



正

司戶

司法

經學

博士

助教

令掌導風化察冤滯聽獄訟凡民田收授縣  
令給之每歲季冬行鄉飲酒禮籍帳傳驛倉  
庫盜賊隄道雖有專官皆通知令焉丞爲之

貳尉分判衆曹收率課 武德初改佐曰尉

尋改曰正

五代同

宋

令 縣丞 主簿 尉

知縣

監官

砦官

鎮置將副戍置主副關市置令丞皆仍隋唐  
之舊 令總治民政勸課農桑平決獄訟有

德澤禁令則宣布於境 崇寧初置丞一員

初惟大邑有之至是不以邑之大小皆得置

丞 開寶二年詔縣千戶以上置令簿尉四

百戶以上置令尉 簿掌出納官物銷註簿

書

元

達魯花赤

尹 簿 尉

典史

巡檢



明

知縣  
縣丞  
主簿

典史

巡檢

教諭

訓導

宋府設官

知軍事通判軍事  
各一員兼管內勸農營田

軍判官  
一員

軍學教授 一員

兵馬都監本軍駐劄

一員

監押

四員添差不與

巡檢 一員

巡轄馬遞鋪 一員

監在城酒稅 一員

監戶部瞻軍酒庫 一員

元府設官

總管府達魯花赤總管

各一員兼管內勸農

同知治中府判 各一員

推官 二員

經歷知事照磨兼架閣 各一員

千戶所一十一奕每奕千戶

三員

百戶

三十員

彈壓三十員

每奕又各有首領官

一員

宋州設官

知軍州事通判軍州事

各一員兼管內勸農營田

軍事推官軍州判官

各一員

錄事司理司戶司法參軍

各一員

軍學教授

一員

兵馬都監本軍駐劄

一員

監押

四員添差不與

巡檢

一員



巡轄馬遞鋪

一員

監在城酒稅

一員

監戶部贍軍酒庫

一員

元州設官

達魯花赤知州

各一員兼管內勸農

同知州判

各二員

提控案牘都目

各一員

儒學教授學正學錄直學

各一員

六齋訓導

各一員

官州峽江提領

各一員

稅務提領大使副使

各一員

酒務提領大使副使

各一員

宋縣設官

知縣

一員兼管內勸農營田

縣丞主簿縣尉

各一員

元縣設官

達魯花赤縣尹

各一員兼管內勸農營田

縣丞

二員

主簿縣尉典史

各一員

教諭

一員

訓導

四員

蒙古學教授學正

各一員

醫學教授學正學錄

各一員

惠民局官醫提領一員

陰陽學教授一員

稅課提領大使及副使各一員

酒務提領大使及副使各二員

驛提領一員

鎮市巡檢各一員

通典郡守秦官秦滅諸侯以其地爲郡置守丞尉各一人守治民丞佐之尉典兵周官有縣正各掌其縣之政令而賞罰之春秋時列國相滅多以其地爲縣則縣大而郡小故傳云上大夫受縣下大夫受郡周書作雒



篇曰千里百縣縣有四郡

縣邑之長曰宰曰尹曰公曰

大夫

晉謂之大夫魯衛謂之宰楚謂之公尹

其職一也

至於戰國則郡大而縣小矣故甘茂謂秦武王曰宜陽大縣名曰縣其實郡也漢制列侯所食縣曰國皇太后公主所食曰邑有蠻夷曰道凡縣萬戶以上爲令減萬戶爲長侯國爲相秩次亦如之皆秦制也漢因之秦制萬戶以上爲令減是爲長漢則不同應劭曰武帝時縣或數百戶爲令四五萬戶爲長無定率故會稽郡惟一吳縣稱令自餘稱長東漢以來稱令按陳寶爲太

邱長 唐制以百戶爲里五里爲鄉四家爲鄰五家爲保每里置正一人

山谷險阻地遠人稀之處聽隨便量

置掌按比戶口課植農桑檢察非違催驅賦役在邑居者爲坊別置正一人掌坊門管鑰督察奸非並免其課役在田野者爲村別置村正一人其村滿百家增置一人掌同坊正其村居如不滿十家者隸入大村不須別置村正天下戶爲九等三年一造戶籍凡三本一留縣一送州一送戶部常留三比在州縣五比送省諸里正縣司選勲官六品以下白丁清平強幹者充其次爲坊

正若當里無人聽於比鄰里簡用其村正取白丁充  
唐制人始生爲黃四歲爲小十六爲中二十一爲丁六  
十爲老

宋史食貨志宋制歲賦其類有五曰公田之賦凡田之  
在官賦民耕而收其租者是也曰民田之賦百姓各得  
專之者是也曰城郭之賦宅稅地稅之類是也曰丁口  
之賦百姓歲輸身丁錢米是也曰襍變之賦茶鹽  
之類隨其所出變而輸之是也歲賦之物其類有四曰  
穀曰帛曰金鐵曰物產是也穀之品七一曰粟二曰稻



三曰麥四曰黍五曰稌六曰菽七曰禡子帛之品十一  
曰羅二曰綾三曰絹四曰紗五曰絁六曰紬七曰禡折  
八曰絲棉九曰綿十曰布葛金鐵之品四一日金二曰  
銀三曰鐵鐵四曰銅鐵錢物產之品六一曰六畜二曰  
齒革翎毛三曰茶鹽四曰竹木麻草芻菜五曰果藥油  
紙薪炭漆蠟六曰禡物其輸有常處而以有餘補不足  
則移此輸彼移遠就近謂之支移其入有常物而一時  
所輸則變而取之使其直輕重相當謂之折變

呂氏春秋宓子賤治亶

單同

父恐魯君之聽讒人而令

已不得行其術也將辭而行請近吏二人於魯君與之俱至於亶父邑吏皆朝宓子賤令吏二人書吏方將書宓子賤從旁時掣搖其肘吏書不善則宓子賤爲之怒吏甚患之辭而請歸宓子賤曰子之書甚不善子勉歸矣二吏歸報於君曰宓子不可爲書君曰何故吏對曰宓子使臣書而時掣搖臣之肘書惡而又甚怒吏皆笑宓子此臣所以辭而去也魯君太息而歎曰宓子以此諫寡人之不肖也寡人之亂子而令宓子不得行其術必數有之矣微二人寡人幾過遂發所愛而令之亶父

告宓子曰自今以來亶父非寡人之有也子之有也有  
便於亶父者子決爲之矣五歲而言其要宓子敬諾乃  
得行其術於亶父

淮南子趙政晝決獄而夜理書御史冠蓋接於郡縣覆  
稽趣留戍五嶺以備越築修城以守胡然姦邪萌生盜  
賊羣居事愈煩而亂愈生

通典景龍二年十二月御史中丞姚廷均奏稱律令格  
式懸之象魏奉而行之事無不理比見諸司不能遵守  
章程事無大小皆悉奏聞臣聞爲君者任臣爲臣者奉



法故云汝爲君毋恃厥明則知萬幾政務不可徧覽也  
所以設官分職委任責成百辟惟時以成垂拱之化比  
者或修一水窓或伐一枯木並皆上聞旒扆取斷宸衷  
豈代天理物之道自今以後若緣軍國大事及牒式無  
文者任奏取進止自餘據章程合行者各令準法處分  
其自生疑滯致有稽失者請令御史隨事糾彈上從之  
太宰周武王時周公旦始居之掌邦治爲六卿之首秦  
漢魏不常置晉初依周禮備置三公三公之職太師居  
首景帝名師故置太宰以代之太宰蓋古之太師也殷

紂之時箕子爲太師周武王時太公爲太師周成王時  
周公爲太師周公薨畢公代之漢西京初不置平帝始  
復置太師官而孔光居焉漢東京又廢獻帝初董卓爲  
太師卓誅又廢魏世不置晉旣因太師而置太宰以安  
平王孚居焉 太傅周成王時畢公爲太傅漢高后元  
年初用王陵 太保殷太甲時伊尹爲太保周武王時  
召公爲太保漢平帝元年始用王舜後漢至魏不  
置晉初復置焉自太師至太保是爲三公論道經邦燮  
理陰陽無其人則闕 相國漢高帝十一年始置以蕭

何居之罷丞相何薨曹參代之參薨罷魏齊王以晉景

帝

司馬師

爲相國晉惠帝時趙王倫愍帝時南陽王保

安帝時宋高祖

劉裕

順帝時齊王

蕭道成

並爲相國自

魏晉以來非復人臣之位矣 丞相殷湯以伊尹爲右

相仲虺爲左相秦悼武王二年始置丞相官丞奉相助

也悼武王子昭襄王始以樗里疾爲丞相後又置左右

丞相漢高帝初置一丞相十一年更名相國孝惠高后

置左右丞相文帝二年復置一丞相哀帝元壽二年更

名大司徒漢東京不復置至獻帝建安十三年復置丞



相魏世及晉初又廢惠帝世趙王倫篡位以梁王彤爲丞相永興元年以成都王穎爲丞相愍帝建興元年以琅邪王睿爲左丞相南陽王保爲右丞相三年以保爲相國睿爲丞相元帝永昌元年以王敦爲丞相轉司徒荀組爲太尉以司徒官屬并丞相爲留府敦不受成帝世以王導爲丞相罷司徒府以爲丞相府導薨罷丞相復爲司徒府宋世祖初以南郡王義宣爲丞相而司徒府如故 太尉自上安下曰尉掌兵事郊祀掌亞獻大裘則告諡南郊堯時舜爲太尉官漢因之武帝建元二

年省光武建武二十七年罷大司馬置太尉以代之靈  
帝末以劉虞爲大司馬而太尉如故 司徒掌民事郊  
祀掌省牲視濯大喪安梓宮少昊氏以鳥名官而祝鳩  
氏爲司徒堯時舜爲司徒攝帝位命契爲司徒契元  
孫之孫曰微亦爲夏司徒周時司徒爲地官掌邦教漢  
西京初不置哀帝元壽二年罷丞相置大司徒光武建  
武二十七年去大 司空掌水土事郊祀掌掃除陳樂  
器大喪掌將校復土舜攝帝位以禹爲司空契之子曰  
冥亦爲夏司空殷湯以咎單爲司空周時司空爲冬官

掌邦事漢西京初不置成帝綏和元年更名御史大夫  
爲大司空哀帝建平二年復爲御史大夫元壽二年復  
爲大司空光武建武二十七年去大獻帝建安十三年  
又罷司空置御史大夫御史大夫郗慮免不復補魏初  
又置司空 大司馬掌武事司主也馬武也堯時棄爲  
后稷兼掌司馬周時司馬爲夏官掌邦政項籍以曹咎  
周殷並爲大司馬漢初不置武帝元狩四年初置大司  
馬始直云司馬議者以漢有軍候千人司馬官故加大  
及置司空又以縣道官有獄司空又加大王莽居攝以



漢無小司徒而定司馬司徒司空之號並加大光武建武二十七年省大司馬以太尉代之魏文帝黃初二年復置大司馬以曹仁居之而太尉如故大將軍凡將軍皆掌征伐周制王立六軍晉獻公作二軍公將上軍將軍之名起於此也楚懷王遣三將入關宋義爲上將漢高帝以韓信爲大將軍漢西京以司馬冠之漢東京大將軍自爲官位在三司上魏明帝青龍三年晉宣帝司馬懿自大將軍爲太尉然則大將軍在三司下矣其後又在三司上晉景帝爲大將軍而景帝叔父孚爲

太尉奏改大將軍在太尉下後還復舊晉武帝踐阼安平王孚爲太宰鄭冲爲太傅王祥爲太保義陽王望爲太尉何曾爲司徒荀顗爲司空石苞爲司馬陳騫爲大將軍凡八公同時並置唯無丞相焉 持節都督前漢遣使始有持節光武建武初征伐四方始權時置督軍御史事竟罷建安中魏武帝爲相始遣大將軍督軍二十一年征孫權還夏侯惇督二十六軍是也魏文帝黃初二年始置都督諸州軍事或領刺史三年上軍大將軍曹真都督中外諸軍事假黃鉞則總統外內諸軍矣

明帝太和四年晉宣帝征蜀加號大都督高貴鄉公正  
元二年晉文帝都督中外諸軍尋加大都督晉世則都  
督諸軍爲上監諸軍次之督諸軍爲下使持節爲上持  
節次之假節爲下使持節得殺二千石以下持節殺無  
官位人若軍事得與使持節同假節唯軍事得殺犯軍  
令者晉江左以來都督中外尤重唯王導居之宋氏人  
臣則無也江夏王義恭假黃鉞假黃鉞則專戮節將非  
爲人臣之常器矣 刺史黃帝立四監以治萬國唐虞  
世十二牧是其職也周改曰四監御史而更遣丞



相史分刺諸州謂之刺史刺之爲言猶參覘也寫書亦  
謂之刺漢制不得刺尙書事是也刺史班行六條詔書  
其一條曰疆宗豪右田宅踰制以疆陵弱以衆暴寡其  
二條曰二千石不奉詔書遵承典制背公向私旁詔牟  
利侵漁百姓聚斂爲姦其三條曰二千石不恤疑獄風  
厲殺人怒則加罰喜則任賞煩擾苛暴剝戮黎元爲百  
姓所疾山崩石裂妖祥譎言其四條曰二千石選署不  
平苟阿所愛蔽賢寵頑其五條曰二千石子弟恃怙榮  
勢請託所監其六條曰二千石違公下比阿附豪疆通

行貸賂割損政令歲終則乘傳詣京師奏事成帝綏和  
元年改爲牧哀帝建平二年復爲刺史前漢世刺史乘  
傳周行郡國無適所治後漢世所治始有定處止八月  
行部不復奏事京師晉江左猶行郡縣班詔棗據追遠  
詩曰先君爲鉅鹿太守迄今三紀忝私爲冀州刺史班  
詔次于郡傳是也靈帝世天下漸亂豪傑各據有州郡  
而劉焉劉虞並自九卿出爲益州幽州牧其任重矣牧  
二千石刺史六百石

郡守秦官秦滅諸侯以其地爲郡置守丞尉各一人守

治民丞佐之郡當邊戍者丞爲長史晉江左皆謂之丞尉典兵備盜賊漢景帝中二年更名守曰太守尉爲都尉光武省都尉後又往往置東部西部都尉有蠻夷者又有屬國都尉漢末及三國多以諸部都尉爲郡晉成帝咸康七年又省諸郡丞宋太祖元嘉四年復置漢武帝納董仲舒之言元光元年始令郡國舉孝廉制郡口二十萬以上歲察一人四十萬以上二人六十萬三人八十萬四人百萬五人百二十萬六人不滿二十萬二歲一人不滿十萬三歲一人限以四科一曰德行高妙



志節清白二曰學通行修經中博士三曰明習法令足以決疑能案章覆問文中御史四曰剛毅多略遭事不惑明足決斷材任三輔縣令魏初更制口十萬以上歲一人有秀異不拘戶口江左以丹楊吳會稽吳興並大郡歲各舉二人漢制歲遣上計掾吏各一人條上郡內衆事謂之偕簿至今行之縣令長秦官也大者爲令小者爲長侯國爲相漢制置丞一人尉大縣二人小縣一人五家爲伍伍長主之二五爲什什長主之十什爲里里魁主之十里爲亭亭長主之十亭爲鄉鄉有鄉佐

三老有秩嗇夫游徼各一人

錄公

通鑑註光武不任三公事歸臺閣惟錄尙書事者權任稍重自是迄于齊梁謂之錄公賢曰武帝初以張子孺領尙書事錄尙書事自此始晉百官志曰漢武時左右曹諸吏分平尙書奏事知樞要者始領尙書事張安世以車騎將軍霍光以大將軍王鳳以大司馬師丹以左將軍並領尙書事後漢章以太傅趙熹太尉牟融並錄錄尙書事尙書有錄名自此始亦西京領尙書之任唐

虞大麓之職也沈約曰漢東京每帝卽位輒置太傅錄  
尙書事薨輒省

中書省

通鑑陳武帝紀是時政事皆由中書省置二十一局各  
當尙書諸曹總國機要尙書唯聽受而已

中朝

漢書劉輔傳註孟康曰中朝內朝也大司馬左右前後  
將軍侍中常侍散騎諸吏爲中朝丞相以下至六百石  
爲外朝也



三年喪

漢書哀帝紀博士弟子父母死予寧三年師古曰寧謂處家持喪服漢安帝初長吏多避事棄官乃令自非父母服不得去職是後吏又守職居官不行三年喪服其後又開長吏以下告寧言事者或以爲刺史二千石宜同此制帝從之建元元年尙書孟布奏宜復如建武永平故事絕刺史二千石告寧及父母喪服又從之至桓帝永興二年復令刺史二千石行三年服永壽二年又使中常侍以下行三年服至延熹元年又皆絕之宋明

帝泰始元年詔諸將吏二千石以下遭三年喪聽終歸  
寧庶人復除徭役梁書柳惔傳試守鄱陽相聽吏屬得  
盡三年喪禮署之文教百姓稱焉唐制凡斬衰三年  
齊衰三年者並解官齊衰杖期及爲人後者爲其父母  
若庶子爲其母者並解官申其心喪

郎官

秦有郎中令掌宮殿門戶漢武帝更名光祿勳其屬有  
議郎中郎侍郎郎中凡四等謂之三字郎而中郎以下  
更直執戟內謹門禁外充車騎類取經明行修者充之

至于公車特起賢良方正敦樸有道高節公府掾曹試  
博士者多在此選而劉向霍光張安世東方朔楊雄之  
徒皆與焉是以董仲舒欲使列郡守二千石各擇其吏  
民之賢者歲貢二人以給宿衛且以觀大臣之能館陶  
公主爲子求郎明帝曰郎官上應列宿出宰百里有非  
其人則民受其殃宿衛之選可謂重矣魏晉以後無復  
三字郎而光祿不復在禁中至梁改爲光祿卿北齊曰  
光祿寺兼掌膳食帳幕而已唐爲三衛五府以品官之  
子弟使父兄任保而後處之亦古之遺制也



儀同三司

後漢書鄧騭傳延平元年拜騭車騎將軍儀同三司始  
自騭也

官人久于其職

漢書宣帝時自丞相以下各奉職奏事以傳敷同奏其

言考試功能侍中尙書功勞當遷及有異善厚加賞賜  
至于子孫終不改易樞機周密品式備具上下相安莫  
有苟且之意也又宣帝以爲太守吏民之本數變易則  
下不安民知其將久不可欺罔乃服從其教化每拜刺

史守相輒親見問觀其所繇退而考察以質其言常稱  
曰與我共治者唯良二千石乎是以漢世良吏於是爲  
盛稱中興焉

黃霸爲潁川太守許丞老病聾督郵白欲逐之霸曰許  
丞廉吏雖老尙能拜起送迎止頗重聽何傷且善助之  
毋失賢者意或問其故霸曰數易長吏送故迎新之費  
及姦吏因緣絕簿書盜財物公私費耗甚多皆當出於  
民所易新吏又未必賢或不如其故徒相益爲亂凡治  
道去其泰甚者耳

哀帝時王嘉爲丞相以時政苛急郡國守相數有變動  
上疏言孝文時吏居官者或長子孫倉氏庫氏則倉庫  
吏之後也其二千石長吏亦安官樂職然後上下相望  
莫有苟且之意其後稍稍變易公卿以下傳相促急又  
數改更政事司隸部刺史舉劾苛細發揚陰私吏或居  
官數月而退送故迎新交錯道路中材苟容求全下材  
懷危內顧壹切營私者多二千石益輕賤吏民慢易之  
或持其微過增加成罪言於司隸刺史或上書告之衆  
庶知其易危小失意則有離畔之心前山陽亡徒蘇令



等縱橫吏士臨難莫肯伏節死義以守相威權素奪也  
孝成皇帝悔之下詔書二千石不爲故縱遣使者賜金  
尉慰同厚其意誠以爲國家有急取辦於二千石二千  
石尊重難危乃能使下孝宣皇帝愛其善治民之吏有  
章劾事留中會赦壹解唯陛下留神于擇賢記善忘過  
容忍臣子勿責以備二千石部刺史三輔縣令有材任  
職者人情不能不有過差宜可濶略令盡力者有所勸  
後漢順帝時尙書令左雄上疏曰臣聞柔遠和邇莫大  
寧人寧人之務莫重用賢用賢之道必存考黜宣帝興

于仄陋綜覈名實以爲吏數變易則下不安業久於其事則民服教化其有政理者輒以璽書勉勵增秩賜金或爵至關內侯公卿缺則以次用之是以吏稱其職人安其業漢初至今三百餘載俗浸彫敝巧僞滋萌典城百里轉動無常各懷一切莫慮長久觀政於亭傳責成於期月拜除如流動缺百數送迎煩費損政傷民臣愚以謂守相長吏有顯效者可就增秩勿使移徙非父母喪不得去

官吏職滿歲宰府州郡乃得辟舉如此威福之路塞虛

僞之端絕送迎之役損賦斂之源息時不能用 盧植  
上八事六日遵堯遵堯者今郡守刺史一月數遷宜依  
黜陟以章能否縱不九載可滿二歲

金石錄後漢孫叔敖碑陰云期思長光視事一紀漢時  
令長有在官一紀不遷者乃知前世官吏重於移易如  
此不惟吏民免迎送之擾而士人亦皆安於其職無僥  
倖苟進之心與後世異矣

凡題刻唐人必書某號幾年宋以下多書甲子亦有  
不書年號者今識之以便等閱



唐高祖武德戊寅 太宗貞觀丁亥 高宗永徽庚

戌 顯慶丙辰 龍朔辛酉 麟德甲子 乾封丙

寅 總章戊辰 咸亨庚午 上元甲戌 儀鳳丙

子 調露己卯 永隆庚辰 開耀辛巳 永淳壬

午 宏道癸未 中宗嗣聖甲申 武后垂拱乙酉

永昌己丑 天授庚寅 長壽壬辰 延載甲午

天冊萬歲乙未 萬歲登封丙申是年又改萬歲

通天 神功丁酉 聖曆戊戌 久視庚子 長安

辛丑 中宗神龍乙巳 景龍丁未 睿宗景雲庚

戊 先天壬子是年又改太極 元宗開元癸丑

天寶壬午 肅宗至德丙申 乾元戊戌 上元庚

子 寶應壬寅 代宗廣德癸卯 永泰乙巳 大

厯丙午 德宗建中庚申 興元甲子 貞元乙丑

順宗永貞乙酉 憲宗元和丙戌 穆宗長慶辛

丑 敬宗寶厯乙巳 文宗太和丁未 開成丙辰

武宗會昌辛酉 宣宗大中丁卯 懿宗咸通庚

辰 僖宗乾符甲午 廣明庚子 中和辛丑 光

啟乙巳 文德戊申 昭宗龍己酉 大順庚戌景

福壬子 乾寧甲寅 光化戊午 天復辛酉 天

祐甲子

後梁太祖開平丁卯 乾化辛未 均王貞明乙亥

龍德辛巳

後唐莊宗同光癸未 明宗天成丙戌 長興庚寅

潞王清泰甲午

後晉高祖天福丙申 出帝開運甲辰

後漢高祖天福丁未 乾祐戊申

後周太祖廣順辛亥 顯德甲寅



宋太祖建隆庚申 乾德癸亥 開寶戊辰 太宗

太平興國丙子 雍熙甲申 端拱戊子 淳化庚

寅 至道乙未 真宗咸平戊戌 景德甲辰 大

中祥符戊申 天禧丁巳 乾興壬戌 仁宗天聖

癸亥 明道壬申 景祐甲戌 寶元戊寅 康定

庚辰 慶祿辛巳 皇祐己丑 至和甲午 嘉祐

丙申 英宗治平甲辰 神宗熙寧戊申 元豐戊

午 哲宗元祐丙寅 紹聖甲戌 元符戊寅 徽

宗建中靖國辛巳 崇寧壬午 大觀丁亥 政和

辛卯 重和戊戌 宣和己亥 欽宗靖康丙午

高宗建炎丁未 紹興辛亥 孝宗隆興癸未 乾

道乙酉 淳熙甲午 光宗紹熙庚戌 寧宗慶元

乙卯 嘉泰辛酉 開禧乙丑 嘉定戊辰 理宗

寶慶乙酉 紹定戊子 端平甲午 嘉熙丁酉

淳祐辛丑 寶祐癸丑 開慶己未 景定庚申

度宗咸淳乙丑 帝景德祐乙亥 端宗景炎丙子

帝昺祥興己卯

亡

遼太祖丁卯卽位稱元年 神冊丙子 天贊壬午

天顯丙戌 太宗丁亥卽位仍稱天顯二年 會

同戊戌 大同丁未 世宗丁未卽位改元天祿

穆宗應祿辛亥

十年爲宋太祖之元

景宗保寧己巳

乾亨己卯

聖宗統和癸未

開泰壬子

太平

辛酉

興宗景福辛未

重熙壬申

道宗清寧乙

未

咸雍乙巳

大康乙卯

大安乙丑

壽隆乙

亥

天祚帝乾統辛巳

天慶辛卯

保大辛丑

五年亡

年亡

金太祖收國乙未

天輔丁酉

太宗天會癸卯



熙宗乙卯卽位仍稱天會十三年 天眷戊午 皇

統辛酉 海陵天德己巳 貞元癸酉 正隆丙子

世宗大定辛巳 章宗明昌庚戌 承安丙辰

泰和辛酉 衛紹王大安己巳 崇慶壬申 至寧

癸酉 宣宗癸酉卽位改元貞祐 興定丁丑 元

光壬午 哀宗正大甲申 天興壬辰 三年亡

元太祖丙寅稱帝 金泰和六年 丁亥拖雷監國 太

宗己丑元 辛丑太后稱制 定宗丙午元戊申太

后稱制 憲宗辛亥元 世祖中統庚申 至元甲

子 成宗元貞乙未 大德丁酉 武宗至大戊申

仁宗皇慶壬子 延祐甲寅 英宗至治辛酉

泰定帝泰定甲子 文宗天厯戊辰 至順庚午

順帝元統癸酉 至元乙亥 至正辛巳 二十七年  
卽吳元年

通鑑書入寇者皆內外之辭非順逆之辭

荆卿生刼一語乃解嘲之辭其實軻劍術疎耳錯處只在未至身三字之間蓋匕首藏於圖中是極短小之物持短兵而與人角逐於殿堂之上其不勝必矣所以反被入創非秦王之用劍賢于軻勢使然也人心一動則

神色必異荆軻所以爲神勇者全在臨事時一毫不動此孟賁輩所不及也

留侯籍前箸爲漢王言八不可實無八件正是一時口頭語今千載之下如見當日設問光景若後人作文定加併省便失神矣

陶徵士韋蘇州非直狷介實有志天下者陶詩惜哉劍術疎竒功遂不成韋詩秋郊細柳道走馬一夕還何等感慨何等豪宕至於逢楊開府一詩則少年之才氣與中年之底厲大略可見矣大凡伉爽高邁之人易與入



道夫子言狂者進取正謂此爾

王容紹宗被髮向北斗爲誓先人云必其俗有此某按  
南斗注生北斗注死故向北斗而誓之也

屈平漁父所見不同不以察察受汶汶者其天性然也  
雖然不止是也屈子宗臣也有與國存亡之義焉又安  
得如漁父所云哉

歐公作桑景傳贊言本末不順而與夷狄共事者嘗見  
其禍未見其福也可不戒哉可不戒哉此於宣和海上  
之盟洞若目見

陳勝舉兵詐稱公子扶蘇項燕成方遂詐稱衛太子意  
必當時有爲扶蘇衛太子未死之說者王郎詐稱成帝  
子子輿意必當時有爲成帝有子在民間之說者吾竊  
以疑壬午之事今且二百四十年矣踵其說者又撰出  
亡年譜一書尤可怪卽迎入西內一節記者互異今則  
從同而是之矣雖然燕太子丹不過禮士慕俠而一時  
燕趙慷慨之徒不平其事遂有天粟馬角之談淮南王  
安不過禮士好奇而其時之人亦以爲安不死仙去又  
况守文令主一旦不幸而邁斯難資倖卜郊而禍同鹿

臺有心者能無惜之而爲是不死之論哉是亦不必深  
辯也幼時見一書載正統中一御史出有一僧當街呵  
之不去獻詩云云卽世所傳流落江湖一律也事聞死  
獄中此書出於嘉隆間疑得實其事正與衛太子同必  
京師有此事而傳之四方乃有迎入西內之說耳竊意  
建文旣出亡四十載幸以無恙亦可以絕意天家沒身  
巖岫復何所戀而出託宮西內長違海島之娛歸骨燕  
山詎是首邱之志可疑者一成方遂之事人所易知思  
恩一奏未審真僞何遽令乘傳入京有司以王禮見邪



可疑者二載此事者或在正統五年或在七年年分參錯按七年十月太皇太后大漸召閣臣問朝廷有何大事未備而士奇對以建文君雖已滅曾臨御四年宜令史官輯其實錄何至老佛一事舉朝曖昧莫究所終一若有所深諱而反出野史之流聞可疑者三果能待以王禮養其天年又豈不能出建庶人于幽閉之中而必待天順二年之後哉可疑者四然則西內之說斷乎未可信也遜國出亡或有之耳

鄭漁仲言作史莫先於表今觀宋遼金元四史紊亂殊

甚不先作表則史未易讀也夫宋雖正統所在自建炎以下與南北朝無異作綱目者詳南而略北使金源一代可傳之事並闕不書殊失溫公之指比日偶閱四史因自混一之年以迄厓山之歲編成年表較漁仲尤爲簡略蓋記事自有紀傳圖譜簡則易明也

金自收國稱帝以後十二年而滅遼又一年而破宋何其速也元自斡難河卽位以後二十九年而滅金又四十五年而滅宋何其遲也蓋金之宣哀二宗猶知守國非天祚荒淫之比而宋自端平以後亦有忠臣猛將

分扼要害稍勝靖康時事而合州旣殂皇后稱制未遑  
遠略故江南得延數年之命云

不備不虞不可以師韓世忠京口之戰只不曾備得無  
風及火箭二事遂敗於兀朮故用兵者在先識已之瑕  
而後可以待敵

龔子蒨言謂今江南雖極大之縣數萬金之富不過二  
十家萬金者倍之數千金者又倍之數百金以下稍殷  
實者不下數百家以戶口數十萬之大縣而富戶不過  
千餘於千家之中而此數十家者煩苦又獨甚其爲國



任勞卽無事之時宜加愛惜况今多事皆倚辦富民若不養其餘力則富必難保亦至於貧而後已無富民則何以成邑宜予之休息曲加保護毋使奸人蠶食使得以其餘力贍貧民此根本之計又曰一邑之中食利於官者亡慮數千人恃訟煩刑苛則得以嚇射人錢故一役而恆六七人共之若不生事端何以自活宜每役止留一正副供驅使餘並罷遣令自便營業而大要又在省事事省則無所售其嚇射卽勒之應役將有不願而逃去者尤安民之急務也

盧九台告人曰不肖十分精神七分調停宰輔臺省一分消耗簿書期會其籌兵設策只二分餘耳若得五分辦賊亦不至任彼猖狂

濫觴言始也今以爲濫極之義舛矣蔽辜言斷也今訓若一言以蔽之義舛矣萬厯以後士子但讀時文不知用字所本且如家語孔子謂子路曰夫江始於岷山其源可以濫觴王肅注觴所以盛酒者言其微也非濫極之義也詩薄言震之莫不震疊箋云甫動之以威則莫不懼而服者言其威武又見畏也非震驚之義也薛國

觀疏首語驛遞之濫觴已極常自裕疏首語流氛之震  
疊可虞傳之史書可爲笑談亦恰是一對

今人作四六中多用長調甚至數十字爲一對不知何  
以云四六也昉于陸宣公奏議蓋論事之文不拘一體  
固然爾用之表啟自萬厯中年夫四六乃文之近體其  
變而每下又如此何論古文哉士衡四六最勝中有逸  
氣晉宋之文對而不整然其氣厚下此對愈工而文愈  
薄矣徐庾已不及下而王楊彌不及宋人四六則別自  
一體爾



南齊顧歡早孤讀詩至哀哀父母生我劬勞輒執書慟  
泣受學者廢蓼莪篇不復講焉世但知爲王偉元事耳  
世但知蘇武持節匈奴不知同還者又有馬宏奉使被  
拘不屈者三人蘇武于什門洪皓武在匈奴十九年什  
門在燕二十四年皓在金亦幾二十年

周永與何允書竟是一篇戒殺生文後人立論總不出  
此

晉書東海王越傳有博士庾純議招魂葬一篇可取看  
來不忤不求何用不臧只此八字可以平天下今人尙

未到子路地位豈可不終身誦之

麟士曰詩邱中有麻麻衣如雪禮運治其麻絲以爲布  
帛皆古無棉布績必用麻之證然亦當如今苧布練熟  
者非凶服麻布之謂也麻衣如雪麻衣布衣也古未有  
木棉若用布自必是麻所成者凡言麻卽布耳杜詩麻  
鞋見天子又肅宗與李泌出軍人環指之曰衣黃者聖  
人也衣白者山人也則天子前亦不禁白

晉簡文帝作相召謝萬爲撫軍從事中郎萬著白綸巾  
鶴氅裘履版而前

王海言漢哀之太初晉元之建武魏孝武之永興唐肅  
宗之上元皆自重一代之號元朝又重至元元修之永  
興高延宗之隆化俱史不載先天永貞皆內禪之後改  
元耳兩後周無年號

明朝年號重於前代者四永樂有三涼張重華循州賊  
張遇賢方臘天順有二金楊安兒元太子阿速吉八正  
德有一夏崇宗天啟有三元灋僧梁永嘉王莊陳友諒  
崇禎字出南齊謝超宗南郊登歌有云史正嘉兆神宅

崇禎



昔人未卽帝位有謙讓止稱元年者有以干支紀者李  
昫改元庚子竇建德改元丁丑蓋云庚子年丁丑年爾  
晉惠帝時同時有二孫秀二王敦

金貞元元年都燕正隆六年都汴大定元年復都燕貞  
祐二年復都汴

國史之書上之好惡下之人心繫焉崇禎十七年而熹  
宗實錄未成亦由門戶方爭白黑難定宋自紹聖以蔡  
卞爲國史修撰改神宗實錄而國是始淆於乎好惡之  
成豈不繫乎其人哉昔人有言蔡文姬失節而在列女

賀知章七十乞鑑湖而在隱逸以作史者失身之人難退之士也可不慎與

永嘉之時兵革四逼雒陽孤危朝議欲遷都以避難王衍以爲不可賣車牛以安衆心及漢兵將至荀晞表請遷都倉垣使從事中郎劉會將船數千艘宿衛五百人穀千斛迎帝帝將從之公卿猶豫左右戀資財遂不果行然則國家危迫之時去邠邑岐未爲非計特圖之不可不豫爾

古之治兵者必治賦古之治民者必籌兵而漢之太守

皆自爲將自古守令將帥之不相爲用未有如今日者也

甘桓公見王子朝劉子謂萇宏曰甘氏又往矣對曰何害同德度義太誓曰紂有億兆夷人亦有離德余有亂臣十人同心同德此周所以興也曹公擊馬超敵每一部到公輒有喜色姚萇每見一軍輒喜古人兵機大略相同

元朮東下非知府陳規有米數千石則劉錡亦不能守唐之樞密院乃是宦者宋則爲大臣宋之太監乃是文



官今則爲宦者

熙豐之法有至今不變者經義也武舉也茶馬也崇觀之法有至今承用者鄧洵武之官階也

孫沔以張禹李林甫斥呂夷簡而夷簡以爲元規藥石之言恨聞此遲十年爾又如文彥博請召還唐介宋時相臣尙有此

應奉識車匠於開扇

謝承書楊愔記漫漢于障麴

北齊書

蔡邕書盡與王粲宋懷方二禮付戚袞呂元伯叩頭于王慧龍沐謙委身于司馬楚之紇于承基不忍于于志

寧

六國首事之時憂在亡秦而已而不知劉項之分爭者  
五年春陵起兵之日誅莽而已而不知赤眉王郎劉永  
張步隗躡公孫述之各據者十二三年初平起義之時  
討卓而已而不知催汜二袁呂布之輩相攻二十餘年  
而卒爲三國晉陽舉事之日患在獨夫而已而不知世  
充仁杲建德之倫十餘年而始克平之是知相因之勢  
聖人不能回而已見之形非智士之所患也深思而逆  
爲之計豈不在乎識微之君子哉羣盜之興天之所以

開真人也王莽之世劉崇翟義之倫旣不能克不生羣盜則海內不亂而真人亦無所憑以出故新市平林爲光武之先驅及寇剽日久野無所掠人窮反本厭兵愁泣而太平之兆已開於是甲齊熊耳兵散歸田而天下定於一矣故盜賊之生不得不生其散不得不散勢有相因而天心繫焉繇今證古則天意若有可知者申生之縊韓原之獲子圉之逃若此者爲文公也衛太子之不得其死孝昭之無嗣昌邑之不君若此者爲中宗也孝成之絕嗣哀平之短折王莽之篡代若此者爲光武



也傳曰不有廢也君何以興故惠懷之際國幾亡矣而君子以爲天之啟晉居攝之年漢中絕矣而識者以爲天之祚劉

夫子告子張其或繼周百世可知也於何知之以理而已文信國執于元作詩曰閏位適在三七間禮樂終當屬真主數十年之後明太祖起而其言驗金仁山作通鑑前編後序曰王仲淹續經之作疾病而聞江都之變泫然流涕曰生民厭亂久矣天其或者將啟堯舜之運而吾不與焉則命也數十年後明太祖起而其言亦驗

二子者一知于宋將亡之時一知于宋已亡之後豈有  
甘德蔡少公之術哉孟子之知天也曰一治一亂夫子  
之知天也曰物不可以終通故受之以否物不可以終  
否故受之以同人止矣

漢末絕則光武中興漢絕則昭烈再世是以功德本乎  
祖宗滅秦者秦非六國誅莽者莽非漢兵是以推戴繫  
乎民心才高天下則漢祖唐宗才醜德齊則三國南北  
是以戡定在乎人事五胡蕃鎮積數十年已成之形則  
河山分裂隋季元終僅十餘年之羣盜則不傳其子是

以分合視乎成形世祖自信於會宛之日少康蕞澆於  
牧正之時是以大器觀乎人主

方莽之亡隗囂曰漢鄧曄曰漢申錡屠門少之屬皆曰  
漢其後雲臺諸將無一人列名其中者何哉小則盜賊  
大則覬覦非望本不知天命之歸而特欲稱名以集衆  
者也是以班叔皮馬文淵爲見幾之士矣崑山城中馬  
鞍山東隅向來宿莽幽翳無登者崇禎十二三年間宗  
伯顧公疏剔林藪鑿池劍亭宛然一園林矣時先祖聞  
之曰昔形家謂此爲龍頭鑿之非宜不五六年遂有屠



城之禍而宗伯亦死事于溫頂讀宋史胡文恭公宿在慶厓間以蓬萊諸山居京師東隅往往取金其中以致地震請禁民鑿山以寧地道又漢書云鑿地數百丈銷陰氣之精是以致旱此皆與先祖之言符合者也

明封疆之律固嚴而待死事之臣太薄且如州縣之吏或蒞任未久或兵力不支與城俱亡雖無益於邊陲之事而其人之責則已塞矣惟督撫大臣不可以此寬其失地之律然斷脰決腹一瞑而萬世不視不知所益以憂社稷者古人亦未之苛也非其人而遣之則罪在中

樞當其事而掣之則罪在主者而死事之臣自可錄其節而掩其眚庶乎平明之論與

人富則難使也夫人之輕于生必自輕于貨也始古之士大夫不封殖不厚奉視天下之物無以干其中彼且不知世利之足戀也而後可以決然于一死今且羣天下之士大夫而莫不愛金官日尊而金日益多金多而愛與之終始彼又安肯一旦舍此纍纍者而死也田單天下之奇人也能以二城復興齊國及至封爲安平奉以夜邑娛以菑上黃金橫帶而騁乎淄澠之間則無死

敵之心矣是故人富而重其生絕吮伏劍不出素封千  
戶之家感慨自裁多在婢妾賤人之輩嗚呼富未必富  
也生未必生也古之偷生蒙耻幸免而歸爲鄉里所不  
齒者有矣未若今之甚也非特不齒也破其廬劫其資  
燔其室而後厭於人心者何哉古不富而今富也富然  
後樹怨深富然後人思奪之於是醜然面目者不敢見  
人而藏顏有北之鄉匿影曦光之下嗚呼雖悔之何及  
哉

李牧爲將盡用市租馬隆討羗身至武庫



昂畢之間爲天街其南陽國其北陰國

秦始皇八年河魚大上魚陰類民之象也逆流而上言民將不從君令爲逆行也其在天文魚星中河而處車騎滿野易曰无魚之凶遠民也詩云牧人乃夢衆維魚矣

魏世宗延昌甲午填星守天江梁主大發軍衆造浮山堰以遏淮水明年填星在天江而梁堰壞奔流決溢元初太陰犯填星熒惑指鉤鈐皆陵夷城郭之象於是盡隳江淮城郭

國語辰角見而雨畢天根見而水涸本見而草木節解  
駟見而隕霜火見而清風戒寒注火心星夏之十二月  
晨見於辰辰角大辰蒼龍之角朝見於東方建戌之初  
寒露節也天根亢氏之間寒露之後五日朝見本氏也  
寒露後十日駟房星建戌之中駟見火見霜降之後定  
謂之營室建亥小雪之中定星昏正于午

韓文公集送窮文注洪曰予嘗見文宗備問云顓頊高  
辛時宮中生一子不著完衣號爲窮子其後正月晦死  
宮人葬之相謂曰今日送窮子自爾相承送之又唐四

時寶鑑云高陽氏子好衣弊食糜正月晦巷死世作糜  
棄破衣是日祝于巷曰除貧也唐姚合正月晦日詩年  
年到此日漈漈拜街中萬戶千門裏無人不送窮送窮  
窮不去相泥欲何爲今日官家宅淹留又幾時古人皆  
恨別此別恨銷魂只是空相送年年不出門

隨文建長安唐實都之元人開會通河明實用之

宛王賜歸光武封慎侯漢中王嘉歸光武拜千乘太守  
至建武十三年封順陽侯西平王李通歸光武封固始  
侯鄧王王常歸光武封山桑侯皆不得用前更始封爵



楚懷王封高帝爲武安侯又進爲沛公及卽位之後封  
潁爲沛侯孝武初封田蚡爲武安侯光武建武二十年  
徙中山王輔爲沛王中元二年封輔子寶爲沛侯是知  
漢人質直尙無拘忌自符堅有龍驤建業之言遂成姚  
萇之讖而唐之中書令宋之都點簡遂爲人臣不敢居  
之官矣

呂后封大謁者張釋爲建陵侯此封宦官之始

漢高帝甲辰崩丙寅葬二十二日文帝己亥崩乙巳葬  
六日景帝甲子崩癸酉葬九日

唐自中葉以前長子皆不得立高祖太子建成被殺太宗太子承乾廢高宗太子忠廢太子宏暴卒太子賢誅中宗太子重俊誅睿宗長子宋王成器讓位元宗太子瑛誅至代宗始以長子踐位

隋文帝皇后獨孤氏崩著作郎王劭上言大行皇后福善禎符備諸秘記皆云是妙善菩薩史家載之以爲譏後萬厯中尊孝定太后爲九蓮菩薩

以縣名稱其人者惟政府爲然嘉靖中嚴惟中曰分宜徐子升曰華亭是也他部院則不稱之以一縣或有二

三人同朝難於分別也唐張九齡開元名相天下稱曲江公而不名李德裕天下士推重不敢有所斥稱贊皇公此卽稱縣名之所本矣

宋洪邁從孫倬承宣城自作題名記邁曉之曰他文尙可隨力工拙下筆如此記豈宜犯不韙哉蓋以韓文公有藍田縣丞廳壁記也李太白去眼前有景道不得崔顥題詩在上頭

史記甘羅年十二爲秦相文信侯呂不韋舍人後人誤以爲年十二爲秦相作一句昔人辯之已明然北齊彭



城王浹答博士韓毅曰甘羅幼爲秦相未聞能書則南  
北朝已有此語

巡撫字惟天子得用之唐王勃春思賦妾本幽閨學歌  
舞寧知漢代多巡撫前年齋祭謁甘泉今歲笙簫祠后  
土洪武年間命皇太子巡撫陝西亦用此義後遂以入  
大臣之銜後周武帝西巡幸瓜州刺史李賢第詔曰今  
巡撫留此不殊代邑舉目依然益增舊想隋煬帝紀仁  
壽初奉詔巡撫江南蘇威傳持節巡撫江南文帝紀遣  
韋洸王景持節巡撫嶺南南史袁昂傳使豫州刺史李

元履巡撫東土

禮記曾子問孔子曰取婦之家三日不舉樂思嗣親也  
後周書崔猷傳時昏姻禮廢嫁娶之辰多舉音樂猷請  
禁斷是則嫁娶用樂其來未久

孔子誨其弟子皆稱名孟子則皆曰子稱於他人之前  
亦曰子樂正子高子是也亦可見世風之變矣

喪服小記男子稱名婦人書姓與伯仲若不知姓則書  
氏是則婦人之稱氏者以不得其姓而書之也今乃一  
概曰氏非矣

柳下惠之妻稱柳下爲夫子列子之妻稱列子爲先生  
通譜之事在古人卽已有之唐書張九齡爲司勳員外  
郎時張說爲中書令親重之與通譜系嘗曰後出詞人  
之冠也劉三復爲浙西從事汝州刺史劉禹錫以宗人  
遇之深重其才嘗爲詩贈三復序曰從弟沈亞之爲韓  
尹祭韓令公文曰嘗敘族以姪余謂同源於康子宋黃  
魯直作黃育字序曰會稽黃渥與庭堅皆出於婺州之  
黃由七世以上失其譜以年相望與渥相近復以兄弟  
合宗



梁夏侯譖去夏稱侯託爲侯景族子唐令狐綯爲相凡  
姓狐者皆稱令狐有人爲詩以譏之與夏侯譖事相反  
而實相類

元詩碑多有一行漢字一行蒙古字者惟印文不然予  
見靈巖寺祖師殿前元碑上有泰安州印乃正篆也

漢昭帝始元六年七月令民得以律占租賣酒升四錢  
唐德宗貞元二年十二月壬申從度支奏京城畿內權  
酒每斗權錢一百五十文蠲酒戶差役昔人以杜詩徵  
唐時酒價謂每斗直錢三百文若在貞元以後則此三

百文者半歸之酒家而半輸之國用也

後漢書魯恭傳年十五與母及弟丕俱居太學可見當時學舍寬廣遠方貧生可以將母就業其養士之制備矣

唐人除官多有以父名而不拜者又有前人丁憂後人親在避其凶嫌而不赴者舊唐書杜佑傳爲盧杞所惡出爲蘇州刺史佑母在杞以蘇州憂闕授之佑不行

元史張立道傳先是雲南未知尊孔子祀王逸少爲先師立道首建孔子廟

明朝諡不避重如兩張文忠兩王文肅之類是矣若甲申死節一時賜諡二十二人而吳麟徵吳甘來二人並諡忠節事同姓同諡又同非別嫌示信之義亦禮臣之疏略也

古之善治兵者營平久駐湟中月計糧穀芟藁數十萬未見累民古之善理民者乖崖甫至成都卽奏罷陝西米數萬未聞餒士古之善養兵者荊州十年之積不煩轉運古之善利民者內史牛車之輸不費追呼

明宣宗時特著三法一久任二不次遷擢三不限流品



萬厯庚戌丙辰用閣臣言館選隔科一舉故二科獨無  
庶吉士本舊制也至崇禎甲戌丁丑復行之

守令之難有四坐堂皇撫一邑專精課治何業不就而  
時日耗于趨迎精神殫于餽遺褰鞵踣東西奔馳其  
難一工於彌縫善事上官者躋薦臺省不者輒以他事  
中之畏簡書不若其畏上臺其難二首尾牽制文移把  
持尺寸以上不得輕有所舉長材無以自見掣肘之患  
其難三官如行馬僅一過耳書役爲主人官者爲客則  
其弊不可得知知不可得竟其難四旣責其拊循而以

征輸不及額議罰旣戒其貪墨而以設處不誤公爲程  
趙槩爲守而勅縣不得催科盧坦爲令而詣府請寬限  
伊尹嚴一介之取先嚴一介之與與人者取人之捷徑  
有以已之不廉成已之不法亦有以已之不法成人之  
不廉

萬家之邑必有士夫數十諂諛相先侈靡相耀子女姻  
亞童僕坐較金帛以爲意色稍不能忍必且譁張恣睢  
而取必於官

海忠介惟有一袍一僕之風始能建言世廟陸文定惟

有焚香啜茗之致始能不謝分宜

茅屋數椽種秫百畝僅給衣食如吳介肅之高持剛介寡與誓不營私終身不渝如何文肅之正大敝裘尙假于人牝馬亦非已有如陳茂烈之風紀自持

漢之能吏多出掾史唐節度所辟書記亦往往入而爲大官卽明之吳訥以醫士起中丞郁新嚴震以人才登八座楊士奇以白衣薦舉而直綸扉陶魯以恩蔭而至金吾黃福以貢士而爲六卿胡儼以鄉舉而爲司成況鍾蔚能以吏員而爲郡守



諸城志明太祖嘗語侍臣曰那進士每有學問著選學  
官教秀才那歲貢每曉事體著選有司牧民故一時進  
士多除教職而歲貢多除縣官洊厯撫仕

巴蜀被文翁之化易議刺爲文章南陽被召父之化易  
商賈爲本業潁川被黃韓之化轉爭訟爲篤厚  
魯戈無反日之誠越甲有鳴君之恥

弁髦不用於三加之後芻狗不施於神醉之時

鳥將夕而歸巢蟲向寒而坏戶

韓信豕耳智伯園桃

非常之策陳湯不奏於公卿度外之功班超不謀於從事

虹干燕日電擊齊臺

張霸百二劉炫連山

蛇生林屋之山鹿走姑蘇之館

洞庭無三斑蛇虎雉也侯景之亂始有蛇

欲求寶劍須乞豐城爲覓丹砂便求勾漏

移鐘簾於京雒作太廟於臨安

葬梁鴻於要離之側圖延篤於三閭廟中

王陵後至晚封安國之侯馮延遲降僅授曲陽之令

樊宏手疏韋澳親書

陳敬瑄節度三川進秩實始於擊毬李存賢節度幽州  
先資乃緣於手搏

幣帛之禮貴於未將祭祀之誠嚴乎不薦

多儀不享旣灌何觀

入止都門旣艮坤之濶絕出游江上又巽坎之難期

韋蘇

州訓李儋詩都城二十里居在艮  
與坤人生所各務乖濶略朝尊

外廷之吏謂楚鵲以爲鳥內侍之臣指秦鹿而云馬

好時陸賈

尉佗傳

山東李白



侯孺貨晉筮史鄭朝賄趙太卜

鹿車先上文偉無難載之容狐貉同行子路有不求之節

常存渡蟻之心且試按龜之手

宋祁編竹渡蟻靈樞經手毒者可使試按龜

置龜於器下而按其上五十日而死矣手甘者復生如故也

楚人亡布以爲令尹盜之愚公失駒仲父自引其過

追李峴而穀價平烹宏羊而天雨降

李峴爲京兆尹楊國忠怒其不附已

出爲長沙太守時京師米麥踴貴百姓爲之語曰欲得米麥賤無過追李峴

南陽之五伯齊名涼部之三明並美

五伯見後漢鄧彪傳

燈然董卓之臍烏啄桓元之目  
朝多鳴豫之夫邑有宣驕之士  
時日曷喪如水益深

粗通六合之占頗識五殘之變

太公擁彗於高皇仲孺叩頭於去病

人犧國狗

烏不烏鵲不鵲猶言鵲鷺充廷馬非馬驢非驢漫曰麒麟在藪

明列輔起家考

永樂七人

解縉 吉水中書庶吉士戊辰 黃淮 永嘉中書丁丑

胡廣 吉水修撰庚辰 楊榮 建安編修庚辰

楊士奇 泰和吳府審理由生員 金幼孜 新淦給事中庚辰

胡儼 南昌華亭縣教諭鄉科丁卯

洪熙五人

黃淮 楊榮 楊士奇 金幼孜 並見上

權謹 山口樂安縣知縣

宣德五人



張中隱筆

三

楊榮金幼孜並見楊溥石首編修庚辰張瑛邢臺寧州

訓導陳山沙縣奉化縣教諭鄉科口口

正統八人

楊榮楊溥並見陳循泰和修撰乙未曹鼐寧晉修撰

癸丑馬愉臨朐修撰丁未苗衷定遠編修己丑高穀興化庶吉

未乙張益吳縣庶吉士乙未

景泰九人

陳循高穀並見彭時安福修撰戊辰商輅淳安修撰

乙俞綱嘉興廊府審理由生員江淵江津編修庚戌王一寧仙居吏部

主事 戊戌 蕭 鎡 泰和編修丁未 王 父 東鹿御史辛丑

天順八人

彭 時 見上 徐有貞 吳縣庶吉士癸丑 許 彬 寧陽庶吉士乙未

薛 瑄 河津御史辛丑 李 賢 鄧州吏部主事癸丑 呂 原 秀水編修壬戌

岳 正 潞縣編修戊辰 陳 文 廬陵編修丙辰

成化十人

彭 時 商 輅 李 賢 陳 文 並見上 萬 安

眉州庶吉士戊辰 劉定之 永新編修丙辰 劉 珝 壽光庶吉士戊辰 劉 吉

博野庶吉士戊辰 彭 華 安福庶吉士甲戌 尹 直 泰和庶吉士甲戌

新刊

卷

宏治六人

劉吉

見上

徐

溥

宜興編修甲戌

劉

健

洛陽庶吉士庚辰

邱濬

瓊山庶吉士甲戌

李東陽

茶陵庶吉士甲申

謝

遷

餘姚修撰乙未

正德十四人

李東陽

謝

遷

並見

焦

芳

泌陽庶吉士癸未

王

鏊

吳縣

編修

楊廷和

新都庶吉士戊戌

劉

宇

禹州上海縣知縣壬辰

曹

元

含山工部主事乙未

劉

忠

陳留庶吉士戊戌

梁

儲

順德庶吉士戊戌

費

宏

鉛山修撰丁未

靳

貴

丹徒編修庚戌

楊一清

丹徒中書主事

蔣

冕

全州庶吉士丁未

毛

紀

掖縣庶吉士丁未



嘉靖二十七人

謝遷 楊廷和 費宏 楊一清 蔣冕

毛紀並見 袁宗臯石首興府長史庚戌 石瑤藁城庶吉士丁未

賈詠臨潁庶吉士丙辰 翟鑾諸城庶吉士乙丑 張孚敬永嘉南

主事桂萼安仁丹徒縣知縣辛未 方獻夫南海庶吉士乙丑 李時任

庶吉士夏言貴溪行人辛巳 顧鼎臣崑山修撰乙丑 嚴嵩分宜庶吉士乙

丑許讚靈寶大名府推官丙辰 張璧石首庶吉士辛未 張治茶陵

庶吉士李本餘姚庶吉士壬辰 徐階華亭編修癸未 袁煒慈谿

編修嚴訥常熟庶吉士辛丑 李春芳興化修撰丁未 郭朴安陽編修

乙未 高拱 新鄭庶吉士辛丑

隆慶八人

徐階 李春芳 高拱並見 陳以勤南充庶吉士辛丑

張居正江陵庶吉士丁未 趙貞吉內江庶吉士乙未 殷士儋歷城庶吉士丁

未 高儀錢塘庶吉士辛丑

萬麻二十人

張居正見上 呂調陽臨桂編修庚戌 馬自強固州庶吉士癸丑

張四維蒲州庶吉士癸丑 余有丁鄞縣編修壬戌 申時行吳縣修撰士戌

王錫爵太倉編修壬戌 許國歙縣庶吉士乙丑 王家屏山陰庶吉士戌辰

陳于陞

南充庶吉士戊辰

趙志皋

蘭谿編修戊辰

張

位

新建庶吉士戊辰

沈一貫

鄞縣庶吉士戊辰

朱

賡

山陰庶吉士戊辰

沈

鯉

歸德庶吉士乙

丑于慎行

東阿庶吉士戊辰

李廷機

晉江編修癸未

葉向高

福清庶吉士癸

未吳道南

崇仁編修己丑

方從哲

德清庶吉士癸未

泰昌三人

方從哲

見上

劉一燝

南昌庶吉士乙未

韓

爌

蒲州庶吉士壬辰

天啟二十一人

葉向高

方從哲

劉一燝

韓

爌

並見上

何宗彥

隨州庶吉士乙未

孫承宗

高陽編修甲辰

沈

漼

烏程庶吉士壬辰

孫如游



餘姚庶吉  
士乙未  
史繼偕  
口口庶吉  
士壬辰  
周如磐  
莆田庶吉  
士戊戌

丁紹軾  
貴池庶吉  
士丁未  
朱國祚  
秀水庶吉  
士癸未  
朱國楨  
烏程修  
撰巳丑

朱延禧  
聊城庶吉  
士乙未  
魏廣微  
南樂庶吉  
士甲辰  
馮銓  
涿州庶  
吉士癸

丑顧秉謙  
崑山庶吉  
士乙未  
黃立極  
元城庶吉  
士甲辰  
張瑞圖  
晉江  
編修

丁李國搢  
高陽庶吉  
士癸丑  
施鳳來  
平湖編修  
丁未

崇禎五十人

韓爌  
孫承宗  
黃立極  
張瑞圖  
李國搢

施鳳來  
並見  
來宗道  
蕭山庶吉  
士甲辰  
楊景辰  
晉江庶吉  
士癸丑

李標  
大名庶吉  
士丁未  
劉鴻訓  
長山庶吉  
士癸丑  
周道登  
吳江庶  
吉士戊

戌 錢龍錫華亭庶吉士丁未 成基命大名庶吉士丁未 周延儒宜興修撰

癸 何如寵桐城庶吉士乙未 錢象坤會稽庶吉士辛丑 溫體仁烏程庶吉士

丑 吳宗達武進編修甲辰 鄭以偉上饒庶吉士辛丑 徐光啟上海庶吉士

戌 錢士升嘉善修撰丙辰 王應熊巴縣庶吉士癸丑 何吾騶香山庶吉士

辰 文震孟長洲修撰壬戌 張至發淄川知縣辛丑 林 鈞同安編修

未 孔貞運句容編修己未 黃士俊順德修撰丁未 賀逢聖江夏編修

丙辰 傅 冠進賢編修壬戌 劉宇亮綿竹庶吉士己未 薛國觀韓城推官

己未 楊嗣昌武陵教授庚戌 程國祥歙縣知縣甲辰 方逢年遂安編修

壬戌 蔡國用金谿中書庚戌 范復粹黃縣推官己未 姚明恭蘄水庶吉士

新修縣志

卷三

士巳

張四知

費縣庶吉士壬戌

魏炤乘

滑縣知縣丙辰

謝

陞

德州知縣

丁未

陳演

井研庶吉士壬戌

蔣德璟

晉江庶吉士壬戌

黃景昉

江晉

庶吉士

吳

牲

興化知縣癸丑

魏藻德

通州修撰庚辰

李建泰

曲沃

庶吉士

方岳貢

麻城主事壬戌

范景文

吳橋推官癸丑

邱

瑜

宜城庶吉


乙丑


士乙丑


孫中隨筆終

番禺孟鴻光校













道光己酉鐫

雲台集記

海山仙館叢書

雲谷集題

雲谷集題

道溪子西齋



PL  
2451  
P29  
V.48  
雲谷雜紀卷首

侍郎徐公帖

邦憲已贊開藩之慶茲不重敘彝儀輒有拜稟樅陽張  
監鎮其先中華人自其祖寓武義邦憲與之隣居有年  
矣知其篤行好學博讀古今之書近世無與比者真所  
謂後生可畏者也邦憲心甚敬之折行輩而與之交比  
以貧甚急祿不暇擇木挈老母攜諸弟以行乃天假厚  
幸得趨走于教令之下敢望台慈借之從容叩其所蘊  
而眎睠之必有取知者矣其天姿恂恂謹畏若怯懦無

能發明者然其中所蘊殊非凡近願年丈特垂異顧幸甚

紹熙甲寅予侍先大父還自西陽寓居于婺之武義故寶謨閣待制徐公實里人也尙氣節重唯諾不妄交于人一日忽過予一見之如平生歡予爲賦詩云五花麟駒飛雲鳴珂敲月曙色分晨光炯炯照玉勒華風熠熠生衡門磊磊落落萬人英氣射斗牛貫九精筆扛龍文百斛鼎鯨呿鼇擲風雨驚英辭琳瑯潤金石寒芒正色如明星淫哇亂

雅快一掃英莖韶濩重鏗錡質高器大聲必廣古  
來才士豈虛名我嗟壯歲困五窮終年齷齪文字  
中絕編壞簡徒自苦炊沙鏤冰初何功志高意廣  
材不足奴輩豈特笑孔融龍潛蛭肆亦物理草廬  
未必非英雄天生我材必有用誰能便與朽腐同  
願得側翅附鴻鵠追風掣電凌太空公曰是篇置  
之李賀詩中誰復能辨君少年俊邁如此我當退  
處一頭地矣因是遂爲忘年交嘉定癸酉子自龍  
舒歸公已出守九江而數數寄聲問子還期子時



將以所記書傳疑事往質正焉未果而公卒子方  
痛悼有以公貳冬官時與龍舒趙使君帖示子讀  
之悲益不自勝趙使君中道易守新安子不及識  
之而楊敬之逢人說項斯之意似不可忘也悲夫  
天胡爲奪子良友之遽也九原不可作予之所疑  
者誰與折衷之昔季札以寶劍許徐君未及獻而  
徐君死乃以繫冢樹而去從者曰徐君已死尙誰  
與乎季子曰始吾心已許之豈以死背吾心乎輒  
以公帖冠之卷首是亦季子于徐君之意也嘉定

甲戌張湜書





雲谷雜紀目錄

卷首

書帖識語

卷一

二十三條

卷二

三十九條

卷三

三十一條

卷四

三十一條

卷末

奏狀四篇

題跋四篇

雲谷雜紀卷一

宋 張 湜 撰

孟子云堯使九男二女以事舜于畎畝之中趙岐注云堯典曰釐降二女不見九男獨丹朱以允嗣之子臣下以距堯求禪其餘八庶無事故不見于堯典子按呂不韋春秋云堯有子十人自丹朱之外不特八庶子而已皇甫謐帝王世紀云堯娶散宜氏之女曰女皇生丹朱又有庶子九人其數正與不韋春秋合蓋使事舜時朱以嫡子故不在所遺中趙岐云八庶蓋未之考耳



管子固管仲所著也今考其書非特出于仲後人從而  
附益其說者有之戒篇云管子卒云云桓公薨六子皆  
求立易牙與衛公子豎刁因共殺羣吏而立公子無虧  
孝公奔宋宋襄公率諸侯以伐齊戰于鹹大敗齊師殺  
公子無虧立孝公而還又小稱篇桓公曰死者無知則  
已若有知吾何面目以見仲父于地下如此之類皆後  
人附益

說苑趙簡子游于河而樂之歎曰安得賢士而與處焉  
舟人古乘跪而對曰夫珠玉無足去此數千里而所以

能來者人好之也今士有足而不來者此是吾君不好  
之乎趙簡子曰吾左右客千人朝食不足暮收市征暮  
食不足朝收市征吾尙可謂不好士乎古乘對曰鴻鵠  
高飛遠翔其所恃者六翮也背上之毛腹下之毳無尺  
寸之數去之滿把飛不能爲之益卑益之滿把飛不能  
爲之益高不知門下左右客千人者有六翮之用乎將  
盡毛毳也新序晉平公浮西河中流而歎曰安得賢士  
與共樂者舟人固桑進對曰君言過矣夫劍產於越珠  
產江漢玉產崑山此三寶者無足而至君今苟好士則

賢士至矣平公曰固桑來吾門下食客者三千餘人朝食不足暮收市租暮食不足朝收市租吾尙可謂不好士乎固桑對曰今夫鴻鵠高飛冲天其所恃者六翮耳夫腹下之毳背上之毛增去一把飛不爲高下不知君之食客六翮耶將腹背之毳也二書皆劉向所輯二說相類如此疑本一事所傳不一故有簡子平公之異向兩存之豈示傳疑耶

鷗冠子漢藝文志云楚人居深山以鷗爲冠旣不知其名又不知其爲何時人然其書時稱燕將劇辛按辛趙



人周赧王三年始自趙至燕則鶚冠子當又在其後不然則與之同時書在唐十六篇賈誼鶚賦嘗取之唐初李善注文選復多引用以二書參訂稍稍可讀韓退之云其博選篇四稽五至之說當矣使其人遇其時援其道而施于國家功德豈少哉學問篇稱賤生于無所用中流失船一壺千金者余三讀其辭而悲之其見稱如此而柳子厚以爲言盡鄙淺惟賈誼鶚賦所引用爲美意好事者所爲反取鶚賦以文飾之太史公伯夷列傳稱賈子曰貪夫殉財烈士殉名夸者死權不稱鶚冠子

遷號博極羣書假令當時有其書遷豈不見耶子厚所  
見與退之大不同子觀其世兵篇有云變化無窮何可  
勝言水激則悍矢激則遠精神回薄振蕩相轉遲速止  
息中必參互同合消散孰識其時至人不遺動與道俱  
縱軀委命與時往來盛衰死生熟識其期儼然至湛孰  
知其尤禍乎福之所倚福乎禍之所伏禍與福如糾纏  
渾沌錯分其狀若一交解形狀孰知其則芴芒無貌惟  
聖人而後能決其意幹流遷徙固無休息終則有始孰  
知其極以上雖多爲賈誼所采取文辭奇古與鵬賦自

不同子厚謂爲僞書若他篇固不得而知如此篇恐後人筆力未易至此子厚又以貪夫殉財之語不爲太史公所稱按胥士之殉名貪夫之殉財此自列子之辭獨夸者死權一語見于鶡冠子賈誼實合二書以成文爾太史公謂爲賈子云則可謂鶡冠子云則非矣蓋子厚一時亦不審上文非鶡冠子語遂至于誤

原註胥士殉名貪夫殉財

謂爲列子之辭者此李善注文選所云今列子中無此語善不應誤當是近世本有脫誤耳

韓子楚人和氏得玉璞于楚山中奉而獻之厲王王使玉人相之曰石也王以和爲誑而刖其左足及厲王薨



武王卽位和又奉其璞而獻之武王武王使玉人相之  
又曰石也王又以和爲誑而刖其右足武王薨文王卽  
位和乃抱其璞而哭于荆山之下三日三夜淚盡而繼  
之以血王聞之使玉人理其璞而得寶焉遂命曰和氏  
之璧按楚世家熊通自立爲武王是楚之王自熊通始  
其先初無所謂厲王者豈卽其兄蚡冒耶今姑置而勿  
論且以武王初卽位之年言之是歲爲周平王之三十  
一年歲在辛丑至文王初卽位之年壬辰已五十二年  
矣若加以厲王當不止于此和雖三獻不應歷年如是

之久疑有舛誤處然此事見于他書者亦多異同新序  
無文王而有共王淮南子注及前漢鄒陽並後漢孔融  
及陳元三傳注俱無厲王而有成王又趙壹傳注引琴  
操又有懷王及子平王其不同如此旣無明據不敢以  
臆見定其是否但武王至共王已六世幾于百年平王  
在懷王之前相去甚遠初非父子此乃謬妄顯然者  
櫻桃亦云櫻桃見呂不韋春秋舍桃注櫻桃二字頗爲  
雅馴而前輩罕會引用

太史公管仲贊曰吾讀管氏牧民山高乘馬輕重九府

詳哉其言之也司馬貞索隱曰皆管氏著書篇名九府  
蓋錢之府藏其書論鑄錢之輕重故云輕重九府予按  
輕重與九府自是兩篇名貞但見李奇以圜法爲錢故  
指九府爲錢之府藏謂輕重爲論錢之輕重遂合輕重  
于九府非也九府篇劉向時已亡而輕重篇今固存也  
貞畧不致審何其疎之如是耶

史記宰予字子我爲臨菑大夫與田常作亂以夷其族  
孔子恥之司馬貞索隱曰按左氏無宰我與田常作亂  
之文然有闕止字子我而因爭寵遂爲陳恆所殺恐字



與宰我相涉因誤云然東坡志林曰李斯上書諫二世其畧曰田常爲簡公臣布惠施德下得百姓上得羣臣陰取齊國殺宰子于庭是宰子不從田常爲常所殺也弟子傳乃云宰子與田常作亂

原註李斯事荀卿去孔子不遠宜知其實弟子

傳妄也

使吾先師之門乃有叛臣焉而天下通祀者容叛

臣于其間豈非千載不蠲之惑也近令兒子邁考閱舊書究其所因則宰我不叛其驗甚明太史公因陋承疑使宰我有冤千載而吾先師蒙其誣自茲一洗亦古今之快也蘇子由古史曰田恆之亂本與闕止爭政闕止

亦子我也田恆旣殺闕止弑簡公則尙誰族宰我者事  
蓋必不然矣子由又曰李斯言田恆陰取齊國殺宰子  
于庭因弑簡公又劉向別錄田成子與宰我爭宰我夜  
伏卒將以攻田成子令于卒中曰不見旌節毋起鴟夷  
子皮聞之告田成子成子因爲旌節以起宰我之卒以  
攻之遂殘宰我信如此說則宰我乃田恆之仇爲齊攻  
田恆者非與恆作亂矣要之由闕止亦曰子我故戰國  
諸子誤以爲宰子皆不足信也考諸家所言索隱則以  
其字同闕止遂至于誤東坡則援李斯之言以宰子不

從田常故爲常所殺子由固以爲闕止而未免以李斯  
劉向之言爲惑然劉向所謂鴟夷子皮者范蠡也田常  
之亂在周敬王三十九年是時范蠡方在越與句踐謀  
伐吳後八年吳滅蠡始浮江湖變名易姓適齊爲鴟夷  
子皮國語及蠡傳可考其妄已不待言李斯之言正由  
一時承襲之誤爾索隱古史謂爲闕止然無確然之證  
終不能祛人之疑而破人惑也予按左傳哀公十四年  
齊簡公之在魯也闕止有寵焉及卽位使爲政成子憚  
之

原註成子陳恆之字也陳敬仲如齊以陳爲田  
氏故曰田恆漢文帝諱恆故史記以恆爲常 諸御



鞅言于公曰陳闕不可並也其擇焉弗聽夏五月王申成子兄弟如公子我屬徒攻闔與大門皆不勝乃出陳氏追之殺諸郭闕庚辰陳恆執公于舒州公曰吾早從鞅之言不及此說苑正諫篇齊簡公有臣曰諸御鞅諫簡公曰田常與宰予此二人甚相憎也臣恐其相攻雖叛而危之不可願君去一人簡公曰非細人之所敢議也居無幾何田常果攻宰予以庭弑簡公于朝簡公喟然而太息曰余不用鞅之言以至此患也說苑所云與左氏正同獨以闕止爲宰予者則後人誤以闕氏之子

我爲宰氏之子我最分明夫一名字之混遂至賢逆之  
無辨曾參殺人真可畏哉太史公作傳實以家語弟子  
解一篇爲之殊不知此書不全出于孔氏子弟之手多  
爲好事者以意增損孔安國嘗病之矣宰子之事正所  
當攷者畧不致審信筆紀錄遂使聖門高弟重罹誣謗  
謂之良史可乎東坡之辨固足以雪其恥矣而尙以宰  
子爲常所殺是宰子猶死于非命也以今所攷常之所  
殺乃闕子我也則宰子之枉可一洗無餘蘊矣

秦始皇三十七年至雲夢亦嘗望祀舜于九疑武帝遵

秦故事也

觀泰山刻石益知金石刻之可貴而史傳傳寫舛謬誤人多矣然此文率以四字爲句今史或有五六字爲句者如廿有六年史作二十有六年窺輒遠黎史作親巡遠方黎民疑太史公所衍未必盡是傳寫之誤要之此乃秦本文豈容以意增損哉

蕭何營未央宮因龍首山製前殿建北闕其宮週迴二十餘里街道週迴七十里臺殿四十三欲令後世無以加故極其壯麗如此未百年而武帝增以金鋪玉戶華



棖璧璫雕楹玉碣重軒鏤檻青瑣丹墀左城右平黃金  
爲壁帶間以和氏之珍又起高門武殿于中只未央一  
宮所增已如是所謂千門萬戶者又不預焉何所謂無  
以加者無乃啓後世之所加也

史記司馬相如傳蕙圃衡蘭司馬貞索隱曰本草云薰  
草一名蕙陸農師埤雅蕙今之零陵香也邵氏聞見後  
錄魯直蘭說云一榦一花而香有餘者蘭一榦五七花  
而香不足者蕙非也蕙今零陵香又名薰所謂一薰一  
蕕者也又墨客揮犀及潘子真詩話亦皆云蕙今零陵

香也予謂古人以蘭蕙對言者正以二物花葉旣相似  
芳氣亦相若實爲儕類故舉蘭必及蕙如滋蘭九畹樹  
蕙百畝光風轉蕙汎崇蘭者是也今旣以零陵香爲蕙  
不知以何物爲蘭耶魯直以一榦一花爲蘭一榦五七  
花爲蕙可謂真識蘭蕙者也而邵公濟反以爲非亦由  
司馬貞倡其誤于前也原其所以致誤者由讀本草不  
熟耳本草零陵香一名蕙草根名薰故又謂之薰草諸  
公見零陵香有蕙草之名故斷然以蕙爲零陵香殊不知  
本草中又自別有蕙實一種云是蘭蕙之蕙此正一

榦六七花者也以其實可用故云蕙實如此則蕙與零陵香各爲一物甚分明何諸公之未審也大率物之名字偶爾相同者甚多要在博攷而詳究最不可于疑似未辨之間而遷就其說蓋相承稍久則二物併而爲一卒至于不可辨云

又山谷蘭說云蘭似君子蕙似士大夫蓋山林中十蕙而一蘭也離騷曰予旣滋蘭之九畹兮又樹蕙之百畝以是知不獨今人雖楚人亦賤蕙而貴蘭也邵氏聞見後錄曰魯直云楚人滋蘭九畹樹蕙百畝蘭以少故貴



蕙以多故賤予以爲非是蓋十二畝爲畹百畝亦相等  
矣又吳虎臣漫錄曰離騷經注三十畝爲畹卽是蘭二  
百七十畝豈十一之謂乎不應以多少分貴賤誤按說  
文三十畝爲畹王逸楚辭注乃以十二畝爲畹未知何  
據而五臣注文選離騷經亦以三十畝爲言豈王逸所  
注誤耶二注雖不同以驗山谷之言皆不合吳邵二公  
雖知山谷爲誤而不知山谷所以致誤之由蓋今世所  
行玉篇頗多訛舛最艱得善本如畹字注云三十步爲  
畹步字乃畝字誤寫作步爾

原註今浙東憲司與閩中錢塘所刊玉篇其誤如故

可山谷不悟遂以三十步爲畹則九畹乃二百七十步  
攷以今制言之纔一畝餘耳故山谷以多少分貴賤正玉  
篇謬本有以誤之古者步百爲畝秦孝公時以二百四  
十步爲畝當原時尙百步爲畝也蘭幾三而蕙纔一則  
以多爲貴矣要之楚人于蘭蕙初無貴賤之分也

司馬相如云蕙圃衡蘭張揖于史注云蘭秋蘭顏師古  
于漢書注云蘭卽今之澤蘭文選郭璞江賦櫻以蘭紅  
李善注蘭澤蘭也予按蘭非一種馬蘭澤蘭山蘭蘭草  
皆見之本草中但相如旣與蕙併言之則非澤蘭矣澤

蘭七月間開花似薄荷其香甚微初無芳馨可取祇堪  
入藥李善顏師古指以爲蘭蓋二公未嘗親識所謂蘭  
者劉仲馮漢書刊誤云澤蘭自別一種草非蘭也蘭今  
管城多有苗如麥門冬長大花黃紫兩色又寇宗奭本  
草衍義云蘭草諸家之說異同是未會的識故無定論  
葉不香惟花香今江陵澧州山谷間頗有多生于陰地  
幽谷葉如麥門冬而潤且韌長及一二尺四時常青花  
黃中間有細紫點有春芳者爲春蘭色深秋芳者爲秋  
蘭色淡秋蘭稍難得二蘭移植小檻中置座右花開時



滿室盡香與他香別仲馮宗奭二說可謂詳的張揖之  
注蓋得之矣其以秋爲言者蓋秋花芳烈勝于春花且  
極難得所以爲貴古人多稱之

漢食貨志太公爲周立九府圜法李奇曰圜卽錢也顏  
師古曰此非也周官太府玉府內府外府泉府天府職  
內職金職幣皆掌財幣之官故云九府圜謂均而通之  
也今以周官考之天府掌寶器實春官之屬初無預于  
貨財之事而職內職歲職幣職金四者在周官皆爲掌  
財之官今師古乃畧去職歲以三者附太府等爲九牽

疆特甚況太公立法之時周官尙未建也師古之不審

亦甚矣又太公爲周立法之後退而復行于齊至管仲

時其法猶存故仲著書有九府之篇且齊猶用之則九

府非周官決矣原註敏求機要九府圖法本太公周官制度均且通太府玉府內外府職內職

幣天官同泉府地官天府春官職金獨在秋官中爾雅有九府云東方之美者

有醫無閭之珣玕琪焉郭璞注醫無閭山名今在遼東珣玕琪玉屬東南之

美者有會稽之竹箭焉郭璞注會稽山名今在山陰縣南竹箭篠也南方之

美者有梁山之犀象焉郭璞注犀牛皮角象牙骨西南之美者有華

山之金石焉郭璞注黃金礪石之屬西方之美者有霍山之多珠

玉焉

郭璞注霍山今在平陽永安縣東北珠如今雜珠而精好

西北之美者有崑崙

虛之璆琳琅玕焉

郭璞注璆琳美玉名琅玕狀如珠也山海經曰崑崙山有琅玕樹

北

方之美者有幽都之筋角焉

郭璞注幽都山名謂多野牛筋角

東北之

美者有斥山之文皮焉

郭璞注虎豹之屬皮有縠綵者

中有岱岳與其

五穀魚鹽生焉

郭璞注言泰山有五穀魚鹽之饒邢昺疏曰此釋入方中國名山所產之物

邢

也按地理志遼東郡無慮縣應劭曰慮音閭顏師古云卽謂醫巫閭是縣因山爲名故云山名今在遼東周禮幽州鎮也云珣玕珎玉屬者說文云珣周書所謂夷玉也珎石之似玉者珎玉也皆玉之類也故云玉屬周禮揚州云其山鎮曰會稽鄭注云在山陰地理志會稽郡山陰縣云會稽在南上有禹冢禹井故云山名今在山陰縣南也云竹箭篠也者禹貢揚州云篠簜旣敷釋草云篠竹箭也郭云篠是竹之小者可以爲箭幹者也南



方之美者有梁山之犀象焉者郭氏不注梁山所在犀  
象二獸皮角牙骨材之美者也黃金礪石之屬者經惟  
言金知黃金者以三品之中黃金爲上此言美者故知  
黃金礪石之次玉者玉藻云士佩璫玟而縕組綬是  
也其類非一故云之屬霍山者周禮冀州其山鎮曰霍  
山鄭云在藐按地理志河東郡軹縣云霍大山在東冀  
州山周厲王所奔應劭曰順帝改曰永安然則東晉時  
屬平陽郡而縣名永安故云今在平陽永安縣也云珠  
如今雜珠而精好者郭氏時驗爲然也璆與球同說文  
云璆玉磬也琳美玉名書云戛擊鳴球美玉可以爲磬  
故皆云美玉也云山海經曰者按海內西經云帝之下  
都崑崙之虛方八百里高萬仞其上有三頭人琅玕樹  
注云琅玕子似珠是也幽都者山海經云北海之內有  
山名曰幽都之山是也斥山山名也文皮虎豹之屬其  
皮毛有文綵細縟故謂之文皮焉岱岳泰山也此言中  
國也五穀黍稷麻麥豆也泰山東近海禹貢海岱惟青  
州厥貢鹽絺海物惟錯言其饒多非一種故注云言泰  
山有魚鹽之饒也府聚也言此八方及中皆美物之所

聚藏故題云九府也 案原本所載郭璞注邢昺疏有

復句訛字謹據爾雅注疏校正惟夷玉今注疏刊本作

美玉應仍

作夷玉

子意太公所謂九府者恐卽此爾蓋九府所

產之不同故作圖法用金錢貨帛以均通之此說于理

頗近不然則九府不過自爲掌財之一司耳亦不足容

異說也予又嘗得師古所作賢良策問有云九府之名

欲知其九意師古亦自疑其未安因策賢良故以此詢

之覲有所聞爾惜未見所答云何漢鹽鐵論云文學曰

以心計策國用構諸侯參以酒權咸陽孔僅增以鹽鐵

江充等各以鋒銳通利末之事析秋毫可謂無間矣非

特管仲設九府徼山海也詳此則九府非周官此又一證也

史記外戚世家云武帝居甘泉宮召畫工圖畫周公負成王于是左右羣臣知武帝意欲立少子後數日譴貴鉤弋夫人送掖庭獄夫人死雲陽宮後帝閒居問左右曰人言云何左右對曰人言且立其子何去其母乎帝曰然是非兒曹愚人所知往古國家所以亂由主少母壯女主獨居驕蹇淫亂自恣莫能禁也汝不聞呂后耶故諸爲武帝生子者無論男女母無不譴死漢書鉤弋



傳云鉤弋子年五六歲壯大多知上甚奇愛之心欲立焉以其年穉母少恐女主顓恣亂國家猶豫久之鉤弋從幸甘泉有過見譴以憂死上疾病乃立鉤弋子爲皇太子全畧去武帝問左右一節只言恐女主顓恣數言而已殊失其本意不若史記所載爲實錄可以見武帝識見遠到處故司馬溫公作通鑑全用史記語

漢書武帝元鼎五年遣樓船將軍楊僕出豫章下滇水歸義越侯嚴爲戈船將軍出零陵下離水張晏曰越人于水中負人船又有蛟龍之害故置戈于船下因以爲

名也臣瓚曰伍子胥有戈船以載干戈因謂之戈船顏  
師古曰以樓船之例言之則非爲載干戈也此蓋船下  
安戈戟以禦蛟鼉水蟲之害張說近之劉攽刊誤云船  
下安戈旣難措置又不可以行且今造舟船甚多未嘗  
有置戈者顏北人不知行船故信張說子謂瓚說是王  
觀國學林云離水在漢屬零陵郡南過桂林入蒼梧石  
灘延互屈曲湍瀧舟之行也縈迴避石阻礙萬端然則  
船不可安戈信矣戈船者將軍之號言能乘船而用干  
戈以戰故謂之戈船將軍非載干戈者也衆說紛然如

此予按戈船其來久矣吳越春秋云樓船之卒三千人  
又云戈船三百艘西京雜記云昆明池中有戈船樓船  
各數百艘樓船上建樓櫓戈船上建戈矛四角悉垂旛  
旄旒葆麾蓋照灼涯涘予少時猶憶見之

原註予  
劉歆也

觀西

京雜記所載則戈船之義甚明奚假他說其事又見于

### 三輔故事及三輔黃圖

揚子雲甘泉賦云翠玉樹之青葱兮璧馬犀之璘璠金  
人仡仡其承鐘虞兮嵌巖巖其龍鱗顏師古曰玉樹者  
武帝所作集衆寶爲之用供神也三輔黃圖甘泉谷北



岸有槐樹今謂玉樹根幹盤峙二百年木也楊震關  
輔古記曰耆老相傳咸以爲此樹卽揚雄甘泉賦所謂  
玉樹青葱也劉賓客嘉話錄雲陽縣界多漢離宮故地  
有似槐而葉細土人謂之玉樹揚子雲甘泉賦云玉樹  
青葱後左思以雄爲假稱珍怪蓋不詳也二說與顏師  
古注全不同予謂黃圖嘉話所言者乃甘泉所產之木  
也子雲所稱乃漢飾以象此木者也何以言之漢武故  
事云上起神屋前庭植玉樹珊瑚爲枝碧玉爲葉以碧  
玉爲葉者是欲肖樹色之青葱也李善注文選正引此

爲據今道釋宮宇多飾金寶爲花木以爲供神之具正此類也使果爲種植之木則子雲決不與璧飾鐘虞等並言矣

吳書陳化使魏文帝因酒酣嘲問曰吳魏峙立誰將平一海內者乎化對曰易稱帝出乎震化聞先哲知命舊說紫蓋黃旗運在東南帝心竒其辭又江表傳初丹陽刁元使蜀得司馬徽與劉廙論運命厯數事元詐增其文以誑國人曰黃旗紫蓋見于東南終有天下者荆揚之君乎六朝以來都于東南故黃旗紫蓋之語文士

多引用之雖皆知其爲符瑞事而罕有究其義者李善最號博洽其注文選紫軼黃旂之句亦不過引司馬微書而已予嘗見薛道衡隋高祖功德頌云談黃旂紫蓋之氣恃龍蟠虎踞之嶮雖知黃旗紫蓋爲氣終以未得其所自爲恨一日讀宋書符瑞志云漢世術士言黃旗紫蓋見于斗牛之間江東有天子氣胸中于是釋然因知讀書不厭于多也

晉書王羲之傳羲之性愛鵝山陰有道士養好鵝羲之固求市之道士云爲寫道德經當舉羣相贈羲之欣然



寫畢籠鵝而歸其任率如此蔡條西清詩話云李太白  
詩山陰道士如相訪爲寫黃庭換白鵝換鵝乃道德經  
非黃庭也黃伯思東觀餘論云黃庭真帖爲逸少書僕  
嘗考之非也按陶隱居真誥翼真檢論上清真經始末  
云晉哀帝興寧二年南嶽魏夫人所授云云惟有黃庭  
經一篇得存蓋此經也僕按逸少以晉穆帝升平五年  
卒是年歲在辛酉後二年卽哀帝興寧二年始降黃庭  
于世安得逸少預書之又按梁虞龢論書表云山陰曇  
礪村養鵝道士謂羲之曰久欲寫河上公老子縑素早

辦無人能書府君能自屈書道德兩章便合羣以奉于  
是羲之便停半日爲寫畢攜鵝去而晉書本傳亦著道  
士云爲寫道德經畢當舉羣相贈耳初未嘗言寫黃庭  
也以二書考之卽黃庭非逸少書然陶隱居與梁武帝  
啓云逸少有名之跡不過數首黃庭勸進告誓等不審  
猶有存否蓋此啓在著真誥前故未之考證耳至唐張  
懷瓘作書斷云樂毅黃庭但得幾篇卽爲國寶遂誤以  
爲逸少書李太白承之作詩山陰道士如相見應寫黃  
庭換白鵝苟欲隨之耳初未嘗考之韓退之第二云數紙

尙可博白鵝而不云黃庭豈非覺其謬歟伯思之論似  
若詳悉矣以予考之其說非也蓋書黃庭經換鵝與書  
道德經換鵝自是兩事伯思謂黃庭之傳在右軍死後  
二年此最失于詳審也道家有黃庭內景經又有黃庭  
外景經及黃庭遁甲緣身經黃庭玉軸經世俗例稱爲  
黃庭經內景經乃大道玉晨君所作扶桑大帝君命賜  
谷神王傳魏夫人凡三十六章卽真誥所言者外景經  
三篇乃老君所作卽右軍所書者與夫人所得者初不  
同予家舊藏右軍所書外景經石刻一卷凡六十行末



云永和十二年五月二十五日在山陰縣寫以歐陽集  
古錄目校之與文忠所藏本同則右軍之寫黃庭甚曉  
然緣諸公考之未詳故未免紛紜如此黃伯思謂與梁  
武啓在著真誥之前此又曲爲之辨也予又嘗于道藏  
中得務成子注外景經一卷有序云晉有道士好黃庭  
之術意專書寫嘗求于人聞王右軍精于草隸而性復  
愛白鵝遂以數頭贈之得其妙翰右軍逸興自縱未免  
脫漏但美其書耳張君房所進雲笈七籤亦載此序最  
爲的據也蓋道德經是偶悅道士之鵝而寫若黃庭是

道士聞其善書且喜鵝故以是爲贈而求其書此是兩  
事頗分明緣俱以寫經得鵝遂使後人指爲一事而妄  
起異論惟李太白知其爲一事故其詩右軍一篇云右  
軍本清真瀟灑出風塵山陰遇羽客邀此好鵝賓掃素  
寫道德筆精妙入神書罷籠鵝去何曾別主人此言書  
道德經得鵝也送賀賓客歸越一篇云鏡湖清水漾清  
波狂客歸舟逸興多山陰道士如相見應寫黃庭換白  
鵝此言書黃庭經得鵝也太白于兩詩各言之初未嘗  
誤乃後人自誤也

王羲之與羣賢會于山陰之蘭亭各賦詩羲之爲序自  
晉至唐皆謂之蘭亭序近世輒目爲蘭亭記非也遯齋  
閒覽云蘭亭記其文甚麗但天朗氣清春言秋景以此  
不入選韓子蒼云蘭亭記蕭統不取以序爲記皆承襲  
謬誤之過也予嘗得蘭亭石刻一卷首列羲之序文次  
則諸人之詩末有孫綽後序其詩四言二十二首五言  
二十六首自羲之而下凡四十有二人成兩篇者十一  
人右將軍王羲之瑯邪王友謝安司徒左西屬謝萬左  
司馬孫綽行參軍徐豐之前餘杭令孫統前永興令王



彬之王凝之王肅之王徽之陳郡袁嶠之成一篇者一  
十五人散騎常侍鄒曇行參軍王豐之前上虞令華茂  
潁川庾友鎮軍司馬虞說郡功曹魏滂郡五官謝繹潁  
川庾蘊行參軍曹茂之徐州西平曹華滎陽柏偉王元  
之王蘊之王渙之前中軍參軍孫嗣一十六人詩不成  
各罰酒三觥侍郎謝瑰鎮國大將軍掾卞迪行參軍事  
卬丘旄王獻之行參軍楊模參軍孔熾參軍劉密山陰  
令虞谷府功曹勞夷府主簿后綿前長岑令華耆府主  
簿任凝前餘杭令謝藤任城呂系任城呂本彭城曹誼

雲谷雜錄  
諸詩及後序文多不載姑記作者姓名于此庶覽者知  
當世一觴一詠之樂云

唐蓋李廣之後廣十六世孫暉在晉霸有秦涼及薊國  
人謚曰武昭王此唐高祖七世祖也晉史暉傳有累功  
積慶及克昌來裔之語者史臣爲唐發也

梁書劉杳傳周捨問杳尙書官著紫荷橐相傳云挈橐  
竟何所出杳答曰張安世傳持橐簪筆事孝武皇帝數  
十年韋昭張晏注並云橐囊也近臣簪筆以待顧問能  
改齋漫錄劉偉明贈熊本詩云西清寓直荷爲橐左蜀

宜風繡作衣蓋用劉香傳著紫荷橐事張安世持橐簪  
筆之意而偉明乃以荷爲芰荷之荷何耶歐陽文忠回  
吳舍人啓云紅藥翻階直禁垣之清切紫荷持橐陪法  
從以雍容又上胥偃啓云白蟬素簡以生香茲焉辟惡  
紫袷荷囊而備問最近清光乃知誤非一人然隋樂志  
尙書錄令僕射吏部尙書朝服綴紫荷錄令左僕射左  
荷右僕射吏部尙書右荷此又何耶姑俟博識者又西  
溪叢語被紫荷橐案荷橐卽持荷之荷也或以爲紫荷  
囊非也宋子京云猥挈荷囊預從豹乘皆沿襲之誤如



二家所云是歐宋果誤矣予按晉輿服志八坐尚書荷  
紫以生紫爲袷囊綴之服加于左肩昔周公負成王制  
此服衣至今以爲朝服或云漢世用盛奏事負之以行  
宋書禮志朝服肩上有紫生袷囊綴之朝服外俗呼曰  
紫荷南齊書輿服志紫袷囊名曰契囊世呼爲紫荷隋  
禮儀志梁制尚書令僕射尚書銅印墨綬朝服納言幘  
進賢冠佩水蒼玉腰劔紫荷<sub>也</sub>笏詳諸書所云則是帶  
此囊于朝服之外故云著亦猶世說云謝邇年少時好  
著紫羅香囊之義也吳曾姚寬俱惑于挈囊持橐之語

遂以荷作去聲讀姚又直改著爲被如二公所云是衣  
紫而負囊也由未見紫袂爲囊之制又不知晉宋間俗  
呼爲紫荷故未免紛紛如此歐陽公云紫袷荷囊而備  
問可謂真識紫荷者也吳所引綴紫荷事乃禮儀志言  
後魏之制非樂志也持橐事見趙充國傳非張安世傳  
而注中亦無韋昭此又劉沓記之不審也

雲谷雜紀卷一



雲谷雜紀二

宋 張 湜 撰

太宗翦鬚賜李勣白樂天七德舞歌云翦鬚燒藥賜功臣李勣嗚咽思殺身白自注云李勣病亟醫云得龍鬚灰方可療太宗自翦鬚燒灰賜之服訖而愈勣叩頭泣涕而謝今舊史勣傳俱云嘗暴疾醫曰用鬚灰可治帝乃自翦鬚以和藥而不言用龍鬚事二史但據吳兢等所記故不復旁考遂至于謬然樂天之言必得其實蓋當時醫言得龍鬚灰方可療龍鬚未易得太宗以君上

猶龍也故翦鬚以賜若醫只言用人鬚則咄嗟已辦何待太宗之賜方始和藥此理甚曉然或謂龍鬚醫既罕用又世間豈真有是物哉此殆聞見未至爾杜陽編云元載有龍髯拂得于洞庭道士張知和紫色如爛椹或風雷雨晦冥淋漓沾濕則光采動搖奮然如怒可謂其無耶此事當以樂天之言爲正若從史氏則意義全失矣

舊唐書房喬字元齡新書元齡字喬歐陽公集古錄中有元齡墓碑亦云字喬按隋人多以字爲名元齡實本

名喬後來卽以字行卻以名爲字也竇苹唐書音訓云  
唐十八學士圖贊皆當時墨跡云房元齡字喬年苹卽  
嘗見圖贊必不妄也豈以單稱不類表德遂添一年字  
宰相世系表又以元齡字喬松未知何據元齡一代之  
顯人而名字紛錯如此殊可怪而唐史表傳自相牴牾  
尤可怪也

唐書于志寧與李勣修定本草高宗曰本草別錄何爲  
而二對曰班固惟記云云至魏晉以來吳普李當之所  
記也予按哀帝元始五年徵天下通知逸經古記天文



歷算鍾律小學史篇方術本草者遣詣京師又樓護傳  
少誦醫經本草方術數十萬言是本草已見于漢但當  
時祕府偶無故七略不載班固作藝文志惟據七略故  
亦無本草志寧但見藝文志無之便謂本草出于後世  
非也神農本經文字亦不甚多今本草中別以白字者  
卽是餘皆後人所增

慈恩寺在晉昌坊本名淨景寺高宗爲母文德皇太后  
長孫氏造后懷高宗將產數日分娩不得遂詔醫博士  
李洞元候脉奏云緣子以手執母心所以不產太宗問

如何洞元曰留子母命不保母全子死帝沈吟良久后  
奏云留子帝業永昌太宗依奏洞元遂于六月二十一  
日隔腹針之透心至手后崩太子卽誕後至天陰手中  
有癰嘗痛問諸嬪妃不對問諸大臣方奏斯事帝聞之  
悶絕良久乃蘇曰寡人不孝致慈母早崩將報深恩乃  
勅造大慈恩寺度僧百人造罔極宮度道士五十人按  
高宗乃貞觀二年生長孫后以十年六月崩是時高宗  
已九歲況后實從太宗幸九成宮得疾初非免乳舊唐  
書僧元奘傳云貞觀初隨商人往西域貞觀十九年歸

至京師高宗在東宮爲文德太后追福造慈恩寺送元  
奘入佳是寺實高宗爲長孫后造但在東宮時非卽位  
後也而分婉用針事于史傳皆無所據使后果有留子  
帝業永昌之語則此事于后傳亦不容不書況是時承  
乾已立爲皇太子后不應遽有留子帝業永昌之語豈  
後人見后崩與高宗誕月適相符遂附會爲之說耶會  
要以后崩在十年五月二十六日年四十六本傳則在  
六月己卯年三十六是年六月丙子朔己卯乃初四日  
去五月二十六日實差九日享年亦不同豈當時宮掖



事祕外庭不盡知故所云不同知此

唐德宗以二月一日爲中和節與三月三日九月九日爲三令節至日必大宴集中和置節之因新史載于李泌傳與舊史小異以舊史校新史則新史頗略惟續通典與舊史合而加詳予後又得德宗觀樂詩序旣得其命名之自且知中和有樂因錄于此續通典貞元五年正月勅四序嘉辰厯代增置是月二十八日中書門下又奏請令文武百寮以是日進農書司農獻種稂之種王公戚里上春服士庶以刀尺相問遺村社中作中和

酒祭勾芒神聚會宴樂名爲享勾芒祈年穀仍望各下  
州令所在頒行制曰可

唐書狄仁傑傳武后欲以武三思爲太子以問宰相衆  
莫敢對仁傑曰非廬陵王莫可后怒罷議久之召仁傑  
謂曰朕數夢雙陸不勝何也仁傑與王方慶俱在二人  
同辭對曰雙陸不勝無子也天其意者以儆陛下乎予  
按仁傑家傳云雙陸輸者蓋宮中無子也又唐國史補  
天后夢雙陸不勝召狄梁公說之對曰宮中無子之象  
傳乃刪去宮中二字非也雙陸譜云雙陸局率以六爲

限其法左右皆十二路號曰梁白黑各十五馬用骰子  
二各以其采行白馬自右歸左黑馬自左歸右以前一  
梁爲門後六梁爲宮馬歸梁謂之入宮蓋宮中有子則  
勝無子則不勝若去宮中二字則失其意義矣

論者多咎新唐書不載詔令殊不知前輩自有意見宋  
景文公摘碎云文有屬對平側用事者供公家一時宣  
讀施行似快便然不可施于史傳予修唐史未嘗得唐  
人一詔一令可載于傳者惟舍對偶之文近高古者乃  
可著于篇大抵史近古對偶非宜今以對偶之文入史



冊如以粉黛飾壯士笙匏佐鼓鼙非所施云

王充論衡云堯時五十民擊壤于塗觀者曰大哉堯之德也擊壤者曰吾日出而作日入而息鑿井而飲耕田而食堯何等力然不知壤爲何物後見李善注文選引風土記云壤以木爲之前廣後銳長四尺三寸其形如履將戲先側一壤于地遙于三四十步以手中壤擊之中者爲上太平御覽亦載此事但御覽云長尺三四寸與文選注小異恐是書寫者誤以四字置尺字上蓋其形如履使長四尺三寸則不復有履形矣當以御覽所

載爲是

赤松子有二其一神農時爲雨師服水玉能入火不燒  
卽張子房願從之遊者事見劉向列仙傳其一則晉之  
黃初平嘗牧羊忽爲一道士將至金華山石室中後服  
松脂茯苓成仙易姓爲赤曰赤松子卽叱石爲羊者事  
見葛洪神仙傳今婺州金華山赤松觀乃其飛昇之地  
而往來賦咏者多引用張子房事誤矣

郭子橫洞冥記云元鼎五年鄧支國貢馬肝石半白半  
青如今之馬肝也春以和九轉之丹用拭髮白者皆黑

漢武帝坐羣臣于甘泉有髮白者賜以拭應手皆黑

韓子蒼云漢武內傳子反復讀之蓋依倣武帝故事而增加之唐時道家流所爲也蓋當開元天寶時元宗好長生崇道術其徒恐元宗謂武帝求仙不效故爲此書實之耳子蒼所言非也隋經籍志漢武帝故事二卷外別有內傳三卷顏真卿東方朔畫贊碑陰記云事跡則載在太史公書漢書風俗通武帝內傳則內傳其來久矣豈元宗時依倣故事而爲哉蓋子蒼但見後有淮南王孫卿稷丘君事便謂此書出于後人殊不知淮南等



事自是唐道士王遊巖所附也

韓子蒼書崔豹古今注後云崔豹漢魏間人也當干戈  
搶攘時能自見于翰墨雖小道亦足觀士生無事時圓  
冠方履飽食嬉戲亦足愧矣予按劉孝標世說注云晉  
百官名崔豹字正熊燕國人惠帝時官至太傅是則非  
漢末魏初間人蓋子蒼初不得其詳以意度其爲是時  
人故不免于誤

干于皆姓也千古寒切千姓編云望出滎陽潁川宋有  
干犢晉干寶著搜神記于本姓邗周武王邗叔之後子

孫去邑爲于漢有于定國魏將軍于禁望出東海河南  
是干與于爲二姓甚明今晉書于寶傳書干作于文選  
晉武革命論則云于令升諸書引搜神記則云于寶搜  
神記周禮註則云于寶云字畫之差相承之久遂至無  
辨良可歎也程氏外書蘇成之姓傳于天下者不蕃至  
如張王李趙雖其出不一要之其姓蕃衍此亦受姓之  
祖其流之盛固有定分也

袁客師天罡之子亦傳其父術嘗渡江叩舟而還左右  
請故曰舟中人鼻下氣皆黑不可以濟俄有一男子跛

而負直就舟客師曰貴人在吾可以濟江中風忽起幾覆而免跛男子乃婁師德也李文靖公沆布衣時先正端公炳知舒州屬因事涉江公實行侍俄而風濤暴作舟幾覆沒有大校王其姓者善人倫遽白此有真相孰敢爲害何懼之有是日果利涉無虞衆皆神其事及公之貴王校尙存焉世謂當爲宰相者左右自有神物護持憂虞不可妄干固不待言然餘波所及又可使他人轉禍爲福也

韓朝宗思復之子也喜拔識後進他無顯顯可見之跡



爲荊州長史日因李白投書有生不用封萬戶侯但願  
一識韓荊州之語因是韓荊州之名籍籍至今豈非平  
生喜士之力歟

元結唐中興頌率三句爲韻人皆謂結創爲此體非也  
蓋效秦泰山會稽等頌耳皆以三句爲韻會稽頌云皇  
帝休烈平一字內德慈修長卅有七年窺巡天下周覽  
遠方遂登會稽宣省習俗黔首齋莊云云自秦以後文  
士罕爲此體故江左人至作兩句讀之而不得其韻齊  
范雲始能作三句讀之近世碑碣之文亦有以三句爲

韻者此卻自結倡之也

杜子美詩云醉把青荷葉狂遺白接離王洙注引世說  
山簡倒著白接離事且云接離衫也子按郭璞爾雅注  
云白鷺頭翅背上皆有長翰毛今江東人取以爲暎攤  
又廣韻云接離白帽而集韻又作離及鵠亦云白帽李  
白答人贈烏紗帽云領得烏紗帽全勝白接離則接離  
爲帽明甚初非衫也洙誤矣或者疑白非冠巾之飾殊  
不知其時不以爲忌也如管寧不應州縣辟嘗著白帽  
孟達與諸葛亮白綸帽一晉哀帝時以立秋改緇幘爲

父文昌所作鉉自謂所編掇菁擷華得唐人文章之精粹舉此一端則謂得唐文之精粹可乎

李漢編韓退之文自謂收遺文無所墜柳子厚天說云韓愈謂柳子曰若知天之說乎吾爲子言天之說云云劉禹錫集序云韓愈以書來弔曰哀哉若人之不淑吾嘗評其文雄深雅健似司馬子長蔡崔不足多也二說集中俱無之退之元和九年冬以考功郎知制誥至十一年春遷中書舍人其居掖垣掌詞命蓋踰年矣今漢之所編制誥之辭絕無惟外集有崔羣除戶部侍郎一



制而已又唐五寶聯珠集載寶牟爲東都判官陪韓院  
長韋河南同尋劉師不遇分韻賦詩都員外郎韓愈得  
尋字云秦客何年駐仙源此地深還隨躡屨騎來訪馭  
雲襟院閉青霞入松高老鶴尋猶疑隱形坐敢起竊桃  
心今諸本韓集皆不載是則豈可謂之無所失墜耶

韓昶退之之子兒時卽以詩動孟東野今東野集有喜  
符郎詩有天縱之篇符蓋昶小字後登長慶四年進士  
第昶亦可謂能世其家矣韋絢劉賓客嘉話錄李綽尙  
書故實皆云昶爲集賢校理史傳中有說金根車處皆

臆斷之曰豈其誤歟必金銀車也悉改根字爲銀字此說恐未必然李綽之說蓋本于韋絢絢乃執誼之子又嘉話錄所載大抵詆退之處甚多如云韓十八直是太輕薄及忿席舍人草貶詞之類皆不足信

吳安中云石鼎聯句皆退之作如毛穎傳以文滑稽耳所謂彌明卽愈也侯喜劉師服皆其弟子又朱晦庵韓文考異云此詩句法全類韓公或者所謂寓公姓名者蓋軒轅反切近于韓字彌明之義又與愈字相類故竊意或者之意近是晦庵所指或者蓋安中也予謂此序

要不可以毛穎傳爲比穎傳蓋明爲寓言今石鼎詩序  
詳著年月及言劉師服嘗識之于衡湘間見衡湘間人  
云年九十餘解捕逐鬼物拘囚蛟螭虎豹茲皆指實而  
云詎可以毛穎傳例言之哉安中所說近于好異晦庵  
反切之語尤爲不經使退之果以彌明自況則捕逐鬼  
物等事退之詎肯以此自許乎又其間譏詆劉師服侯  
喜太甚退之決不肯如是禁制之術今黃冠羽流多有  
能者則彌明爲一道士又何疑焉小說中有彌明一傳  
稱爲神仙固未可信觀其詩語似非碌碌于塵埃中者



所能道也

杜牧之九日登齊山詩云塵世難逢開口笑菊花須插  
滿頭歸開口笑字似若俗語然卻有所據莊子人上壽  
百歲中壽八十下壽六十除病痾死喪憂患其中開口  
而笑者一月之中不過四五日而已矣于此益見牧之  
于詩不苟如此

風暖鳥聲碎日高花影重此杜荀鶴春宮怨中一聯也  
歐陽文忠公詩話乃云周朴所作誤矣荀鶴有詩三百  
篇顧雲目之曰唐風集春宮怨一篇集以冠之卷首正

以此一聯也顧雲序其集云壯語大言則決起逸發可  
以左攬工部袂右拍翰林肩是以荀鶴可並李杜也荀  
鶴之詩溺于晚唐之習蓋韓偓吳融之流以方李杜則  
遠矣然解道寒苦羈窮之態往往有孟郊賈島之風如  
江湖苦吟士天地最窮人客路如天遠侯門似海深宦  
情隨日薄詩思入秋多時挑野菜和根煮旋斫生柴帶  
葉燒之句蓋不減二公所作其他如感春云無限青雲  
有限身案杜荀鶴詩刊本一作無況青春有恨身眼前花似夢中春浮生七  
十今三十已是人間半世人旅中遇雨云半夜燈前十

年事一時和雨到心頭宿臨江驛云舉世盡從愁裏老  
誰人肯向死前閒感遇云大海波濤淺小人方寸深海  
枯終見底人死不知心皆有意緒送人遊吳越云夜市  
橋邊火春風寺外船維揚春日云絡岸柳絲懸細雨繡  
田花朵弄殘春閨中云雨勻紫菊叢叢色風弄紅蕉葉  
葉聲北畔是山南是海祇堪圖畫不堪行可謂善狀三  
處景物者如此等句蓋三百篇中之警策其他往往傷  
于俚俗前輩因之爲太公家教正以其語多鄙近也  
萬歲之稱不知起于何代商周以前不復可考呂氏春



秋宋康王飲酒室中有呼萬歲者堂上悉應戰國策馮  
諼燒債券民稱萬歲藺相如奉璧入秦秦王大喜左右  
皆呼萬歲韓非子曰巫祝之祝人曰使若千秋萬歲萬  
歲之聲聒耳新序梁君出獵歸入廟門呼萬歲曰幸哉  
今日也紀信乘黃屋左纛曰食盡漢王降楚呼萬歲陸  
賈奏新語左右稱善呼萬歲漢武帝登嵩高呼萬歲者  
三元帝送許后入太子家謂左右酌酒賀我左右呼萬  
歲馮異傳趙匡將兵助異并送縑縠軍中皆稱萬歲馬  
援封侯乃擊牛酺酒勞饗軍士皆伏稱萬歲王望曰今

日歲首請上雅壽掾史皆稱萬歲吳甘寧入魏營斬首數十級還入營作鼓吹稱萬歲是則慶賀之際上下通稱之初無禁制不知自何時始專爲君上之祝也

門下省掌管詔令今詔制之首必冠以門下二字此制蓋自唐已然傅亮修張子房廟教首曰紀綱唐呂延濟注云紀綱爲主簿之司教皆主簿宜之故先呼之亦猶今出制首言門下是也

古者稱臣蓋示謙卑而已上下通行不特稱于君上之前也如齊太子對醫者文摯云臣以死爭之虢君見扁

鵲曰寡臣幸甚呂公謂漢高祖曰臣少好相人高祖謝  
項羽曰將軍戰河北臣戰河南之類是也晉宋間彼此  
相呼爲卿自唐以來惟君上以呼臣庶士大夫不復敢  
以相稱謂矣

隋及唐初人以字爲名高士廉名儉房元齡名喬封德  
彝名倫顏師古名籀夫已自稱則名他人相稱則以字  
此自昔所同諸公乃以字行莫知所謂顏師古匡繆正  
俗云或問人有複名單稱于理云何答曰複名單稱乃  
是流俗之事隋大業中出勅禁斷單稱複名深得物理



委巷之徒不曉其意便謂朝廷禁止單名幼小以來不爲複名輒加增以爲順旨曾莫之悟豈諸公亦狃于一時習尙其名旣單故以字行耶匡繆正俗又云或問今人稱字而不稱名其故何也曰考諸典故稱名爲是師古之論如此而已乃以字行殆不可曉

今言人之衰老者則曰鐘鳴漏盡隋柳彧傳伏睹詔書以上柱國和千子爲杞州刺史其人年垂八十鐘鳴漏盡若令刺舉所損殊大人皆以此言始于彧非也田豫爲并州刺史遷衛尉年老求遜位司馬宣王以爲豫克

壯書諭未聽豫答書曰年過七十而以居位譬猶鐘鳴漏盡而夜行不休是罪人也當以此爲始豫書見于魏書本傳

傳曰古者生無爵死無諡諡法周公所謂諡者行之迹也累積平生所行事善惡而定其名也是必死後方有諡今考之亦有不然者如楚熊通自立爲楚武王趙佗自稱爲南粵武帝蜀杜宇自號望帝此固顯然自爲稱號者也若周公謂伯禽云我文王之子武王之弟成王之叔父伍子胥謂楚使者云報汝平王欲國不滅釋吾

父兄

原註吳越春秋云

是時周之成王楚之平王皆生而已有

此稱此皆不可曉者劉向說苑改成王作今王楊倬就其說釋荀子謂成王乃後人所加正以生時不當有諡爲疑

字有因諱易以他音而尋復從元稱亦有終不能易者漢明帝諱莊呼莊子曰嚴子今復爲莊子矣秦始皇諱正故正月音征晉文帝諱昭故昭穆音韶而征月韶穆至今不易鮑昭本名照避武后諱唐人書之去火只用昭字後遂以鮑昭鮑照爲二人王羲之祖尙書郎諱正



故義之每書正月或作一月或作初月他正字皆以政  
字代之如與足下意政同之類是後人不曉反引此爲  
據遂以正政爲通用非也南史避唐諱虎字悉改爲武  
或云猛獸而黃回傳乃云畏之如虎狼又蕭正統及侯  
景傳有寧逢五虎及虎視之語淵字悉改爲泉而陶潛  
傳乃云潛字淵明此作史者失于精詳故錯雜如此管  
子古書也旣曰虎豹居幽而威可載矣又曰諸侯之子  
委質者以雙武之皮又曰以市武豹之皮此皆唐人所  
改後來不盡復元字故虎武並行

予在龍舒日得太湖縣白雲山海會寺建經藏記云同直郎守殿中丞前知太湖縣事李錞撰觀者皆訝同直郎不知何代之官制予曰作文者必天聖明道間人讀至末果得天聖十年歲月咸問予何以知之子曰同直本通直避莊獻太后父諱故云莊獻同昭陵聽政乃天聖明道間以故知其爲彼時也明道以後不復諱矣蓋莊獻上仙臣寮卽上言云自大行皇后同聽政之日天下章奏臣寮白事皆回避通字從其先諱今輶車上仙山園將畢不可濫九廟而存諱宜盡復三朝之遺法欲

乞有若以通進司爲承進司通奉大夫爲中奉大夫通  
事舍人爲宣事舍人通州爲崇州通判爲同判通直郎  
爲同直郎通引官爲承引官普通門爲普和門之類及  
將來舉人程試一切俾復如舊無有所避此事出于一  
時權宜而僅行于十年之間非因石刻後世無從見之  
歐陽公趙明誠洪文惠多以碑刻爲書傳之證正由此  
類

近世官府騶從所持假劔以木爲之號曰木劔隋禮儀  
志漢自天子至于百官無不佩刀蔡謨議云大臣優禮



皆劒履上殿非侍臣解之蓋防刃也近代以來未詳所  
起東齊著令謂爲象劒言象于劒又南史陳始興王叔  
陵傳左右取朝服所佩木劒以進此皆假劒之始然施  
于佩服而已不知何時遂爲輿衛之飾

隋高祖仁壽三年詔六月十三日是朕生日宜令海內  
爲武元皇帝明皇后斷屠則此制隋已有之不始于唐  
也

今人以物相遺謂之人事韓退之奏韓宏人事物狀云  
奉敕撰平淮西碑文伏緣聖恩以碑本賜韓宏等今韓

宏寄絹五百匹與臣充人事物未敢受領謹錄奏聞又杜牧謝許受江西送撰章丹碑綵絹等狀云中使奉宣聖旨令臣領受江西觀察使紇于衆所寄撰章丹遺愛碑文人事綵絹共三百匹後漢黃琬傳云時富權子弟多以人事得舉則知人事之語其來已久

今人言壯而髮白者目之曰蒜髮猶言宣髮也宣髮見于陸德明易說卦釋文中此固人所知也而蒜髮書傳間或未見之獨本草蕪菁條下云蔓菁子壓油塗頭能變蒜髮此亦可爲據也

飲茶不知起于何時歐陽公集古錄跋云茶之見前史

蓋自魏晉以來有之予按晏子春秋嬰相齊景公時食

脫粟之飯炙三七五卯茗菜而已

原註讀晏子春秋者多疑此文闕誤子後

見太平御覽茗事中亦載此其文正同初非闕誤也

又漢王褒童約有武陽

原註一作

武都買茶之語則魏晉之前已有之矣但當時雖知飲茶

未若後世之盛也郭璞注爾雅云樹似梔子冬生葉可

炙作羹飲然茶至冬味苦澁豈復可作羹飲耶飲之令

人少睡張華得之以爲異聞遂載之博物志非但飲者

鮮識茶者亦鮮至唐陸羽著茶經三篇言茶者甚備天



下亦知飲茶其後尙茶成風回紇入朝始驅馬市茶  
唐天寶中孫愐因隋陸法言切韻作唐韻五卷後又有  
廣唐韻五卷不知撰人名氏崇文總目但云後人博采  
附見故多叢冗本朝太平興國中嘗詔句中正等詳定  
書成號雍熙廣韻景德中又詔陳彭年以廣唐韻等重  
行校定大中祥符元年改爲大宋重修廣韻蓋今所存  
者淳熙中道山諸公作館閣書目云廣韻五卷不知作  
者崇文總目云蓋後人博采附見故多叢冗夫崇文目  
云叢冗者蓋指廣唐韻耳當時旣不知爲陳彭年所定

且誤認廣唐韻爲今之廣韻其疎甚矣館閣目大抵多舛妄蓋不特此也

古者字未有反切故訓釋者但曰讀如某字而已至魏孫炎始作反切其實本出于西域梵學也自後聲韻日盛宋周顒始作四聲切韻行于時梁沈約又撰四聲譜以爲在昔詞人累千載而不悟而獨得于胸襟窮其妙旨自謂入神之作繼是若夏侯該四聲韻畧之類紛然各自名家矣至唐孫愐始集爲唐韻諸書遂爲之廢本朝真宗時陳彭年與晁迥戚綸條貢舉事取字林韻集

畧字統及三蒼爾雅爲禮部韻凡科場儀範悉著爲格  
又景祐四年詔國子監以翰林學士丁度修禮部韻畧  
頒行初崇政殿說書賈昌朝言舊韻畧多無訓解又疑  
渾聲與重疊字不顯義理致舉人詩賦或誤用之遂詔  
度等以唐諸家韻本刊定其韻窄者凡十三處許令附  
近通用疑渾聲及疊出字皆于字下注解之此蓋今所  
行禮部韻畧也吳曾漫錄嘗論景祐修韻畧事旣不得  
其始徒屑屑于張希文鄭天休修書先後之辨爾予因  
歎近時小學幾至于廢絕遂撫聲韻之本末備論于此



庶覽者得以考云

雲谷雜紀卷二

終

雲谷雜紀卷三

宋 張 湜 撰

太宗天資超絕識見夔異非秦漢以下帝王所可及至  
于知人不但灼見其賢否其榮悴壽夭皆莫逃于一目  
嘗顧錢若水謂左右曰若水風骨秀邁神仙姿格苟用  
之則才力有餘朕只疑其算部促隘若至大用恐愈迫  
之至道初爲同知樞密院事後知并州薨年方四十四  
賈黃中罷參知政事知襄州上言母老乞留京師太宗  
謂侍臣曰朕念黃中憂畏必先其母老矣因曰蘇易簡

之母亦如之暨黃中卒母果無恙易簡在禁林八年寵待之深夔出夷等李沆入玉堂後于易簡一旦先除參政而以易簡爲承旨賜賚與沆等易簡不甚悅上謂之曰欲正舊典先合用卿然欲令卿延厚壽基稔育聞望乃先用沆宜無歉蓋知其數之促也易簡以母老急于進用因乾明聖節進內道場醮步虛詞十首中有玉堂臣老非仙骨猶在丹臺望太陽之句上悉其意俾參大政未幾遂卒年三十九三人者悉如所料又熙寧元年呂溱爲京尹上殿時府推官周約隨趨于後神宗忽問



呂曰卿體中無恙否對曰臣無事斯須又問卿果覺安否呂又對曰臣不敢強時呂公神采氣焰略無少虧將退又問周卿見呂溱如何周對曰以臣觀溱似亦無事呂出殿門深疑之整巾拂面索鏡自照問周曰足下果見溱如何周曰龍圖容采安靜無自疑也後數日果感疾迤邐不起豈識鑒之妙得于家傳故同符如此

孝宗本生母張夫人一夕常夢絳衣人自言崔府君擁一羊謂之曰以此爲識已而有娠及孝宗誕育之際赤光照天室中如晝時秀王方爲秀州嘉興縣丞郡人皆

以爲丞廨遭火久之方知爲張夫人免身是歲丁未其屬爲羊又有前夢之應故孝宗小字曰羊

祖宗時宗子無預于科舉神宗始詔有官者許鎖應未命者從其應舉自是宗子始得預進士第自元祐三年戊辰至嘉定元年戊辰一百二十年間已一千三百四十四人而嘉王汝愚皆爲廷對第一彥中以博學宏詞中選亦可謂盛矣初汝愚唱名時洪文惠公适爲右相侍立上側奏言近歲宗子甚好學前舉伯攄擢甲科儒林以爲創見今汝愚遂魁天下可謂瞻前無鄰本朝故

事科舉先寒畯有官人退居第二乞只依臚傳次序勿  
令後來居上以見麟趾之盛天顏有喜良久曰姑循故  
事此事予得之于文惠所作趙氏家錄跋語因併記之  
太祖拜安陵莫哭爲別曰此生不得再朝于此也卽更  
衣服弧矢登闕臺望西北鳴弦發矢指矢委處謂左右  
曰卽此乃朕之皇堂也以向得石馬埋于中又曰朕自  
爲陵名曰永昌是歲果晏駕

徽宗艮嶽爲勝遊六七日躍龍澗漾春坡桃花閘雁池  
迷真洞其餘勝跡不可殫紀工已落成上名之曰華陽



宮○其宮室臺榭卓然著聞者曰瓊津殿絳霄樓萼綠  
華堂築臺高九仞周覽都城近若指顧造碧虛洞天萬  
山環之門三洞爲品字門以通前後苑○鑿池爲溪澗  
疊石爲隄捍任其石之性不加斧鑿因其餘土積而爲  
山山骨蹙露峰稜如削飄然有雲姿鶴態曰飛來峰高  
于雉堞翻若長鯨腰徑百尺植梅萬本曰梅嶺○艮嶽  
接衆山之末增土爲大坂徙東南側栢枝幹柔密揉之  
不斷華華結結爲幢蓋鸞鶴蛟龍之狀動以萬數曰龍  
栢坡○于洲上植芳木以海棠冠之曰海棠川○艮嶽

倚石排空周環曲折有蜀道之難躋攀至介亭此最高  
于諸山前列巨石凡三丈許號排衙石巧怪嶄巖藤蘿  
蔓衍若龍若鳳不可殫窮麓雲半山居右極目蕭森居  
左北俯景龍江長波遠岸彌十餘里其上流注山間西  
行潺湲爲漱玉軒○有巢雲亭高出峰岫之上○東則  
有高峰峙立其下則植梅以萬數綠萼承趺芬芳馥郁  
結構山根號萼綠華堂○西有停翠樓青松蔽密布于  
前後號萬松嶺○南則壽山嵯峨兩峰並峙列嶂如屏  
瀑布下入雁池池水清泚漣漪鳬雁浮泳水面棲息石

間不可勝計其上亭曰雝雝○北直絳霄樓西則參朮  
杞菊黃精芎藭被山彌塢中號藥寮

初隆祐太后升遐時朝廷欲建山陵兩浙漕臣曾公養  
謂帝后陵寢今存伊洛不日復中原卽歸祔矣宜以攢  
宮爲名僉以爲當遂卜吉于會稽民間冢墓有附近者  
往往多徙而之他高宗思陵興役之際孝宗嘗密敕無  
得輒壞人墳墓其愛人卹物一至如此文王之澤及朽  
骨未足多也

唐德宗初議改元李泌曰本朝之盛無如貞觀開元各



取一字乃改號曰貞元近時隆興取建隆紹興乾道取  
乾德至道淳熙取淳化雍熙紹熙取紹興淳熙慶元取  
慶厯元祐開禧取開寶天禧皆析兩年號爲之

州縣以年號爲名興元府唐天寶初曰漢中郡德宗興  
元元年巡幸遂升爲興元府興國軍本鄂州永興縣僞  
唐建爲制置院皇朝太平興國二年升爲軍太平州本  
南平軍亦以是年改後來如越州升爲紹興府洪州爲  
隆興府明州爲慶元府皆取年號爲名楚州寶應縣光  
化軍乾德縣

原註今爲  
光化縣

贛州興國縣建寧府政和縣處

州慶元縣亦以年號名也

原註興國縣贛州圖經云興國八年太守王協奏析贛縣

激江鎮置以年名也九域志同而太宗實錄乃見之于淳化二年十月誤矣

先朝脩內司方團木計用三千三百條再差職方員外

郎陳昭素計之只用三百條京城侵竊之弊如此昭素

勾當三司條造案半年減十五萬議者云可罷陝西買

木一年雷大簡判設案御厨每日支麪一萬斤後點檢

每日剩支六千斤先宰羊二百八十後只宰四十頭

原註

見孔平仲談苑

夫二事在國家一歲用度特瑣瑣不足言者其

弊已如此則其他可知矣今東南賦斂已極而歲常有

經費不足之憂徐而究之不但養兵饋敵而已其弊如  
方團木之類者蓋不可勝言安得如昭素大簡者哉  
承平時宰相入省必先以秤稱印匣而後開蔡元長秉  
政一日稱匣頗輕疑之搖撼無聲吏以白元長元長曰  
不須啓封今日不用印復攜以歸私第異日入省稱之  
如常日開匣則印在焉或以詢元長元長曰是必省吏  
有私用者倉猝不能入倘失措急索則不可復得徒張  
皇耳此事見于王明清揮麈後錄然元長一時識見亦  
可謂過人矣殊不知元長實用裴度之法



人之識見固無間于士大夫與夫庸夫賤隸也而士大夫貪榮嗜進倒行逆施反有不及者當紹聖崇寧時姦人並進排擊元祐諸公不遺餘力中外望風希旨有以仆溫公墓碑爲詞者有請焚毀蘇黃筆札者言之惟恐後邵氏聞見錄云初蔡京蔡卞爲元祐姦黨籍祐陵親書刻石於文德殿門又立于天下州治長安當立召鐫者安民刊字安辭曰民愚人不知朝廷立碑之意但元祐大臣如司馬相公者天下稱其正直今謂之姦邪民不忍鐫府官怒欲罪之民曰被役不敢辭乞不刻安民

鐫字于碑又李仲寧刻字甚工黃太史題其居曰琢玉坊崇寧初詔郡國刊元祐黨籍姓名太守呼仲寧使劓之仲寧曰小人家舊貧窶因開蘇內翰黃學士詞翰遂至飽暖今日以姦人爲名誠不忍下手郡守義之曰賢哉士大夫所不及也餽以酒而從其請昔仁宗愛蔡君謨書嘗命書溫成皇后碑君謨辭曰此待詔職也歐陽公嘗以是稱之予謂以君謨之賢固當如是彼二人者乃能如此誠不易得較當時希旨進言以覬寵榮者詎止穹壤冠履之間哉

靖康元年冬高宗發京師將至幹喇布軍前議事

案幹喇布

原本作幹離不今依金國語解改正

及至磁州州有崔府君祠府君或云

唐人其名不傳或云乃後漢崔子玉也封嘉應侯號應

王上至州人擁神馬謂應王出迎守臣宗澤啓上謁其廟上謁廟出磁人力請上無北去乃還泊于相州明年遂卽大位高宗之應天兆于此

紹興中洞庭漁人獲一印方僅二寸其制甚古紐有運環四兩兩相貫上有一大環總之蓋所以佩也漁者以爲金競而訟于官辨其文乃漢壽亭侯四字關羽嘗爲



漢壽亭侯人疑必羽物也遂留長沙官庫守庫吏見印  
上時有光焰因白于官乃遣人送荆門軍羽祠中光怪  
遂絕淳熙四年玉泉寺僧真慈將獻之東宮印已函而  
未發忽光焰四起衆皆驚愕遂不復獻

皇甫履紹興中賜隱于江州廬山高宗名其所居曰清  
虛菴光宗在東宮日嘗問履山中所乏履曰山中無所  
闕但去水差遠汲取頗勞光宗因大書神泉二字遺之  
云持歸隨意鑿一泉履歸乃于菴之側穿一小井方施  
畚鍤而泉已湧至遂畢工至今深纔二三尺味甘冽尤

宜瀾茗子頃遊廬山履之門人與予同觀因道其詳奎  
畫今刻之泉上

袁州仰山有二王神祠其靈甚著士大夫往來者多祈  
夢于祠下淳熙十一年長沙湯璫經過亦將乞靈始至  
宿于山下是夜夢一貴人姓蕭者召與之談貴人自歎  
年老若羨璫者璫曰璫賤不足道公由布衣而位至此  
尙不滿耶貴人俯首曰否少焉有徒御擁璫登車曰召  
公赴宴至則客主凡六人明日伏謁祠庭見廡間有碑  
記讀之始知王蕭姓也璫遂再禱乃夢被旨使高麗璫

挾矢負弩躍馬而行方十餘步忽聞後有歎聲回顧視之見二士一王氏一歐陽氏禱復前行道險偶一矢墮地禱亟下取之矢已隨流水過前矣須臾見故仰山寺主僧本然揖禱少憩僧擁爐而坐旁一侍者欲撞鐘而復止禱問何爲而不聲鐘答曰未遇順風擊之聲只聞一方待遇順風聲可聞四方禱因謂僧曰是鐘未用耶僧曰爐亦未用禱曰洪鐘之用在足下爾僧笑而止翼日且復得夢讀省闈前列文卷殊莫曉其意淳熙十三年禱預薦名在第三其上則王與歐陽也次年試禮部



知貢舉乃洪邁景廬壽遂爲首選

沅州道間有古驛曰幽蘭鋪有徐秘者凡兩經過書二  
詞于其壁一云秋欲暮路入亂山深處撲面西風吹霧  
雨驛亭欣暫駐可惜國香風度空谷寂寥誰顧已作竹  
枝傳楚女客愁推不去其二云春欲半重到寂寥山館  
脩竹連山青不斷誰家門可款紅暈花梢未半綠蘸柳  
芽猶短金縷香消春不管素蟾光又滿乾道中先君曾  
寓是館愛其語意悽惋每舉似于人秘字公飾不知何  
許人也

司馬溫公元豐末來京師都人奔趨競觀卽以相公目之左右擁塞馬至不能行及謁時相于私第市人登樹騎屋窺瞰之隸卒或止之曰吾非望而君願一識司馬公耳至于呵叱不退而屋瓦爲之碎樹枝爲之折及薨京師之民罷市而往弔鬻衣以致奠巷哭以過車者蓋以千萬數上命戶部侍郎趙瞻內侍省押班馮宗道護其喪歸葬瞻等還言民哭公哀甚如哭其私親四方來會葬者蓋數萬人而嶺南封州父老相率致祭且作佛事以薦公者其詞尤哀炷香于首頂以送公葬者九百

餘人京師民畫其像刻印鬻之家置一本飲食必祀焉  
四方皆遣人購之京師時畫工有致富者蔡京南遷道  
中市飲食之類及知爲京皆不肯售至于詬罵無所不  
道州縣護送吏卒驅逐之稍息人之賢不肖于人心得  
失一至如此兒童誦君實走卒知司馬如溫公者蓋千  
載一人而已

前輩讀書所嗜各不同司馬溫公酷好揚子雲太元而  
作書疑詆孟子謂揚子真大儒孟與荀殆不足擬自云  
少好其書研精竭慮厯年已多始敢爲注每閱太元必



屏絕人事讀必數十過其嗜之也如是而老蘇獨不喜  
揚子云雄之法言辯乎其不足問也問乎其不足疑也  
求聞于後世而不待其有得君子無取焉耳又曰雄于  
太元好奇而務深故辭多夸大而可觀者鮮又曰使雄  
有孟軻之書而肯爲太元耶二公所見不侔如此

二疏之去非因韓楊之死陳君舉史評其論疏廣疏受  
云二疏出關于趙蓋楊韓駢死之際天下至今高之是  
以二疏見諸公之死始毅然有去志也按元康三年戊  
午廣受去位而蓋寬饒之死在神爵二年辛酉韓延壽

死在五鳳元年甲子楊惲死在五鳳四年丁卯獨趙廣漢死在元康元年丙辰乃二疏在位之時餘皆去後始誅相去幾十年烏可謂之出關于駢死之際哉緣溫公通鑑論宣帝有趙蓋韓楊之死皆不厭衆心之語陳不致審遽然引用遂至于誤然東坡作二疏圖贊亦有殺蓋韓楊先生憐之振袂脫屣之語其誤非特陳也

岐陽石鼓初散于野鄭餘慶始移置孔子廟中韋應物韓退之皆有詩韋曰宣王之臣史籀作韓曰周綱陵遲四海沸宣王憤起揮天戈大開明堂受朝賀諸侯劒珮

鳴相磨菟于岐陽騁雄駿萬里禽獸皆遮羅鐫功勒成  
告萬世鑿石作鼓隳嵯峨歐陽文忠公云應物以爲文  
王之鼓至宣王刻詩爾退之直以爲宣王之鼓且云自  
漢以來博古好奇之士皆略而不道隋氏藏書最多其  
志所錄秦始皇刻石婆羅門外國書皆有而獨無石鼓  
文遺近錄遠不宜如此況傳記不載不知二君何據而  
知爲文宣之鼓也然退之好古不妄予始取以爲信至  
于字畫亦非史籀不能作也子謂石鼓經秦涉漢其亦  
久矣其間豈無好事者稱道之歷時之久書傳不存後



人不知耳蘇勗載記云石鼓謂周宣王獵碣共十鼓其  
文則史籀大篆唐章懷太子注後漢書云今岐州石鼓  
銘凡重言者皆爲二字以二書言之則安知秦漢間無  
稱道之者蘇勗貞觀中嘗爲吏部侍郎在退之之先退  
之以爲宣王之鼓者豈以勗所載爲據耶歐陽公又云  
其文可見者四百六十五磨滅不可識者過半予得唐  
人所錄本凡四百九十七字其文皆可讀比他本最爲  
詳備所言大率皆漁獵事其文有天子永寧日維丙申  
之語既有天子之稱則決非文王之詩也近時韓公元

吉以左氏言成有岐陽之蒐又以鼓爲成王時物然左氏雖言成之蒐獵刻石紀事初無明文恐未可遽然便以爲成王時物也又任汝弼云籀與古文書以刀刀故銳秦篆書以漆漆故剝石鼓之文其端皆剝以是知石鼓爲秦時也夫千載之刻磨滅剝落之餘幸有一二可讀亦僅存字體之髣髴爾汝弼乃欲辨其剝銳于筆畫之間而斷爲秦人之作非所敢聞也

歐陽公集古錄目楊震碑陰題名跋云此碑所書河間賈伯錡博陵劉顯祖之類凡百九十人疑其所書皆是

字爾蓋後漢時人見于史傳者未嘗名兩字者也予按前漢書匈奴傳王莽秉政令中國不得有二名因使使者以風單于宜上書慕化爲一名漢必加厚賞單于從之上書言幸得備藩臣竊樂太平聖制臣故名曩知牙斯今謹更名曰知莽大悅白太后遣使者答諭厚賞賜焉當莽時固有明禁暨光武卽位以來士大夫相循襲複名者極少但不可謂無也蘇不韋字公先有傳附于蘇章傳後孔僖二子曰長彥季彥又有劉騶駼嘗與劉珍校定東觀書謝承漢書有雲中丘季智名靈舉郭泰



傳有張孝仲范特祖召公子許偉康司馬子威此數人者出于芻牧置郵屠沽卒伍決非以字行者其爲名無可疑如此之類見于書傳中今可考也

秦漢以前字畫多見于鐘鼎彝器間至東漢時石刻方盛本朝歐陽公始酷嗜之所藏至千卷旣自爲跋尾又命其子棐撮其大要而爲之說曰集古錄目晚年自號六一居士集錄蓋其一也其門人南豐曾公亦集古篆刻爲金石錄五百卷後來趙公明誠所蓄尤富凡二千卷其數正倍于歐陽公著金石錄三十卷石林葉公夢

得又取碑所載事與史違誤者爲金石類考五十卷近  
時洪文惠公适集漢魏間碑爲隸釋續凡四十八卷昭  
武李公丙類其所有起夏后氏竟五季著于錄者亦干  
卷號博古圖正訛謬廣異聞皆有功于後學隸釋復刻  
其文前代遺篇墜款因得概見于方策間尤可貴也  
韓魏公名德爲遐邇所重韓魏公之子忠彥聘遼國主  
知其爲公子問嘗使南朝者形貌肖韓相公否皆曰然  
遂圖忠彥之像靖康間金人至河南所過蕭然入相州  
傳孝寺見公畫像下馬羅拜秋毫不犯而去又覓公墓

拜謁而退身後名德猶爲敵國所重如此昔所未聞也

原註圖忠彥像見樂咸挽魏公詩注拜畫像及

謁墓見韓子蒼魏公畫贊及周紫芝長短歌

東坡記韓定辭不知何許人爲鎮州王鎔書記聘燕帥  
劉仁恭舍于賓館命幕客馬郁延接馬有詩贈韓曰燧  
林芳草綿綿思盡日相攜陟麗譙別後巔嵒山上望羨  
君還復見王喬郁詩雖清秀然意在試其學問韓卽席  
酬之曰崇霞臺上神仙客學辨癡龍藝最多盛德好將  
銀筆述麗詞堪與雪兒歌坐內諸賓靡不欽訝稱爲妙  
句然亦疑其銀筆之僻也他日郁從容問韓以雪兒銀



筆之事韓曰昔梁元帝爲湘東王時好著書常記錄忠臣義士及文章之美者筆有三品以金銀雕飾或用斑竹爲管忠孝全者用金管書之德行精粹者用銀管書之文章贍麗者以斑竹管書之故湘東王之譽振于江表雪兒李密之愛姬能歌舞每見賓僚文章有奇麗中意者卽付雪兒叶音律以歌之又問癡龍出于何處曰洛下有洞穴曾有人誤墜于中因行數里漸明曠見有宮殿人物凡九處又有大羊羊髯有珠人取食之不知何所出以問張華華曰此地仙九館也大羊名曰癡龍

耳定辭復問郁巔嵒之山當在何處郁曰此趙郡之故  
事何謙遜而下問由是兩相悅服結交而去予按定辭  
深州人爲鎮冀深趙等州觀察判官檢校尙書祠部郎  
中兼侍御史乃韓魏公四世祖昌辭之兄好學能文無  
所不覽巔嵒山見顏氏家訓柏人城東北有一孤山古  
無載者惟闕駟十三州志以爲舜納于大麓卽爲此山  
其上今猶有堯祠焉世呼爲宣務山或呼爲虛無山莫  
知所出余嘗爲趙州佐共太原王劭讀柏人城西門內  
碑碑是漢桓帝時柏人縣民爲縣令徐整所立銘云土

有巔嵒山王喬所僊方知此巔嵒字也巔字遂無所出  
嵒字依諸字書卽旄丘之旄字字林一音亡付反今依  
附俗名當音權務耳入鄴爲魏收說之收大嘉歎值其  
爲趙州莊嚴寺碑曰巔嵒之精卽用此坡所引見北夢  
瑣言今以瑣言校坡集則坡集誤以慕容作慕容銀筆  
之僻作銀筆之譬從容作從容江表作士表李密作孝  
密諸本皆然遂至于不可讀坡集艱得善本如此

東坡雪後書北堂壁云試掃北臺看馬耳未隨埋沒  
有雙尖按北臺在密州之北因城爲臺馬耳與常山在其



南東坡爲守日葺而新之子由因請名之曰超然臺偶  
閱注東坡詩見注者不得其詳因記之

邵氏聞見後錄韓熙載畜妓樂數百人俸入爲妓爭奪  
以盡至貧乏無以給夕則敝衣履作瞽者負獨弦琴隨  
房歌鼓以丐食東坡謝元長老衲裙詩云欲教乞食歌  
姬院故與雲山舊衲衣用其事也然子未達東坡之意  
以上邵氏語予按北夢瑣言裴休披毳衲于歌姬院持  
鉢乞食曰不爲俗情所染可以說法爲人東坡乃用此  
事邵公濟蓋未嘗見此宜其未達東坡之意也

東坡云近世人輕以意改書鄙淺之人好惡多同故從而和之者衆遂使古書日就訛舛深可忿疾孔子曰吾猶及史之闕文也自予少時見前輩皆不敢輕改書故蜀本大字書皆善本蜀本莊子云用志不分乃疑于神此與易陰疑于陽禮使人疑汝于夫子同今四方本皆作凝以上皆東坡語予按用志不分乃疑于神之語本出于列子今列子皆作疑則莊子之誤于此是可證矣何待引易禮然後知其爲誤也

東坡過虔州鬱孤臺詩郡守霍漢英和之東坡遂復用

韻有行看鳳尾詔卻下虎頭州之句虎頭蓋指虔也虔

與虎皆從虎

原註火呼反

俗以虔字之首有同于虎故以虔

爲虎頭州紹興三十二年校書郎董德元言虔州俗謂之虎頭城非嘉名也今天下舉安獨此郡有小警意其名有以兆之遂改爲贛州今注此詩者乃云虎頭州以言常州虎頭顧愷之也愷之常州無錫人蓋是時先生乞居常州也借使如注者所云則趙清獻公出知虔州有詩云乍辭龍尾道來刺虎頭城此又當作何說其謬妄一至如此豈不大可笑



前輩詩文中多用化鶴事其事有二雖若相類其實不

同神仙傳蘇仙公者桂陽人

原註洞仙傳云蘇公名耽

漢文帝時得

道有白鶴數十降于門乃跪白母曰某當仙被召有期

即便拜辭遂昇雲漢而去後白鶴來止郡城東北樓上

人或挾彈彈之鶴以爪攫樓板似漆書云城郭是人民

非三百甲子一來歸吾是蘇君彈何爲此一事也續搜

神記遼東城門華表柱忽有白鶴來集人或欲射之于

空中歌曰有鳥有鳥丁令威去家千歲今來歸城郭猶

是人民非

原註又洞仙傳云令威遼東人少隨師學得仙道分身任意所欲嘗暫歸化爲白鶴集郡

城門餘同上但城郭  
猶是作城郭如舊

此又一事也山谷戲書秦少游壁

云化作遼東白鶴歸朱顏未改故人非此用令威事次  
韻宋楙宗觀東坡出遊云人間化鶴三千歲海上看羊  
十九年此用蘇耽事也化鶴看羊皆蘇氏事其工的如  
此

山谷有贈米元暉詩云我有元暉古印章印刻不忍與  
諸郎虎兒筆力能扛鼎教字元暉繼阿章任淵注其詩  
引漢舊儀曰銀印龜紐其文曰章又曰元暉謂謝元暉  
淵之所引非也虎兒蓋米芾之子友仁小字爾曾慥百

雲谷雜錄卷三  
家詩引云友仁少俊早成魯直有元暉古印章因以爲  
字是山谷以古印偶有元暉二字故贈之令字元暉以  
其父米芾字故有繼阿章之語淵旣不得其實闕之可  
也乃強爲解釋徒自類其書

涼寢竹器俗曰竹夫人黃山谷謂趙子充曰憩臂休膝  
似非夫人之職冬夏青青竹之所長請名曰青奴故其  
詩云我無紅袖堪娛夜正要青奴一味涼瑒花荆公欲  
爲賦詩而鄙其名瑒蓋玉也未爲不佳但其音乃杖槎  
切故公陋之山谷復呼爲鄭且謂野人採鄭花葉以染



黃不借礬而成色乃以山礬爲名而詩有山礬獨自倚  
春風及山礬是弟梅是兄之句二名皆其所命而作詩  
復自引用其意蓋欲顯二者之名于人耳王立之云蠟  
梅山谷初見戲作二絕緣此盛于京師青奴山礬今藉  
藉于人正以山谷之詩耳

雲谷雜紀卷三 終

雲谷雜紀卷四

宋 張 湜 撰

玉藥花宋景文摘碎云維揚后土廟有花色正白曰玉藥王禹偁愛賞之更稱曰瓊宋敏求春明退朝錄云揚州后土廟有瓊花一株卽李衛公所謂玉藥也舊不可移徙今京師亦有之劉原父詩云淮海無雙玉藥花東坡詞云后土祠中玉藥花蔡寬夫詩話云李衛公玉藥花卽今揚州后土祠瓊花乃是詳以上所說則玉藥卽瓊花也曾南豐白山茶詩云瓊花散漫情終蕩玉藥蕭



條迹更塵姚令威西溪叢話云唐昌玉蘂花今之散水仙揚州瓊花今之聚水仙但樹老耳如此又有是二物今瓊花后土祠及番陽洪文敏公花圃俱有之而玉蘂丹徒山間及雪川人家多有之與瓊花實爲二物也予始以曾端伯謂山礬爲玉蘂爲非然猶未敢遽以爲是後讀葛立方韻語陽秋不覺爲撫卷蓋所見閤合人意有如此者又數年復得周文忠公玉蘂辨證遂得以決玉蘂瓊花斷然爲二物知楊汝士之帖爲僞曉然韻語陽秋云曾端伯高齋詩話云瑒花卽唐昌玉蘂花以予

觀之恐未必然玉蕊佳名也此花唐流傳至今不應捨  
玉蕊而名山礬豈端伯別有所據文忠辨證云唐人甚  
重玉蕊唐昌觀有之集賢院有之翰林院亦有之皆非  
凡境也予往因親舊自鎮江招隱來遠致一本條蔓如  
茶蘼種之軒檻冬凋春茂柘葉紫莖再歲始著花久當  
成樹花苞初甚微經月漸大暮春方八出須如冰絲上  
綴金粟花心復有碧筩狀類膽瓶其中別出一英出衆  
須上散爲十餘蕊猶刻玉然花名玉蕊乃在于此羣芳  
所未有也劉夢得雪蕊瓊絲之句最爲中的松音陣南

史劉杳傳所謂松酒者予嘗得醞法芳烈異常山谷似不以杳傳爲據徇俗訛松作鄭而江南鄉音又呼鄭爲瑒復疑未安于是創山礬之名然二詩并序初未嘗及玉藥祇因好事者僞作唐人之帖故曾端伯洪景廬皆信之其實諸公偶未見此花所謂信耳而不信目也又云以玉藥爲瑒起于曾端伯子與段謙叔之子元愷同里巷往還至熟其父初無楊汝士帖小說難信類此文忠之辨其詳確若是而獨不及檇字豈偶不記及邪但劉杳所謂松者恐別是一種今花之芳烈者皆可釀酒



如木犀醑醑之類是也似未可以其醑酒使指山礬爲  
松也

又康駢劇談錄云長安唐昌觀舊有玉蘂花發如瓊林  
瑤樹元和中春物方妍忽一日有女子年可十七八衣  
繡綠衣乘馬戔髻雙鬟無簪珥之飾容色婉婉迴出于  
衆從以二女冠三小僕旣下馬以白角扇鄣面直造花  
所異香芬馥聞之數十步之外觀者以謂出自宮掖莫  
敢逼視竚立良久令小僕取花數枝而出將乘馬迴謂  
黃冠者曰曩有玉峰之約自此可以行矣時觀者如堵

咸覺煙霏鶴唳景物輝煥舉轡百餘步有輕風擁塵隨之而去須臾塵滅望之已在半天矣方悟神仙之遊餘香不散者經月時嚴給事休復元相國劉賓客白醉吟俱有詩曾端伯高齋詩話云瑒花卽玉蘂也介甫以比瑒謂當用此瑒字蓋瑒玉名取其白耳魯直又更其名爲山礬謂可以染也廬陵段謙叔有楊汝士與白二十二一帖云唐昌玉蘂以少故見貴耳自來江南山山有之士人取以供染事不甚惜也則知瑒花之爲玉蘂斷無疑矣又程文簡公雍錄云唐昌玉蘂花長安惟有一

株或詠之曰一樹瓏鬆玉刻成則其葩藥形似畧可想  
矣春花盛時傾城來賞至謂有仙女降焉元白皆賦詩  
以實其事則爲時貴重可知矣山谷曰江南野中有等  
小白花木高數尺春開極香野人謂之鄭花王荊公陋  
其名改曰山礬此花之葉自可染黃不借礬而成色故  
以名又高齋詩話云玉藥卽今瑒花也予按瑒玉珪名  
也瑒鄭音近而呼訛耳吾鄉又呼烏朕花朕鄭瑒音亦  
相近知一物也江南凡有山處卽有此花其葉類木犀  
而花白心黃三四月間著花芬香滿野人家籬園皆斫



其枝帶葉束之稍稍受日葉遂變黃取以供染不藉礬石自成黃色則魯直之言信矣至謂僅高三二尺者蓋士人不以爲材稍可燃燎亟樵之不容其長惟長安以爲貴異故其幹大于他處非別種也予家塾之西有一種高可五七丈春花盛時瓏鬆耀日如冬雪凝積闔一里人家香風皆滿比予辛未得第而歸則爲人所伐矣乃知唐昌玉蘂正是人護養所致非他處無此木也又洪文敏公容齋隨筆云物以希見爲珍不必異種也長安唐昌觀玉蘂乃今瑒花又名米囊黃魯直易爲山礬

在江東彌山亘野殆與榛莽相似而唐昌所產至于神  
女下遊折花而去以踐玉峰之期是不特土俗罕見雖  
神仙亦不識也使如以上諸說則是唐之玉藥斷然爲  
今之山礬也予詳玉藥在唐亦不特見于唐昌觀而已  
如內署既有之翰林學士院及集賢院又有之潤州招  
隱山又有之李德裕平泉又有所謂連房玉藥者其載  
述則有李肇翰林志賈氏談錄李德裕劉禹錫白樂天  
文集及沈傳師楊巨源張籍王建諸公詩亦不特見于  
劇談錄與夫嚴給事諸一時所賦而已

原註唐李肇翰  
林志云院內古

槐松玉藥署學士至者雜植其間殆至繁隘李德裕招  
隱山觀玉藥樹寄沈大夫云玉藥天中樹金閨昔共窺  
其自注云此樹吳人不識因予賞玩乃得此名內署沈  
大夫所居門前有此樹每花落空中回旋久之方集庭  
際大夫草詔之日皆要予同玩賈氏談錄云贊皇平泉  
莊周四十里天下奇花異草珍松怪石靡不畢至今悉  
已絕惟雁翅檜珠子連房玉藥僅有存者連房玉藥每  
跗萼上花分五朶而實同一房也集賢院玉藥詳見劉  
禹錫題集覽閣詩并白樂  
天懷集賢王校書詩中

其花在當時自唐昌觀之外

惟內署翰苑及集賢院有之則珍貴可知矣今程文簡  
洪文敏乃云江南凡有山處卽有之甚至彌亘山野與  
榛莽相似蓋二公俱祖曾端伯之說而失于致審且長  
安唐都城也四方之人輻輳于是曾無一人識其爲山



礬此固可疑今花木稍異者必窮幽及遠百計以致之  
豈有長安貴重幸爲僅有而他處彌亘山野乃與榛莽  
爲比恐無是理康駢云其花發若瓊林瑤樹李德裕云  
每花落空中回旋久之方集今山礬花藥細碎枝葉麤  
疎非可以瓊林瑤樹爲比花落亦無回旋之態只詳此  
數端則玉藥別是一花非此山礬明矣山礬所以名不  
一者緣諸公不考究字書其說遂致紛紛殊不知字書  
中自有此一字集韻檍丈忍切又作柎木名灰可以染  
从朕至今俗謂之烏朕未有如程文簡所云其音義分

明如此惜諸公之未見也會端伯所稱段謙叔所藏之帖不知何自而得之恐是好事者爲之字書中又有松音陣亦作櫪云木汁可作酒聲雖相近恐別爲一種聲

既相近他日必有以松櫪爲疑者故詳及之

原註櫪今有兩種一

種曰烏櫪木理堅密而瑩白花極芳烈一種曰白櫪枝葉與烏櫪少異而香亦少劣染家亦用

洪文敏公容齋隨筆云衡山有唐開元二十年所建南岳真君碑衡州司馬頤貞撰荆府功曹蕭成書末云別駕賞魚袋上柱國光大晁賞魚袋之名不可曉他處未之見也予按唐會要開元二十五年五月三日勅緋紫

之服班命所崇以賞有功不可逾濫如聞諸軍賞借人數甚多曾無甄別自今已後除灼然有戰功餘不得輒賞又自永徽以來正員官始佩魚其離任及致仕卽去魚袋員外判試并檢校等官並不佩魚至開元八年九月十四日中書令張嘉貞奏請致仕官及內外五品以上檢校判試及內供奉官見占闕者聽准正員例許終身佩魚自後恩制賞緋紫例兼魚袋謂之章服則賞魚袋正唐制也蓋公偶不曾考及

容齋隨筆唐世赦宥推恩于老人絕優開元二十三年



耕藉田耆老百姓以上版授上州刺史九十以上中州  
刺史八十以上上州司馬二十七年勅百歲以上下州  
刺史婦人縣君八十以上縣令婦人鄉君天寶七載京  
城七十以上本縣令六十以上縣丞天下耆老除官與  
開元等國朝之制百歲者始得初品官封比唐不侔矣  
以上皆容齋云予按隋煬帝大業七年自江都御龍舟  
入通濟渠遂幸于涿郡詔河北諸郡及山西山北年九  
十以上者版授太守八十者授縣令然則自隋已有版  
授太守者非特絕優于唐也高宗顯慶五年如并州勅

并州民年八十以上版授刺史縣令乾封元年封于泰山大赦改元民年八十以上版授下州刺史司馬縣令婦人郡縣君武后光宅元年改元爲文明賜文武官五品以上爵一等九品以上勳兩轉老人版授官睿宗先天元年大赦改元版授九十以上下州刺史八十以上上州司馬元宗開元十一年版授耆老八十以上上縣令婦人縣君九十以上上州長史婦人郡君百歲以上上州刺史婦人郡夫人是則由高宗以來行之屢矣非始見于開元二十三年耕藉田時也

容齋續筆王氏中說所載門人多貞觀時知名卿相而無一人能振師之道者故議者往往致疑其最所稱高弟曰程仇董薛考其行事程元仇章董常無所見獨薛收唐史有列傳蹤跡甚爲明白收以父道衡不得其死于隋不肯仕聞唐高祖興將應義舉郡通守堯君素覺之不得去及君素東連王世充遂挺身歸國正在丁丑戊寅歲中丁丑爲大業十三年又爲義寧元年戊寅爲武德元年是年三月煬帝遇害于江都蓋大業十四年也而杜淹所作文中子世家云十三年江都難作子有



疾召薛收謂曰吾夢顏回稱孔子歸休之命乃寢疾而

終殊與收事不合歲年亦不同是大爲可疑者也渠嘗

考之當有兩薛收遊王氏之門者曰河南薛氏其人曠

而肅中說以理達稱又以其妙于言理方之莊周

原註王績

遊北山賦文中子述元經收爲之傳未就而歿

原註子嘗見阮逸所作元

經有薛氏傳此不待識者已知其僞矣而諸公多惜其亡故王凝曰夫子

得程仇董薛而六經益明四生之力也董仇早歿而程

薛繼殂文中子之教其未作矣又王績嘗謂馮子華云

亂極則治王途漸亨房杜諸賢肆力廊廟吾家魏學士

亦申其才所恨姚義不存薛生已歿使雲羅天網有所

不該以爲歎恨耳

原註見續答  
馮處士書

是則收蓋不遇而歿究

其蹤跡與河東道衡之子固判然爲二人矣然中說乃

有內史薛公見子于長安退謂子收曰河圖洛書盡在

是矣汝往事之無失阮逸謂薛道衡嘗爲此官遂指內

史爲道衡如此則薛收乃道衡之子也或者疑其書爲

後人所附益故牴牾如此蓋龔鼎臣嘗得唐本于齊州

李冠家則以甲乙冠篇而分篇始末皆不同又本文多

與阮逸異則附益之說庸或有之按隋本傳云道衡有

子五人收最知名出繼族父孺收初生卽與孺爲後養  
于孺宅至于長成不識本生是道衡爲煬帝所殺收竟  
不及識之安得尙有河圖洛書盡在是矣汝往事之之  
語此最可疑者

客齋續筆云十干戊字只與茂同音俗輩呼爲務非也  
吳中術者又稱爲武偶閱舊五代史梁開平元年司天  
監上言日辰內戊字請改爲武乃知有所自也朱溫父  
名誠以戊字類誠字故諂之耳予按溫曾祖名茂琳戊  
正其諱耳今紹興府城隍廟有梁開平二年所刻廟記



稱城隍曰牆隍歲次曰武辰城戍皆以朱氏正諱而易容齋謂戍類成字故司天詔之非也

王觀國學林云自古未有以年號鑄錢者惟唐乾封元年鑄乾封重寶

原註重字當爲泉字

以一當十予按宋孝武孝建

元年鑄四銖文曰孝建四銖廢帝景和元年鑄二銖文曰景和後魏孝莊永安二年鑄五銖文曰永安五銖是皆以年號鑄于錢者非始于唐之乾封也

學林云皇祐中京師試止戈爲武賦張弼首選頗以此賦馳名第七韻曰亦猶日並月以爲明紀天之象王居

門而曰閏重歲之餘今按字書明從冏不從日賦誤用之害理之甚以上皆學林語予按說文明字有二其一從冏其一從日是從冏從日皆可其字顯顯初非隱奧而學林乃謂從日者爲害理殆不可曉豈讀說文不熟耶殊可一笑

學林云矢以木爲之亦以竹爲北方以木南方以竹各因其土俗所生之物而爲之也所謂箭者竹箭也竹箭其材可以爲矢周禮揚州其利金錫竹箭爾雅東南之美者有會稽之竹箭自古惟弓矢未嘗謂矢爲箭後世

乃或謂之弓箭夫呼矢爲箭則不當其義若唐薛仁貴  
三箭定天山之類是也予按楊雄方言自關而東謂之  
矢關西曰箭郭璞注云箭者竹名因以爲號說文曰箭  
矢也列子曰烏號之弓綦衛之箭韓非子曰智伯將伐  
趙趙襄子召張孟談而問之曰吾城郭已治甲兵有餘  
奈無箭何司馬相如云左烏號之雕弓右夏服之勁箭  
則秦漢以前箭矢已通稱魏晉以下見于傳記不可具  
紀而謂呼矢曰箭爲非斯言失之矣

陳正敏遜齋閒覽云傳云中流失船一壺千金乃今所



謂浮環者明州昌國縣在海島往來船有二環舟人云  
壺也予按今浮環以杉木爲之而塗以漆腰之可以渡  
水但鷗冠子謂一壺千金非指此也壺蓋瓠屬莊子曰  
今子有五石之瓠何不慮以爲大樽而浮乎江海司馬  
彪曰縛于身浮于江海可以自渡所謂腰舟鷗冠子所  
指正此耳故劉子隨時篇徑作中流失船一瓠千金

吳曾能改齋漫錄載王安國夢遊靈芝宮予按此事本  
曾子固所記後來魏泰東軒雜錄全用子固之文但于  
末後添太常丞曾阜夢平甫一節爾又冷齋夜話亦記

之而略于二書子固文見于南豐雜識中蓋吳曾未嘗  
見此書也雲齋廣錄乃政和中李獻民所作其載平甫  
此事乃合曾魏二書併爲一段是吳曾非但不見南豐  
雜識于東軒雜錄亦未嘗見也

能改齋漫錄葬者墓路稱神道自漢已然引襄陽耆舊  
傳光武立蘇嶺祠刻二石鹿夾神道楊震碑首題太尉  
楊公神道碑銘爲證予按漢書高惠文功臣表云戚圉  
侯季信成坐爲太常丞縱丞相侵神道爲隸臣又霍光  
傳光薨光夫人侈大其塋制起三出坎築神道此二事

皆在前當以爲據蓋不始于後漢但表所謂神道疑宗廟之路也

茗溪漁隱叢話曰雪浪齋日記云退之聯句古無此法自退之斬新開闢予觀謝宣城集有聯句七篇陶靖節有聯句一篇杜工部集有聯句一篇則諸公已先爲之至退之亦是沿襲其舊自退之斬新開闢則非也今考之漁隱所言亦未爲得聯句實起于漢柏梁臺非始于靖節諸人也又何遜李白顏真卿皆有是作亦不特謝宣城杜工部而止耳



茗溪漁隱叢話云沈存中筆談云真宗時向文簡敏中拜右僕射麻下日李昌武爲翰林學士當對上謂之曰朕自卽位以來未嘗除僕射今日以命敏中此殊命也敏中應甚喜對曰臣今日早候對亦未知宜麻不知敏中何如上曰敏中門下今日賀客必多卿往觀之明日卻對來勿言朕意也昌武侯丞相謝歸乃往見丞相門闕悄然無一人昌武與向親徑入見之徐賀曰今日降麻士大夫莫不歡慰朝野相慶公但唯唯又曰自上卽位未嘗除端揆此非常之命自非勲德隆重眷倚殊越

何以至此公復唯唯卒無一言旣退復使人至庖廚中  
問今日有親戚賓客飲食宴會亦寂無一人明日再對  
上問昨日見敏中否對曰見之敏中之意如何乃具以  
所見對上笑曰大耐官職故呂居仁寄向縣丞詩云耐  
官丞相風流在坐守簞瓢不訴窮張仲宗作向伯恭雍  
熙堂詩亦云家世從來耐官職百年猶見典刑存然本  
朝名臣傳乃云李文靖沆其初相也眞宗密使人覘之  
曰朕首命沆爲相汝私往觀其忻戚中人還言其門無  
車馬蕭然如常上歎曰李沆大耐官職豈非名臣傳所

記之誤耶予按續通鑑長編天禧元年八月壬申中書  
侍郎兼吏部尚書平章事向敏中加右僕射門下侍郎  
注云沈括筆談載向敏中拜右僕射云云按此時宗諤  
已死五年矣自上卽位至今左右僕射凡有六人爲之  
敏中乃第七人也今不取詳此則存中之誤茗溪復不  
能詳考反以誤爲是予又按真宗以至道三年卽位明  
年改元爲咸平十月呂端免以張齊賢李沆爲同中書  
門下事然齊賢太宗時已嘗相獨沆自參知政事除蓋  
真宗卽位以來除相者實首于沆則名臣傳可考信不



誣矣

原註長編註稱宗謬者卽昌武之名也

程氏考古編云奏劄言取進止猶言此劄或留或卻合稟承可否也唐中葉遂以處分爲進止德宗貞元末昭義李長榮薨遣中使察軍情立帥言面奉進止令此軍取大將拔與節鉞者是也按此旣得命令徇軍情所向則有定旨無復可否矣其言進止非也敬宗時諫官劉栖楚叩額龍墀諫上晏朝作樂牛僧孺宣曰所奏知門外候進止栖楚出金吾仗待罪已而宣慰令歸當栖楚待罪時處分未出其曰進止是也而不曉文義者習而

不察槩謂有旨爲進止如堂底所載凡宣旨皆云有進止者相承之誤也予按隋高祖開皇八年伐陳詔將士糧仗水陸資須期會進止一准別勅又煬帝大業十一年詔往年出軍將居遼濱廟算勝畧具有進止又裴蘊傳云大小之獄皆詔付蘊憲部大理莫敢與奪必稟承進止然後決斷所謂進止者候蘊之可否也當是時不特用于奏御雖臣下亦通用之唐高宗永淳元年郭待舉岑長倩郭正一魏元同與中書門下同受進止平章事此正以進止爲處分唐初已然非始于中葉也

程氏攷古編國史王貽孫傳太祖嘗問趙普拜禮何以  
男子跪而婦人不跪普訪禮官無有知者貽孫曰古詩  
云長跪問故夫卽婦人亦跪也唐天后朝婦人始拜而  
不跪普問所出對云太和中幽州從事張建章著渤海  
國記備言其事普大重之予按後周天元大象二年  
詔內外命婦皆執笏其拜宗廟及天臺皆俛伏如男子  
據此詔特令于廟朝跪其他拜不跪矣張建章所著武  
后時婦拜始不跪者豈至此始并與廟朝跪禮去之而  
建章紀之不詳耶周昌諫帝呂后見昌爲跪謝曰微君



太子幾廢又戰國策蘇秦過洛其嫂跪行匍匐四拜自  
跪而謝隋志皇帝冊后后先拜後起皇帝後拜先起則  
唐以前婦拜皆跪伏也以上皆程氏云予按男女之拜  
其初本一其後遂別禮曰男拜則尙左女拜則尙右是  
男女之拜皆一也漢劉熙釋名云拜于丈夫爲趺趺然  
屈折下就地也于婦人爲扶自相扶持而上下也是則  
當熙時男女已異拜矣世說賈充前婦是李豐女豐誅  
離昏徙邊後遇赦得還充已取郭配女武帝特聽置左  
右夫人李氏別住不肯還充舍郭氏欲就省于是盛威

儀多將侍婢既至入戶李氏起迎郭不覺腳自屈因跪  
再拜則晉已異于漢孫甫唐書云武后欲尊婦人始易  
今拜蓋婦人拜昔嘗不屈膝矣武后時特復其制耳非  
創始于武后也

方勺泊宅編云東坡就逮下御史獄張安道上書力陳  
其可貸之狀劉莘老蘇子容同輔政子容曰昨得張安  
道書不稱名但著押字莘老曰某亦得書尙未啟封令  
取視之亦押字也其事罕知故記之予按東觀餘論  
云唐文皇令羣臣上奏任用眞草惟名不得草遂以草

名爲花押韋陟五朶雲是也魏晉以來法書至梁御府藏之皆是朱异姚懷珍題名于首尾紙縫間故謂之押縫或謂之押尾祇是書名耳後人花押乃以草書記其自書故謂押字蓋沿襲此耳唐人及國初前輩與人書牘或只用押字與名用之無異上表章亦或爾近世遂施押字于移檄或不書已名字而別作形模非也又宋公談圃云先朝人書狀簡尺多用押字非自尊也從簡省以代名耳今人不復識見押字便怒則書用押字其來亦久矣劉蘇二公與方勺偶不知之也予頃在武陵



于畢文簡公諸孫處見文簡與寇萊公一帖尾用押字  
押字之下卻有拜咨二字此正以押字代名也景德間  
士大夫質厚故此風尙存至元豐間相去方七十餘年  
已爲罕見今固不復有矣

馬永卿懶真子錄山濤見王衍曰何物老嫗生寧馨兒  
寧作去聲馨音亨今南人尙言之猶言恁地也宋前廢  
帝悖逆太后怒語侍者曰將刀來剖我腹那得生寧馨  
兒此兩寧馨同爲一意吳曾能改齋漫錄唐張謂詩囊  
無阿堵物門有寧馨兒以寧爲去聲劉夢得贈日本僧

智藏詩云爲問中華學道者幾人雄猛得寧馨以寧爲  
平聲蓋王衍傳云何物老嫗生寧馨兒山濤叱王衍語  
也又南史宋王太后疾篤使呼廢帝帝曰病人間多鬼  
那可往太后怒謂侍者取刀來剖我腹那得生寧馨兒  
按二說知晉宋間以寧馨兒爲不佳也故山濤王太后  
皆以此爲訕叱豈非以爲兒非馨香者耶雖平去兩聲  
皆可通用然張劉二詩義則乖矣東坡亦作仄聲平山  
堂詩云六朝文物餘丘隴空使姦雄笑寧馨晉宋間人  
語助耳予按寧馨自是晉宋間一時之語今浙人往往

尙有此談晉人亦有單以馨爲言者世說劉惔謂殷浩  
田舍兒強學人作爾馨語又謂桓溫曰使君如寧馨地  
寧可鬪戰求勝王導云與何次道語惟舉手指地曰正  
自爾馨以上因文自可見義無勞解說然寧馨乃書傳  
間假此二字以記一時俗語吳曾以爲有非馨香之義  
此誣鑿之甚使如曾言則爾馨等語當作何說馬永卿  
云猶言恁地已得其義而欲以馨音亨以協南人之音  
又近于好奇矣馬雖得其義尙恨其無證據予嘗讀金  
樓子見其亦載宋廢帝王太后事云太后遣人召帝帝



曰病人多鬼不可往太后怒曰引刀破我腹那得生如此兒乃悟寧馨卽如此也是書梁湘東王蕭繹所纂宋梁相去不遠故知所謂寧馨者卽是如此又語林云王仲祖好儀形每覽鏡自照曰王仲開那生如此寧馨兒以此二者爲證則義理自昭然可以無辯矣

鮑欽止王略帖贊云昭回于天垂英光跨頡歷籀化大荒烟華淡濃賦低昂一噫萬古稱天章鸞夸虬引鵠序行洞天九九歸遼陽茫茫十二小劫長璽完神訶命芾藏欽止自注云九九謂帖有八十一字十二小劫謂自

晉至今十二代也帖乃米元章所藏故欽止于末句及之此文辭語俊逸筆力超詣非後人所可企及惜乎以洞天爲九九爾按道家洞天自十大洞天之外有三十六小洞天故世有洞天六六之語欽止記之不審誤謂六六爲九九也

賈黯以慶厯丙戌廷試第一謝杜祁公公無他語獨以生事有無爲問賈退謂公門下客曰黯以鄙文魁天下而謝公公不問而獨在于生事豈以黯爲無取耶公聞而言曰凡人無生事雖多顯宦亦不能不俯仰由是進

退多輕今賈君名在第一則其學不問可知其爲顯宦則又不問可知衍獨懼其生事不足以致進退之輕而不得行其志焉何怪之有賈爲之歎服溫公爲相每詢士大夫私計足否人不悟而問之公曰儻衣食不足安肯爲朝廷而輕去就耶二公惟灼見人情如此徐師川云山谷赴官姑熟旣至未視事聞當罷不去竟俯就之七日符至乃去問其故曰不爾無舟吏可還士之進退大體欲分明不可苟也豈以舟吏爲累耶予謂山谷豈不知此因躡道塗不得不爾觀山谷之事則二公之言



真有味也

史浩淳熙四年以少傅除保寧軍節度使奉祠賜第都  
下明年二月孝宗自德壽宮回幸佑聖觀蓋舊建邸也  
召公同宴曰去此十七年今得與卿爲豐沛故人之飲  
可謂盛事昔甘盤郤無此樂公曰臣何人敢比甘盤上  
曰朕心術之正學有自得實由卿力此他人所不能知  
也公頓首謝公母冀國夫人洪氏上間必問動靜又特  
于洪夫人誕日拜公爲相尋又有御札徑賜之曰丞相  
今日正謝今賜酒果爲太夫人之慶可與丞相同頌此

意後公歸四明歲必遣賜金帛香茶爲壽眷遇之厚近  
世無與比者

太學士人黃樵以舍選當釋褐一日忽夢閱廷試榜已  
之上有宣義郎三字樵在學舍素負雋聲益以自喜意  
必爲首選也及赴淳熙十四年廷試揭榜樵在第三甲  
上一名乃宣義郎史彌遠書榜者于彌遠名下書宣義  
郎字偶連屬樵姓名恍然夢中所見也

李莊簡公光作詩極清絕可愛予嘗見其越州雙雁道  
中一絕云晚潮落盡水涓涓柳老秧齊過禁煙十里人

家雞犬靜竹扉斜掩護蠶眠後在政府與秦檜議不合  
爲中司所擊命下送藤州安置差樞密院使臣伴送公  
戲贈之云日日孤村對落暉瘴煙深處忍分離追攀重  
見蔡明遠贖罪難逢郭子儀南渡每憂鶯共墮北轅應  
許雁相隨馬蹄慣踏關山路他日重來又送誰亦婉而  
有深意

李孟博莊簡公光之子也苦學有文紹興五年進士第  
三人及第莊簡南遷隨侍至貶所遂卒于瓊州未卒數  
月前忽夢至一處海山空濶樓觀特起雲霄間有軒榜



日空明先世諸父皆環坐其間顧指其一曰留以待汝  
既寤知非其祥也未幾遂屬疾臨終有雲氣起于寢冠  
服宛然自雲中冉冉升舉瓊人悉見之莊簡有詩悼之  
云脫屣塵寰委蛻蟬真形渺渺駕飛烟丹臺路杳無歸  
日白玉樓成不待年宴坐我方依古佛空行汝去作飛  
仙恩深父子情難割淚滴千行到九泉

李文簡公續通鑑長編明道元年二月丁卯以真宗順  
容李氏爲宸妃注云宸妃之號前此未見恐是創置予  
按唐武后紀高宗立武氏爲昭儀進號宸妃又來濟傳

武后被寵特號宸妃濟與韓瑗諫云妃有常員今別立號不可則宸妃之號創于唐高宗明肅之封章懿蓋據于此耳

乾道五年廷試未唱名之先參政鄭公僑夢升梯至一所梯傍皆雲氣繞之自念世所謂雲梯者茲其是歟未至間有大石橫亘于梯之表不復可進有頃疾風驟至石已在下僑遂履石直上及唱名僑爲第一次名乃石起宗也先是考官用分數編排石當居上臨唱名始易之云

近時聞中書肆刊書往往擅加改易其類甚多不能悉紀今姑取一二言之睦州宣和中始改爲嚴州今所刊元豐九域志乃徑易睦州爲嚴州又廣韻桐字下注云桐廬縣在嚴州然易去舊字殊失本書之旨將來謬亂書傳疑誤後學皆由此也

文士厭于求索人以求藝名世者未嘗不役于人久之亦自以爲厭魏韋仲將善書時起凌雲閣忘題榜乃使仲將懸橈上題之比下鬚髮盡白裁餘氣息還語子弟云宜絕楷法文與可妙于墨竹四方之人持縑素而請



者足相躡于其門與可厭之投諸地而罵曰吾將以爲  
韞士大夫傳之以爲口實此一藝名于時尙如此況乎  
文章議論足以榮辱千古者乎嘗見歐陽公與劉道原  
手簡云某今日不入正爲凌晨稍涼爲江氏作誌幸語  
其家勿相煎又一簡云承見諭某爲之翰家遣僕坐門  
下要誌銘所以兩日全不能至局大熱如此又家中小  
兒女多不安更爲人家驅逼作文字何時免此老業江  
氏鄰幾之家之翰孫甫也杜甫云能事不受相促迫二  
家子弟豈知此乎

王象先于鵝溪絹上作山水不如意急湔去故墨再三揮染卽有悟後作畫多復滌去或以細石磨絹令墨色入絹縷沈珪作墨亦因搗和墨蒸去故膠再入新膠及出灰池而墨堅如石遂悟李氏對膠法

蜀中有一種木彼人呼爲蓐芝其樹常高丈餘不甚增長花小而白每一歲開花次年方結子又次年方熟蓋歷三歲子如楮實有文如龜背味甘酸可食今青城山范仙觀邛州蒲江縣崇真觀皆有之故俗傳以爲仙果蟠桃三千年一實世謂方士誇誕之言以此推之六合

之外世人所不及安知無三千年一實者哉

原註蓂烏  
恢切或呼

爲瓊芝蓋語之訛也故  
臨邛記只作蓂芝也

沅湘間多山農家惟植粟且多在岡阜每欲布種時則  
先伐其林木縱火焚之俟其成灰卽布種于其間如是  
則所收必倍蓋史所謂刀耕火種也



雲谷雜紀卷四

終

雲谷雜紀卷末

張右史特薦狀

朝議大夫直龍圖閣權知安慶軍府兼管內勸農營田  
屯田事臣張嗣古臣猥以迂愚繆當郡寄補苴罅漏粗  
竭瑣材退念簿書渙浚不足仰圖報稱惟有搜採人材  
上備選擇庶幾不負公朝甄錄之意臣伏覩迪功郎監  
安慶府樅陽鎮監轄倉庫兼煙火公事張湔資稟粹明  
學問該洽當官而行惟義之適廉介公勤不激不隨蒞  
事三年備罄勞能凡本府委送剖決民訟毫分縷析多

得其情而退然無營不自表暴前守楊楫漕臣錢文子  
皆器遇之稍加識拔必有可觀臣愚欲望睿慈特賜旌  
擢如後不稱所舉臣甘坐繆舉之罰須至奏聞者右謹  
錄奏聞伏候勅旨嘉定六年正月日奏狀

章尙書舉充學問該博可備顧問科奏狀

寶謨閣學士太中大夫提舉隆興府玉隆萬壽宮建安  
郡開國侯食邑一千二百戶臣章穎准格節文職自觀  
文殿大學士至待制每歲聽于十科內舉三人者右臣  
伏覩迪功郎監潭州永豐倉張湜學術該通記問宏博



今保舉堪充學問該博可備顧問科如蒙朝廷擢用後  
不如所舉臣甘伏繆舉之罪臣契勘嘉定十年分未曾  
舉人所舉張湔係是嘉定十年合舉第一員之數本官  
見在任謹錄奏聞伏候勅旨嘉定十年正月十一日奏  
狀

蕭尙書舉充學問該博可備顧問科奏狀

寶文閣直學士正議大夫提舉隆興府玉隆萬壽宮臣  
蕭達准格節文職自觀文殿大學士至待制每歲許于  
十科內舉三人右臣伏覩迪功郎監潭州永豐倉張湔

性姿恬靜學問該深博考羣書多所是正尙淹常調未  
決公言臣今保舉堪充學問該博可備顧問科如蒙朝  
廷擢用後犯正入已贓臣甘伏朝典其人在朝無食人  
祿臣照得嘉定十年分合于十科內舉三人已舉過一  
員外今來舉張淠係第二員合舉之數謹錄奏聞伏候  
勅旨嘉定十年十二月十四日奏狀

趙尙書舉充學問該博可備顧問科奏狀

宣奉大夫天永郡開國侯食邑一千四百戶食實封一  
百戶臣趙善堅准慶元令格節文應寄祿官自特進至

太中大夫每歲許于十科內舉三人者右臣伏覩迪功  
郎前監潭州永豐倉張湔學問淵深操履端潔俾居獻  
納必有可觀今保舉充學問該博可備顧問科照得張  
湔前任監潭州永豐倉三考滿罷如蒙朝廷擢用後不  
如所舉及犯正人已贓臣甘伏朝典伏候勅旨嘉定十  
一年五月十七日奏狀

昔王原叔辯婁碑劉原父言入閤儀雖歐陽公亦歎服  
之則知博物洽聞之士世不易得而自昔以爲重也嘉  
定庚午予假守龍舒始識張君清源一見知其非碌碌



餘子比時愧倥傯不暇與之款曲他日以職事之郡試與之言凡予平生所得而未嘗與人言者清源悉能道之其于書傳間辯正譌謬旁證遠引博而且確非胷中有萬卷書未易至此予旣嘉其爲人且慮其溺心于是反緩其所當行者因謂之曰士之于學非徒曰聞見博而已今旣從仕要當究心政事以行其所學毋專于誦說可乎清源曰唯會旁郡有訟析貲者幾二十年不決部使者下之郡予因以屬之清源一閱文牘曰得之矣卽呼二人者叩之甲曰某三衢人也紹興十三年從兄

嘗鬻祖產得銀帛楮券若干悉輦而商且書約期他日  
復置如初兄後以其貲買田于淮不復歸今兄雖亡元  
約固存于法當析乙曰父存而叔未嘗及此父死之後  
忽稱爲約實爲不可清源曰此固然也抑豈足以折其  
姦而服其心哉復呼甲至謂之曰按國史紹興三十年  
後方用楮幣不應十三年汝家已預有若干汝約僞矣  
甲不能對其訟遂決又有訟田者餘五十年屢置對而  
不得其理清源驗其券乃政和五年龍舒民與陶龍圖  
者爲市因訊之曰此呼龍圖者謂何人曰祖父也清源

曰政和三年五甲登第于法不過簿尉耳不應越二年  
已呼龍圖此券紹興間僞爲以誣人尙何言哉其人遂  
俯服衆皆駭歎其他類此者甚多雖其敏識過人亦平  
時記問爲之助予始愧前之知清源者猶淺也會予持  
憲湘南欲請于朝以清源自隨清源以不便親爲辭予  
亦不敢強相別于宿松道中清源有詩云今朝執手難  
言處此去傾懷更有誰讀之殊不勝懷因取其所著雜  
紀識于後庶知予與清源非苟相知者也嘉定五年三  
月長樂楊楫書



春秋之世諸國交聘之際莫不觀應對于言辭之間覘  
賢否于威儀之頃問事以不知爲恥歌詩以不類爲非  
絳縣老人甲子之疑吏走問于朝師曠知其爲狄伐魯  
之年史趙以亥有二首六身爲言而士文伯知其爲二  
萬二千六百有六旬晉之諸賢各致其所聞而鄰國之  
諸侯皆知晉之有人噫學識于人不可無也如此金華  
張君清源年方盛而學愈進如百川之方至而不可禦  
郎中楊公通老篤學力行之士也一見而器之爲識其  
雲谷之編其所以期望于清源者豈止此哉穎嘗謂自

伏羲始畫八卦由是文籍生焉夫子屋壁之藏固已多  
于河洛之圖書諸子鼓吹之作尤盛于洙泗之簡編自  
科斗而爲隸古由傳授而失本真字畫之差殊篇章之  
淆亂與夫方言南北之殊地志古今之異鳥獸草木之  
夥器用名物之瑣細記錄之紛紜傳寫之脫略或一物  
而異名或一事而互見或一書成而糾繆繼之或一說  
出而辯誤隨之史籍所載不同于金石耳目所接或殊  
于簡牘清源悉從而纂輯之加訂正焉其爲書亦博矣  
穎自志學以來年少氣銳之時涉獵閎博浩無津涯蓋

晚而後悔其日力之可惜也清源以爲學之餘力致意如此它日之所編當且十倍于今雖然清源方策足榮途官無崇卑皆有職業君子思不出其位則吾之所職者皆在所深長思也研覈事情之隱蹟而握其機審稽利害之源委而求其實清源必優爲之穎蓋以此書而占之矣嘉定甲戌臘日寶謨閣學士太中大夫提舉隆興府玉隆萬壽宮章穎序

張清源篤志苦學出入羣書援據殫洽欲于周丞相洪內翰中間更展一席地非凡材也余素以寡陋自媿垂



皇朝文獻通考卷之六  
盡殘年僅得親近其論日聞所未聞不亦快哉泊宅編  
載張安道花書名事恐誤當更考正葉適題


予自幼無他好獨嗜書之癖根著膠固與日加益每獲  
一異書則津津喜見眉宇意世間所謂樂事無以易此  
雖陰陽方伎種植醫卜之法輒軒稗官黃老浮圖之書  
可以娛閒暇而資見聞者悉讀而不厭至其牴牾訛謬  
處輒隨所見爲辯正之獨學孤陋詎敢自以爲然以故  
棄而弗錄他日閱洪文敏公容齋隨筆往往多予所欲  
言者乃知理之所在初何間于智愚哉而公以戊爲武


謂司天之詔朱溫以秋寺兩聲之句爲李頎所作怪賞  
魚袋之名不可曉言玉藥花至彌亘山野如此之類亦  
疑公考之未詳深恨其生也晚不得陪公談塵丐一言  
以祛所惑太息之餘曩之貯積于方寸間者于是悉索  
言之非敢以千慮一得爲誇蓋將識所疑而求諸博聞  
之士相與質正焉凡同于隨筆者不錄又往歲嘗紀所  
聞雜事數條因取而合爲一編雜然無復詮次故目之  
曰雜紀時嘉定歲在元默涪灘仲春單父張淏清源識


雲谷雜紀卷末

終















海山經

青嶺鳳麟

龍虎



PL  
2457  
P29  
v.49  
龍筋鳳髓判注序

武定小隱劉允鵬撰

往予癸未仲冬之夕夢立庭外倏然紫綠異雀數十百  
千環室爭飛已而怒入雲際卽羣雀中忽翻出一大鳥  
兩翮騫翥尾如曳彗時海日方朔背有珠華掩映披流  
陸離絡繹晃難爲相人訇言此鳳也予聞而欣然張目  
盱之曰生平願見麒麟鳳凰今果一遇之夢閒嗟羨無  
已覺來疑詫未審何祥也洎讀唐書見張鷟兒時夢紫  
文大鳥止其家祖曰按五色赤文鳳也紫文鸞鷟也兒

殆以文章瑞朝廷因命爲名後果文擅一時茲判蓋其一也予感夢有偶符且於其判篤好之以此晨夕誦弄不輟顧辭極藻綯又用事奧蹟往往不得其所出每懷愧悶肆暇中檢涉百氏有所合亟系之句下積之久久其系浸多總前後一閱識遂油油起較之前時大有開通處乃不忍棄捐猥瀆之冊摛爲四本標曰龍筋鳳髓判注夫龍筋鳳髓本舊名不知肇伊何時注乃予之妄也中間缺略而失攷近似而強附擁腫而斲或不盡疵澣而滌猶未潔非曰無之然而瓊萼玉英珍寶之府冰

縑霞綺錦繡之林將亦得竊瓌麗焉是用揚摧以便我  
幼子童孫同不暇忌客之胡盧於逆來也明嘉靖二十  
七年春二月謹序

重刻龍筋鳳髓判注跋

予束髮治舉子業時先嚴中林君卽命讀張文成判及  
蘇長公表曰是先資之筌蹄也予不肖因卒業焉顧蘇  
表自易解乃文成判雖甚膾炙而罔有醅往往食不知  
味晚得棣郡劉敬虛氏所爲注心悅之因攜之官授梓  
於柏人魏司馬公家塾洎過白下給諫劉君維衡索是



編曰何不益廣厥傳遂手校復畀書林周氏刻焉或謂  
壯夫愬志於雕蟲頑士參工於鏤鳳以若所爲無亦是  
哉噫不然世方極泰家自多賢什襲燕石而千金敝帚  
按劍明月而土苴瑠璣驚情於靡所庸之地視是書之  
傳奚若也乃作者議法之得失與注者用事之先後則  
有宋洪景廬之評洎敬虛氏之自序在無容予喙矣萬  
歷乙酉夏五奉政大夫南司農郎中渤海張延廷君簡  
甫書

復刻龍筋鳳髓判注序

夫藝林一語嫩踰禁巒斑管片言芳同芍藥故馮真寫  
臆度金石而俱鏗撫實攄辭並貞明而不毀沉乎據案  
濡毫臨時措語凶吉繇乎揮灑升墜繫於毫芒苟非鑑  
出至明洞無遺照何以厭人心於一世樹公論於千載  
乎故並判爲士尙盛自前朝而取列諸科制仍昭代蓋  
自服官蒞事勢所當工逢掖待揚理宜先熟者也浮休  
高致雅著斯編世學迂疏莫探其委及我鄉敬虛劉君  
博極羣書貫淹百氏因精加傳醒系以繇來俾尋言展  
帙昭若發矇是殆深有功於後學而必傳於來世者也

左海張君向令柏人爰重斯編鋟之邑治及南領司農  
復授剗劂益表德彰潛孳孳若渴其視南游闕篋密置  
論衡東閣函奇妄生紉論者大有逕庭矣予夙湛荒陋  
不習吏言晚邁此書不堪釋手殆若氛埃旣擾披沆瀣  
以開顏芹蕨方深進膾炙而忘飽持是以往其爲資者  
不旣博乎後之學者誦法於斯亦當有觀感而興焉其  
無忘於二先生之功也已萬歷乙酉二月賜進士第南  
京吏科給事中長山劉一相維衡撰

劉氏龍筋鳳髓判注舊刻本頗不易得同邑王進士



宗炎假仁和沈氏藏本募胥轉錄舛脫不可卒讀何  
孝廉其茲依王本手錄輒復隨意更定余以何本既  
非劉氏之舊而劉氏原註亦時有未安者因爲補苴  
逸義翦落浮詞雖未還夫舊觀聊有裨於初學博雅  
君子恕其陋妄益所未逮抑有厚幸焉嘉慶十有六  
年立秋後九日蕭山陳春識於湖海樓

正江蘇蘇州府崑山縣知縣

正江蘇蘇州府崑山縣知縣

正江蘇蘇州府崑山縣知縣

正江蘇蘇州府崑山縣知縣

正江蘇蘇州府崑山縣知縣

正江蘇蘇州府崑山縣知縣

龍筋鳳髓判目錄

卷一

中書省

門下省

公主

御史臺

尚書都省

吏部

考功

司勳

主爵

戶部

工部

倉部

卷二



禮部

祠部

主客

兵部

國子監

少府監

將作監

水衡監

沙苑監

苑總監

內侍省

卷三

修史館

金吾衛

左右羽林衛

左右衛

左右千牛衛

左右監門衛

左右屯衛

左右武衛

左右領軍衛

左右驍衛

卷四

左右衛率府

太廟

郊社

太樂

鼓吹

太卜

太醫

太史

刻漏

良醞

太官

掌醢

珍羞

藉田

親蠶

導官

勾盾

附錄

左右衛將軍

軍器監



龍筋鳳髓判卷之一

唐張鷟撰

明武定劉允鵬敬虛原註

國朝蕭山陳春東為補正

中書省二條

漢武帝始置中書令魏晉以下始置省唐因之

中書舍人王秀漏洩機密斷絞秀不伏款於掌事

張會處傳得語秀合是從會款所傳是實亦非大

事不伏科

鳳池清切

杜佑通典中書省謂之鳳皇池

雞樹深嚴

魏晉世語殿中有雞棲樹初學記韋

承慶中書省詩清切鳳皇池扶疏雞樹枝

敷奏帝俞

書敷奏以言又帝曰俞

對揚休命

詩對揚王休左傳奉

召為內史流雅譽於周年

史記召公奭支

庶皆為周卿士爾

荀作令君振芳塵於魏闕

魏志荀彧為漢侍中

雅歲名周曰年

守尚書令或別傳司馬宣王常稱數

張會掌機右掖務

十年閒賢才未有如荀令君者也

在便蕃

唐書宣政殿有兩掖中書省在右稱右掖左傳魏絳引詩曰便蕃左右

王秀負版

中書情惟密勿

孔安國論語註負版者持邦國之圖籍也文獻通考漢置中書令蓋周官內史

之職也以其總掌禁中書記故謂之

理宜克清克慎慕

中書漢書劉向引詩曰密勿從事

金人以緘口

家語孔子入后稷廟有金人三緘其口銘其背曰古之慎言人也王隱晉書李秉家

誠曰為官長當

一德一心仰星街而卷舌

書乃一德一清當慎當勤

清當慎當勤

開天街也晉書天文志卷舌六星在昴北主口

溫樹之

語以知讒佞也揚雄解嘲欲談者卷舌而同聲

號問且無言

漢書孔光典樞機十餘年或問溫室省中樹光不應

惡木之陰過而

不息

管子士懷耿介之心不蔭惡木之枝陸機猛虎行熱不息惡木陰

豈得漏秦相之

車騎故犯疏羅

史記秦始皇幸驪山宮望見丞相李斯車騎衆弗善也或告丞相後損車騎始

皇怒曰此中人泄吾言捕在旁者誅之

盜魏將之兵符自輕刑典

史記秦伐趙魏

使將軍晉鄙救趙公子無忌從侯生計請如姬盜兵符殺鄙進軍擊秦兵

張會過言出口駟

馬無追

鄧析子一言而非駟馬不能追

王秀轉泄於人三章莫捨

左傳言語

漏泄職汝之由漢書高祖約法三章

若潛謀討襲理實不容漏彼諸蕃情

更難恕非密既非大事法許准法勿論待得指歸方可

裁決



通事舍人崔暹奏事口誤御史彈付法大理斷笞三十徵銅四斤暹款奏事雖誤不失事意不伏徵

銅

崔暹風神爽俊詞彩抑揚雅調疏通清音朗徹裴楷之

英姿肅肅朝野羽儀

晉書裴楷風神高邁容儀俊爽時謂之玉人易鴻漸於陸其羽可用

為儀班固幽通

魏舒之容止堂堂羣寮領袖

晉書魏舒

賦羽儀上京

領袖自可曳裾紫禁

漢書鄒陽云何王之門不可以曳長裾謝莊宣貴妃諫收華紫禁李善注

王者之宮象紫微故謂宮中為紫禁

伏奏青規

漢書史丹為侍中諫元帝廢太子頓首伏青蒲上應

劭注以青規地曰青蒲

助朝廷之光輝贊明時之喉舌

書龍命汝作純言孔

注納言喉舌之官詩出納王命王之喉舌後漢書李

周云國家有尚書猶天有北斗主為喉舌斟酌元氣芝

泥發彩宣鳳藻而騰文河圖舜即位黃龍負圖置舜前以黃玉為柙白玉為檢黃金為

繩紫芝為泥章曰天黃帝符蘭檢浮香潤龍縑而動色

璽江淹別賦露下地而騰文文以授黃帝初學記古者以縑帛作書長短隨事截之

河圖黃帝至翠嬀泉大盧魚折溜而至汎白圖蘭葉朱

豈容金馬之對未被譽稱漢書公孫宏對策天子神羊擢為第一待詔金馬門

之威俄聞奏劾後漢書輿服志解豸神羊也能別曲直楚王嘗獲之以為冠秦滅楚以其冠賜

御史罰金既羅於疏網漢書犯蹕當罰金老子天網恢恢疏而不漏曹植責躬詩表天

網不可重羅辨璧無舍於明珠抱朴子識珍者必拾濁水之明珠過誤被彈

止當答罪不失事意自合無辜詩無罪無辜雖觸凝霜崔篆御史

歲簡上

理宐清雪

霜凝

門下省二條

漢謂之侍中寺晉給事黃門郎與侍中俱管門下事因謂之門下省

給事中楊珍奏狀錯以崔午為崔牛斷笞四十徵

銅四斤不伏

沈沈青瑣

史記陳涉世家夥頤涉之為王沈沈者應劭注沈沈宮室深邃之貌漢官儀黃門郎日暮

向青瑣門拜謂之夕郎注青瑣戶

邊青縷也刻為連瑣文而青塗也

肅肅黃樞

盧諶宣徽賦楊朝隱

於黃樞注楊雄為黃

望重鸞司

初學記門下省唐改日鸞臺

任光龍

門郎三葉不徒官

作書龍作

掌壺負璽步頓於是生光

齊職儀孔安國為侍中掌御唾壺環

納言

濟要畧侍中古官也大駕出則負璽

左貂右蟬揖讓由

以從左思魏都賦習步頓以升降



其動價

漢官儀侍中冠惠文冠加金璫附蟬為文貂尾為飾謂之貂蟬董巴與服志蟬取居高飲高貂

取內勁悍外溫潤

楊珍門承積閼

史記注明其等曰閼積其功曰閼

榮重搢紳

史記搢紳先生注

趨左掖之嚴凝

顏師古漢書注掖門在兩旁如人臂掖按

唐書宣政殿有兩掖門下省在左故稱左掖

奏上臺之清切

初學記唐龍朔初改侍中為東

臺在左按上臺即東臺也

出納王命職當喉舌之官

注見中書省篇

光闡帝

猷佐處腹心之地

盧諶贈劉琨詩光闡遠韻王融曲水詩序紹清和於帝猷詩公侯腹心

恪勤之譽未出於丹闈

後漢書胡廣恪勤職事爾雅官中門謂之闈

舛繆之

愆書繩愆糾繆

已塵於清憲

爾雅憲法也

馬字點少尙懼亡身

漢書

石建為郎中令奏事書下讀之驚恐曰書馬者與尾而五今乃四不足一獲譴死矣注馬字下曲者為尾并四

點為四  
足凡五人名不同難為逃責准犯既非切害原情理或

可容何者寧失不經宥過無大書大禹謨文崔牛崔午即欲

論辜甲申甲由如何定罪

左補闕陳遂司制勅知勅書有誤不奏輒改所改

之次與元勅同付法不伏

陳遂繆司綸綽禮記王言如絲其出如綸王言如綸其出如綽北史薛道衡典司綸綽忝

掌樞機見中書省篇溫樹注參詳蘭葉之文見中書省篇蘭檢注宣越芝英

之字初學記蕭子良古今篆隸文體有芝英書拾遺補闕躡山甫之清塵漢官

儀侍中與帝升降拾遺補闕詩袞職有關仲山甫補之楚辭問赤松之清塵獻可替否尋晏

嬰之勝迹

漢官儀散騎及中常侍獻可替否左傳晏子曰君所謂可而有否焉臣獻其否以成其可

君所謂否而有可焉

設令魚魯絕繆理合上聞

抱朴子書三寫

魚成魯

豕亥參差無疑下斷

呂氏春秋有讀史記者曰晉師三豕渡河子夏曰非

也是己亥也夫己與三相近豕與亥相似

豈容斟酌聖意加減繇言用寸管

以窺天持小瓠而測海

東方朔答客難以管窺天以蠡測海張晏注蠡瓠瓢莊子用管

窺天不亦小乎釋三藏法師傳寸管不可窺天寸蠡難為酌水

未經上白

廣韻白告也

輒敢

雌黃

晉陽秋王衍能言於意有不安者輒更易之時號

雌黃口中雌黃夢溪筆談館閣新書淨本有誤書處以

定字雖復無差據罪終須結正入

雌黃塗之名醫別錄

雌黃與雄黃同山生

十之杖自作難逃三千之條

書五刑之屬三千

理宜明罰

易明罰勅



法

公主二條

周天子嫁女於諸侯不自主婚必使諸侯同姓者主之故謂之公主

永安公主出降有司奏禮錢加長公主二十萬

漢書

帝女為公主帝姊妹為長公主

造第宅所費亦加之羣下有疑

金機札札靈嫫皎潔於雲間

文選古詩皎皎河漢女札札弄機杼注札札機杼聲

左傳有星出於嫫女杜預注星占嫫女為既嫁之女織女為處女謝靈運詠牛女詩雲漢有靈匹

銀漢

亭亭少女倭遲於巽位

初學記天河謂之天漢亦曰銀漢按少女即星占處女也毛萇

詩傳倭遲歷遠之貌易巽東南也陸機擬古詩織女東南傾大戴禮夏小正七月初昏織女正東向故瀟

湘帝子乘洞浦而揚波

謝朓詩瀟湘帝子游山海經洞庭之山帝之二女居之是常游

於江淵澧沅之風交瀟湘之水郭璞注二女游戲能令  
風波之氣其相交通言其靈蠻也說文浦水濱也按洞  
浦洞庭之濱也吳越春秋子胥死吳王  
投之江子胥因隨流揚波成濤激岸  
巫峽仙妃映高

唐而散雨

酈道元水經注江水東逕而歷巫縣巫谿又

十里謂之巫峽宋玉高唐賦序先王之游高唐夢一婦  
人王幸之去而辭曰妾在巫山之陽高邱之阻且爲行

雲暮爲

公主穠華發彩

詩何彼穠矣唐棣之華鄭  
元箋喻王姬顏色之美盛

行雨

詩有女同車顏如薜

六珈玉步之辰

詩副笄六珈

延祥華鄭箋承華者蓂也

百兩香飛之日

詩百兩將之毛傳

珈笄飾六珈飾之有

百兩香飛之日

詩百兩將之毛傳

記張文恭七夕詩雲路七香飛杜陽雜編漢唐公主下

降乘七寶步輦四面綴香囊皆貯辟邪香瑞麟香異國

所王公主婚見

唐牛鳳岐受圖溫洛詩微

獻

上鵷鸞接羽

臣矯羽翮扑舞接鵷鸞

百

百

枝燈燭光沁水之田園

漢書金枝秀華注金枝銅燈百二十枚晉孫惠百枝燈賦煜若

雲亭爛已星布後漢書竇憲女弟立為皇后

萬轉笙等

憲恃宮掖聲勢以賤直請沁水公主園田

萬轉笙等

雜平陽之歌舞

漢書孝武衛皇后字子夫為平陽公主

因送入宮李適長寧公主東莊侍

玲瓏玉佩振霞錦於

宴詩歌舞平陽第園亭沁水林

玲瓏玉佩振霞錦於

仙衣

漢武內傳上元夫人帶六出火玉之佩王子年

耀花冠點星珠於寶勝

漢武內傳上元夫人戴九星靈

有人戴勝名曰西王母郭

飛鸞鏡匣向滿月以開輪

注勝玉勝也婦人首飾

飛鸞鏡匣向滿月以開輪

義山詩舞鸞鏡匣收殘黛異苑鬪賓國王得一鸞三仙

年不鳴夫人日嘗聞見類則鳴懸鏡照之靚影悲鳴

鳳樓臺映浮雲而寫蓋

唐李父長寧公主東莊侍宴詩



蕭秦穆公以弄玉妻焉遂教弄玉吹作鳳鳴鳳來集公為作鳳臺一旦飛去弄珠分態江姝

為之含嘖韓詩內傳鄭交甫過漢皋遇二女珮兩珠交甫請珮二女解與之去十步珮亡女亦不見

張衡南都賦游女弄珠於漢皋之曲郭璞江賦江妃含嘖而歸眇飛箭成婚天公為之

蹙笑仙傳拾遺王公與一玉女投壺箭有不入者天為之嘻噓注嘻噓開口而笑神異經東王公與玉女

投壺設有不接天為之笑開口流光金電是也肅離之制須異常倫詩序何彼穠矣美王

姬成肅雍之德江淹雜詩高步超常倫築館之規特優恆典春秋築王姬之館於外

小不加大必上下和平卑不凌尊則親疏順序左傳少凌長小

加大逆也先帝女之儀注舊有章程漢書高祖令張蒼定章程少公主之

禮容豈容逾越春秋考異郵飾禮容成文法左傳逾越險阻

山陽公主為子求內官親得侍衛

山陽分輝若木

山海經洞野之山有赤樹青葉赤華名曰若木郭注其華光赤下照地派

浪咸池

史記咸池曰天五潢五帝居舍也凡宗室之家皆謂之天潢魏王固表疏派天潢

七襄

之駕既嚴

詩跋彼織女終日七襄鄭箋襄駕也駕謂更其肆也從旦至暮七辰一移因謂之七襄

萬金之禮斯盛張敖勳舊竊湯沐之微滋

漢書宣平侯張敖尚高祖

女魯元公主又齊王獻

實固名宗霑脂粉之餘潤

後漢書竇

城陽郡為公主湯沐邑

固尚光武女涅陽公主肅宗即位加號長公主增邑三千戶竇氏一公兩侯三公主自祖及孫官府邸第相望

親戚功臣中

但任人以器有國之大經

禮記中庸經綸天下之大經

莫與為比

官不私親前王之令範拜官牀下時聞丞相之男

漢書張禹

成帝朝丞相有疾帝自臨問之禹有少子在側帝即禹牀下拜為黃門郎乞衛宮中惟允左

師之息戰國策左師觸讐請趙太后曰老臣賤息願令補黑衣之數以衛王宮太后曰敬諾注息子也

燕王之請身入侍竟不從依漢書燕刺王旦武帝第三子也衛太子敗上書求入

侍帝怒下其使獄由是惡旦館陶之為子求郎終無允許後漢書館陶公主為

子求郎明帝不許曰郎官上應列宿是以難之若有言有行胡越可以正除論語

言寡尤行寡悔祿在其中矣鄒陽獄中無德無功昆弟

書意合則胡越為昆弟由余子臧是也

豈容濫及周禮以德詔爵以功詔祿左傳宐銓其器識

唐書士之致遠者當先器識而後才藝察其廉能周禮小宰以六計待得弊羣吏二日廉能

實才方可詳擇



御史臺二條

御史之名周官有之秦漢始為糾察之官所居之署謂之憲臺

御史王銓奉勅權衡州司馬鍾建未返制命輒干

他事解耒陽縣令張泰泰不伏

棲鳥之府地凜冽而風生

漢書朱博為御史大夫其府列柏樹常有野鳥數千棲宿

其上李白大獵賦寒氣凜冽晉書傳元每有秦劾或值日暮捧白簡以待旦臺閣風生

避馬之臺

氣威稜而霜動

後漢書桓典拜侍御史常乘驄馬京師畏憚為之語曰行行且止避驄馬御史

漢官儀御史為憲臺漢書武帝謂李廣曰威稜懾於隣國李奇注神靈之威曰稜杜佑通典御史風霜之任

懲奸疾惡實藉嚴明肅政彈非誠宐允列

北齊書御史臺掌糾察彈

劾

王銓政參持斧

漢書武帝遣暴勝之等為直指使者衣繡持斧

職在埋輪

後漢

書張綱為御史漢安元年遣徇行風俗埋其車輪於洛陽都亭奏大將軍冀河南尹不疑無君之心十五事

履暴勝之清微見上乘葛豐之雅烈前漢書諸葛豐特立剛直刺舉無所避京

師語曰閒河冠施鐵柱貴戚傷心漢官儀御史冠法冠以鐵為柱言其審固

不花發繡衣姦豪斂手漢書武帝時有繡衣直指使者注衣以繡者尊寵之也後漢書

鮑永鮑恢抗直不避權貴光武近辭端右唐書侍御史號臺端人稱

嘗曰貴戚且斂手以避二鮑之曰遠屈衡陽淮南子至於衡陽注衡山之陽聯翩紫蓋之峰魏曹植白馬篇

白馬飾金羈聯翩西北馳初學迢遞蒼梧之野山海經記衡山有三峰其一曰紫蓋南方蒼

梧之邱漢書有蒼梧郡嵇但御史推覈受委非輕有罪康琴賦指蒼梧之迢遞

必繩無幽不察唐臺儀御史察隱微之罪神羊竦角必觸邪人後漢書獬

多神羊能別曲直神異經解鴈性忠見邪鷺隼驚飛先  
則觸之唐太和勅憲官之職在指佞觸邪  
驅惡鳥禮記月令季夏行冬令則鷹隼早鷺李善文選注鷺擊之鳥通呼曰隼說文鷺擊殺鳥也从鳥  
執聲取其執服衆鳥蘇味道贈御史詩雖當擊隼推鍾  
法復觀落鴈歸曹子建集有惡鳥論惡鳥謂梟也  
建之罪特奉繇言舉張泰之辜無虧格式正當直指豈  
是輒干准犯量科宜從解退

御史嚴宣前任洪洞縣尉日被長史田順鞭之宣  
爲御史彈順受贓二百貫勘當是實順訴宣挾私  
彈事勘問宣挾私有實順受贓不虛

田順題輿晉望

後漢書周璟辟陳蕃爲別駕題其讓佩輿曰陳仲舉座爾雅梁山晉望也



汾陽晉書呂虔有佩刀人相之以爲必登三公可佩此

書汾水出汾陽北山按唐有汾州作貳分城古詩四十

後有汾陽軍順蓋汾州長史云專城居按

順爲長史羣杜甫長史詩半刺已翺翔晉庾

貳故稱分城參榮半刺亮答郭遜書別駕舊與刺史別

乘其任居刺史之半按秦置郡丞以佐太守在邊爲長

史漢設別駕至唐太宗乃改別駕爲長史田順長史也

故判中於別性非卓茂後漢書卓茂遷密令有言所

駕事通用部亭長受米肉茂笑而不答

甚常林魏畧常林性嚴爲少府夜擣

陽秋晉王承爲東海吏錄一犯夜人云從師讀書不覺

日暮承曰鞭撻甯戚以振威名非政理之本送令歸家

辱何夔而逞志魏志太祖性嚴椽屬公事往往加杖何

嚴宣昔爲縣尉後漢書尉大縣

雌二人小縣一人

伏喬元之班後漢書

趙溫曰

大丈夫當雄飛安能雌伏又  
今踐憲司五代會要御史執憲之司雄

飛杜林之位後漢書鄭興傳侍御史杜林先與興同寓隴右乃薦之祁奚薦舉不

避親讎左傳祁奚請老晉侯問嗣焉稱解狐其讐也又問對曰午也可君子謂祁奚能舉善矣稱其讐

不為諂立其子不為比鮑永繩愆寧論貴賤見前篇花發繡衣注許揚大辟

書大辟之屬其罰二百詎顧微嫌振白鷺之清塵糺黃魚之濁政

唐臺儀御史以鷺羽飾車取白鷺見泉中魚象御史察隱微之罪吳志刺史朱符多以鄉人分作長吏侵虐百

姓疆賦於民黃魚一枚收稻一斛貪殘有核詩序貪贓狀非虛此乃為

國鋤克春秋合誠圖豈是挾私彈事二百鎚坐漢書注鎚錢貫

也法有常科三千獄條刑茲罔赦

尚書都省二條

尚書秦官也在殿中主發書故號尚書北齊立尚書省唐因之

左司郎中

唐於尚書省設左司郎中二人

許鑑飲酒停制勅依

問款遇霍亂不得判署遂失機

鏘鏘會府

周禮司會鄭元注會大計也司會主天下之大計若今之尚書

掌北斗之機

衡

北斗見中書省第二篇注書在璿璣玉衡

肅肅禮闈

任昉王文憲集序出人禮闈李善注十洲

記曰崇禮門即尚書上省門建禮門即尚書下舍門尚書省二門名禮故曰禮闈

握南宮之樞

與

漢書天文志南宮二十五星按漢建尚書百官府曰南宮

是稱仙宇

司馬彪續漢書尚書省在

神仙門內初學

實號文昌

初學記天文志斗魁六星曰文昌宮荀綽晉百官表注尚

書是謂文昌天府唐書職官志唐改尚書省為中臺亦曰文昌臺

虞書典百揆之宗

書納



於百揆孔注揆度周禮統六卿之職周禮乃立天官冢

也正義百揆官名邦治以佐王均邦國鄭司許鑑位膺列宿後漢書郎官

農云邦治謂總六官之職職綰通班說文綰繫也劉知幾史通忤總入座之繁司

職綰通班時篇僕少小從事早躡通班初學記光武分尚書為六曹承萬機之要務書一日二

并一令一僕射謂之八座漢書尚書端標指影檢局虧違置治和鈞糾繩稽失舉

敷奏萬機宏綱於鳥綱則萬目皆張振修領於狐裘則千毛自整

魏志崔林議考課之法萬目不張舉其綱兢兢戒慎尚

衆毛不整振其領惟在守一勿失而已兢兢戒慎尚

有差違書兢兢業業孔注兢兢翼翼小心仍憂失墜詩小

翼太公金匱湯之居人上翼翼乎懼不敢息豈得不存恭肅書恭作肅東觀

漢記竇融有子

年十五教以經藝  
欲令恭肅畏上  
自縱荒淫  
韋孟諷諫詩序王放曠鸚

鵠之杯  
劉琨答盧諶詩序近嘉阮生之放曠薛道衡戲

杯頭如鳥頭向其腹  
淹停鳳凰之制  
陸翽鄴中記石季

視如鸚鵡故以為名  
紙啣於木鳳凰口中侍人恪居官次異文惠之勤公  
左

敬恭朝夕恪居官次杜注次舍也  
魏志高柔職務不修

同景山之中聖  
魏志徐邈字景山為尚書郎冗醉趙達

怒鮮于輔曰醉客謂酒清者為  
聖人濁者為賢人邈醉言耳  
紿云霍亂末可依憑滯

失機宜理從明憲

令史

掌吏籍尚書  
六部通議

王隆每受路州文書皆納賄錢

被御史彈付法計贓十五疋斷絞不伏

王隆忝沾趨吏

慎子趨事之有司賤也

幸列胥徒

鄭元周禮注胥有才智為什長

徒給使役故一胥十徒也

祿雖給於斗儲

左思詠史詩外望無寸祿內顧無斗儲

官未

階於尺木

趙煜獻帝春秋龍欲翬天先階尺木段成式酉陽雜俎龍頭上有一物如博山形名曰尺

木龍無尺木不能昇天

雞卵之饌雖避嫌疑

史記苟變為吏食人二雞卵魏侯勿用

驚目之錢若為窺覘

裴子野宋畧泰始中通私鑄一貫長三寸謂之驚眼錢

每受

一杖皆取百文未申疵面之功

晉書趙孟為尚書令史善清談面有疵點時人

曰萬事不決問疵面

翻起黑頭之患

南史袁昂遷吏部尚書武帝謂曰齊明帝用卿為黑頭尚

書我用卿為白頭

獵青鳧之小利

初學記于寶搜神記曰南方有蟲殺其母

尚書良以多愧



以血塗子以子塗母用錢貨市旋則觸驄馬之嚴威見御

自還名曰青鳧按今搜神記作青蚨史臺篇注因事受財實非通理枉法科罪頗涉深文宜據六

### 贓式明三典

吏部二條

吏部尚書周之天官卿也漢成帝置列曹尚書有常侍曹光武改爲吏部曹主選舉歷代

不一唐興屢有改革卒因之

吏郎侍郎

隋諱中不設郎中置侍郎唐因之開元後選試者皆侍郎持之山巨源

奏稱選人極多缺員全少等邑之色書判不公詞

學優長選號復少望請判事鑑鏤詞理酸寒者雖

有等級十選並放

六卿分職

書六卿分職各率其屬

百官總已

論語百官總已以聽於冢宰

周開

冢宰之司

周禮乃立天官冢宰鄭注百官總焉則謂之冢山頂曰冢

漢列尚書之位

漢書百官表成帝罷中書官初置尚書注尚主也生天下文書故曰尚書

銓衡萬國不易其

人

梁陸倕拜吏部郎表銓衡庶品聲類蒼頡篇銓稱也所以稱物也漢書衡平也

藻鑑九流古

難斯任

杜甫詩持衡留藻鑑李重吏部尚書箴序銓管九流品藻清濁通典分九品官謂之流內

魏則荀攸鑑識毛玠公方

任昉王文憲集序毛玠之公清李重之識會按魏志荀攸

字公達鍾繇言我每思維自謂無以易以咨公達復有過人意又毛玠少為縣吏以公清稱魏國初建以玠為

尚書僕射復典選舉

居晉則裴楷清通王戎簡要

晉書文帝時吏部缺問其人於

鍾會對曰裴楷清通王戎簡要皆其選也

故能轅輪莫棄玉石咸收不求備

於寰中

書無求備於一人

無滯才於天下

世說鍾會見王戎裴楷總角日後二十年

此二賢當爲吏部尚書冀是時天下無復滯才

宏詞碩學不積公勞

沈約宋書名儒碩學

多著作東觀後漢書卿舉里選必累功勞

淺見狹聞多求等級

史記非好學深思心知其

意固難爲淺見寡聞者道也後漢書輿服志尊卑上下各有等級

祇如視肉之輩

法苑珠林

倚慢篇莊子曰人而不學謂之視肉學而不行謂之撮囊按今莊子無此語

篋瑟莫分走骨

之徒狐狸詎辨

桓譚新論鄙人謂狐爲狸以瑟爲篋篋非徒不知狐與瑟乃不知狸與篋也

食梅衣葛無以暴其酸寒

鮑照東門行食梅常苦酸衣葛常苦寒

咀梨餐

荼不足方其辛苦

釋氏涅槃經梨勒果根莖枝葉實悉苦謝眺尚書省詩餐荼更加薺李善

注言雖遇餐荼之苦更同茹薺之甘

鷺鳥累百不如一鶚之雄羊皮數千



考功郎中

魏初置歷代建革不一唐始復舊

呂訥奏比年奏考不

求才行貪猥輩好行賄賂請託多有使勤勞清慎

之徒不事行賂例應排擯若據部當考便成失鑑

若不收勞效又是棄功請為安穩法

同力度德

書泰誓文孔注力均則有德者勝也

為政之大經

注見公主第二篇

明

試以功

書舜典文

經邦之上策

梁陸倕石闕銘謀協上策

三載考績

舜典文孔

注三年有成故以考功

芳塵振於有虞六府孔修

書禹貢文孔注水火金木土穀

甚修

懿範光於大禹故知激揚清濁

漢書贊命之臣靡激揚也尸子水有

四德揚清

才行為先

後漢書士宜以才行為先不可純以閥閱

黜陟幽明

舜典

激濁義也

文正義羣官懼黜

思升各敬其事

勤勞是務

詩序知臣下之勤勞

呂訥含香禮閣

唐書百官志尚書郎含雞舌以其奏事答對欲使氣息芬芳也沈佺期寓直省中詩並命登仙閣通宵直禮閣

按禮閣與禮閣同

見尚書省篇注

染翰仙臺

按漢官儀尚書郎主作文書起草故稱染翰梁王筠

和劉尚書詩仙臺起寒霧按尚書在漢稱

中臺而尚書省在神仙門內故曰仙臺

覺朱邑之廉

漢書朱邑為大司農廉潔守節

知黃霸之尤異

漢書潁川太守黃霸治行尤異賜爵關內

侯恐貪猥之吏政以賄成

左傳文杜注隨財制政

黷貨之夫

左傳隨貨

情隨利動贈金蛇於梁冀

後漢書杜喬傳永昌太守劉君世以金蛇遺梁冀

奔競無厭

晉諸公讚傳宣定九品未訖劉疇代之

馬於虞公

淮南子虞公好寶而晉獻以璧馬釣之按事詳左傳

驕淫不息

書驕淫矜誇將

由惡終遂令濁濫之士卻在上流清慎之徒注見中書省篇翻居

下等蒼蠅迷其黑白曹植贈白馬王詩蒼蠅閒白黑讒巧令親疏詩鄭箋蠅之為蟲汚白

使黑汚黑使白喻素匠枉其丹青周禮考工記凡繪畫

佞人變亂善惡也素匠枉其丹青之事後素功鄭注素

白彩也後布之為其易漬汚有蠹朝章後漢書胡廣達

也法言爰變丹青注喻讒練事體明解朝

章深驚物聽試可詢其政術察以廉能注見公考殿最

於錙銖陸機文賦考殿最於錙銖漢燭妍娉於水鏡魏

帝連珠水不以妍媸殊照道藏定觀經若水鏡之為鑒

則隨物而現形釋金光明經譬如水鏡依於光故空影

得現種種異相自然陳羣考課深明九品之宜魏志陳

空者即是無相自然陳羣考課深明九品之宜羣為尚

書制九品嚴助恭勤尤奉三年之最漢書嚴助拜會稽

官人之法嚴助恭勤尤奉三年之最太守無善聲武帝



召之助恐上書  
願奉三年計最

諸州貢舉悉有保明及其簡試燕濫極多若不量

殿舉主恐奸源漸盛並仰折中處分按唐初以考功郎中監試

貢舉至開元末始

移貢舉於禮部

進賢匡國

周禮大司馬進賢興功以作邦國詩以匡王國

先典攸高

卽遲與陳伯之書不

遠而復先

求賢審官

詩序求賢審官知臣下之勤勞

前王所重或學兼

馬鄭

馬融鄭元也劉勰文心雕龍敷讚聖旨莫若注經馬鄭諸儒宏之已精

蘊萬卷於胸

中

梁書陶宏景讀書萬卷一事不知深以爲恥

或業亞班揚

班固揚雄也魏文帝典論論文

孔融時有所善揚班儔也王僧達祭顏光祿文文蔽班揚

包九流於掌內

後漢書班固九流百

家無不窮究拾遺記張儀蘇秦遇總斯羣義乃應賓廷

見墳典行途無所題記以墨書掌

周禮三年大比考其德行道豈得舉不求才論語舉惟

藝而興賢者能者以禮賓之

力是薦左傳惟力是視朝野僉載崔湜為吏部侍郎掌

求選兵部答曰外議崔貢不求器漢書匡衡才智有餘

侍郎下有力者即得選經學絕倫貢之朝廷

必為惟賕是聞說文賕以財物枉法相謝也晉書庾峻

國器日今山林之士利出一官不聞德讓惟

爵是徒招畫餅之譏注見吏終致舉肥之謂後魏書楊

聞以顏貌取人時諺曰尚書典選似貧人買瓜惟取大者

天寶遺事明皇問李白天后朝任人如何白曰如小兒

市瓜惟揀免絲燕麥抱朴子兔絲初生之根其形如兔

肥大者爾雅薺雀麥郭注即燕麥劉禹錫

集兔葵燕麥竟是虛名古詩虛名草狗泥龍淮南子芻

動搖春風復何益

用之後則壤土草剗而已諸葛亮答杜微書是猶土龍

芻狗之有名也魏志有人問周宣曰吾昨夜夢見芻狗

注芻狗結草為狗也庾信喜晴終非實用雞冠比玉逸

詩已歡無石燕彌欲棄泥龍正部論或問玉符曰赤如雞冠黃如

蒸栗白如猪肪黑如純漆玉之符也乍可依稀魚目參

珠雒書秦失金珠曾何髣髴貢人不充分數舉主自合微

科法有常刑書則有常刑理難逃責

司勳二條周禮有司勳隋立司勳郎唐為司勳郎中等官人之勳級

洛陽人祁元泰賄司勳令徐整作偽勳插入甲奏

大理斷泰為首整為從泰不伏

止戈為武左傳夫文止戈為武注武字之義以止戈也靖亂之嘉謀左傳君務靖亂

龍方鳳道引卷一

六

海山仙館叢書



書爾有嘉

謀嘉猷

左傳

致果為毅

安邊之茂軌疇庸命賞

日庸漢書疇其庸延及子孫注疇

等也功臣子孫襲封與先人等也

將酬犬馬之功

史記

莊青翟曰臣竊

書勞策勳

左傳正義書勞與策勳等

用

不勝犬馬心

答鷹揚之效

詩時惟

祁元泰奸回是務

書崇信

逞狙詐

於千端

漢書狙

徐整乾沒為懷

漢書張湯為小吏乾沒注乾沒射成敗也

縱

狼心於百變

左傳狼子野心後漢書

勳隨筆注官逐賄

成

注見考

將此白丁

魏志詔入栗賜爵白民輸五百石

來無

功名篇

漢書百官公卿表凡吏秩比

雖復龍蛇

白丁

漢書百官公卿表凡吏秩比

共澤

晉書嵇紹

澤實生龍蛇

善惡殊終是雞鶴同羣

初入洛或

謂王戎曰昨稠人中始見嵇  
紹昂昂然若野鶴之在雞羣是非交錯莊子彼亦一是非此亦一是非

整行詐業泰受偽勲兩並日拙為非書作偽心一種雷勞日拙

同獲罪禮記毋雷同執行故造造者自合流刑囑請貨求求

者元無首從

前屯營將軍游最犯賊解官乃於懷遠軍攷勲至

上桂國司勲郎中崔侂奏最犯名教不合加勲左

丞批漢置尚書左右丞唐左丞判省事士有百行可以功過相掩

游最素嫻武畧早習戎昭注見上篇經述爪牙之功詩祈父予王之

爪牙忝當心膂之任書作股不能恪勤在職注見門慮慎下省篇

當懷

禮記君使其臣得志則慎慮而從之

俄擔張武之賊

漢書張武受賂金錢

遽罷

絳侯之職

漢書絳侯周勃免相就國

退從里閭

左思蜀都賦里閭對出劉淵林注閭里門

也江淹恨賦

屏迹邱園

易賁於邱園王弼注失位無應隱處邱園也

卻掃長

門開閉無事

司馬彪續漢書趙壹閉門卻掃非德不交

舊時廷尉徒有箴於

古人

漢書翟公為廷尉賓客填門及罷門外可設崔昔羅後為廷尉乃署其門曰一貴一賤交情乃見

日將軍終見訶於醉尉

漢書李廣屏居藍田嘗夜從一騎出從人田間飲還至亭霸陵

尉醉呵止廣廣騎曰故李將軍尉

因茲結憤應璩與劉公幹書識

日今將軍尚不得夜行何故也

真者所謂憤結

展效邊荒申勁節於龍城

漢書匈奴傳五蕩妖

氛於雁塞

盛宏之荊州記雁塞北接梁州其間東南嶺屬天惟一處下朔雁達塞纔度故名雁塞



蒙輪競進

左傳狄虓彌建大車之輪蒙之以甲以為魯楚詞皆競進以貪婪

拔距爭先

漢書甘延壽善騎射為羽林投石拔距絕於等倫顏師古注拔距者有人連坐相把據地距以為堅而能拔取

之將

宣百戰之勳戰國策徐子曰臣有百戰百勝以贖

九章之罪

漢書蕭何擲撫秦法取其宜於時者作律九章郎中以往愆名教功

未可收左丞以今振其威勞堪補過曩雖貪財好色未

虧吳起之名史記吳起歸魏文侯問諸李克克曰起盜貪財好色然用兵司馬穰苴弗能過也

嫂受金不掩陳平之智

史記絳侯灌嬰等咸讒陳平曰平居家時盜其嫂大王令護軍

平受諸將金魏無知曰奇謀之士其計

誠足以利國家盜嫂受金何足疑乎海浮小芥詎玷

洪波

抱朴子滄海流芥十洲記玉隱微瑕何妨美寶南

溟海無風而洪波百丈

子若珠之有類玉之有瑕其小惡不足以妨大美也如  
梁昭明太子陶淵明集序白璧微瑕惟在閒情一賦如

愚淺見敍錄為宜

主爵二條

左傳晉文公作執秩注執秩主爵秩之官  
北齊置主爵郎中唐初屢有改革卒復之

主爵員外郎

員外郎隋  
置唐因之

梁瓚奏左僕射魏宰無汗

馬勞御史大夫李嘉為佐命功並妄爵也請皆追

奪

疏茅建社

逸周書建大社於國中其壝東青土南赤土  
西白土北醵土中央冒以黃土將建諸侯鑿

取其方一面之土燾以黃  
土苴以白茅以土封之

剪桐開國

史記成王與叔虞  
戲剪桐葉為珪以

封史佚因請遂封  
於唐易開國承家

隆定鼎於昌基

左傳成王定  
鼎於郊鄆

茂勤王

之令典

左傳狐偃言於晉侯曰求諸侯莫如勤王荀悅漢紀序虞夏商周之書其揆一也皆古之令典

公侯珪組百代相仍

公羊傳天子三公稱公王者之後稱公其餘大國稱侯謝靈運述祖

德詩臨組乍不縹對珪寧肯分李善注組綬屬也縹繫也古者封爵賜之珪璧執以為瑞信

帶礪山

河千秋不絕

楚漢春秋高帝初封侯者皆賜丹書鐵券曰使黃河如帶泰山如礪漢有宗廟爾無

絕世戰國策萬歲千秋之後

祇如吳鄧四縣東漢之功臣

後漢書光武大封功

臣吳漢鄧

蕭曹萬家西京之佐命

漢書丙吉傳高祖功臣蕭曹為冠又功臣

禹各四縣表大侯不過萬家易乾鑿度代者赤兌黃佐命宋衷注赤兌為漢高黃佐命張良也

莫不甘棠教

化光宣召伯之風

詩序甘棠美召伯也召伯之教行於南國

大樹辭榮獨擅

將軍之氣

後漢書馮異謙退不伐諸將論功異獨屏樹下軍中號大樹將軍謝惠連隴西行誰能守



靜棄發

魏宰智不動俗會無汗馬之勳

史記晉文公曰矢石之難汗馬

辭榮

之勞受次賞漢書蕭何

李嘉謀不出凡詎展飢鷹之效

曰何未有汗馬之勞

魏志陳登謂呂布曰曹公言待將軍譬如養鷹飢則為用飽則揚去

無功而祿不可勵勳

臣無德而官如何獎朝士

周禮以功詔祿以德詔爵左傳無德而祿殃也漢書爵祿

者所以勵

昔豕突命賞偽新於是覆亡

漢書王莽募天下囚奴為兵擊

世磨鈍

匈奴號豕突狶勇加以厚賞官職潘岳西征賦由偽新之九廟漢書莽有天下號曰新

羊爛封侯

更始由其喪敗

後漢書更始時羣小濫受官爵長安語曰爛羊頭關內侯

並為爵人

失敘錫土無綱

禮記爵人於朝詩錫禮記爵人於朝詩錫

宜遵操斧之柯

陸機

文賦操斧伐柯取則不遠李善注此喻見古人之法不遠

豈踵覆車之轍

賈誼新書前車覆後

車戒後漢書范升  
曰馳驚覆車之轍

羽林將軍王暢薨無嫡子取姪男襲爵庶子告不

合承

父昭子穆千齡不易之儀繼祖承祧萬代相仍之道

禮周

小宗伯辨廟祧之昭穆鄭注祧遷主所

若骨肉無爽鴈

藏之廟自始祖之後父曰昭子曰穆

鳩之美克昌

禮記文王世子骨肉之親無絕也呂氏春秋父母之於子也子之於父母也此之謂

骨肉之親沈約安陸王碑一德無爽毛萇詩傳鴈鳩之養其子朝從上下暮從下上平均如一詩克昌厥後

屬離不同

詩不屬於毛不離於裏毛傳毛在外陽以言父裏在內陰以言母

螟蛉之子

何寄

陸機毛詩疏螟蛉者桑上小青蟲也蜾蠃土蜂也取桑蟲負之於木空中七日而化為其子

王

暢名參驍衛

文獻通考漢有驍騎將軍隋唐以來置驍衛府

職綰羽林

漢官儀武帝大

初元年初置建章營騎後更名羽林以天有羽林之星故取名焉

俄纏風燭之災

淮南子人

生於世倏爾而止如風火之燭

近絕烝嘗之嗣

爾雅秋祭

信傷心賦一朝風燭萬古埃塵

曰嘗冬祭曰烝郭注

棄其庶子收彼姪男意既不保其

嘗新穀進品物也

家

左傳趙孟曰保家之主也

神必不歆其祀

左傳神不歆非類民不祀非族

荀道明

令君之子

魏志荀彧字文若為尚書令晉書荀顗字道明彧之子為侍中

珠玉相輝

陸機

文賦石韞玉而山

韋元成丞相之苗

史記韋賢位丞相子元成亦至丞相

輝水懷珠而川媚

芝蘭遞茂

世說謝太傅問子弟何與人

漢官儀大司徒李固公族之苗

事車騎答曰譬如芝蘭玉樹

欲使生枚臯孽子不廢光門

於庭階

枚臯孽子不廢光門

漢書枚臯者乘小妻之子也上書北闕拜為卿孟子



孤臣孽子字林

裴秀傍生無妨貴族

晉書裴秀母卑賤大母每令進食於

孽子庶子也

客客見之皆起母曰賤人也客曰當為子故大母

三鱸

知之竟不復使詩苞有三孽注孽傍生萌孽也

之室銀黃所以挺生

後漢書楊震客居於湖有鶴雀卿三鱸魚集講堂前都講曰蛇鱸者

卿大夫服之象數三者法三台先生自此升矣按舊注

震後四代三公皆服黃漢書楊僕懷銀黃垂三組夸鄉

里注銀銀印

七貂之門金紫於焉閒出

左思詠史詩七葉珥漢貂漢書

也黃金印也

金日磾忠信自著傳國後嗣七世內侍又百

側男自須

官公卿表金印紫綬又公孫宏贊異人閒出

紹允側男側室之子也

猶子不合承宗

禮記兄弟之子猶子也詐

襲者處以徒刑應續者宐從改正

戶部一條

戶部雖地官之任考其緣襲合出於度支度支計算之官本周禮之司會云

戶部侍郎

隋置民部侍郎唐改曰戶部廟諱故也

韋珍奏稱諸州造

籍脫落丁口租調破除倍多常歲請取由付法依

問諸使皆言春疾疫死實多非故為疏漏

虞書五教實委司徒之官

虞書舜典契作司徒敬敷五教在寬

周禮六卿

爰開地官之位

鄭元周禮注象地列官地者載養萬物文獻通考初戶部居禮部後武后改置

天地四時之官以戶部為地官由是居禮部前

莫不織成都邑

禮記詩云編輯都邑以成

眡黎

晉書百姓歌曰惠我眡黎

設九土之綱維

宋王登徒子好色賦周覽九土李善注九

州之土後漢書為國綱維

成四方之管轄

孫綽駁事賤綱紀居管轄之任以糾司外內

班

固申犬牙之制

班固漢書高帝王子弟地犬牙相制顏師古注犬牙言地形如犬之牙交相入

也疆場綺分

班固西都賦提封五萬疆場綺分

應璩論馬齒之規

應璩詩九

州相錯雜相

井田鱗次

西都賦溝塍刻鏤原隰龍鱗李尤辟雍詩攢羅鱗次

戶標

次如馬齒

九等

唐制九等攸辨百姓以親

俱陳萬國之圖

左傳禹會諸侯於塗山執玉帛者萬國

人有十倫

左傳人有十等禮記祭有十倫

並掛三年之籍

周禮三年則受國之比要

鄭司農注要謂其簿賈公彥疏簿若今之造籍戶口田宅俱陳於簿也

豈容丁口脫漏任

意疏遺租調破除恣情抽減

唐書食貨志租庸調之法以人丁為本開元以後戶

籍久不更造人丁轉死

遂使教庾頓乏

漢書酈食其曰據教庾之粟顏

田畝賣易貧富升降帑藏皆空

東觀漢記更始至長安帑藏安堵如故說文帑金幣所藏也軍

興於是缺支國用由其不足付法科罪仍敢薄言

詩薄言往



愬依問款辭咸推邁厲書邁厲虐疾否終則泰造化之常圖

福謙害盈易鬼神害盈而福謙幽明之極數魏文帝修書永歎念

親故之凋亡魏文帝與吳質書昔年疾疫親故多罹其災徐陳應劉一時俱逝劉孔才

矯制徵兵促黎元之殘喪魏志劉劭字孔才矯制徵兵事未詳薦臻不息

詩饑饉僵斃相仍遽離人符釋氏辨正篇運祚修短雖曰天命興替延促抑亦人

符多編鬼錄魏文帝書觀其姓名已為鬼錄生者固宜存附死者難以

執畱災異不拘案宜從記

工部一條周禮冬官其屬有考工掌百工之事至隋立工部尚書唐因之

工部員外郎趙務支蒲陝布供漁陽軍幽易絹入

京百姓訴不便務款布是麤物將以供軍絹是細

### 物合貯官庫

趙務鳴鶴登朝

易鳴鶴在陰其子和之漢書  
紆傳賈生矯矯弱冠登朝

含雞伏奏

注見考功篇

轉箸之敏未見稱奇

西京雜記曹元理明算術  
陳廣漢有二困米元理轉

食箸計之

聚米之能無聞播美

後漢書馬援聚米爲山  
谷光武謂虜在吾目中

矣張倉之善算國用詎肯畱情

漢書張倉爲計相善馮  
算故合主郡國上計馮

勤之巧計軍儲何曾介意

後漢書馮勤入歲善  
計注善計善算術也

迴長作

短異趙達之精心

吳志趙達周思精密治九  
宮一算之數無不中效

變近成遙

殊顧譚之屈指

吳志顧譚爲節度每省中書未  
嘗下籌徒屈指心計盡發疑謬

蒲陝之

布卻入漁陽幽易之縑

廣韻縑絹也

反歸關隴同北轅之適

越

釋氏十門辨惑論北轅適越相去不亦漸遙哉是猶適越者指沙漠而遵途

類東走之望

秦

淮南子狂者東走逐者亦東走東走則同所以東走則異

人之情乎緊則無也

左傳

緊我獨無注緊與抑同語詞也邱遲與陳伯之書將軍獨無情哉

細絹稱以納庫麤布

貯以充軍非直運者苦勞抑亦兵家賈怨宜從削黜

韋孟

諷諫詩輕此削黜

以肅愚頑

倉部二條

倉部周禮倉人之任也魏晉而下並有倉部郎中唐因之

倉部郎中胡敬稱内外官祿准令據階級有費倉

儲望請准見任官品級極為裨益未知可否



冰霜凜冽白璧不可以禦形水旱災危黃金不可以適

口韓詩外傳黃金白璧寶之至也漢書鼂錯曰珠玉故金銀飢不可食寒不可衣明君貴五穀而賤金玉

飢者念食不崇抵鵠之珍寒者思衣不貴靈蛇之寶文子

聖人食足以充腹接氣衣足以蓋形禦寒鹽鐵論南越

以孔雀珥門戶崑山璞玉抵鳥雀曹植與楊德祖書人

人自謂握靈蛇之珠李善注淮南子曰隨侯之珠高誘

注隨侯見大蛇傷斷以藥傳而塗之後蛇於大江中銜

珠以報之因珍臺閒館楊雄甘泉賦不可以無膳而存

日隨侯之珠珍臺閒館韓非子金城湯池非粟不

金城湯池不可以無粟而守守漢書神農之教曰石城

十仞湯池百步而無粟弗能守也祇如給祿給俸具在朝章准階准官

俱編甲令豈容諂佞之輩曲路邀名趨競之徒僻塗生

巧窺測人主汲黯由其面折

漢書汲黯好面折

割剝黎元桑羊

以之腰斬

漢書桑宏羊盡籠天下之利時求雨卜式曰烹宏羊天乃雨

我國家咸有

一德

書惟尹躬暨湯咸有一德

法無二門

管子權不兩錯政無二門

動必依繩

詩其

繩則直正義依此繩直起而築之文子聖人以仁義為準繩中繩之謂君子不中繩之謂小人

言不踰

矩

論語七十而從心所欲矩不踰矩馬融注矩法也

比成王之制度令出惟行

書令

出惟行弗惟反

則大舜之溫恭朕言不再

書溫恭允塞又朕言不再

胡敬職

非稽古

書若稽古帝堯

學未知今

後漢書馮異遺李軼書云愚聞明鏡所以照形往事所以

知作聰明而亂舊章

書無作聰明亂舊章

恃薄才而隳正法南山

之峻寧資覆簣之饒

論語雖覆一簣楊炯少姨碑南望荆衡纔同覆簣抱朴子凌霄之高

非一簣之積

東海之津何藉操瓠之潤

注見門下省篇

請仍舊貫

論語

仍舊貫鄭元

無替前規

王儉褚淵碑自此厥後無替前規

注貫事也

滄瀛等州申稱神龍元年百姓遭水奉旨貸半租

供漁陽軍許折明年又遭澇免無租可折至三年

百姓訴州以去年合折不許百姓不伏事

滄瀛等州頻遭水澇泥牛轉盛滂沛成河

廣州記鬱林郡有石牛歲

旱泥背即雨洗

石燕爭飛霖霍變浦

湘中記零陵山有石燕得風雨則飛

如真燕

當時奉旨令貸半租此日蠲科仍聞訴款准旨有

明年之語據條無三年之文以此狐疑

楚詞心猶豫而狐疑今注狐多



疑而善聽河冰始合聽其下不聞水聲乃敢過

莫能龜決

史記決定諸疑斷以著龜

明年復

勞乃是折空後歲總徵元無折處菖蒲去蚤蝨而蚰蜒

竟來

淮南子昌羊去蚤蝨而來令窮除小害而致大賊注昌羊菖蒲也令窮蚰蜒入耳之蟲也磬石

止齟痛而牙根遽折

陶宏景本草注磬石以療牙痛多即裂齒是傷骨之證而云堅骨齒

誠為疑也釋名齟齒朽也元年許折明年無租可折乃是折空至三年乃合前二年總徵是謂元無折處夫許折若小便而總徵乃大害故以菖蒲磬石事喻之所益全少所損愈多徵一丁

之半租招百姓之深怨是則國家之信不及於豚魚

易中

孚豚魚吉正義信發於中謂之中孚魚者蟲之隱豚者

獸之微人主內有誠信雖微隱之物信皆及矣莫不得

其所而

王者之仁不流於行葦

詩序行葦忠厚也周家忠厚仁及草木瑞應圖

獲吉

騶虞仁獸王者得原失信文公之所不為左傳晉侯圍原命三日之

糧不降命去之謀出日將降矣軍吏請待之獻鼎棄言

公曰信民之所庇也得原失信何以庇吾民新序齊攻魯求岑鼎鼎往齊侯不信使人告魯君柳下惠以為是請受之柳下

展季由其未許惠難之魯乃以真岑鼎往柳下惠可謂守信有家有國

矣按柳下惠姓展名獲字禽季則伯仲字也論語有國語仁可去食而去兵見論語大車小車不可無軌

而無軌見論語譬如洞庭之嶼彭蠡之湖添隻雁不為之

多去雙鳧不為之少揚雄解嘲江湖之崖渤澥之島乘雁集不為之多雙鳧飛不為之少

貨藏天下何必前徵而後徵韓詩外傳晉平公藏貨之臺燬公子晏賀曰臣聞王

者藏於天下諸侯藏於百姓今天降災於藏臺是君之福也物寄人閒終是楚弓而

楚得

家語楚共王出遊亡其烏號之弓左右請求之王曰楚人失弓楚人得之又何求焉

元貸未

折許折還徵渙汗發而卻收

易渙汗其大號漢書劉向云號令如汗汗出而不反

今出令而反

絲綸抽而復返

注見門下省篇

四方取則百姓何

是反汗也

憑政在養民

書大禹謨文

理從矜折

龍筋鳳髓判卷之一終

番禺孟鴻光校



龍筋鳳髓判卷之二

唐張鷟撰

明武林劉允鵬敬虛原註

國朝蕭山陳春東爲補正

禮部二條

禮部周之春官也魏晉而下置祠部至隋而爲禮部尙書唐因之

禮部奏海州朱鴈集岐州白麟見及薦郊廟二項

俱無空信州申未知合附以否

典朕三禮大舜委於姜夷

書舜典有能典朕三禮僉曰伯夷孔注三禮天地人之禮

伯夷臣名姜姓

分勅六卿成王任於宗伯

書成王作周官曰六卿分職宗伯掌邦禮

建茲歲首

梁元帝纂要正月孟春亦曰歲首

實曰春官

鄭元周禮注象春所立之官也

敦敍九族之親

書敦敍九族

欽若五常之敎

書敬敷五敎孔注布五常之敎

祀地郊天之典舉其宏綱朝日夕月之儀撮其機要

禮周

兩圭祀地四圭祀天郭璞天地圖讚祭地肆瘞郊天致禮賈誼新書三代之禮春朝朝日秋暮夕月所以明有

敬也孔安國尚書序

岐州俯隣八水

戴延之西征記關內入水涇渭霸滻

舉其宏綱撮其機要

勞瀉斜瞻鸞鷺之峰

國語周之興也鸞鷺鳴於岐山

海部近控三山

史記

蓬萊方丈瀛洲此三神山諸仙及不死藥在焉黃金白

銀爲宮闕未至望之如雲及到三山反居水下欲到則

風引船而去迴瞰鯨鯢之穴左傳取其鯨鯢說文鯨海

終莫能至者

者也木華海賦或

陳敬所奏瑞鴈翻朱薛泰申文祥麟

屑沒於龍鼉之穴

孕素

漢書武帝行幸東海獲赤鴈幸雍祠五時獲白麟作朱鴈白麟之歌

施丹霞於日羽

晃若朝輪

廣雅艷赤也國語赤羽若日列子日出如車輪

晶白雪於霜毛皎同

秋練

孔稚圭北山移文度白雪以方潔鮑照舞鶴賦疊霜毛而弄影東晉餅賦白若秋練既無狀

驗空有奏章尋鳥跡於雲空

釋氏泥洹經如鳥飛空足跡難尋大般若經如空中

鳥跡無所

察人形於水鏡

注見考功篇

刻猿猴於棘刺尙切

見欺

韓非子燕王好微巧衛人曰能以棘刺之端爲母猴王曰何以理之曰以削主欲觀削客因逃人謂

王曰言談之士多棘刺之說

說蠶繭於天公誰堪輒信

漢武內傳東方朔曰臣嘗

上天天公問下方人何衣曰衣蟲若何曰喙類馬色類虎名曰蠶今陛下苟以爲詐願使人上天問之語

同捕影不可誣神狀等繫風如何薦廟

漢書繫風捕影終不可得也

管窺其事

注見門下省篇

案記爲空



于旦奏孝門舊多偽作祥瑞並請破孝門勒從課

天地所生人為萬物之貴

孝經天地之性人為貴列人子天生萬物惟人為貴

倫所重孝為百行之原

孝經人之行莫大於孝唐元宗孝經序雖五孝之用則別而百

行之原

昔傳曾閔之名今有荀何之譽

蕭廣濟孝子傳閔損曾參門徒

之中最有孝稱今言孝者莫不本之曾閔初學記傳元著書稱荀助何曾曰文王之道事其親者古稱曾閔今

有荀

孝通厚載則白兔呈休

後漢書方儲幼喪父事母孝母死負土成墳種奇樹

千株白兔

孝感圓穹則丹鳥結慶

華陽國志孝子吳順養母赤鳥巢其門

于旦巡省風俗敷揚皇猷未聞沮勸之方

左傳賞罰無章何以沮勸

遽表澆淳之迹舊蒙旌表

書旌別淑慝表厥宅里

今請剔除詐濁

不逮於詐清慕善猶愈於慕惡

後漢書張湛於嚴好禮人或謂湛偽詐湛笑曰

人皆詐惡我獨詐善不亦可乎

豈可以已無仁不信仁者之行仁以已

無孝即疑孝者之非孝蠻貊之國尙或難容父母之邦

論語何必去

父母之邦如何自處靡閑大體

史記未

好許微疵

漢書

陳湯傳舉大美

事既不然若爲通允

者不疵細瑕

祠部二條

東晉而下皆有祠部郎唐改爲祠禮大夫尋復舊延載元年制天下僧尼隸焉

祠部郎中

舊惟稱祠部郎唐置郎中

孫佺狀稱往年度人多用

財賄遞相囑請元無經業望更銓試不任者退還

本色

國之大事在祀與戎

左傳文

人之所崇惟仙與佛伏自恒

星夜隕

春秋莊公七年夏四月辛卯夜恒星不見夜中星隕如雨瑞應經四月八日夜明星出佛從右

脅生落地

吉夢宵傳

初學記後漢明帝夢金人飛行殿庭以問於朝傳毅以佛對帝遣使

即行七步

往天竺得佛經及釋迦

既脫酣象之蹄

涅槃經阿闍王令醉象蹋佛佛

像自後佛法過於中夏

舒五指遂為五獅

爰開白馬之寺

初學記漢明帝立精舍以處摩騰即白馬

子醉象惶懼而退

寺也名白馬者相傳天竺有招提將毀之有一白馬

明

繞塔悲鳴即停毀後改招提為白馬諸處多取名焉

須慈悲結慮忍辱凝懷

法華經慈悲為室柔和忍辱為度

坐鴿珍以勤

誠佛經佛說法有鴿投坐下佛看見

獲鵲珠而守戒

釋典

是一鷹驅來乃割肉喂鷹全鴿命

人有珠僧見鵲吞其人失珠疑僧

指法場之門戶豁爾

竊竟受誣罪終護鵲不說吞珠



天開

高僧傳僧督得禪法要遂精練五門郭璞江賦豁若天開

導智海之波瀾渙然

冰釋

維摩經不入煩惱大海則不得一切智寶杜預左傳序渙然冰釋

如斯行業

後魏釋老

志凡說教大抵言生之教皆因行業

乃出塵囂

楞嚴經汝修三昧本出塵勞偷心不除塵不可

出左傳湫

豈容闡提末品

白居易與齊法師書佛以無上大慧觀一切衆生知其根

隘囂塵

法大小不等而以方便智說方便法故爲闡提楞伽經

沙彌淺學

釋氏要覽僧落髮後稱沙彌華言爲息慈謂安息於慈悲之地又謂息惡行慈也

精不進

李相經佛年十九出家學道勤行精進

曾無羅漢之因

四十二章經辭親出

家解無爲法名曰沙門進志清淨

行囑行賕

廣韻囑付也託也說

成羅漢沈約佛像銘積因成業

翻習檀施之業

王少頭陀寺碑行不捨之檀而施洽羣有李善注天

法相謝也

竺言檀此言布施杜甫詩

四分十誦

隋書經籍志鳩摩羅什譯十誦律佛

注合華梵之言而云檀施

陀耶舍譯四分律為小乘之學

本自面墻

書不學墻面

六度三明

瑞應經行六度維摩

經佛身從

舊來膠柱

史記膠柱鼓瑟

為雞為鶩

楚詞雞鶩爭食

玷鶴樹

三明生

之清風

王融法門頌鶴林雙樹寶積經佛在雙樹涅槃樹本四株青葉佛涅槃後合為雙樹葉如白鶴

蓋樹亦

如虺如蛇

詩維虺維蛇宗門統要凡聖同居蛇龍混雜

穢龍宮之妙

涅槃也

法華嚴大經龍宮有三本佛滅度六百年有龍樹菩薩

入龍宮誦下本十萬偈

銓擇偽濫解退為空

四十八品流傳天竺

大雲寺僧曇暢奏率僧尼錢造大像高千尺助國

為福諸州僧尼訴云像無大小惟在至誠聚歛貧

僧人多嗟怨既違佛教請為處分

泥洹歸靜涅槃入寂

隋書經籍志佛以二月十五日入般涅槃涅槃亦曰泥洹譯言滅度

亦言常樂我淨維摩經注寂謂寂滅常靜之道

法初不滅故現滅以歸空

僧肇論小

乘以三界熾然故滅之以求無為大乘觀法本自然今何以滅乃真寂滅法華經如來生於種種之地所謂解

脫相離相滅

道本無生故因生而不用

六祖壇經五祖傳偈曰有情來

相終歸於空

下種因地果還生無情既無種無性亦無生後魏釋老志凡為善惡必有報應經無數形澡煉神明乃致無生

而得佛

十大弟子憶妙覺之微言

法華經佛來出家時有十大弟子皆舍所

道也珍往詣佛所佛地論佛者覺也如夢

八部龍王禮如來

覺故名為佛僧肇論憶微言於聽表

之雙足

法華經鈔世尊於靈山會上為諸大衆說經天龍八部咸悉歡喜法華經有龍王各禮佛足傳



燈錄佛滅後迦葉至雙林樹間號泣佛於金棺內現雙足李善文選注如來佛號晃迴法藏碎金本覺為如今

覺為來故

象牙塔廟刻畫真容

華嚴經六牙白象王菩薩布施齒成最勝塔佛

名如來

祖統記晉永寧元年扶南國進象牙塔大悲經佛說我滅後有為我造立塔廟當得涅槃果諸經要集昔優填

王初刻梅檀波斯匿始鑄金

牛頭梅檀雕鐫寶相

增一阿含

質皆現寫真容工圖妙相

經優填王以不見如來即以牛頭梅檀作相高五尺華

嚴經摩羅那山出梅檀香名曰牛頭若以塗身設入火

坑火不能燒釋氏通鑑梁武普通元年扶南

祇欲垂儀

國獻梅檀瑞相王出頭陀寺碑金資寶相

設教

李善文選注儀謂法象之儀傳燈錄大安寺壁畫

弟子刻木為佛

豈以廣大白矜抽道俗之筋髓暗凡庸

以形像教人也

之耳目論其壯也釋迦文之清液納海吞江

李石續博物志佛者

本號釋迦文即天竺釋迦魏國王之子華嚴經猶如大海吞納眾流左思吳都賦或吞江而納海語其

高也盧舍那之形象包天括地佛祖統記盧舍那者此云淨滿諸惡盡故淨萬

德圓故滿亦云光明徧照唐咸亨三年勅洛陽龍門山

鐫石龕盧舍那像高八十五尺十門辨惑論并蛙棲餐

莫辨括地之深澤鷄乃法身之自在無量壽佛經觀自在或現大身滿虛

拾榆詎識垂天之廣空中或現小身長丈六尺傳燈錄龍樹尊者得

法後至南印度於座上現自在身如滿月輪匪人力

之堪為孟子人力赤燦似彈能燒萬頃之陂說文燦火飛李白明

堂賦赤燦掌火緯書天有五帝南方火白月如盤獨耀

帝名赤燦怒後漢書汪洋若干頃陂白月如盤獨耀

四天之下韓愈月蝕詩月形如白盤元奘西域傳月盈至滿謂之白分虧至晦謂之黑分長阿含經

黑風吹海漂出大鐘千石藉小木而方鳴

日月照臨天下司馬相如上林賦撞千石

龍方鳳隨刊卷二

之鐘王少頭陀寺碑洪鐘虛受無來不應李善注學記  
云善待問者如撞鐘叩之以小者則小鳴叩之以大者  
則大鳴  
高屋萬閒待微鐙而破暗法華經如暗得心方一

寸列子文摯曰吾見子之心矣方寸之地虛矣經營宇宙之先目闕數分歷

覽虛空之外何必大者則聖小者不神此頑僧之褊情

左傳心不則德義之經為頑詩惟是褊心非達士之深見三昧經集諸達士淨三界行阿含經

此二達士佛在虛廊之上不居空木之中釋法琳破邪論諸佛大人

遊涅槃之妙苑住般若之真經不可以言相求不可以

情慮撥形同法性壽等太空俱應物現身如水中月所以翟師見三尺之貌羅漢觀丈六之容大何用聚怨為

滿虛空小入絲髮隨緣應質化無常儀

形歛悲成像

言人多嗟怨

大推初意定是不然

言違佛教

小人之



言宜從案記

主客二條

主客之職周有之漢置客曹尚書主外國夷狄隋為主客郎又改司蕃郎唐復為主客

鴻臚寺中土蕃使人素知物情慕此處綾錦及弓

箭等物請市未知可否

一人有慶

書呂刑文

四海無虞

書畢命四方無虞博物志七戎六蠻九夷入狄形類不同

總而言之謂之四海言皆近於海也

萬國於是星馳

左傳禹會諸侯於塗山執玉帛而朝者萬

國揚雄甘泉賦八方協今萬國諧

八方由其霧湊

河圖龍文鎮星光明八方歸德袁淑效白

馬篇八方湊才賢賈逵國語注湊聚也揚雄甘泉賦霧集而濛合

烏孫合種

漢書烏孫昆莫有十

餘子國

咸鴈集於鴻臚

揚雄解嘲乘雁集不為之多文獻通考周官有象胥秦有典客

漢初為連敖後改鴻臚鴻臚聲也

犬族振羣

說文赤狄本大種故字从

臚傳也傳聲贊導故曰鴻臚

犬並蜂歸於蠻邸

漢書蜂生顏師古注衆多也三輔黃圖蠻夷邸在長安城內藁街

眷

彼茅宇

逸周書建大社於國中將建諸侯鑿取其方一面之土燾以黃上苴以白茅以土封之詩大啓

爾開此藁街

見

卽崇三揖之儀

張衡東京賦天子乃以三揖之禮禮之周禮王

見諸侯土揖庶姓時揖異姓天揖同姓鄭注土揖推手小下之也時揖平推手也天揖推手小舉之也

爰

設九賓之禮

史記藁相如謂秦王曰大王宜齋戒五日設九賓於廷集解韋昭曰九賓則周禮九

儀

祇如土蕃使者實曰曾豪

唐書土蕃本西羌屬居析枝水西邸遲與陳伯之書

曾豪

蒙遜沮渠之苗

晉書沮渠蒙遜其先世為匈奴左沮渠蒙遜以官為氏焉

禿髮

烏孤之族

晉書禿髮烏孤河西鮮卑人其祖在孕母因寢而產於被中鮮卑謂被為禿髮因氏焉

占風入謁

十洲記武帝政和三年月氏國使者曰東風入律百旬不休中國必有好道之君故貢神

香陛下反不知真是

越駝嶺而輸誠

異苑西域苟夷國山上有石駝駝腹

臣國占風之謬矣

下出水得飲之令人

就日來朝

大戴禮宰我問帝堯孔子曰就之如日瞻之如

身體香淨而昇仙

隔驢山而納款

北史烏菴國有檀特山山上立寺以驢數頭運食山下無人控御自知往

來

歡鶴綾之絢爛

庾肩吾謝賜綾啓圖雲緝鶴

彩映冰霜

拾遺記東海員嶠山

有冰蠶以霜雪覆之

覩鳳錦之紛葩

鄴中記御史府中有鳳皇錦

光

則爲繭共色五彩

含日月

拾遺記蠕支國貢列璫錦文似雲霞覆於日月

彎弧六合

鮑照詩彎弧不解張考工

記弓人爲弓取六材又秋合

犀角麋筋

郭璞毛詩拾遺象弭者弓之別

三材則合鄭注合堅密也

名謂以象牙爲弓今西方有以犀角爲弓者列女傳此弓幹生泰山之阿傳以燕牛之角纏以荆麋之筋粘以



河魚

勁箭三同

司馬相如上林賦右夏服之勁箭考工記矢人凡相筈欲生而搏同搏欲重同

重節欲疏同疏欲卓

星流電激

周禮司弓矢有枉矢按春秋考異郵記枉矢精

賈疏卓義取堅實

狀如流星班固答賓戲風颺電激太

聽其市取實可威

公六韜電影矢青莖赤羽以銅爲首

於遠夷任以私收不足損於中國宜其順性勿阻蕃情

波斯崑崙等舶到給食料已前隱沒不付有名無

料虛破官物請停

唐書南海歲有崑崙船市外國珠琲象牙犀角

扶南雜種

晉書扶南王本是女子字葉柳有他國人混潰者夢神賜之弓又教載舶入海遂至扶南

葉柳禦之混潰舉弓葉柳遂降納以爲妻而據

安西諸

其國邱遲與陳伯之書姬漢舊邦無取雜種

國

舊唐書安西都護府治西州後徙治高昌故地又徙治龜茲

跨險憑危梯山航海

飛艚走浪

謝眺詩飛艚遡極浦

望鼠島而三休

十洲記南海中有炎洲洲上有火鼠

毛可爲布賈誼新書翟王使使者至楚楚王欲誇之饗客章華之臺三休乃至於上

大舶參雲指

麟洲而一息

韻會蠻夷汎海舟曰船逆異記西海有鳳麟洲上多麒麟鳳皇四名

鷺波象

郡萬舳爭先

後漢書馬援曰當吾在浪泊西里閒仰視飛鳶跼跼墮水劉淵林吳郡賦注象郡今

南郡也又有象林郡方言船後曰舳舳制水也郭璞注今江東呼船爲舳

烏潯狼臙千艘競

進

劉淵林吳郡賦注烏潯南夷別名也其落在深山之中狼臙人夜斂金知其良否說文舩船總名○按波

斯判止此其餘脫失下遊賊滿山云云乃禁酒事別是一判文獻通考引晁氏云張鷟書判凡一百首今本止

七十餘首蓋所脫多矣

遊賊滿山刑人半市

揚雄廷尉箴寇賊歸山刑者半道

督郵從事猶密

興於私門

世說桓溫有主簿善別酒好者為青州從事惡者為平原督郵

賢者聖人

注見

尚書都省篇

尚潛行於暗室飲德何負徒發孔融之譏

孔融難魏

武帝禁酒書酒何負

淫具未除終獲簡雍之誚

蜀志先主禁酒

於治哉詳良醢篇注

吏於人家索得釀具論罰簡雍同先主游見一男子曰彼欲淫何不縛先主曰何以知之曰彼有其具與欲釀

同先主大笑

利存禁酒之法害遠鬻酤之家楚國亡猿

原欲釀者

禍連林木

淮南子楚王亡其猿而林木為之殘許慎注猿依木故殘林以求之

吳宮火燕

殃及樓臺

虞氏家記吳白門闔閭作至秦始皇時守宮吏以火燭燕窟失火燒宮此樓故存

所

喪全多所存詎幾理貴崇乎梗概

張衡東京賦其梗概如此

政無伺

於禁虛位人之方居斯而已

按此判不知何題且逸其前半中多言酒事姑注之



以俟  
考補

兵部一條

周禮大司馬卽今兵部之任也隋置兵部尚書唐龍朔二年改爲司戎大常伯咸亨元年

復舊

兵部奏默啜賊入趙定卻取幽州居庸程出都督

梁亶牢城自守不敢遮截請付法依問得款古之

用兵全軍爲上

孫子用兵之法全軍爲上破軍次之

亶旣全幽州城

不合有罪

兼弱攻昧武之善經在祀與戎國之大事

並見左傳

皇天震

怒發雷電以申威

書泰誓皇天震怒命我文考肅將天威金縢天大雷電以風王泣曰今天

動威孔穎達疏

天動雷電之威

王者矜殘用干戈而肅令

史記神農氏  
衰諸侯相侵

伐於是軒轅習用干戈以  
征不享諸侯咸來賓從

蠢茲日逐

詩蠢爾蠻荆漢書  
日逐王將眾來降

叢爾天驕

左傳叢爾國杜注叢小  
貌漢書胡者天之驕子

苞玉塞

以疏江

晉書  
禿髮

載記論控弦玉塞漢書

阮控金微而作鎮

後漢書竇憲  
以北虜微弱

以玉門陽關注阮塞也

遂欲滅之

遣耿夔等將兵擊北虜於金微山大破之通  
典貞觀二年鐵勒九部大會頡卒降置金微都督府張

衡西京賦

作鎮於近韋韞毳幕射多食鼠之夫羶肉酪漿俗負乘

羊之貨

李陵答蘇武書韞韞幕以禦風雨羶肉酪漿  
以充飢渴史記匈奴傳兒能乘羊引弓射鳥鼠

少長則射狐兔用為食

鴟鴞萬路憑陵燕趙之郊狐兔千羣撓亂

并幽之地

晉書四夷論振鴟響而挺災毛萇詩傳鴟鴞  
惡聲鳥也左傳馮陵我敝邑揚雄幽州箴燕

趙本都潘岳西征賦狐兔窟於殿旁虞義詠北伐詩涼

秋八九月虜騎入幽并朝野僉載唐長安二年九月一

日太陽食盡默啜賊入并州梁亶忝司金鼓左傳金鼓

至十五日夜月食盡賊並退梁亶忝司金鼓以聲氣也

孫子言不相聞謬掌銅符漢書文帝為銅虎符注當發

故為之金鼓謬掌銅符兵遣使至郡合符合乃受之

既典軍容禮記軍容兼知州務理須擊蛇作陣晉書初

造八陣圖魚腹平沙之上累石為八行相去二丈桓溫

見之謂此常山蛇勢也孫子善用兵者如常山之蛇擊

首則尾應擊尾則首應列鶚為軍初學記列子黃帝與

擊其中則首尾皆應列鶚為軍炎帝戰以鶚鶚鷹鳶

為旗幟蓋旌旗之始也孟康漢書注鶚大鵬也顏師區

古云鷺擊之鳥鷹鶚之屬蓋大而鷺者耳非鵬也馬

貔貅而掃蚩尤縱熊羆而撲玃狁史記黃帝教熊羆貔

亂黃帝與戰於涿鹿之野遂禽殺山陵向背握元女之

蚩尤書如熊如羆詩薄伐玃狁

山陵向背握元女之



靈符

孫子用兵之法高陵勿向背邱勿逆又曰邱陵隄防必處其陽而右背之此兵之利地之助也龍魚

河圖黃帝不能禁蚩尤乃仰天而歎天遣元女下授兵符伏蚩尤曹植仙人篇與帝合靈符日月孤

虛操黃公之秘術

後漢書方術傳注孤虛者孤謂六甲之孤辰若甲子旬中戌亥無于是為

孤也對孤為虛史記張良遇老人授書一篇曰讀是則為帝者師後十三年見我濟北穀城下黃石即我視其書乃太公兵法也文獻通考黃石公三略下邳神人撰此即圯上老人以一編書授張良者豈得拙

於對寇怯於用兵擁堅甲以自防坐重城而固守不圖

邀截故縱奔馳脫翔鳥於高林送游魚於深水

世說桓南郡與

殷荊州共作了語殷

無心捉搦

樂府有捉搦曲

鳴掛網而還飛

日投魚深淵放飛鳥列仙傳李仲甫夜臥或為鵑後至巨山上候北風當飛渡南海山上有羅鷹者羅得鵑視之仲甫也曹植責躬

詩舉掛時綱有意寬疏鼠入橐而重出晉陽秋區張作鼠市四方丈餘開四門門

有一木人縱四五鼠於中欲出門木人輒推之空執全城之語總貽慮敵之辜

宜據刑書左傳鄭子產鑄刑書准條科給

國子監二條國子之名周禮有之晉初立國子學隋改為國子監唐因之

監尹勤奏學生多無經業舉送至省落第並請退

還本邑以激勵庶望生徒進益

大學小學尊師而敬道禮記王制小學在公宮南之左大學在郊學記詔於天子無北

面所以尊師也又云皮弁祭菜示敬道也上庠下庠欽賢而貴德王制有虞氏養國老

於上庠養庶老於下庠漢書公孫宏有欽賢館謝靈運擬魏太子詩忝此欽賢性老子萬物莫不尊道而貴德

稽山之竹資括羽以宣功

爾雅東南之美者有會稽之竹箭焉家語子路見孔子曰

南山之竹不扶自直斬而用之射達於犀革子曰括而

羽之鏃而礪之其入不亦深乎北史儒林傳序貴游之

輩飾以明經可謂稽

崑岫之珍待琢磨而為器

劉向新序玉產

山竹箭加之括羽

崑山韓詩外傳玉不琢不成器人不學不成行

東序西

序離經辨志之原

王制夏后氏養國老於東序養庶老於西序學記一年視離經辨志鄭注

離經斷句絕也辨志謂

小成大成溫故知新之學

學記七年

辨其心意所趨向也

視論學取友謂之小成九年知類通達強立而不反謂之大成論語溫故而知新何晏注尋繹故者又知新者

積川為海蛟龍魚鱉處其中

法言百川學海而至於海荀子積水成川蛟龍生焉

禮記中庸鼃鼃

積土為山鸞鷟鵠雛翔其上

荀子積土成山張衡

蛟龍魚鱉生焉



東京賦鸞鷟鷟鷟翔其上李善注鸞鷟鳳之別名也鷟

雛鳳屬也尸子土積成岳榎栴豫章生焉水積成川則

吞舟之魚生焉夫學之積也亦有所出也學而從政左傳學而罔不由茲學

之積也亦有所出也學而從政左傳學而罔不由茲學

古入官書周其來尚矣祇如每年貢舉先有成規登上

科者高步於龍門漢書舉賢良文學有甲科乙科丙科

子曰觀於龍門有一魚奮鱗鼓鬣登乎龍門而為龍談

苑士人初登第必展歡宴謂之燒尾說者云魚躍龍門

必須雷電燒其尾乃化落下第者退飛於鷁路漢書武帝舉賢良

公孫宏第居下左傳六鷁退飛過宋都風也易林鷁蹢

飛中退舉事不進杜甫詩倚風遺鷁路隨水到龍門蹢

足之馬尚想造塗廣韻蹢失腳也長阿含經如善調馬

猶有蹢倒還復正路抱朴子驚鈍不

可一失晨之雞猶思改旦春秋考異郵雞應旦鳴吳志

塗趨諸葛瑾曰失旦之雞復思一

鳴魏志管輅射山

庶使鴻飛海浦仍懷漸陸之期

詩鴻飛遵

雞曰鳴不失晨

渚張衡西京賦囂聲振海浦說文浦水濱也易鴻漸於

陸孔疏進而得高之象史記卜式倪寬以鴻漸之翼困

於燕雀索隱謂

鶴唳霜臯尚有聞天之望

李善文選注

未遇為時所輕

書陸機欲聞華亭鶴唳不可復

豈得一回試落便棄前

得詩鶴鳴于九臯聲聞于天

功戰國策養由基善射客曰百發百中而

善誘生徒卻

不已弓撥矢鉤一發不中前功盡矣

將未可

論語夫子循循然善誘人

昔蘇秦十上豈曰無才

戰國策蘇秦說秦王

書十上而

主父八條何妨有用

漢書主父偃上書所言九事其八為律令一為

說不行

諫伐匈奴上召見謂曰

尹勤西唐教首

後漢書高鳳專精誦讀為名儒

公安在何相見之晚也

教授西

北海儒宗

後漢書鄭元北海人修經業弟子自遠方至者數千初學記北海有鄭元

唐山中

儒林講堂史記叔  
孫通為漢儒宗

應知三絕之勞

史記孔子晚喜易  
讀之韋編三絕

頗

識百篇之訓

墨子周公朝  
讀書百篇

隨藍改質實藉招攜

荀子青  
出於藍

而青於藍藝文類聚秦子曰常聞作人當如園  
圃之藍不異衆草染而後朗然左傳招攜以禮  
題竹書

名良資教授

後漢書鄧禹願垂功名於竹  
帛漢書儒林傳各專門教授

寧有棄古人

之糟粕

莊子桓公讀書輪扁曰君  
之所讀者古人之糟粕已

頓被疏遺受新生之

束脩頻為改換

論語自行束脩而  
求脩者謂十脰脯也

所請無理狀涉

有情未可舉科且宜從記

太學生劉仁範等省試落第搥鼓申訴准式卯時

付問頭酉時收策試日晚付頭不盡經業更請重



試臺付法不伏

劉仁範青衿胄子

詩青青子衿毛傳青衿青領也學子之所服書教胄子孔注胄長也黃

卷書生

金樓子有人讀書把卷即睡梁人因呼書卷為黃嬾怡神養性如乳媪也遜齋閒覽古人寫書

皆用黃紙以檠染之所以避蠹故

非應奉之五行

後漢書應

日黃卷王勃滕王閣序一介書生

異王充之一覽

後漢書王充家貧無書常遊洛陽市肆閱所賣書一見輒

能誦

天下第一希聞胡廣之才

後漢書胡廣舉孝廉試為天下第一曰下

無雙罕見黃童之譽

後漢書黃香京師號曰天下無雙江夏黃童南史伏挺博學有才任

昉深見歎異曰此子日下無雙按日下無雙本伏挺春

秋一月徒棄光陰

魏略賈逵好春秋常自課月一遍

文史三冬虛淹歲

月漢書東方朔曰有司試策無晁錯之甲科漢書詔有

三冬文史足用文學上親策之時對策者司舉賢良主者詮量落公孫之下第注見

百餘人惟晁錯為高第理合逡巡歛分退坐授銓按唐選法尚書銓掌七品

前篇選下豈得俯仰自強肆情撾鼓伏稱問頭付晚策日難周

銓退者即恨獨遲簡就者不應偏早訴人之口皆有愛

憎試官之情終無向背傲不可長禮記曲驕不可盈漢書

常山王若引窺覘之門恐開僥倖之路多冠奏劾自合

伏從漢官儀御史皆服多冠馬喙無冤何煩苦訴春秋

解豸知人曲直觸邪佞苞堯為天子夢馬喙子得臯陶聘為大理淮南子臯陶

馬喙是為至信決獄明白鑒於人情漢書張釋之為廷

尉天下無冤民宜從明典勿信游辭孔安國尚書序剪截浮辭

少府監二條少府秦官漢因之隋置少府監唐武德九年改將作為少府監神龍元年復舊監

監設一人總判賀敬盜御茵席三十事大理斷二千五百

里敬不伏云其物雖部分未進不得為御物

沈沈少府掌其山海之資沈沈注見門下省篇漢書少府掌山海地澤之稅名曰禁

錢以給私養自別為藏隱隱內藏職在瓊奇之貨唐書

少者小也故稱少府二年改少府監為內府監張衡西京賦瓊瑁象牙之寶

瓊貨方至鳥集鱗萃薛綜注瓊奇貨也萬里雲奔廣志瓊瑁形似龜出南海巨延州說文象長

鼻牙南越大獸三年一乳郭璞山海經注象牙骨可為器用珊瑚馬腦之珍三邦輻湊說文珊瑚似玉而赤色南州異物志珊瑚



生大秦國魏文帝瑪瑙賦馬腦玉屬也出自西域文理  
交錯有似馬腦因以名之西都賦萬方輻湊注如輻之  
湊於轂也百萬錢之重寶實表貞廉王褒四子講德論祿二

千石之崇班方求清素

魏志鄭渾遷陽平沛郡二太守清素在公

薛宣之才

茂行潔乃應斯榮

漢書薛宣為少府才茂行潔

王觀之守法不移方

堪斯任

魏志王觀徙少府大將軍曹爽奢放多有干求憚觀守法乃徙為大守

賀敬挈瓶

小智

左傳雖有挈瓶之智陸機文賦患挈瓶之屢空李善文選注挈瓶喻小人之智

荷蕢庸才

皇侃論語義疏荷擔揭也蕢織草為器

謝楊阜之公清

可財物也于寶晉紀總論凡庸之才

非孔融之朗悟

後漢

魏志楊阜遷少府上疏曰昔召信臣為公府奏罷浮食今宜節度帝納之

書孔融幼有異才李膺歎曰

祇如桃笙象簟擬進乘輿

高明必為異器後徵為少府

左思吳都賦桃笙象簟竹譜桃枝竹皮滑而黃可以爲

席方言簟朱魏之閒謂之笙西京雜記武帝以象牙爲

簟賜李翠被鴛綢咸供御用楚辭翡翠珠被爛齊光些

夫人毛萇詩傳綢單被也西京

雜記趙飛燕爲皇后女弟昭豈得外爲鼠盜漢書張湯

儀上襪三十五條有鴛鴦被爲兒時鼠

盜肉掘鼠與肉內縱狼貪史記桀有諛臣名曰趙未聞

具獄陳於堂下良教爲無道勸以貪狼

匡鼎之賢漢書匡衡好學尤精詩諸儒語曰無已蹈敬

說詩匡鼎來張晏注匡衡少時名鼎

聲之譴漢書公孫賀子敬聲代賀爲太赤衿之席玉篇

也孔安國書注純緣也周禮司几筵凡大朝輒入私家

觀設莞筵紛純加纁席畫純如次席黼純

文衿之衿釋名文者會集衆采以成錦繡史記匈奴傳

服繡衿綺衣表長襦錦衿各一方言衿謂之

交注交擬移公室盜物數逾三十擬流遂越二千理合

領也

甘從仍懷苦訴款稱物雖部分未進御前執此曲途深  
乖直道但供玩好奏進珍奇監當各有司存後漢書崔琦傳百官  
內外各有司存擬進便爲御物何必要須入內方可爲偷法有  
正條理須明典

府史杜元掌造金璽遂盜一枚鑄敗爲酒器斷絞

不伏云東玉未進合准常盜不合死按東玉蓋卽璽字并合之

誤

傳國之寶有道必資

漢書高祖入咸陽得秦璽世世傳授號曰漢傳國璽

式開瑞

象之文

尚書中候河龍圖出洛龜書成赤文象字以授軒轅

祇啓祥麟之字

晉書元帝



時有白玉麒麟神璽出於江寧其文曰長

白玉為檢

注見

壽百年日有重暉皆以為中興之兆焉

中書省篇

映犀鈕以分輝

說文鈕印鼻也司馬彪續漢書中二千石以下至四百石佩雙印皆

以黑犀

黃金為繩瑩龍縑而動色

注並見中書省篇

既施寶玉復

假金銀

衛宏漢舊儀秦以前以金玉銀為方寸璽秦以來天子獨稱璽又以玉羣下莫得用漢官儀武

帝令通官印方寸大小官印五分王

封以青布之囊

崔豹

公侯金二千石銀千石以下銅印

古今注青囊所以盛印也奏劾者則以青布囊盛印於後

前示奉王法而行非奏劾日則以青繪為囊盛印於後

帶以采組之綬續漢書輿服志韞佩既廢秦乃以彩組

綬

杜元一介庸瑣

劉熙孟子注陳仲子齊一介士也北史許善心傳庸瑣涼能孤陋未學

千載寒微

晉書吾彥傳出自寒微

馳策十年之閒始預九流之選

李垂吏部箴

理須恪勤匪懈守孫賀之曹

漢書公孫賀武帝拜為丞

銓管九流

相不受印綬頓首涕泣左

夙夜在公

見詩

守常林之教

魏志

右問其故曰恐負重責

常林節操清峻按

豈得小心之譽未出於街庭大對之

兩守字當有一誤

對本作慙惡也

蹤已流於臺寺

書元惡大慙

剗此六璽輒盜一枚遽

殘螭角之輝

衛宏漢舊儀王莽篡位就元后求璽后以璽投地上螭一角缺

之用

漢書武帝詔曰往者朕郊上帝泰山見金宜鑄黃金為麟趾裏蹄以協瑞焉注古有駿馬名腰裏赤

喙黑身日行

萬五千里也

方寸妙篆奄就爐銷五字靈文

春秋合誠圖鳳凰負

圖授堯其章曰天

赤帝符璽五字

俄從灰壤量其犯狀罪不容誅語其

刑名死有餘責既投無赦之律合處不敬之論禹泣既

不原辜

說苑禹見罪人下車問而泣之

湯祝如何免罪

賈誼新書湯見設網者四面張

令去其三面舍一面祝曰欲左者左欲右者右欲高者高欲下者下吾請受其犯命者

宐從綬坐

以肅朝章

將作監二條

唐虞共工周官考工秦為將作少府漢為將作大匠隋立將作監唐因之

大匠

唐將作監設大匠一人總判

吳淳掌造東都羅城牆高九

仞隍深五丈正屬春時妨農作百姓訴至秋收後

淳自求功抑而不許御史彈非時興造付法不伏

九卿分統

禮記三公九卿文獻通考漢以將作少府等官謂之九寺大卿

漢朝開土木

之官

漢書將作少府掌修土木之功

百工惟時

臯陶謨文

周禮置梓材之職



書有梓材篇正義梓木之善者治之宜精因以為木之工匠名斧斤動役測之以寒暑

左思魏都賦測之以寒暑李善注周禮版築興功揆之以土圭測日景日南多暑日北多寒

以日星左思魏都賦揆日晷考星耀劉淵林注詩定之方中作於楚宮揆之以日作於楚室定營室星

與土功也以人從欲左傳以欲從人則傾宮就而紂亡揚雄甘泉賦襲璿室與傾宮

服虔注桀作璿室紂作傾宮以欲從人露臺休而漢盛漢書文帝欲作露臺計之直百金曰

百金中人十家之產也何以臺為吳淳任居大匠職重繕工文獻通考泰有將作少府漢景帝更名將

踐李固之前規後漢書李固自荊州躡曹褒之舊跡後漢書曹褒永

元時遷將建都河洛班固東都賦立號起役伊瀍張衡

作大匠高邑建都河洛

賦審曲面勢

百堵所以雲興

詩百堵皆興鄭箋五版為堵庾闡揚都賦枕百堵之

左伊右瀍

層城晉書顧愷之言會稽山川之狀雲興霞蔚

九仞由其岳立

淮南子鯨作九仞之城五經異

義天子之城九仞鮑

奮簣魚貫強脊者使之負持鋤杵

照蕪城賦格高五岳

鴈行長脰者使之踏插

淮南子伊尹之興土地也修脰者使之跼蹐強脊者使之負土

注長脰以蹋

優旃欲漆之郭雖復難周

史記秦二世欲漆其城優旃曰

善顧難為

張儀覆錦之城於焉易就

益州記張儀所築錦城在州南華陽

蔭室耳

國志成都城故錦官也錦工織錦濯於江

九重之邑

中則鮮明濯於他水則不如故名錦里城

子崑崙山有

無勞走馬之形

搜神記秦人築城數崩有馬馳走因馬跡為城乃定

層城九重

遂名萬家之都

沈約安樂王碑郭

自有臥龍之異

王隱晉書

馬邑

涼州城有臥龍形故名臥龍城理須候隙啓閉左傳皆於農隙以講武

道橋曰啓城郭墻塹曰塞務在從時禮記凡舉大事必順其時下不奪於三農孟子

百畝之田勿奪其時周禮三農生上不虧於八部河圖

九穀鄭司農注山農澤農平地農倉庚遷木殊非濬湫之辰詩春日載陽有鳴倉

象天有九州入桂庚又遷於喬木左思魏都賦崇墉濬湫劉淵林注濬深也湫城溝也戴勝降桑豈是營都

之日禮記季春之月戴勝降於桑漢書婁敬云昔成王乃營成周都洛寧有自求微效

廣棄人功既廢春疇宜從霜典

少匠唐將作監設少匠二人柳仝掌造三陽宮在登豐縣唐聖歷間建

臺觀壯麗三月而成夫匠疲勞死者十五六掌作



官加兩階被選樞鼓訴屈

千八百國王者以列郡分州

呂氏春秋禹決江疏河所活者千八百國賈山至言

周蓋千八百國史記秦始皇并天下分置三十六郡左傳芒芒禹迹畫為九州經啓九道

三十六所

聖人有離宮別館

班固西都賦離宮別館三十六所三輔故事上林四百餘里離宮別館非

一所

鵲宇啣月

三輔黃圖武帝起鵲觀陸德明毛詩音義屋四垂為宇

其五柞而

連陰

漢書武帝建五柞宮因五柞樹以名

龍臺造天

三輔故事龍臺高六丈三齊畧記平昌城

內有臺高六丈神龍出入其中故名龍臺張衡東京賦園闕竦以造天孔安國尚書注造至也

埒九華

而接影

魏志文帝築九華臺稱木輕重為之雖高隨風搖動而不傾明帝懼其危以大木扶之即壞

三陽地隣崕坂

一統志嵩山一名崕嶺

境帶嵩邱

潘岳懷舊賦前瞻太室後眺嵩

邱斜瞻玉女之祠嵩山記山有玉女臺云漢武帝見三仙玉女因以名臺近瞰井

公之博穆天子傳天子東征與井公博三日不決爰茲勝壤陳知微中嶽碑宅茲勝壤聿

啓深宮荀子魯哀公曰寡人生於深宮之中取酸棗之前基薛道衡宴喜賦韓王酸棗

之觀荒疏蕪漫楚國探棠梨之舊制三輔黃圖漢有棠梨館柳仝

職惟經構詩經始靈臺書若考作室位掌構櫨柏梁臺詩將作

大匠云桂枅構櫨相支持說文構拱木倂於林衡全模

櫨柱上枅蒼頡篇枅柱上方木授於梓匠左思魏都賦倂拱木於林衡授全模於梓匠

山林之官梓匠攻木之人鳳池青瑣注見中書省及門下省參差雁齒之階庾信

溫湯泉碑秦皇餘石仍爲雁齒之階漢武故事鸞庭綺

驪山湯泉始皇砌石起宇至漢武又加修飾焉鸞庭綺

鰓

文選古詩交疏結綺鰓薛綜西京賦注疏刻穿之也然則刻為綺文謂之綺疏也

錯落魚鱗

之屋

班固西都賦隋侯明月錯落其閒楚辭魚鱗屋今龍堂庾信溫湯泉碑漢武舊陶即用魚鱗之瓦

璿題耀日

揚雄甘泉賦璿題玉英應劭注題頭也璿椽之頭皆以玉飾張衡西京賦引耀日月

璿瑁之金椽

漢武故事上起神室椽塗以珠網懸星玉

詔魂綱戶珠綴刻方連些注以木為門屏而刻為方目如羅網之狀江淹擬從駕詩宸網擬星懸洞疏

璿之寶閣

漢武故事上起神屋屏扇悉以白琉璃作之光照洞徹十洲記方丈山上有琉璃宮崔融

嵩山啓母碑周施璿瑁之椽編覆琉璃之瓦

似王彬之勤苦自覓封侯

晉書王彬

為大匠以營創勤勞賜爵關內侯

匪魏霸之優容怡然受罰

後漢書魏霸拜將作

大匠典作順陵時盛冬地凍中使督促數罰縣吏以厲霸霸拊循而已初不相責

華仲省費之



舉未展其能

後漢書應奉曾祖父順字華仲和帝時爲將作大匠華嶠後漢書華仲爲將作大匠

省費

伯真士卒之先罕聞其效

後漢書陳球字伯真拜將作大匠作恒帝陵園

所省巨萬以上六帖陳伯真爲將作大匠

壯麗則論功

極大

漢書蕭何治未央宮上見其壯麗甚怒何曰非壯麗無以重威

勞役則死者還多

孔叢子陳惠公起陵陽之臺坐法死者數十人又執三

監吏孔子曰古聖王爲臺未有不戮一人而能致功若

此者也陳侯退

勤勞補拙而有餘

史記貧富之道莫之

者不足白居易

功過相除而不足

漢書王嘉傳聖人未

疲而事就乍可論優夫半斃而功成若爲徵賞加階放

選已自偏矜撾鼓自強何爲淺見

周禮太僕建路鼓於大寢之門外以待達

窮者輒驚聖聽不得無辜法有正條理宜科結

水衡監二條

舜命益作虞以掌山澤周有司衡漢有水衡晉省水衡置都水臺隋置都水監唐改

爲水  
衡監

五月五日洛水競渡船十隻請差使於揚州修造

須錢五千貫請速分付

水衡列職

漢書武帝初置水衡都尉

池苑分曹

顏師古漢書注山林之官曰衡掌諸池苑

故稱

既知游觀之娛

顏師古漢書注水衡蓋掌山林離宮燕休之處

兼總鑄錢

之府

漢書文帝禁郡國無得鑄錢專令上林三官鑄錢天下非官錢不得行庾信馬射賦水衡之錢山積

河隄謁者服彼賢冠都水使司佩其蒼玉

文獻通考秦漢有都水長

丞武帝以都水官多乃置左右使者以領之至東京凡

都水皆罷并置河隄謁者又曰都水使者銅印墨綬進

賢兩梁冠允釐舟楫肅掌陂池文獻通考秦漢有都水

佩水蒼玉長丞主陂塘灌溉魏世

主天下水陳勰之績既深晉諸公讚陳勰有巧思遷都

軍舟船水使者洛陽記千金隄勰所

置王延之效斯重漢書武帝時河隄大壞以斗柄亭午

孝經緯芒種後十五日斗指午為律中蕤賓呂氏春秋

夏至梁元帝纂要日在午日亭午律中蕤賓仲夏之月

律中蕤賓高誘注陰氣蕤在葛亮渡瀘之時諸葛亮

下象主人陽氣在上象賓客葛亮渡瀘之時出師表

五月田文始生之日史記田文以五月五日生父勅勿

渡瀘田文始生之日舉母私舉之文長啓父日不舉五

日子何也日及戶不利文曰續命之縷漸染成風辟兵

何不高其戶父賢之立為嗣續命之縷漸染成風辟兵

之縷因循不絕風俗記端午造百索繫臂朱絲約纓變

續命縷一日辟兵繪

續命縷一日辟兵繪



成南楚之空

續齊諸記屈原五月五日投汨羅死楚人哀之每至此日以竹筒貯米投水祭之建

武元年長沙歐回見人自稱三閭大夫曰見祭甚善常恐為蛟龍所竊可以楝葉塞上以綵絲約縛之二物蛟龍所畏世人作糗并五綵絲及楝葉皆汨羅之遺風紫也風土記端午造百索繫臂一曰五色絲一曰朱絲

艾禳災大啓中州之俗

荆楚歲時記五日采艾懸戶上以禳毒氣以師曠占有歲病則

艾草先生故也文選蘇武詩山海隔中州注中州中國也

剪鸛鵒之舌必是能言

異苑

五月五日剪鸛鵒之舌能學人言

收烏鵒之腦自然懷戀

淮南萬畢術鵒腦令人相

思注取雌雄鵒各一燔之四道丙寅日與人共飲酒置腦酒中則相思也

爰因此日競渡為

歡隋書地理志屈原以五月五日起汨羅土人追至洞庭不見湖大船小莫得濟者乃歌曰何由得渡湖因

鼓櫂爭歸習以相傳為競渡之戲

蘭橈鳴鶴之舟桂棹晨鳧之舸

洞冥記影

蛾池有鵝毛船或以青桂之枝為棹或以木蘭之心為  
楫方言楫謂之橈庾信泛江詩蘭橈避荻洲西京雜記  
太乙池有鳴鶴舟魏王粲海賦乘蘭桂之舟晨鳧之舸  
穆天子傳天子乘鳧舟郭璞注舟為鳧形今吳之青雀  
舫其遺象也鴨頭泛濫與青雀而爭飛吳志諸葛恪置鴨頭

舫以禦水患晉宮閣記鵠首參差共飛龍而競逐淮南子龍舟鵠首高誘注

天淵池有飛龍舟黃頭執櫂疑素鯉之凌波漢書鄧

船為黃頭郎注土勝水故刺船郎著黃帽束哲補亡詩凌波赴泊郭璞江賦撫凌波而鳧躍白衣揚

櫓類蒼鳥之拂浪吳志呂蒙使白衣搖櫓作商賈人狀

鳥競渡所用輕利為工荆楚歲時記南方競渡治創修

十隻之舟費直五千餘貫金舟不可以泛水玉楫不可

以乘湍

抱朴子瓊艘瑤楫無濟水之用

造數計則無多用錢如何太廣

玩物喪志所寶惟賢

書旅葵文

豈將有限之財以供無益之

費

旅葵不作無益害有益

所請非急未可輒依

水工鄭國狀請決漢水直出鑿山通道至伊水入

洛須夫五百乃運江淮租極便

水曰潤下火曰炎上

書洪範文孔注潤下炎上言其自然之本性

順性則易

從違方則難理祇如漢江以北伊瀍之南巖嶂嶢嶢以

造天岡磴崢嶸而括地

班固西都賦巖嶂嶢嶢金石崢嶸張衡東都賦圖闕疎以造天

楊炯少姨碑憑河圖而括地

層峰切漢飛鳥迷林絕壑窮山奔豹失



路梁范雲巫山高詩巖懸探深泉之月兔王充論衡儒者言月中兔

夫月水也兔在水中無不死者易林上罕有其功提高

山求魚入水挽兔市非其歸自令久雷左思蜀都賦陽鳥回翼於高標圖

標之日鳥未聞其可經高標山名郭璞十日讚十日並

出草木焦枯羿乃后稷之播殖九穀不能使苗稼冬生

控弦仰落陽鳥淮南子禹決江疏

夏禹之引決百川不能使江河西注河而不能使水西

流稷辟土而不鄭國才非識古智未超今乏袁敏之多

能使禾冬生魏文帝典論陳國袁敏謝鄴長之博覽

能以單攻複每為若神字善長歷覽

羣書著水經進不量力左傳不度退不省躬書惟干戈

注四十卷德不量力

逆地勢而開山楊炯少姨碑用遁甲而開山遁甲開山

圖有巨靈胡者徧得坤元之道能造山

川出絕天真以決水述征記華山與首陽本一山河神巨靈掌壁其上足踏其下分兩山

以通河流今區區淺見輒與造化爭功廣雅區區小也嚴遵道德指歸

掌足跡猶存論功與造化爭流潘岳瑣瑣庸情擬其陰陽競氣爾雅瑣瑣

西征賦倖造化以制作瑣瑣庸情擬其陰陽競氣爾雅瑣瑣

小也舍人注計謀褊淺之貌銜枚塞海為惓已深山海經發

楊炯少姨碑噴薄陰陽之氣銜枚塞海為惓已深山海經發

鳩之山有鳥名精衛是炎帝之女游東海溺而不返故

常銜西山木石以堙海詩伐其條枚毛傳幹日枚周禮

有銜枚氏捧土填河在愚彌甚後漢書朱浮與彭寵書云河

其不知妄為勞役虛費人功魏志明帝欲平北邙使登

量也臺可望孟津辛毗諫曰天

地之性高高下下今反之既非其理既貪罔上之條合

加以損費人功民不堪役帝乃止

處欺天之罪審問情狀方可論科

沙苑監二條

沙苑在同州馮翊縣唐置沙苑監掌牧養

鴻臚寺狀稱默啜使人朝宴設蕃客沙苑監李秀

供羊瘦小邊使咸怨御史彈付法

滔滔碧海

隋虞茂望海詩巨海碧滔滔十洲記扶桑在碧海中

萬穴於是朝宗

木華

海賦江河既導萬穴俱流書江漢朝宗於海孔注二水

人海有似於朝百川以海為宗宗尊也隋煬帝觀海詩

委輸百谷歸隱隱黃樞注見門百靈由其納款唐魏徵

朝宗萬川溢

百靈侍軒后萬國會塗山

聲教溢四海朝宗別百川

遼東延袤萬餘里蒙恬曰

此其中不能無絕地脈哉

高關凌空

徐廣史記注高關在朔方括地志朝

方郡北有連山險於長城其山中

斷兩峰極峻相對若闕故名高關



篇左思蜀都賦控金微而作鎮注見兵部篇龍荒景促漢書

包玉壘而為宇紀龍荒漠朔莫不來庭注則飛雪千里宋玉招魂北方

龍荒匈奴祭天於龍城則飛雪千里不可以止層冰歸

峨峨飛龜林洹寒唐書回紇傳貞觀中鐵勒十一部歸命入朝以同羅部為龜林庾信齊王

雪千里龜林左傳窮陰洹寒則木皮三寸厚六尺木皮三寸

憲碑銘山連鳥道地盡則木皮三寸厚六尺木皮三寸

韋韞毳幕人傳食鼠之風羶肉酪漿俗染乘羊之化注

兵部登狼居而跋扈漢書武帝遣衛青霍去病擊匈奴

梁冀曰此跋扈將軍通鑑漢武帝登單于臺

也注跋扈猶強梁也臺號單干注單于臺冒頓單于所

築處馬坂以挺袂戴延之西征記次前至地名光祿簡

文帝皮關山行山屠光千里辮髮漢書終軍曰解辮髮削

祿寨卻破夫人坂

同師以東皆辨髮  
地方可數千里

望夷邸而爭趨

注見主客篇

五月披裘

郭義

恭廣志代郡陰山五月猶霜雪

瞻洛橋而下拜

庾肩吾謝賜宅

列子當夏五月有披裘採薪者

啓卻瞻鍾阜前枕洛橋左傳天子使

聖朝仁以接物德

宰孔賜齊侯胙齊桓公下拜登受

以和人矜其屬國之情

漢書置屬國以處匈奴降者韋昭注外國胡羌來屬漢者

待

以蕃臣之禮

周禮九州之外謂之蕃國

李秀職編沙苑

寰宇記沙苑一名沙阜唐

置沙苑監

位縮牧司輒隱肥羊翻將瘦羴

詩既有肥羴毛傳羴未成

掌牧養

羊也郭璞云今呼五月羊為羴東觀漢記

一羊供國罕

甄字為博士上令賜羊字自取最瘦者

見滋蕃三百維羣

詩鄭箋百頭為一羣

如何檢察羸肌薄毳

說文羸瘦

也徐鍇繫傳曰六畜之中駿馬多瘦牛亦瘦狗亦細形雞之瘦不至於劣惟羊瘦則羸也禮記羊泠毛而毳羶

供旦饌而難充

論語子貢欲去告朔之餼羊孔安國注特牲曰餼

瘦骨穿皮濟

晨炊而無用

後漢書陰子方臘日晨炊而竈神形見子方再拜受慶家有黃羊因以祀之

主

簿之號空觀其髻

崔豹古今注羊一名髻鬚主簿

大夫之家獨留其舌

左傳羊舌大夫正義羊舌氏姓李名果有人盜羊而遺其頭受而埋之後事發追驗惟有舌在國人異之因號羊舌遂使賢王結恨漢書匈奴傳冒頓置左右賢王恥大國之風輕驕

子相嫌

注見兵部篇

鄙中州之禮薄

注見水衡篇

憲司彈劾

注見御史

篇

允合公條大理糾繩

春秋元命苞堯得臯陶聘為大理書繩愆糾謬

固難私

縱

正月朔旦祭南郊沙苑副監劉璿狀云方今尊崇



釋教其羊料請減庶望國家有福慶祚綿長太常

執奏祭天事大不宜降禮

文獻通考周宗伯掌邦禮秦改曰奉常漢初曰

太常欲令國家盛

太常有故稱太常

銅漏應序

說文漏以銅受水刻節晝夜百刻左傳履端於始序則不愆

玉律調年

漢書

黃帝作律以玉為琯後漢書候氣之法殿中用玉律庚

信馬射賦玉律調鐘梁簡文帝菩提樹頌榮光動照玉

燭調

暢彼三微

白虎通正朔有三微者何謂也陽氣始施黃

年泉萬物動微

均茲四氣

禮記動四氣之和以著萬物之理尸子四氣和正光照此之謂

而未著也

玉中和之職

漢書王褒作中和樂職宣布詩如燭節初元

燭

於鳳笙

詩東方未明序刺無節也挈壺氏不能掌其職焉玉燭寶典正旦歲之元時之元月之元說文

笙正月之音物生故謂之  
笙有十三簧象鳳之聲  
司歷之班左傳今火猶西  
分

上序於虬箭張衡渾天儀製以玉虬吐漏水鄭元周禮

焉太史立成法注漏之箭晝夜共百刻冬夏之閒有短長  
有四十八箭獻鳩發歲列子邯鄲民正月旦獻鳩於

正旦放生示有恩也梁元帝趙簡子厚賞之客問其故曰  
纂要正月孟春亦日發歲放雀名辰孔叢子邯鄲人

綵趙王大悅申叔以告子順正朔獻雀綴五  
子順曰正朔放之求有生也盤薦五辛風土記元日造

發五臟氣家承百福初學記馮衍銘曰元  
正上日百福孔靈五辛盤辛所以

以禳災梁元帝纂要懸羊戶閒應和風而助氣裴元新

縣官殺羊懸其頭於門又磔雞以覆之俗說壓厲氣元

以問河南伏君伏君曰是月也土氣上升草木萌動羊

嚼百草雞啄五穀椒花起頌初學記晉劉臻妻元日獻

故殺之以助生氣椒花頌杜甫詩椒盤已頌

花餞故迎新

風俗通臘接也新故交接司馬彪續漢書季冬之月享臘以送故四民月令立春之

日食生菜

柏葉傳杯

風土記元日長幼拜賀進柏葉酒四民月令柏是仙藥

送冷

梁元帝纂要春風曰暄風禮記季冬出土牛以送寒氣

受茲勝景方申藉稻

之儀

左傳鄔子藉稻注藉者其君自出履行稻畝閒禮記孟春之月天子躬耕帝畝

敬以吉辰

儀禮令月吉辰

允迪燔柴之典

禮記燔柴於泰壇祭天也

劉敞識非經遠智

謝鈞深

易鈞深致遠

蘊薙草之庸才

周禮薙氏掌殺草唐書陸羽幼為僧得張衡南

都賦不能讀師

懷守株之小見

韓非子宋人田中有株兔走觸而死因守株冀

復得免為

請禁屠於齋月

唐書高祖武德二年詔自今正月五月九月是謂三長齋

月望省料於郊天

白虎通祭天必在郊者天體至清故祭必於郊取其清潔也

欲崇



釋典希延慶祚但五帝三皇之代周禮外史掌三皇五帝之書內教

猶潛內教佛教也歐陽詢藝文類聚以佛書為內典二莊兩明以來王中頭陀寺碑周魯

二莊親昭夜景之鑒漢晉兩明並勒丹青之飾李善注魯莊七年夜明佛生之日也周莊王魯莊公為同時漢

明帝夢見神人傳毅曰天竺有佛後真如始泛杜甫詩得其形像晉明帝好佛手書形像經真如會

法堂注真已前無佛不廢禪宗書禪於六宗今日祭神如何如禪理也

減省重人賤畜鄭元論語注重人賤畜先哲之格言論語比考識賜問格言成

式敬地尊天禮記是以尊天而親地也明王之令典任昉竟陵王狀前王之令典

棄而用犬尚有前譏左傳棄人用犬周禮犬人凡祭祀供犬牲伏瘞亦如之鄭司農云伏

謂伏犬以王車轅之賈疏伏犬以王車轅之者謂較爾道之祭犬羊俱得是以聘禮注云其用牲犬羊可也

愛其羊能無後誚

論語子貢欲去告朔之餼  
羊子曰賜也爾愛其羊

邪情既虧

正道小惠終亂大謀

左傳小惠未徧論語  
小不忍則亂大謀

並付所司各

依前式

苑總監二條

自隋而置東西南北皆有監唐因之兼  
有丞主簿等官以掌苑內館園池之事

秦新安穀水社舊是苑內地近被百姓吞併

舊脫  
併字

將作數請收入苑百姓不伏

伊洛瀍澗

書伊洛瀍澗  
入於河

入溪九谷之津

張衡東京賦九谷  
八溪庾信終南山

詩派別入溪

少室嵩高

戴延之西征記其山東為太室  
西為少室嵩其總名也謂之室

者以其下各有石室焉白虎通中央之嶽獨  
加高者何居四方之中而高故曰嵩高山

五岳三塗

之險

易林三塗五岳陽城太室神明之保獨無兵革左傳四岳三塗九州之險

召公相宅灼

龜墨以定王畿

書召公既相宅張衡東京賦召公相宅卜惟洛食薛綜注相視也宅居也孔安

國尚書注卜必先墨畫龜然後灼之兆順食墨光武建

吉也說文畿天子千里地以逮近言之則言畿

光武建

都因鳳集而成帝業

東漢記光武生於濟陽先是鳳集濟陽故宮皆曰聖瑞始於此

建武元年十月車駕入洛遂定都焉

班

彪王命論此高祖大畧所以成帝業

濯龍芳苑

賦濯龍芳林薛綜注

寶蓋成陰

濯龍池名芳林苑名

劉峻廣絕交論鶴蓋成

交字其下句

走馬交衢

相犯誤也

賈疏衢道也謂御車在交道車

旋應於金錢滿埒

世說王武子移地近北邙時京洛地

舞節地竟埒時人號金錢埒韻會埒庫垣也

晉王濟馬埒謂於外作短垣繞之也

諺門曲榭從來



別館之基

張衡東京賦諺門曲榭五臣注諺門門名宮室相接謂之謬臺有木曰榭司馬相如上林

賦離宮別館

壽安永寧舊是離宮之地

張衡東京賦其地則含德章臺

彌山跨谷

天祿宣明溫室迎春壽安永寧

眷茲穀水

郭延生述征記金谷池有

薛綜注八殿皆以休令為名

金水南流經此谷注穀水楊佺期洛陽

俯瞰神州

河圖

記千金堰在洛陽城西堰上有穀水

象崑崙東南地方

斜連四會之郊

洛陽記銅駝二迴控枚在四會道頭

五千里名曰神州

兩京之路

按唐書以長安洛陽為兩京

都人接軫

班固西都賦都人班固西都賦都人

論流水接軫

桑棗成林逆旅分區閭閻撲地

王勃滕王閣序閭閻撲地

其原是苑內不合輒許人居四邊皆有業恒百姓若為

吞併天田大小

揚雄上林苑箴芒芒天田芄芄作穀

先有規模御圃短長

非無制度文王百里之囿不以爲多齊宣四十之園猶  
嫌太廣見孟子利民之於利國相去幾何施人之與奪人  
失之彌遠何惜數頃之地頓傷百姓之情如愚所裁宜  
依舊定

上林監楊嗣請增置宮館於上林中御幸游戲畋  
獵所詣即上下輦咸宴暨勞永逸永久安穩

八川浩蕩司馬相如上林賦蕩蕩乎八川分流潘岳關中記涇渭灞澹豐瀉潦潏凡八川控丹

水以疏津司馬相如上林賦丹水出其南九嶺參差九嶺

即九谷也張衡東繞黃山而作固楊雄羽獵賦序武帝京賦九谷入溪廣開上林北繞黃山

相如健筆高談上苑之芳

漢書司馬相如作上林賦

子雲清詞盛述

長楊之麗

漢書成帝好田獵楊雄作長楊賦諫之陳琳答東阿王牋清詞妙作

露寒鵙鵲

之觀古亦仍存

漢書注武帝建元中作鵙鵲露寒觀在雲陽甘泉宮外

宜春屬玉

之軒餘基尚有

漢宮閣記長安有宜春宮漢書宣帝行屬玉觀服虔注以玉飾因名焉晉灼

曰屬玉水鳥似鵙鵲以名觀也

儲胥杓楫

漢書武帝增儲胥宮關中記建章宮有杓楫殿

便開

御幸之塗

獨斷天子所至曰幸所進曰御幸者宜幸也世俗謂幸為僥幸車駕所至民臣被其德澤

以為僥倖

清暑甘泉

張衡西京賦遠則九嶷甘泉涸陰涸寒日北至而含凍此焉清暑薛

綜注帝或避暑於甘泉宮故云清暑

實曰微行之處

漢書武帝微行張晏注出入市里不復警蹕若微賤所

為故曰微行

探封巒於漢制

司馬相如上林賦歷封巒觀三輔黃圖甘泉有封巒觀



侈未及奢獲林光於秦餘

張衡西京賦觀往昔之遺館獲林光於秦餘五臣注林光

秦離宮名秦始皇作故言秦餘

儉而不陋

張衡東京賦奢未及侈儉而不陋

何必廣開

禁藥

揚雄羽獵賦武帝廣開上林又云禁藥所營漢書注藥者禁苑之遮衛也

虛費人功

見注

水衡

優旃發使鹿之譏

記始皇欲大苑囿優旃曰善冠從東方來合麋鹿觸之足矣

監篇

始皇以故輟止

張昭有射虎之諫

吳志孫權每田常乘馬射虎張昭諫曰如有一旦之患奈

天下

大誇宮館外取笑於由余

史記戎王使由余於秦穆公示以宮室積聚由

笑何

廣設繚垣內興嗟於貢禹

張衡

余曰使鬼爲之則勞神矣使人爲之亦苦民矣

賦繚垣綿延四百餘里漢書元帝徵貢禹爲諫議大夫禹奏宮室制度從儉省又建迭毀之計遂毀太上寢園

爲楊嗣詔諛佞士

孟子讒詔面諛之士漢書鄒陽云以壚事詔諛之人列女傳齊威王臣周破

胡諛譏之後漢書馬援戒兄子曰杜季良豪俠好義效季良不得陷為天下輕

薄侯人也矜奔競之褊懷昧公方之大體漢書霍光奉聖君於

堯舜善迹無聞孔安國尚書注伊尹使其君不能如堯舜則恥之華陽國志譙隆為上林令武

帝欲廣上堯隆言堯舜致治廣德陷人主於桓靈醜聲

不務林苑帝後思其言徵為侍中

先著臧榮緒晉書云帝問劉毅曰卿以鎮之以靜則俗

阜財殷漢書龔遂為渤海太守致民殷阜撓之以煩則政荒人散禮記

之音其政不應言而上言法有正條不應為而有為刑

茲罔赦宐從貶論以肅朝章

內侍省二條中官之職周禮有閹人寺人內豎等秦漢以來名號不一隋曰內侍省唐因之

本省狀稱寺伯蒙天建植性謹厚薦達賢良處事

清勤惟知內外糾察必望百司清肅

在天懸象

易懸象著明莫大乎日月

天垂宦者之星

後漢書宦者傳論易曰天垂象

聖人則之宦者四星在上帝位之側李善文選注仲長統昌言曰天文臣者四星在帝座旁在地標儀

盧謹時興詩悠悠方儀廟李善注

地有闢人之職

周禮

掌掃

莫不謹其室審宮闔

禮記仲冬命奄尹審門闔謹房室

既隆內宰

之班

王內之政令

實掌中門之禁

周禮閹人掌守王宮之中門之禁

以

其體非全氣性實專良

宦者傳論體非全氣情志專良

常侍啓之於

前

宦者傳論漢興仍襲秦制置中常侍官引用士人參選中興之初宦官悉用闔人

大長秋建



之於後

漢書百官表將行秦官京帝中六年更名大長秋注秋者收成之時長者恒久之義故為皇后

官名金璫銀璫之貴光耀紫庭左貂右貂二榮寵盈黃閣

宦者傳論中常侍皆銀璫左貂明帝以後改金璫右貂

鳳翔今於庭董巴輿服蒙天建職參永巷三輔黃圖

志禁門曰黃閣中人主之

之長巷幽閉宮中之有罪者漢書永

巷官取其領事之號則曰永巷僕射

離宮也漢武陳出入後庭漢書蕭望之以武帝游燕也

后廢處長門宮

驅臥內漢書中常侍秩千石得

出入臥內舉法省

勳後漢書和帝初竇憲圖作不軌鄭眾

首謀誅之以功遷大長秋封鄉侯

游之補益宦者傳論元帝之世史游為

黃門令勤心納忠有所補益

之績尤彰

史記藺相如為趙宦者繆賢舍人趙求報秦者未得賢曰臣舍人藺相如可使

進善

無私曹騰之譽斯足

後漢書曹騰用事省闈三十餘年其所進皆海內名人

省司

藉其楨幹

漢官儀中常侍奉法省中省中即禁中成帝外家王禁貴重朝中諱禁曰省詩維周之楨

毛傳楨

兼以行能久參以侍之雄

文獻通考隋煬帝改內侍省為長秋監唐

武德初復

清肅外官之職但逐鹿之犬

藝文類聚孔子見老聃曰人用

意如游鹿者

以無捕豹之材

穆天子傳天子狗走百里執虎豹

擊雁之

鷹豈有追鵬之力

幽冥錄楚文王時有人獻鷹俄而雲際一物翱翔鷹便竦翮而升須臾有

大鳥墜地時博物君子曰此鵬雛也異書專漢武帝時西域獻黑鷹得鵬雛東方朔識之

老作與刻

周道所以淪胥

詩序巷伯刺幽王也寺人傷於讒而作是詩也詩無淪胥以亡 闔豎弄

權漢風由其大壞曹周六代論王於桓靈闡豎執權君

沸姦雄孤立於上臣手權於下由是天下鼎

並起景監見任趙良寒心史記司馬遷趙良曰我化

日五穀大夫繆公知其賢舉之君見秦王因嬖人景監秦孰與五

非所以為名也司馬遷報任少卿書商鞅因景監見趙

良寒心同子參袁絲變色報任少卿書同子參乘袁絲

也與遷父同諱故同子漢書文帝朝東宮趙談參乘

袁盎曰漢雖乏人獨余何與刀鋸之餘共載絲袁盎字

也孟子王勃荀子君有忠臣骨鯁之士足以糾正朝儀謂之骨鯁史記

然變乎色然骨鯁之士足以糾正朝儀謂之骨鯁史記

專諸曰方今吳外困於刑餘之人豈可參謀國事史記

楚而內空無骨鯁之臣刑餘之人豈可參謀國事史記

欲將孫臏臏曰其言不次無理告知魏王

刑餘之人不可

內侍元淹心狠貌恭善柔成性兩京來往威福甚



高金帛祗承則妄於延譽迎候失行輒加鞭撻

元淹佞幸居懷

漢書有佞幸傳

諂諛成性

書僕臣諛厥后自聖孔注僕臣諂諛則其

君乃自謂聖易成之者性也

同豎刁之公猶翻覆邦家

後漢書宦者傳論豎刁亂

齊注左氏傳曰齊桓公易牙與寺人刁因內寵以殺

羣吏而立公子無虧孝公奔宋論語惡利口之覆邦家

者類伊戾之猖狂劫搖州郡

宦者傳論伊戾禍宋太子請氏傳曰楚客過宋太子請

野享之伊戾請仇至則為坎牲加書告公曰太子將為

亂既與楚公使視之則信有焉太子死公徐聞

其

回天轉日之勢況此猶輕

釋法琳辨正論莫不扇飄風凍雨之

烹伊戾

暴烈回天轉日之威陸機弔魏武帝文大以回天到日

之力而不能振形骸之內後漢書中為小黃門史下

為之語曰左回天淮南子虞公與城狐社鼠之威方

夏戰日欲落公以劍指日日還不落

斯未甚

文選沈休文奏彈王源

字善

治廣城子成子春秋景公問於晏子

曰治國何患對曰患夫社鼠夫社

木而塗之鼠因生

托焉熏之則恐燒其木灌之則恐敗其

木

則蔽善惡於君上外則蠹權

有恭石之巨蠹

宦者傳論宏恭石顯

以險佞

濫弄

王儉褚淵碑

無管勃之奇功

宦者傳

自進

管蘇有功於晉

楚王呂卻將殺晉侯寺人披以告遂殺

呂卻寺人披即勃也

楚王曰管蘇犯我以義違我

以禮不見不思

叨居近

禮記禁近習注

往還三輔

漢書

然而自得也

以京兆馮翊扶風為三輔

頤師

威福甚高

孔安國尚書注惟君得專

古注取左傳輔車相依之義

威去來兩京

注見苑

風霜極烈

通典御史

苞苴未入

禮記

福去來兩京總監篇

以苞苴問人鄭注問猶遺也正義苞者以草包

裹苴者以草藉器貯物南史恩幸傳苞苴歲通墜以黃

泉之深

禮記子思曰退人若將墜諸淵揚雄解嘲深者入黃泉高者出蒼天

賄賂潛通

左傳

賄賂

招以青雲之上

揚雄解嘲當塗者升青雲失路者委溝渠

鞭笞士子恥

辱官寮犬羊披虎豹之皮

文帝與吳質書以犬羊之質服虎豹之皮

燕雀

假鳳凰之翼

史記鳳凰羊質服虎

與燕雀為羣文選秦州雜詩又燕雀假鳳翔既懼非所任怨

彼南

豈可濫班九夜

庭置令後漢掖庭令掌後宮貴人

采女唐書宦者為序唐置內侍省有掖庭王宮妃簿最

點穢眾恩

崔豹古今注眾恩屏之遺像也

臣來行至於內屏外

直可投諸四荒

爾雅孤竹北戶西王母日

復應思惟眾恩復思也

以禦魑魅

左傳舜臣堯流四凶於天下謂之下謂之魑魅杜注魑魅木石異氣所生為

四荒

入害馳驛速發無俾少留各下司即宜催遣

者



龍筋鳳髓判卷二終

番禺孟鴻光校


龍角原骨辨卷二

三













PL  
2451  
P29  
V. 50

龍筋鳳髓判卷之三

唐張鷟撰

明武定劉介朋  
字宣京主

國朝蕭山陳春東為補正

修史館二條

唐初令狐德棻請修近代史遂令德棻修撰  
河修撰名始此唐史館四人掌修國史

監修國史

唐宰相四人內一人帶監修國史

劉濟狀稱修史學士

李吉甫多行虛飾下據實狀有善不勸有惡不懲

得財者入史無財者則削褒貶不實非良史之體

觀龍演卦

尚書大傳伏義王天下龍馬出河觀其文以畫八卦

未聞記事之書

漢書

古之王者世有史官君舉必書左史  
記言右史記事為春秋言為尚書

學鳥為文

史記蒼頡觀鳥

跡象之以始立載言之典禮記史載平林鬼哭詩依彼

作文字傳平林林木之在平地者淮南子蒼頡作書平林毛

鬼夜哭許慎注鬼恐為書所効故夜哭經籍所以

鬱興隋書有經籍志曹植中山兔悲王羲之筆

昌鬱雲與李善注鬱出也興起也經漢時諸郡獻兔毫惟國毫中用許慎淮南子翰墨

注鬼夜哭鬼或作兔兔忘其取毫作筆故夜哭也

由其駿發魏文帝典古之作者寄紀功紀過沮誦肇

之於前世本注皇帝始立史繫月繫時杜預左傳序記

官六詠沮誦居其職繫時書遲任有言鄭注莫不

繫時以時繫年遲任蹤之於後遲任古之賢史莫不

懲惡勸善左傳春秋之稱激濁揚清注一字為褒貶然皆

明申鑒得失一字成其褒杜預左傳序春秋雖

朝榮辱千載一字為褒貶然皆

須數句

吉甫緹紬藏室

晉書陳壽等傳論蒯萐緹紬作

以成言後漢書學者稱東觀爲老氏藏室

爲柱下史四方所記文字皆歸柱下謂之

直棗詞林板之長三尺者也庾信趙國公集序棟梁文

圓冠冕

遵直

於南史

左傳南史氏執簡以往

跨高蹤於東觀

後漢

書安帝詔謁者劉及五經博士校定東觀五經諸子

傳記百家藝術整齊誤是正文字蔡邕袁陽碑邈矣

高蹤宋書百官志東京圖書悉

在東觀名儒碩學入直

謨辨而不華質而不俚

漢書司馬遷傳論辨而不華質

不隱惡故退不隱惡慕周舍之堅貞

謂之實錄

韓詩外傳趙簡子

門下三日三夜簡子問其故對曰願爲謬謬之臣操贖

秉筆從君之後思君過而書之王褒尉遲綱碑堅貞之



操進不虛美追揚雄之故事論衡揚子雲作法言蜀富人齎錢千萬願載於書子

雲不聽夫富無仁義之行圈中何得文隨意曲筆逐情

之鹿欄中之羊也安得載偏南史恩幸傳論左臂揮筆由和染非左氏之三家有劉公

之一弊密會王道之輩而不言潛濟生人之徒捨而

不錄阿附宰相貴貲飾以佞一時晉書袁宏為東征賦未稱過江諸名德獨

不載桓彝桓溫在怒謂宏曰何故不及家君宏即答云

風鑑散朗或引身雖可亡道不可隕宣城之節信

義然而止詔事明君尚虛名而誇六國戰國策秦王與

勝王大怒人為中期說王曰中期適遇明君故也遇桀紂必殺之矣王因史元舅策北史魏收撰國史

霍之元勳競敘婚姻忘良平之上策

楊愔曰論及諸家

枝葉姻親為繁碎收已往因中散亂人士譜牒遺  
逆畧盡是以具書其枝派於是也  
諠然號為穢史有

青蚨之鏹則倍事揄揚搜神記青蚨如蟬殺其母子  
各塗八十一錢

毋皆飛歸循環無已故淮南子名  
鏹孟康漢書注鏹錢貫也乏黃鳥之金則輒加

刪削異苑康王曠井上有洗石時見赤氣後胡人寄  
宿求買之不及度錢子婦孫氏覩二黃鳥闕於石

上疾往掩取變成金胡人不  
知既得撞破內空段二鳥處就腐刊於漢室便作謗

書漢書司馬遷請就腐刊修史記後漢書蔡邕被收馬  
日碑謂王允曰伯喈之識漢事當續成後史允曰昔

武帝不殺司馬遷使作謗書流於後世今不可  
使佞人執筆使吾黨蒙其議邕遂死獄中

於梁州輒成佳傳語林貞壽將為三國志謂丁梁州曰  
君以千斛米見借當為尊公作佳傳

丁不與米論語吾之於人高下由心左傳高  
下在心

亦不為傳毀譽在已也誰毀誰譽

異班彪之正色

後漢書班彪傳論行不踰方言不失正書正色率下

乖董狐之直

道

左傳董狐古之良史也書法不隱論語三代之所以直而行也

有奸雄之性

漢書司馬

遺為史記序游俠則退處士而進奸雄

無良才之才

漢書劉向揚雄皆稱司馬遷有良史之才

徒索國經

曹植責躬詩動亂國史

空從屏退

著作郎

唐初著作郎掌修國史

楊安期學藝淺鈍文詞疏野

凡修書不堪行用御史彈才不稱職官失其人掌

邊侍郎崔彥既虧清鑑並請貶退

著作之司

三輔黃圖未央宮有承明殿即皆作之所宋書百官志東京有著作之司而未為官員

魏明帝始置著作郎掌國史

藝文之府

文獻通考漢桓帝置秘書監魏文置秘書令掌藝文屬



少既藉賢良禮記孟夏命太尉資英俊西都賦英俊之域李善注

文子曰智過萬人謂自非于寶贍學

之英千人謂之俊手寶博覽書記以才名召為著作郎摯伯孫盛宏詞詎

可塵其簡牘晉書孫盛為秘書監作三國安期才無半

古陸機豪士賦片學未全今家語老聃博古知今

短性無異於朽材漢書楊惲云文有同於敝帚魏文帝

非一體鮮能備善俚語曰豕有敝畫虎為犬疏拙有餘

刻鳳為鴟庸才何甚曹直與楊修書孔德彰不爛詞賦

成反類犬也後漢書馬援戒兄子曰文詞蹇鈍理路乖

刻鵠不成尚類驚畫虎不成反類狗

疏孔叢子平原君謂公孫龍曰公無復與孔終取笑於

牛毛北史文苑傳序學者徒自矜於雞口史記蘇秦曰

為牛如牛毛成者如麟崔彥位參藻鏡杜甫詩持衡留藻鑑唐太宗吏職

後掌權衡通典選部是為銓衡之任未久麟鹿之殊廣志麟牛似鹿釋

異質魯俗迷其容鹿馬殊形秦人一其莫辨梟鸞之異後漢書陳耽上言

私所謂放鴟鵂鼠尸於玉府有穢奇珍尹文子鄭人謂

梟而囚鸞未腊者為璞周人懷璞謂鄭賈擲魚目於珠

目欲買璞乎出視之乃鼠也因謝不取

叢注見考深輕寶物蹇士之追蹇記瘡

功篇陸德明音義蹇兩足不能行盲人之配瞎驢自然俱敗

也史記走韓盧而搏寒兔

世說桓南郡與殷荊州作危語有一參軍選曹簡要

云盲人騎瞎馬夜半臨深池殷曰咄逼人又獻通考漢武帝初置尚書有常

侍曹後漢改爲吏曹後又爲選部秘書高文獻通考

秘書并入中書監其理須放還以俟來哲班固幽通賦

情潘岳西征賦以俟來哲局不廢理須放還以俟來哲班固幽通賦

賦以俟來哲秦有尉漢武帝更名執金吾唐初

金吾衛二條秦有尉漢武帝更名執金吾唐初

左金吾衛將軍趙玄檢校街時大理丞徐逖鼓絕

後於街中行空決二奏付法逃有故不伏科罪

中尉掌微起自秦朝漢書中尉秦官主微巡京郎將司

階行於漢制張衡東京賦郎將司階虎戟交鑼薛綜注

言虎賁中郎將主夾階而立或執戟或執

言虎賁中郎將主夾階而立或執戟或執

言虎賁中郎將主夾階而立或執戟或執

言虎賁中郎將主夾階而立或執戟或執

言虎賁中郎將主夾階而立或執戟或執

言虎賁中郎將主夾階而立或執戟或執



鍛而相

禦曹執革

漢書執金吾應劭注吾雕輪光紫陌

對也

之前

謝惠連狹邪行奕奕雕輪馳水經注淦陽縣有紫陌王粲賦倚紫陌而並征

武庫禁兵

張衡

西京賦武庫禁兵設在蘭綺

緹騎拂紅塵之外

漢書執金

薛綜

注武庫天子主兵器之官也

緹騎拂紅塵之外

注見

吾緹騎

二百人說文緹帛丹黃色李陵

轡弧壯月

主客

詩紅塵蔽

天地班固西都賦紅塵四合

張景陽七命楚之陽

篇

肅肅盈衢挺劍兮霜輝輝滿路

劍歐冶所營霜鏐水

凝冰刃露潔

吳均

辛慶忌之威重乃應斯榮

漢書辛慶忌所

寶劍詩

遠霜凜凜

後漢書光武微

時歎曰仕宦當

初遷執金吾

漢光武之微時猶欽此職

主見史

作執

趙宏名參列校

漢書武帝

務總戎

上見史

金吾

增七校

務總戎

東觀漢記

寇恂為河

復之前規

後漢書賈復光武

追寇恂之舊軌

東觀漢記

復之前規

即位拜執金吾

追寇恂之舊軌

東觀漢記

內太守徵入  
為執金吾  
乳虎之號響溢於  
畿

虎無逢甯  
蒼鷹之名聲充於輦轂  
嚴酷語曰寧見乳

成之怒  
可涼撞隱隱  
東都賦發鯨魚鏗華鐘李善注海中有大

魚鯨魚擊於  
輦輒大鳴凡鐘欲令聲大  
路絕行人

者故作蒲牢於上所以擊之者為鯨魚  
正論

永寧詔曰鐘鳴漏盡洛陽不得有行者  
魏志田鶴鼓

豫遜衛尉書云鐘鳴漏盡夜行不止是罪人也  
鶴鼓

臨海記郡西北白鶴山有鶴飛入會稽雷門鼓中於  
是雷門鼓鳴洛陽聞之孫恩時斫此鼓見白鶴飛出

此後鼓無復遠聲馬縞中垂古今注唐舊制京城內金  
吾昏曉傳呼以戒行者馬局請置六街鼓號之曰鼕鼕

鼓街收馬跡  
左傳昔穆三欲肆其心周行  
徐逖躬沾士

職名屬法官  
齊職儀大理古官也唐虞  
應知玉律之嚴

揚雄劇秦美新金科玉條李善

頗識鈞陳之禁

班固西都賦周

注謂法令也言金玉貴之也

以鈞陳之位衛以嚴更之署李善注鈞

豈有更深夜靜

陳星也王者法之嚴更外行夜鼓也

仍縱轡於三條

西都賦披二條之廣路

月暗星繁故揚鞭於五劇

爾雅三達謂之劇旁郭璞注今南陽

前途尙遠

陶潛歸去來辭

冠軍樂鄉數道交錯俗呼之五劇鄉

識迷途歸望猶賒

韻會賒還也

未侵豹衛之司

後漢書輿服志大駕最後

一車懸

忽犯獸冠之吏

馬縞中華古今注昔秦始皇東巡狩有猛獸突於帝前有武士

豹尾

戴冠白首獸畏而遁遂令軍仗儀

既缺瓜田之慎

服皆戴作狸頭白首以威不虞也

瓜田不納履李下不整冠

府君子防未然不處嫌疑間

便招楚達

注楚荆也

所以撲撻犯禮者書

付法將推此稱有故且犯夜之罪

其心愧恥若撻於市



惟坐兩條被捉之時曾鞭二十犯已從決訖無故亦

合停科罪既總除固宐從釋

右金吾郎將

春秋元命苞上  
天一星為郎將

韋謙於清化坊屠兒

劉忽索內不得決四十禁經一月忽男於右臺云

咆哮無上下禮

韋謙五陵貴緒

班固西都賦南望杜霸北眺五陵英俊之域絳兒所興宋均詩緯注緒業也

三輔名豪

孔稚圭北山移文希蹤三輔豪

亦司陰識之班

後漢書陰識守執金吾

謬總朱浮之任

後漢書朱浮代賈復為執金吾

不能恪勤守職

注見門下省篇

廉慎當官未懸主簿之魚

後漢書羊續為南陽太守府丞嘗獻生魚續受而懸於庭

後又進之續乃出前

頻窺亭長之肉

後漢書卓茂為密令人有言亭長受

所懸者以杜其意

肉貪婪之性

左傳貪婪無厭

無愧於維鵜

詩維鵜在梁莊子魚不畏網而畏鵜鵜注

者

鵜鵜淵澤取

饕餮之情

左傳緡雲氏有不才子貪於飲食冒於貨賄天下之民謂之饕餮

魚故魚畏之

饕餮預注貪財為饕餮貪食為饕餮山海經鈎吾山有獸羊

身人面音如嬰兒名曰狍鴝食人郭璞注左傳所謂饕餮

資是

有同於相鼠

詩相鼠刺無禮也鄭

庖丁之室屢

被侵欺

莊子庖丁為文惠君解牛陸

朱亥之門恆遭刻

能知故隱屠者朱亥莫

徐季才之耿直詎肯庶幾

魏志徐爽字季

才太祖謂曰君之忠亮古人不

過也左傳引頌而望曰庶幾乎

韓安國

止

漢書韓安國為人多大畧禮記疏通知遠詩高山仰止

防名德雖未可追

後漢

書馬防拜車騎將軍貴寵最盛崔琰芳聲去之匪遠魏志崔琰太祖貴其公亮遷中尉

天津橋內實歸左衛之麾清化坊中豈

司使職自有正條不合筆拷非無舊式依檢騰凌無驗

未可全科設今咆哮不虛止從凡鬪宐從犯狀據法論

刑

左右羽林衛二條漢武帝初置建章營騎衛更名羽林歷代更改不一唐置羽林衛

本衛狀頃者內有警急羽林將軍敬偉不避危險

斫門斬關誅鋤逆賊肅清宮禁元功盛勳合加旌

賞



期門騎士

漢書武帝與北地良家子期諸殿門故有期門之號平帝更名虎賁郎文獻通考漢武初

置建章營騎後

五營驍建之夫

後漢書光武簡五營高

更名羽林騎

死子繼與

羽林孤兒

漢書武帝置羽林左右監取從軍

虎賁同

兵號曰羽

六郡良家之子

漢書武帝置羽林郎既兼都

林孤兒

尉漢書宣帝令中郎

實號嚴郎

後漢書羽林中郎將本

尉將騎都尉監羽林

殿陛巖下室

古延壽之武勇

漢書甘延壽少以良家子

中故號巖

嘗起蹠羽林亭樓由是遷為

傳介子之趨捷

漢書傳

郎試并為期門注并手搏也

從軍為官後斬匈奴使者拜羽林中郎

賦輕銳僥倖趨捷之徒薛綜注謂

以才捷疾也

獷烈莫之與爭

書如虎

如鶚衝

死而無退

張衡東京賦武夫戴

鵠後漢書虎賁羽林皆鵠冠鵠百勇雉也

其關一死乃止趙武靈王為冠以表武士自非鄧彪貴

胄後漢書鄧彪父邨以功封郿侯

卒讓國於異母弟後仕為太尉

父友封顯親侯上欲擊匈奴通西

紀推誠將相切居武禁張衡西京賦頃者鵠梟反噬明帝

梟為鵠漢書郊祀蜂蠆成妖左傳蜂蠆有毒說文蜂

志梟鳥名食母蜂蠆成妖飛蟲螫人者蠆毒蟲也

發牀蓐之間潘岳揚荊州誅寢服牀災生肘腋之下說

肘臂節也卑虹穿白日史記荆軻慕燕丹之義白虹

蒼腋在肘後虹穿白日貫日如淳注虹臣氣日君象

字紫微晉書安帝義熙三年彗星入時驚觸瑟之虞

漢書馬何羅與江充善充誅謀遽有獻圖之變史記荆

逆走趨臥內觸寶瑟僵因縛之

龜筋鳳鏡刊卷三

海山仙館叢書

亢之地圖圖窮七敬偉不承制勅輒入宮闈騎列青規

首見因堪秦王

注見中

書省篇兵交黃屋

獨斷乘輿車皆羽蓋黃屋黃屋者蓋以黃為裏也

犯龍苑之

禁尚拱嚴刑

十六圖春秋崇容熙光始三年築龍騰苑新立商鞅嚴刑峻法

斬鹿門之

關猶思干紀

左傳季孫攻臧氏臧紇斬鹿門之關以出季孫乃盟曰無或如臧紇干國之紀犯門

斬關豈有白鵬飛閣列闔長驅

張衡東京賦飛閣神行

元武仙樓衝

扉直進

三輔舊事未央宮北有元武闕以記仙人好樓居

侮弄兵器

漢書龔遂曰民困於

飢寒而吏不恤故使陛下赤子盜弄陛下之兵於潢池耳

震動乘輿

獨斷天子至尊不敢溲瀆言之

故托之於乘輿乘輿論功雖則可嘉議罪

重

補拙

注見將作監篇

終過重而勞輕以力

酬愆即罪大而功小



何者經綸祕算不忤於密圖君臣恆規理存乎大體故

勃鞞斬祛晉文納其忠管仲射鉤齊桓王爲相勃鞞卽

也左傳晉文公出亡獻公使寺人披攻之斬其祛文公

反國技請見公曰夫祛猶在汝其行乎對曰齊桓公置

射鉤而使管仲相君若怨封雍齒勸一志於人臣班固

易之何辱命焉公見之怨封雍齒諸將謀反帝曰柰何張良曰泣

賦雍造怨而先賞漢書諸將謀反帝曰柰何張良曰泣

取上素所不快者一人先封乃封雍齒諸將皆喜

斬丁公幽通賦丁繇惠而被戮漢書丁公爲項羽將窘

謁見帝斬之曰使後懲兩端於軍將漢書首鼠兩端焉

爲人臣毋效丁公也

陵述命竟守前榮說苑秦王以五十里封鄢陵之君辭

魏鄢陵猶以五十里史記里克殺

存者徒用先生故也

里克施恩便招後譴

奚齊卓子使

迎夷吾是為惠公公曰微子寡人不得立春秋之明誠

子殺二君為子君者不亦難乎克伏劍死

今古之崇規勞不足稱罪宜先結

又田達當討救之際又字承上索馬不與拒門不

開覆奏往來宜失機速合處極法不伏

田達襟神勁烈志節堅貞王褒尉遲綱碑危天子之腹

心注見門皇朝之爪牙注見司雞鳴高樹陸機詩雞風

雨不易其音詩風雨如晦雞鳴不已鄭箋喻君子雖居

急而不塵尾長松周景式廬山記石門北巖即松林也

輟其音有數百株松大皆垂冰霜不改

攢生絕崖上南近石門澗澗中視之離離

如駢塵尾號塵尾松尸于荆有長松文梓

其操

莊子天寒既至霜雪既降五是以知松柏之茂也漢書蜀嚴君平久幽而不改其操

一兵一

馬咸待竹符

漢書文帝初為竹使符應劭注以竹箭五枝旁鐫篆書徵發甲乙

門明

開皆憑木契

唐書木契銅魚起兵書孔序釋文契者刻木而書其側

循環復奏務

在從真倉卒輒來焉知非詐薛廣斷鞅情發於衷

未詳後漢

書光武西注隗囂郭憲諫曰天下初定車駕未可以動乃當車拔佩刀以斷車靽左傳太子抽劍斬鞅按此皆

非薛廣事附

郅惲拒門意無非惡

後漢書郅惲建武中為上東門候帝獵夜

之以俟再考

還拒關不開

一心可以事百主百心不可以事一君

晏

明日賜布帛

春秋梁邱據問晏子曰子事三君君不同心而子俱從

焉仁人故多心乎對曰一心可以事百君百心不可事

一君南史或謂張岱主上既幼執事多門而每能緝和

公私云何致此岱曰古人言一心可以事百君我為政



端平待物以禮悔

吝之事無由而及

敦實謹厚見稱史記衛綰天子苟不踐於邪途固無虧於正道衛綰

敦實謹厚見稱史記衛綰天子王陵樸誠真專可尚漢書

王陵為人少文任氣好直言呂宣除舊過不奪前班則

后問相高帝曰王陵可然少左傳君子謂鄭

勸沮有歸注見禮部篇政刑無失莊公失政刑矣

左右衛一條漢有衛將軍魏末晉文王又置中衛將軍

武帝受禪分中衛為左右衛將軍皆掌宿衛營兵歷代因革不一唐復

為左右衛大將軍各一人

右衛狀稱駕幸西京訢事人梁瓌衝三衛仗遂被

翊衛張忠以刀斫折右臂斷隋書帝改

左右翊衛又改三衛為三

侍非翊衛府則無三侍

肆觀羣后列聖所以乘時書歲二月東巡狩肆觀羣后五載一巡明

王以之順動書五載一巡狩羣后四朝周穆八駿車反臣今褒豆列

周穆王肆意遠游命駕八駿之乘車轍注見金吾衛篇王融曲水詩序穆滿入駿如舞瑤水之陰夏啟

二龍騎迹光於寓縣王融曲水詩序夏后兩龍載驅璿臺之上李善注山海經大樂之野

夏后啓於此乘兩龍謝眺登漢家簫鼓屢向汾河漢書武帝

孫權故城詩霸巡興寓縣

幸河東祀后土歌曰泛樓船兮濟汾河魏帝鳴鑾式臨

橫中流兮揚素波簫鼓鳴兮發耀歌

譙郡魏文帝臨池賦序上建安十八年至譙郡予兄弟從上拜墓遂乘馬游觀謝眺九日詩鳴鑾戾行官

王粲從軍詩皇上俯從中路幸望西畿中路郎中道漢書中道不治注

朝入譙郡界天子所行之道也萬騎皎而星羅獨斷天子出大駕備

按西畿謂長安千乘萬騎班固西都

賦列卒周匝周禮天子六軍張衡西京  
星羅雲布賦千乘雷動萬騎龍趨

江騰海運詩如江如漢莊子海運  
徙於南溟注運轉也  
擁列缺以前驅羽獵雄

賦霹靂列缺吐火施鞭注  
霧集雲屯史記蒯通云天下

列缺電神詩為王前驅羽獵賦蒙公先驅注

機從軍詩胡馬如命羽獵賦蒙公先驅注  
雲屯廣雅屯聚也

文帝與吳質書從張忠家承積閣注見門  
業盛良弓禮

者鳴笳以啓路注見門  
業盛良弓禮

良弓之子必學為箕正義善弓之家幹角撓屈和  
非無

調成弓其子弟觀父兄世業乃學取柳撓成箕也詩蔽芾甘棠毛傳蔽

大樹之榮注見主  
實有小棠之蔭詩蔽芾甘棠毛傳蔽  
訟舍小棠之下國公侯圭璧百代相乃  
桓圭侯執信注  
人思其人敬其樹

伯執躬圭子執穀璧男執蒲璧帶礪山河千齡不絕見



上爵

腰鞬紫闥

左傳右屬橐鞬方言所以藏弓謂之鞬鮑照擬古詩壇帶佩雙鞬後漢書崔駰

傳攀台階

方申禦侮之勞

詩予曰有禦侮荷戟于翬史記灌夫

闕紫闥

荷戟馳入吳軍兩

式展干城之效

詩公侯干城按此下有缺文

雅宮中門謂之闥

左右千牛衛一條

千牛刀名義取庖丁解數千牛刀外若新發鏹唐神龍初立千牛衛

杜俊對仗遺箭於仗內御史彈付法

杜俊幼乏過庭

論語鯉趨而過庭

少虧函丈

禮記席閒函丈鄭注謂講問之容也

函猶容也講問宜相對容丈足以指畫也

濫荷苴茅之蔭

注見主爵篇

叨居蘭桂

之叢

王粲游海賦蘭桂叢乎其

故得佩鞬龍軒

詩童子佩鞬毛傳鞬决也能射御則

佩腰鞬鳳闕

腰鞬注見左右衛篇三輔故事北有圓闕高二十丈上有銅鳳凰故曰鳳闕

不

能翕肩歛氣對黼帳以兢魂

司馬相如美人賦黼帳周垂

俯首曲躬

臨玉階而側足

班固西都賦玉階彤庭

豈得欽承聖旨曾無戰灼

之心

蔡邕別傳土書云既到徒所乘塞守烽職在望侯憂怖焦灼

侍奉天威

左傳天威不遠

顏氏

敢縱盧胡之笑

闕子宋之愚人得燕石以為大寶客見之掩口盧胡而笑

石慶

謹厚未著於朝儀

漢書石慶為丞相醇謹而已

鄧通驕淫已塵於國

典

漢書申屠嘉為丞相鄧通居上旁怠慢嘉為檄召通至丞相府免冠頓首謝罪驕淫注見考功篇

不

恭之罪付石碯以懲科

書女不恭命左傳衛公子州吁好兵石碯諫勿聽其子厚與州

吁遊禁之不可及州吁

無禮之徒從曰

執於陳碯使其宰殺厚

禮胡不遄死漢書金日磾子為帝弄兒自毀

雖仗子

下與宮人戲日磾適見惡其淫亂遂殺之

箭未見遺弓

唐書儀衛志朝會之仗三衛番上分衛  
仗每月以四十六人立內廊閣外號

朝罷放仗

律有正條相須乃坐二罪俱發自合從重

狀既輕不可累成其過

左右監門衛二條

隋初立左右監門府掌宮殿門禁及守衛事唐龍朔二年改府為衛

衛狀稱揚州貢大人魯敬身長九尺力敵十夫配

上押門克龕酗酒不堪宿衛請退還本邑

銅街八會

陸機洛陽記漢有銅駝在宮之南街四會道頭名銅駝街三輔舊事長安八街九陌開

十二之通門

班固西都賦立十二之通門鄭元周禮注天子十二門通十二子賈疏甲乙丙丁之

屬十日為毋子丑寅卯等十二辰為子故王城面各三門以通十二子也

金城九重

班固西都賦建



金城之萬雉淮南子

列三條之廣路

班固西都賦披三條之廣路張衡西

京賦參塗夷庭薛綜注一面三門門

嚴局設禁

禮記入戶奉局

三道故云參塗夷平也庭猶正也

隨日月之昏明

五經要集日入後漏

人掌守王宮之中門之禁

三刻為昏日出

秘鍵凝規

方言戶鑰自關而東陳楚之間謂之鍵

順陰陽

以開闔

班固西都賦張千門而

龜鋪掩映

漢書元壽元年孝元廟銅

龜蛇鋪首鳴如淳注門鋪首

對金馬以翻光

後漢書馬援奏曰武

帝時善相馬者東門京鑄作銅馬法獻之

鶴鈕參差閒

有詔立馬於魯班門外更名曰金馬門

銅人而亂色

關中記始皇時有大人十二見於此乃銷兵器鑄金人像之漢世在長樂宮內

押門守當必藉身材

鄭元周禮注陳列周衛則立長人以表門擊析防閑良

資壯健

易重門擊柝馬融注  
柝兩木相擊以行夜

魯敬家臨海曲稟大海之

精靈地邇江濱得長江之粹氣容儀絕大

南史陳宣帝  
紀容儀

身長八尺三寸

骨節非常

史記吳伐越蹀躞會稽得骨問仲尼骨  
何者最大仲尼曰禹致羣臣於會稽

防風氏後至禹戮之

批熊拉虎之威

曹植七啓批熊扛  
碎掌拉虎摧班扛

鼎翹關之力

左思吳都賦翹關扛鼎李善注皆逞壯力  
之勁漢書項羽力能扛鼎注扛舉也法言

鳥獲任鄙扛鼎扛牛非絕力耶列子孔子勁  
能招國門之關而不以力聞注招與翹同

馮勤八尺

象貌過人

後漢書馮勤祖偃長不滿七尺自恥  
短陋爲子伉娶長妻生勤八尺三寸

虞延十

圍英姿出衆

後漢書虞延長八尺六寸腰帶十圍力能扛鼎

置之階陛可以啓

發朝端列於宮闈洵足光輝廊廟

史記賢人深  
謀於廊廟

若季布

使酒響振於河東

漢書季布為河東守孝文時人有言其賢召欲以為御史大夫又言其勇

使酒難近見罷布進曰陛下以一人譽召臣一人毀去

臣天下有以窺陛下上慙曰河東吾股肱郡故特召君

耳

樊噲飲卮功高於霸上

史記亞父謀欲殺沛公樊噲聞事急持鐵盾入立帳下項

羽賜之卮酒沛公既出

典韋長吸身為時傾

魏志典韋形貌魁梧

與噲閒道歸走霸上軍好酒食飲噉兼人每賜食於前大飲長歎左右相屬數

人益乃供張繡反韋死戰被數十創瞋目大罵而死

蔡裔雄聲才堪國用

晉書蔡裔聲若雷震嘗有二盜入室裔拊牀一呼而盜俱隕故殷浩

委以軍

克麓小失可峻之以刑書

注見兵部篇

沈酗微愆可

鋒焉

懲之以清憲

書沈酗於酒孔注沈湎酗營

立漸戒勵未可退還

將軍魯慶諸州租調多被欺賄賂入已始給門牌



船車壅滯進退無由

魯慶位在監門

周禮司門掌授管鍵以啓閉國門立帝通考隋初置監門府唐改府爲衛設大

將一人將軍二人分掌諸門以時巡檢

職維防禦

揚雄衛尉箴設置山險盡爲防禦

理須

孜孜匪懈恭慎小心耿耿恪勤方崇大略察奸非無隱

伏知左道有孤虛

禮記執左道以亂政

上思郅惲之心

注見羽下林篇

戒田仁之失

史記田仁爲司直主閉守城門坐縱太子下獄誅死

但任土作貢玉

帛星繁

書禹貢序任土作貢孔注任其土地所有定其貢賦之差

稅熟貢新

周興嗣千字文

稅熟貢新

糧儲嶽積赤馬之舸萬里連檣

崔豹古今注孫權時名舸爲赤馬言

如馬之走陸也郭璞江賦舸舨相屬萬里連檣埤蒼檣帆柱也

青牛之車千輶接軸

關尹

內傳尹喜望氣應有聖人過果見老子乘青牛車來詩

五蔡梁輓毛傳輓軌上勾衡者方言楚衛之閒轅謂之

輓駱賓王討武豈得不遵公法直縱私求故作躊躇

后檄玉軸相接

躊躇猶專為頡頏詩頡之頡之鄭箋鶴綾未入注見主

豫也頡頏出入前卻也

遂高臥而閒閒晉書陶淵明夏月鳬鐘忽來注見史即

傾身而急急史記張湯為長安吏周陽侯嘗繫長安湯

障之賊賄溢室謗訟盈庭詩發言外不懼於乘驄注見御

內無慚於相鼠注見金待知賊估方可論刑空更推窮

以實裁斷

左右屯衛二條

隋初有領軍府煬帝改為左右屯衛唐因之

都雷守屯衛將軍王林狀稱駕在西京恐有警急

請屯兵於宣仁門外以備非常

皇天震怒發雷電以申威

注見兵部篇

聖帝除殘用于戈而

肅殺

六韜太公謂武王曰聖人興兵為天下除殘去賊非利之也拾遺記伏義造于戈以飾武

莫不

先聲後實

史記李左車曰軍固

轉敗為功

戰國策聖人之制事也轉

禍而為福因敗而為功

就逆命以迎師

禮記君命逆則臣有逆命孟子尊食壺漿以迎王師

因不亭而動將

史記軒轅以征不亭索隱亭或作亭亭訓直接亭亦作庭書四征不庭孔注四

征諸侯之不直者

五十二戰非黷武而窮兵

帝王世紀黃帝凡五十二戰而天下

大二十七征葢除兇而翦暴

帝王世紀諸侯有不義者湯從而征之凡二十七征



而德施期門七萃列又以攢簇班固西都賦期門伏飛

於諸侯帝與北地良家子期諸殿門故有期門之號攢聚也金

鏃翦羽謂之鏃穆天子傳天子賜七萃之士郭璞注萃

聚也謂聚集有智衛尉八屯警夜而巡晝張衡西京賦

力者為王爪牙也盧內附衛尉八屯警夜巡晝薛綜注衛尉率力士周官

外於四方四角立八屯士晝則巡行非常夜則警備不

虞王林位參入校漢書武帝增七校注中壘屯騎步兵

也越騎長水胡騎射聲虎賁凡八校尉

胡騎不常職列五營張衡東京賦總輕武於後陳薛綜

置故言七職注謂北軍五營兵在後陳列水經

將軍將五營士屯都亭朝檢察於周廬周禮有周廬之

舍周匝夕嚴更於徼道張衡西京賦嚴更之習薛綜注

王官也嚴更督行夜鼓也班固西都賦

徼道綺錯李善注漢中尉掌徼巡請於都郭別置屯兵

京師所謂游徼循禁備盜賊也

京師所謂游徼循禁備盜賊也

思患預防

易君子以思患而預防之

不虞先備

易君子以除戎器戒不虞左傳疆場之事

慎守其一而備其不虞

但王者之貨藏之於天下

注見倉部篇

王者之

師守之於海外

張衡東京賦天子有道守在海外薛綜注言四夷皆為臣僕

以騎數

十振彼威容

三國志曹公爭漢中運米北山下數千萬囊趙雲將數十騎輕行值曹公揚兵大出

雲為所擊且鬪且卻還營開門偃旗息鼓曹疑有伏兵

引去雲播鼓振天以戎弩射之曹軍驚駭蹂踐墮漢水

中先主至雲營日子龍一身都

臥鼓歇鞍示其閑暇

漢書

是瞻也軍中號雲為虎威將軍

李廣為上郡太守從百騎遇匈奴數千騎廣

豈有置兵

解鞍縱馬臥匈奴以為大軍之誘弗敢擊

城內列騎街中百賊叩門萬夫何用掩扉拒寇終為自

死之人入井逃災乃是成埋之鬼

南史隋師入城陳後主逃於井軍人呼之

龍虎廟碑銘卷三

不應欲下石  
乃聞叫聲  
虎豹在檻無復施其爪牙  
淮南子養虎豹犀象者為園檻

晉張載確論白猿元豹藏於檻  
檻何以知其接垂條於千仞也  
鷹鶚處籠何以張其羽

翼  
晉書慕容垂猶鷹也宜謹其絛籠確論青骸  
繁霜繫於籠中何以效其撮東郭於轄下也  
繫猿廡

下求其趨捷之功  
楚辭哀時命置猿狄於櫺檻兮夫何  
以責其捷巧魏吳質答東阿王書檻

猿猴之勢而望  
其巧捷之能  
絆驥庭中責以超驤之用  
哀時命騁驥驥於中庭兮

焉能及夫遠道  
答東阿王書絆良驥之足  
而責以千里之任楚辭駕八龍之超驤  
五尺童子尙

以為愚  
列子百羊而羣使五  
尺童子荷箠而隨之  
三事大夫若為通計  
詩三事大

夫鄭箋  
云三公  
所請非理告記為宜

飛騎將軍  
唐貞觀十二年始置飛騎  
劉恭膺力強羣弓馬超眾



眇其一目恐不堪侍奉欲放歸鄉里又惜其身材

主上股肱是為心膂

書作股肱心膂

漢高之得樊噲

注見左右監門篇

廓去妖氛

李白詩一戰靜妖氛

曹公之有典韋

魏志太祖討呂布相持急典韋手持

十餘戟大呼而起所抵無不應手倒者太祖乃得引去

克寧寰宇

南史梁紀論聲振寰宇

劉

恭力齊烏獲

司馬相如諫獵書力稱烏獲

勇若專諸

史記刺客傳專諸擘魚因以匕

首刺王僚索隱左傳作鱗設諸

非無孟悅之才

史記秦悼武王與孟悅舉龍文赤鼎

實兼

任鄙之狀

史記樗里子傳力則任鄙

登城斷布所向無前

左傳諸侯伐偃陽主

人懸布孟獻子之臣秦堇父登之及堞而絕之復上者三乃退帶其斷以徇於軍中三日杜注帶其斷布以示

勇荷石投人誰當餘勇

左傳齊高固入晉師桀石以投人禽之而乘其車繫桑木焉以

徇齊壘曰欲勇者賈其餘勇越稷門之宇俊健有聞左傳犂有力焉能投蓋於稷門

注稷門魯南城門言犂能走而自投其屋之桷反覆門上舉大國之關注見左右驍

雄可尙昔子夏喪曰猶講授於西河禮記子夏喪其子而喪其明鄭注明

目睛也史記子夏居西河講授為魏文侯師左邱失明亦修書於東魯司馬遷報

少卿書左邱失明厥有國語殷堪雖眇作牧於江濱晉書殷仲堪父病執藥揮淚遂

眇一目孝武帝擢所親幸以為藩捍授仲堪荊州刺史假節鎮江陵丁儀止婚興嗟於魏

帝魏志曹公欲以女妻丁儀或曰儀目不便恐愛女不悅公曰丁儀好士也即使兩育尚當妻以女何況但

眇用大掩小左傳不以一眇棄短從長川澤納汙山藪藏

疾左傳蛇銜輝乘不以細類為嫌蛇銜注見倉部篇史記魏惠王有徑寸之

珠前後照車十二乘淮南子明月之珠不能無類然而  
寶之者小惡不足妨大美高誘注類珠瘕若絲之結類  
也虹氣連城不以微瑕致損禮記君子比德於玉氣如  
白虹天也魏文帝與鍾繇  
書不損連城之價尹文子魏田父得寶玉徑尺歸置廡  
下光照一室大怖棄於野鄰人盜之以獻王王召玉工  
問價工曰此玉無價以當之五城之都僅可一觀春秋  
繁露玉有微瑕必見於外梁武帝連珠徑寸之珠有時  
而類盈尺之璧不能無瑕大材可錄小疹何傷玉篇癭疹皮  
外小起也既要所

須宜依舊定

左右武衛二條

漢末有武衛營魏置武衛將軍主禁旅  
隋置左右武衛唐改爲鷹揚衛後復爲

武衛

將軍任季狀稱於蔚州飛狐口累石牆灌以鐵汁



一勞永逸無北狄之憂

地稱窮髮

莊子窮髮之北注地理書云山以草木為髮髮猶毛也北方無毛地也

星應髦

頭

晉書天文志昂星髦頭星也其星明有胡兵起

既號匈奴

樂彥括地譜夏桀無道湯放之鳴條

其子桀溺妻桀之眾妾避居北野隨畜移徙中國謂之匈奴晉灼漢書注堯曰葷粥周曰獫狁秦曰匈奴韋昭

云漢曰

實為驕子

注見兵部篇

國宜羊馬逐水草以遷居

漢書

匈奴傳其畜之所多則馬牛羊逐水草遷徙無常居

境帶風塵抗沙場而雜處

後漢

書班固傳北虜稍強能為風塵注相侵擾則風塵起史記漠北多大沙大唐西域記大流沙聚散以風人行無

跡遂多迷路四遠茫然莫知

霜寒弓勁虜騎擾於邊庭

所指往來者聚遺骨以記之蘇林漢書注秋氣至膠可折弓弩可用匈奴常以此為候而入寇文選虞羲詠北伐詩涼秋八九月虜騎入幽

并漢書賈誼曰沸脣擾塞垣之下注沸脣  
匈奴號也鮑照出北門行羽檄起邊庭  
月滿兵強胡

笳匝於荒徼漢書匈奴傳其舉事常隨日月盛壯則攻

竊侯滿月而窺兵文選李陵答蘇武書胡笳互動韻會

笳胡人捲蘆葉吹之漢書張騫入西域傳胡笳法風俗

通秦築長城土皆紫色謂之紫塞南徼土色丹謂之丹

徼張揖漢書注徼塞也以木柵水為夷狄界也沈約安

陸王碑蠻五千深入李陵於是失機漢書李陵善騎射

陳夷徼自請步兵五千擊

匈奴上壯而許之至浚十萬橫行季布猶其未許漢書

稽山為單于所敗遂降單于

為書嫚呂太后太后怒樊噲曰臣願得十萬眾橫行匈

奴中季布曰高帝兵三十餘萬困於平城噲時亦在其

中今柰何以十萬橫任季忝司武衛文獻通考後漢末

行匈奴中面諷也曹公為丞相有武

衛營及魏文帝乃置注見吏

武衛將軍以主禁旅部篇既霑蘭錡之名

張衡西京賦武庫禁兵設在蘭錡張說須委韜鈴之略詩韜

鈴用老臣按兵法注錡架也受他兵曰蘭受弩曰錡昔漢屯上谷史記韓王信傳聞冒頓

有六韜及玉鈴篇居代上谷水經注上谷

故燕地秦始未遑中權左傳中權後勁杜注中秦築長

皇置上谷郡將制謀後以精兵為殿

城注見沙苑監篇惟聞下策乃欲出塞杜賊閉礪防胡累之以

石牆灌之以鐵汁長茲賊氣沮我軍容注見兵部篇生敵國

之凶頑陸機豪士賦序示中州之怯懦注見水衡監篇但飛狐

險徑與天地而同開漢書酈食其曰距飛狐之口臣瓚

中興頌地注見司其山河而並立咽喉塞絕

關天開勳篇

度雁危峰注見司

血脈無以流通李尤函谷關銘函谷險要襟帶咽喉關

令內傳天地以四海為脈河圖括地象



崑崙山為天柱氣上通天崑崙者地之中也下有八柱  
柱廣十萬里有三千六百軸互相牽制名山大川孔穴  
相通谿谷潢汙川澤如何引氣爾雅水注川曰谿注谿曰谷宋玉風賦浸淫谿谷左  
傳潢汙行潦之水國語川氣之上虧天道下費人功注  
通也澤氣之鍾也易山澤通氣  
苑總無益皇威班固西都賦耀皇威而講武事有同兒戲漢書文帝曰霸上棘門軍  
監篇  
兒戲  
耳

又請削檣於塞上數千里釘以刺突厥馬蹄斷賊  
北道

窮沙瀰迤南北千重

史記漠北平地無草木多大沙鮑照蕪城賦瀰迤平原李善注瀰相

連漸平之貌迤斜也

絕漠蕭條東西萬里

班固封燕然山銘絕大漠又蕭條萬里臣瓚漢

書注沙土曰漠直渡曰絕北史西域傳班超所通者五十餘國東西萬里

十角之人蹤後漢書匈奴傳論竇憲耿夔之徒破龍祠焚罽幘阬十角格闕氏唱呼而還柳宗元

江雪詩萬鐵椿插荒刺三邊之馬足漢書武帝廣開三

徑人蹤滅匈奴負戎馬足

難得而置未逾數月朽木先摧不及周年危根遽爛

費功庸於北塞人力已殫周禮國功曰功民功曰庸北史四夷傳序殫人力而從所

欲防寇賊於南庭馬蹄無損書寇賊奸宄注劫人曰寇殺人曰賊漢書幕南無王

庭莊子馬蹄可以踐霜雪此愚夫之淺計非達士之宏圖未陳英將

之規卻被夷人之笑不如命李廣史記李廣為右北平太守匈奴號曰漢之

飛將軍避之數歲史記邳都拜雁門太守匈奴不敢入右北平選邳都素聞邳都節居邊為引兵去

竟郅都死漢書冒頓立斷匈奴之咽喉截賢王之右臂左右賢王史

記張騫請與烏孫結兄班固封燕元甲鏡野朱旗絳天然山銘元

弟是斷匈奴之右臂也後漢書竇憲甲耀日朱旗絳天又竇車騎掃雞鹿之妖出朔方雞鹿

北征頌金光鏡野武旗督蠅後漢書竇憲塞左傳地廓鯨鯢之祲左傳明王伐不敬取其鯨鯢而

反物為妖名以喻不義之人吞食小國漢書天人之際精祲相盪李奇注祲氛也顏師古注祲謂陰陽氣相侵漸以成災

祥者也去而勿逐來而必擒織絲網以障魚張布囊而待

鼠兔游犬室詎有還期雀入狙叢終無去處上智之算

此謂攸空下愚所裁斯為長策賈誼過秦論振長策而御宇內

左右領軍衛二條隋初置左右領軍府煬帝改領軍為左右屯衛唐因隋屯衛又別置領軍



衛

將軍宋敬狀被差防河恐冰合賊過請差州兵上

下數千里推冰庶存通鎮

蠻夷猾夏

見書

肇自遐年

左思魏都賦懷舊蘊於遐年

獯鬻不臣

注見左右

武衛篇

匪惟今日

詩匪今斯今鄭箋匪適今時

玁狁孔熾太原稱六月

之兵

詩序六月宣王北伐也詩玁狁孔熾至於太原

冒頓不恭平城有七朝之

弊

漢書高帝擊匈奴至平城冒頓縱精兵三十餘萬騎困帝於白登七日乃解

儒學之士守

玉帛以和親介冑之夫厲金旌而薄伐

漢書匈奴傳贊搢紳之儒則守

和親介冑之夫則言征伐

宋敬身參八校

注見左右屯衛篇

名班五戒

禮記習五

戎鄭注弓矢戈漢書文帝置銅虎符以分銅獸以握兵

京鄧留守賜玉衛宏漢官儀二千石銀佩銀龜而按節印龜紐班固西都賦屬

麟符以代銅獸車按長驅鹿塞須崇衛霍之勳十三洲記鹿塞在蒼松

節當學衛霍將建功在河源直邁龍沙空建班張之效梁

衛霍謂衛青霍去病也文帝從軍行龍沙隨陣開後漢書班超傳贊坦步葱雪

咫尺龍沙又西域傳論張騫懷致遠之略班超奮封侯簡

之志終能立功祇如千尋紫塞注見左右遠接天山漢

西遐羈服外域貳師擊右賢王於天山注祁連武衛篇

貳師擊右賢王於天山注祁連萬里黃河遙通瀚海爾

山即天山匈奴呼天曰祁連也雅

河出崑崙虛色白所渠并千七百一川色黃楊泉物理

論河色黃者衆川之流蓋濁之也漢書霍去病北伐至

瀚海而還注沙漠北大海雁飛霜早擁積雪而埋雲五

羣鳥伏乳於此因名瀚海經

鈎沈天霜樹葉落鴻雁南飛楚辭斲冰兮積雪班彪北  
征賦涉積雪之皚皚陸機飲馬長城窟行仰憑積雪巖

俯涉堅

狐聽冬初跼層冰而裂地

述征記北風河冰始

冰川

善聽聽冰無水聲然後過河東方朔神異經北方有層

冰萬里厚百丈尸子寒凝冰裂地上林賦含凍裂地

浮澌嶽聳詎煩王霸之機

後漢書光武至滹沱河河水

霸往視霸恐驚衆卽詭曰冰堅可

累凍天平無勞宋玉

渡比至河河冰亦合乃令霸護渡

之請

風俗通冰流曰澌冰堅曰凍宋玉招魂歸

斯顯河

宗肅令

穆天子傳河曰河宗四瀆之所

風伯申威

風俗

廉風伯也能致風

既夕破而晨凝亦朝開而暮合區區

氣左傳冰以風壯

病卒遂與造化爭衡瑣瑣平人擬其陰陽角戾

注並見  
水衡監



篇

下泣添浪為拙已深

尸子是憂河水濁而以泣清之也淮南子是憂河水之少而以

益之也

低身負天在愚何甚

未詳○何氏其葵云區區病卒以下八句前明沈氏劉氏

周氏諸刻本俱在下中郎將篇之首文義不能連貫而本條朝開暮合云云語氣未足區區病卒等語實與題內差兵推冰之意暗合特移置於此

中郎將田海請於舊長城塹東至遼海西至臨洮

各濶十步深三丈並仰審利害

匈奴獠俗

沈約安陸王碑疆民獠俗顏師古漢書注獠羸惡貌

戎狄獸心

漢書匈奴傳贊

夷狄人

為惡比於封狼

後漢書張衡傳射蟠冢之封狼

作逆愈於梟獍

面獸心述異記獍之為獸狀如虎豹而小始生還食其母故曰梟獍

同夫猛虎飢乃食人類

彼蒼鷹飽則高颺

魏志陳登謂呂布曰登見曹公言待將軍譬如養虎當飽其肉不飽則將噬人公曰不如卿言也譬如養鷹飢則為用飽則揚去張華鷄鵠賦蒼鷹鷺而受縶

漢施亭侯三

邊於是不虞

後漢書光武遣杜茂屯北邊築亭候漢書武帝廣開三邊左傳疆場之事備其不虞

秦築長城四海由其大亂

史記秦始皇使蒙恬築長城班彪北征賦刺蒙公之疲民

為強秦乎築怨漢書秦築

東漸巨海西至流沙

書東漸於海西

長城中國內竭以喪社稷

古詩道路阻且長漢書西

破於流沙孔

路阻三十六蕃

城孝武時始通本三十六

注漸入也

途經八千餘里

左思蜀都賦經途所亘五千餘里

掘三丈之

塹下徹九泉濶十步之壕旁通萬嶺鬼兵自役尙自難

全人力所營如何克濟

潘岳西征賦役鬼傭其猶否矧人力之所為

邊夷未

損中國已空非直頓失天心

漢書廣謀從衆則合天心

亦復徒傷地

脈

注見沙苑監篇

所請非計無理在知

北史四夷傳序雁海龍堆天所以紀夷夏也炎

方朔漠地所以限內外也逆天道以求其功殫人力而從所欲顛墜之釁固不旋踵

左右驍衛二條

漢有驍騎將軍至隋置左右驍衛府唐去府字

疏勒鎮軍大使左驍衛將田慎狀稱安西路遠沙

磧極深國家鎮遏甚爲勞弊一住十年死亡殆盡

欲益反損請停四鎮

狼望蕭條

漢書楊雄云快心狼望之北注匈奴中地名

龍堆莽蕩

北史鄯善國古樓蘭

國也北卽白龍堆漢書注龍堆形如土龍高大者二二三丈小者丈餘在西域中班彪北征賦野蕭條以莽蕩



迤邐白蘭之表

海賦迤邐入裔李善注迤邐遷迤相連也北史白蘭者羌之別種也周武王時

遣使獻犀

迢遞蒼松之外

劉淵林吳郡賦注迢遞遠貌十三洲記鹿塞在蒼松縣南

甲鐵鎧

旁通鬼域遠絕人寰

後漢書西域傳論風災鬼難之域又神迹詭怪理絕人區綿

十

亘三十六蕃經過數萬餘里

李善文選注綿遠也方言亘竟也鄭元周禮注經謂

里數也北史漢氏西域有三十六國至於後漢

公主遠

班超所通者五十餘國東西萬里皆來朝貢

嫁徒聞黃鵠之歌

石崇王明君辭遠嫁難為情漢書武帝以江都王建女為公主妻烏孫王

公主悲愁作歌曰願

高昌入朝郎動金驢之唱

唐書隋大業三

為黃鵠兮歸故鄉

年帝有事恆山裴矩使人說高昌二十七國入朝奏樂

歌舞西陽雜俎僧住金榆山所乘驢上山樵者聽其鳴

曰金驢一鳴天下太平

昭曠閣本此聯下有陳湯斬

首之烈遙靖郅支班超定遠之蹤俯臨蒲海一聯按

有展陳湯之盛績語不  
戊己校尉鎮靖遐荒  
漢書戊己校尉元帝

應復出今仍劉本之舊  
初置如甲乙丙丁庚辛壬癸皆有正位  
都護羌夷招攜

惟戊己寄治無常居故曰戊己校尉  
漢書武帝時西域內屬置校尉領護之宣帝改曰

異域都護左傳招攜以禮注懾離貳也後漢書天竺國

論設戊己之官分任其事  
田愼名參越騎  
漢書武帝置校有越騎

建都護之帥總領其權  
校尉位典戎韜  
庾信哀江南賦待戎韜於武帳

尉位典戎韜  
大夏又烏壘城去陽關二千  
揚旌絳賓之右  
宋書何承天表云飲

七百三十八里於西域為中  
馬瀚海楊旌祁連漢書龜茲王絳  
不能因利乘便  
賈誼

賓尚烏孫公主女上書願入朝  
論因利乘便  
躡充國之英規  
漢書趙充國伐先零上賜書曰將軍急因天時大利

宰割天下  
吏士銳氣以十二月擊先零羌  
矯制申功展陳湯之盛

充國謹條屯田便宜十二事

龍筋鳳髓判卷三  
三  
海山仙館叢書

績漢書陳湯出使西域矯制羸師深入追廣利以長驅

發城郭諸兵破郅支單于

漢書李廣利為貳師將軍伐大

宛破諸所過小國皆從入貢

退後漢書耿恭伐車師救兵不至恭豈得暫辭艱弊不

食盡乃煮鎧弩食其筋皆無貳心

顧宏圖纔住十年即停四鎮功無縮地阻境界於邊庭

神仙傳費長房遇壺公得神術能縮地脈千里

聚在目前放之如故晉張協雜詩烽火到邊庭

天失威嚴於大國蜀志吳張昭問秦宓天有耳乎曰有

詩云鶴鳴於九臯聲聞於天無耳何

以聞注見左右莫漸於流沙注見中聖

之武衛篇遂使皇威曠蕩

澤滂沱晉應貞詩元澤滂沱不行於近磧班固封燕然

李善注元澤聖恩也

三蒼積水區區炎漢左傳宋國區區陸德明音義區區

中沙堆也



或幽而光猶拓土以開垣漢書拓地萬里海內晏然赫赫隆唐詩赫赫宗周擬

抽邊而削地誠合解退以肅朝章所請無端告記爲允

郎將侯珪使西域市馬屬積石乏食遂將齎馬價

糴食以救之並免飢餓御史彈不承制命擅用官

物

大宛之國舊出名駒

漢書馮奉世至大宛得名馬象龍而還

小月氏郊素

左良馬

漢書湟中月氏胡其先大月氏之別也舊在張掖酒泉地月氏王爲匈奴冒頓所殺餘種分散

西踰葱嶺其羸弱者南入山

出陽關而直望但見平沙

阻與諸羌居止故號小月氏

歷險固以遐

漢書西域傳陽關在敦煌西界拾遺記平沙千里色如金細如粉風吹沙起如霧

歷險固以遐

征惟多積雪

左傳跋涉山川踰越險阻石崇王明君辭願假飛鴻翼乘之以遐征積雪注見左右

領軍

秋風旦慘

古詩北風何慘慘通俗文暗色曰慘

白日黯而將昏

魏王粲雜

詩白日忽已冥李善文選注黯失色將

寒雲夕愁

宋謝惠連

敗之貌曹大家東征賦忘日夕而將昏

雪賦寒風

黃塵暗而無色

梁江淹恨賦黃塵匝地魏王粲登樓賦天慘慘而無色

斜衝烏弋

漢書烏弋國去長安萬二千二百里

直指龜茲

漢書龜茲國去長安七千四百

八十踐無雷之舊墟

漢書無雷國去長安九千九百五十里

馳不霜之故

地釋迦方誌雪山以南坦然平正冬夏和調草木當榮流霜不降釋法顯傳天竺國寒暑調和無霜雪

道之駿仍未交關

漢書天馬歌經千里循東道

西迴之兵輒為調賑

但重人賤畜

注見沙苑監第二篇

往哲之嘉猷救死扶危明王之

盛事若逢兵饑汲黯之擅無傷

漢書河內失火使汲黯視之還報曰失火不足

憂貧人傷水旱臣發倉粟以賑請伏矯制罪上賢而釋之矯費齋資敬聲之狀無捨

注見少柏臺奏劾六帖御史大夫曰柏臺

合寘嚴科徐陵文用棘

署論刑更宜推鞠

春秋元命苞樹棘聽訟其下者棘赤心有刺言治人者原心不失其實也

禮記司寇聽之棘木之下張晏

待知的狀方可量裁

漢書注鞠窮也謂窮問囚情也

# 龍筋鳳髓判卷之三終



番禺孟鴻光校

龍筋鳳髓判卷之四

唐張鷟撰

明武定劉允鵬敬虛原注

國朝蕭山陳春東爲補正

左右衛率府二條

秦晉建東宮置衛率府唐爲左右衛率府

御史彈東宮

晉卞壺議太子所居稱東宮不言太子宮者二宮以東西爲稱明是天子

之離宮使太子居之也

每乘牛車微行遊諸寺觀左右清道

元不設儀仗殊失禮容所由率丁讓等

唐制左右衛率府置

率各一人副率二人並請付法

天孫東岳有國之元儲

初學記泰山五岳之東岳也一天孫言爲天帝孫也漢書疏

廣曰太子國儲副君宋均春秋元

命苞注儲君副主言設以待之

帝子前星通邦之上

司漢書五行志心之大星天王也其前星太子也鄭元

嗣禮記注上嗣君之適長子北周王褒請立太子表上

嗣仲賢前

星虛位 河海重潤控玉檻以疏源日月重輪順珠囊

而叶度

崔豹古今注漢明帝為太子樂人作歌詩四章以贊太子之德曰日重光月重輪星重暉海重

潤舊說天子之德如日月星海太子比德故云重也爾雅

進河出崑崙墟山海經崑崙面有九井以玉為檻露道

衡老氏碑五緯

位隆銀榜青方列長子之宮

東方朔神異經東方

叶珠囊之度

東明山有宮青石為牆門有銀榜

望重銅樓紫極繼承

以青石碧鏤題曰天地長男之宮

祧之業

漢書成帝元帝太子也上嘗急召太子出龍樓門張晏注門樓上有銅龍潘岳西征賦厭紫極

之閒敞季善注紫極星名王者為宮以象之梁武帝立

昭明太子詔莫不立儲樹嫡守器承祧周王褒請立太



子表存雷居震春方應守器之業  
**濟南鳳集天骨已彰**  
東觀

祥明兩作離少陽纂重暉之業  
漢記光武生於濟陽先是鳳凰集濟南故宮  
聖瑞始於此蔡邕度侯碑英風發於天骨  
**清河蛇盤**

**靈姿早應**  
後漢書安帝清河孝王在邸第數有  
**丁讓**

**職惟清道**  
文獻通攷東宮官隋有  
**務掌干城**  
詩公侯列

**羽衛於瑤山**  
江淹擬從軍詩羽衛藹流景李善注羽衛

有人號曰  
**典戎旗於望苑**  
漢書戾太子  
**自可畫堂之側**

**肅肅霜戈甲觀之前森森電戟**  
漢書元帝為太子於甲

也如淳注甲觀  
**何得安細針於座上竟未匡毗**  
晉書杜

觀名畫堂堂名  
**帶長劍於街中**  
子舍人性亮直忠烈屢諫懷愍太子太子

**惡之後置針著錫常所坐璫中刺之流血**  
帶長劍於街中

會無覺察

晉東宮舊事太子有玉頭劍楚辭帶長劍兮挾秦弓宋玉太言賦長劍耿耿倚天之外

遂使盤遊無度

見書

玩好非宜

國語玩好在耳目之前

日遠之對蔑

聞

晉書明帝數歲有人從長安來元帝問長安遠日星遠對曰聞人從長安來不聞從日邊來日固宜遠

流之瑞徒應

河圖大星如虹下流華渚女節意感生白帝

昔乘小馬尚致譏

嫌

魏志任城威王善射御太祖嘗折之曰汝不讀書而好乘馬擊劍此一夫之勇何足貴也晉書王戎拜司

徒閒乘小馬從便門出遊

今駕牛車深舛典則所由既不匡正羣下

竟未上聞虧失朝章理須明法

東宮無事輒發四府兵獵

唐制東宮置衛率府又有親府勳府翊府共四

府未經奏許所由不言有虧國法

重離明兩

易明兩作離鄭元注明明兩者以明德相承梁元帝皇太子講學碑序雷種德重離作兩晉

潘尼太子詩

允屬利貞

易離利貞享王弼注離以柔為正必貞而後享故曰利貞亨

霑恩洽明兩

一日三朝

禮記文王之為世子朝於王季日三正義凡常世子朝父母每日惟二今文王朝於王季

日三者

實歸仁厚

禮記下之事上也雖有庇民之大德不敢有君民之心仁之厚也

府

官等肅承蘭殿

漢武故事孝景王皇后夢日入其懷以乙酉年七日生武帝於猗蘭殿七歲立

為皇

虔奉桂宮

漢書成帝元帝太子也初居桂宮三秦記桂宮中有光明殿皆金玉珠璣為簾

箔晝夜

識金玦之無歸

左傳晉侯使太子申生伐東山臯落氏佩之金玦罕夷曰金玦

光明

不知玉牀之可惜

易是類謀假威出坐玉牀鄭元注坐玉牀處天子之位也晉書衛瓘因太

復子昏愚跪晉主牀前曰此座可惜

春誦夏絃之訓允有

晉書后妃紀論象玉牀之聯後星



常儀冬書秋禮之規非無永範

禮記春誦夏絃太師詔之瞽宗秋學禮執禮者

詔之冬讀書典書者詔之鄭注陽用事則學之以何得聲陰用事則學之以事因時順氣施功易成也

不遵彝教專事荒淫

注見尚書都省篇

逐迅羽於長林京賦迅

羽輕足薛綜注迅羽鷹也輕足好犬接輕肥於淺草

也嵇康絕交書此由禽鹿愈思長林接輕肥於淺草植白馬篇仰手接飛猱李善注凡物近前射之曰接魏文

帝與論自序少好逐禽每歲暮春草淺獸肥於鄴西獵終日獲麋鹿

九雉兔二十

南皮射雉好樂無厭

魏志太祖才力絕人於南皮日射雉獲六

十三頭詩好樂無荒左傳

東門逐兔長驅不已

史記李斯出獄

是無厭也注無厭足之心顧謂其子曰吾欲與爾復牽黃犬臂蒼鷹俱出上蔡東

門逐狡兔其可得乎詩並驅從兩狼兮戰國策樂毅長

驅至

籠山絡野

班固西都賦罽網連絃籠山絡野

恣盧犬於平原

戰國策韓

齊

盧天下之駿犬也說苑雍門周言孟  
冒雨侵風宋略孝

嘗君野遊則馳弋獵乎平原廣囿  
出射雉值雨侍中沈懷文諫曰縱蒼鷹於廣澤古辭孟珠歌走

非止千乘失容亦乃聖躬梯沐  
馬放蒼鷹淮南一兵一馬悉奉嚴符乍出乍歸皆憑獻

子平原廣澤  
表進不能諫退不能言虛曠國班謬尸天祿文選李善注韓詩曰

尸祿者頗有所知善惡不言默然  
並宐削黜審擇賢才

不語苟欲得祿而已譬若尸矣  
自然鶴禁長清唐虞世南詩乘星開鶴禁按列仙傳周靈王太子晉乘白鶴駐緱山巔謝時人

故後世稱太子之駕  
龍居永肅張衡東京賦九龍之內

曰鶴駕居曰鶴禁  
實曰嘉德薛綜注九龍

本周時殿名也門上有三銅柱柱有三龍  
相繞故曰九龍嘉德殿名在九龍門內也

大廟一條舊本太廟郊社二條今按文獻通攷太廟令屬宗正卿郊社署屬太常卿因析之

太廟令朱景方行大祀乃於散齋而弔喪御史彈

付法大理斷官減一等徵銅五斤

大禘之禮列聖之攸先

公羊傳大事者何大禘也毀廟之主陳於太祖未毀廟之主皆

升合食於太祖故為大事

吉禘之儀明王之令典

春秋閔公二年吉禘於莊公禮稽命

徵三年一禘五年一禘

莫不尊崇祖考

易先王以作樂崇德殷薦之上帝以配祖考

敬

事神明

禮記敬盡然後可以事神明

既申如在之誠

論語祭如在

聿起不

欽之罰

書黷于祭祀時謂弗欽

若嚴禋有則赤雁降於祠宮

唐蘇味道

詩孝享屬嚴禋書有典有則漢書武帝幸雍祀五畤獲赤雁作赤雁歌史記武帝用事甘泉園邱夜有神光如流星止集於祠壇天子自竹宮望拜注竹宮甘泉祠宮名祭謁無虧白鶴翔於清廟



漢書宣帝尊孝武廟號為代宗所巡狩至郡國皆立廟  
告祀代宗廟日有白鶴集後庭毛萇詩傳清廟者祭有

清明之德則有輕饗按此句有誤字薦黷齊明左傳黷齊明益

者之宮也張寬漢武帝時為侍中從祀甘泉至渭橋有女子浴於

渭水乳長七尺上怪其異遣問之女曰帝後第七車知

我所來時寬在第七乘對曰天星肅承顧廟漢書文帝

主祭祀者齋戒不嚴則女子見肅承顧廟作顧成廟

服虔注廟在長安城南虔奉閼宮何法盛晉中興書虔奉郊祀方

行盥滌之規易觀盥而不薦王注宗廟之可觀者莫盛

牛必在滌三月鄭注有事宗禋之典左傳天子有事於

滌牢中所搜除處也書禋於六宗孔注精龍旂是禱倅革鷁鷁詩龍旂陽

意以享謂之禋宗尊也鷁鄭箋交龍為旂倅馬信來朝威儀肅肅詩有客有客

革轡首也鷁金飾貌馬信來朝威儀肅肅亦白其馬有

妻有且敦琢其旅鄭箋其來威儀妻理須恭敬乃志禮記

妻且且有客信信毛傳再宿日信禮記

非有恭敬靜慎其心禮記心不苟玉瓚之獻克修禮記

則不齊以禘禮祀周公於金罍之壽斯薦詩我姑酌彼金罍正

太廟灌用玉瓚書明帝紀注壽者人之所欲何得散齋之日禮記散

故卑下奉觴進酒皆言上壽禮記散

祉之辰周澤之潔無聞後漢書周澤為太常清潔修行

問所苦澤大怒以妻干犯荀彧之容先發後漢書荀彧

齋禁遂收送詔獄謝罪荀彧之容先發字文若禰衡

曰文若可借面弔喪注典略長驅馬足長驅注見上篇

足未便過元伯之家後漢書范式字巨卿山陽人與汝

極南張劭為友劭字元伯元伯卒至

壙將窆柩不冒進移時巨卿素車白馬頓作驢鳴乃向

號哭而來因執紼而引柩於是乃前

仲宣之室

世說王仲宣好驢鳴魏文帝臨其喪顧語同遊曰仲宣好驢鳴可各作一聲送之赴客皆

作驢

不恭之罪

書女不恭命

法有常科失禮之愆宜從明憲

鳴

詩式禮莫愆

官減一等銅坐五斤數外更求未為通允

鄭箋愆過也

郊社一條

周有典祀秦漢有太祝至隋太常寺置郊社署令丞各一人唐因之

二月有事於大社太常博士馮敬有大功喪隱而

不論遂以行事付法科罪

社為土主稷是穀神

孝經緯社土地之主也土地潤不可以盡敬故封土為社以報之稷

五穀之長也穀眾不可以徇祭故立稷神以祭之

侑以姬周之祖配以烈山之

子

左傳共工氏有子曰勾龍為后土后土為社稷田正也烈山氏之子曰柱為稷自夏以上祀之周棄亦為



稷自商以來祀之鄭元禮記注古者官有大功納錄受

則配食其神故勾龍配食於社稷配食於稷

圖之哲

春秋孔演圖王者常置圖錄坐旁以自正也張

乘乾執契之君

易時乘六龍以御天王注乘變化而御

契注古者刻契

莫不崇尚其道

顏延年曲水詩序莫不

肅恭其事

書肅恭神人國語其誰敢

夏殷履運仍開松

柏之禋

宋衷春秋緯注五運五行用事之運也論語哀

安國注凡建立社各以其土所宜之

漢祖登朝復設枌

榆之祭

漢書高祖定天下詔御史治枌榆社春用羊彘

新豐亦

分其玉帛

唐顏師古地祇祝文

建五色之靈壇

還立焉

棟此元辰敬以玉帛

漢舊事天子大社以五色土為壇潘岳籍田賦乃降靈壇薦以牲牢詩飽葉序牲牢

豕為牲繫具三重之芳耐說文耐三重的酒也漢書景

養者曰牢作酒八月成名曰八音閒發書八音克諸又笙鏞以閒

耐耐之言純也孔注閒迭也國語為之六

閒韋昭注六呂所以閒陽律成其功禮記子夏云此古樂之發也六舞交馳周禮樂師

六社主享而成休明靈歆而降福宋顏延年詩邑社總

杜注歆饗也張衡東京賦神命三老漢書高帝二年舉

飲饗而顧德詩降福孔皆民年五十以上有

修行能率眾為善置以為三老鄉一人擇鄉三老賽百

一人為縣三老與縣令丞尉以事相教復勿繇戍神

神玉燭寶典蜡應瑞雀於青疇禮稽命徵祭五岳四瀆

雀者報百神得其宜則黃雀見注黃

雀土精說文疇掃飛蝗於翠畝洪範五行傳介蟲孽者

耕治之田也謂小蟲有甲飛揚之類

於春秋為蠡今謂之蝗詩田祖有神秉畀炎火鄭則千

箋田祖之神不受此害持之付於炎火使自消亡

倉歲積詩乃求千斯倉鄭箋成王見委三農之蓄有餘

周禮三農生九穀萬庾年登虞義詠霍將軍北征詩位

孟子農有餘粟登萬庾積毛萇詩傳露積

日庾正義露地積聚之九章算術平地委粟是也漢書

食貨志三年食進業日登再登日平餘六年食三登日

泰九載之儲斯溢禮記國無九年之蓄曰不足正義每

年所用三十年馮敬身居典禮職在秩宗書典朕三禮

當有九年之蓄應知六祝之辭頗達六祈之訓周禮太

宗正義秩宗即應知六祝之辭頗達六祈之訓周禮太

周禮之宗伯也應知六祝之辭頗達六祈之訓周禮太

祝之辭以事鬼神帶斯凶服輒入禮宮禮記郊之祭

掌六祈以同鬼神帶斯凶服輒入禮宮禮記郊之祭

人國御史奏彈雖言奉法詳刑結罪鄭元周禮注度作

門詳刑文獻通攷唐



龍朔二年改大須按科條廟享誠則有違社稷元來不

禁彈無反坐律許執文爾雅釋訓律法也沈約與謝朓敕執文經武枉被凝

霜理須清雪

太樂一條周官有司樂秦漢有大樂令魏晉而下俱有大樂令丞唐因之掌習音樂

大樂令盧慶狀稱五帝殊時不相沿樂三王異代

不相襲禮樂記文請改聖朝樂名大象天下往極為

號又應國姓

古之天子制禮以安人荀子人生有欲則亂先王制禮義以養之孝經安土治民莫善

於昔者明王作樂以崇德易先王以作樂崇德殷薦之上帝移風易俗

孝經移風易俗莫善於樂

成孝敬而厚人倫快耳娛心

李斯諫逐客書歌呼嗚嗚

而快耳者真秦之聲也魏文帝

感鬼神而通教化

詩序

與吳質書高談娛心哀箏順耳

調茲六氣

左傳天有六氣陰陽風雨晦明

地感鬼神莫近於詩先王以

是成孝敬厚人倫美教化

禮記五音

也徵主夏而角主春

禮記春其音角夏其音徵

導彼五音

六律十二

管還相為宮

宮動脾而商動肺

史記樂書宮動脾商動肺角動肝徵動心羽動腎

天

則不言而信

禮記文

故奏雲門以祭天

周禮大司樂乃奏黃鐘歌大呂舞雲

門以祀天神

地則不動而生

樂叶圖徵受氣於天布之於地以時出萬物者也禮記不動而

變

故奏咸池以祀地

周禮太司樂乃奏太簇歌應鐘舞咸池以祭地元

道則無

象而化

老子大象無形

神則不怒而威

禮記文

故暢之以鐘鼓

周禮

鐘師凡樂娛之以絲竹禮記金石絲竹樂之器也廉直誠正之響發

而人肅恭禮記廉直勁正莊誠粗厲猛毅之音生而人

剛健禮記粗厲猛起奮末廣哀思為亡國之典其政陵

遲禮記亡國之音怨怒為亂世之音其風轉替禮記亂世之音

怨以怒故詳其律呂師曠知其盛衰史記衛靈公適晉舍濮上夜聞琴聲

召師涓寫之至晉以奏師曠曰此師延靡靡之樂武王伐紂師延投濮故聞此聲必濮水之上先聞者國削

察彼軒懸延陵識其興廢周禮小胥正樂懸之位王宮懸諸侯軒懸蔡琰別傳琰蔡

邕之女年六歲邕夜鼓琴絃斷琰曰第六絃邕故斷一絃問之琰曰第四絃邕曰偶得之琰曰吳札觀樂知興

亡之國由此推之何得不知隋許善心樂詩獨有延陵聽應知亡國音接延陵吳季札封邑觀樂事詳左傳



自王澤既竭風雅莫流

班固兩都賦序成康沒而頌聲寢王澤竭而詩不作許善心詩

澤竭英莖散

文侯聽鄭而不寢

禮記魏文侯曰吾端冕而聽古樂則惟恐臥聽鄭衛之音

則不

孔子聞韶而忘味

周氏論語注孔子聞韶樂之美盛忽忘於肉味成公綏嘯賦孔

父忘味

桑間濮上流宕忘歸

禮記桑間濮上之音亡國之音也其政散其民流誣

而不食

上行私而下里巴人奔波逐遠

宋玉對楚王問客有歌於郢中者其始曰下里

不可止也

巴人國中屬而

聖朝均四暢

禮記四暢交於中而發作於外調八風禮

和者數千人

聽鳴鳳以和音命飛龍而度曲

呂氏春秋黃帝令伶倫取

而不姦

竹於嶰谿之谷制十二筒聽鳳皇之鳴以別十二律又

云顓頊令飛龍作效八風之音命之曰承雲以祭上帝

上通咸夏樂動聲儀黃帝曰咸池禹曰式隆殷薦之儀大夏禮記咸池備矣夏大也

見俯定莖英樂動聲儀顓頊樂曰五莖帝嘗樂曰六英

上英能為天地六宋衷注五莖能為五行之道立根本也六

合之英華也允叶昭容之典漢書禮樂志高祖作昭

歌九序書九功惟序諷六詩周禮瞽矇誦詩掌九德

九德誦聞其聲而聽和五經通義聞宮聲省其文而心

六詩禮記省其文采史記盧慶職參樂令文獻通攷秦漢

正樂所以和正人心也史記秦昭王云楚之鐵

因之唐有大樂令丞史記秦昭王云楚之鐵

掌習音樂樂人簿籍史記秦昭王云楚之鐵

始皇建離宮四百所皆史記秦昭王云楚之鐵

有鐘磬帷帳婦人倡優史記秦昭王云楚之鐵

關雎之聲王儉褚史記秦昭王云楚之鐵

淵碑無替前規史記秦昭王云楚之鐵

為侍中褒奏尚書史記秦昭王云楚之鐵

洽作樂名予詔改大樂日大予以應圖識史記秦昭王云楚之鐵

前角應臂步名

變禮樂殊途輒進嘉名深陳雅稱執大象而天下往老子

執大象天下往河上公注執守也象道也其德彌長禮記

聖人守大道則天下萬民移心歸往也

觀其舞行大道而海內和禮記大道之行其風載遠詩

知其德風肆

命伶倫而討韻雅合夔鐘呂氏春秋黃帝命伶倫與榮將鑄十二鐘以和

五音晉書律歷志魏武時杜夔精識音韻為雅樂郎中

令鑄銅工柴玉鑄鐘數毀改作玉訴夔清蜀任意魏武

取玉所鑄鐘雜錯更荀勗以調聲自諧牛鐸晉書荀

試然後知夔為情召荀勗以調聲自諧牛鐸晉書荀

路逢趙賈人牛鐸識其聲及掌樂音韻千童萬舞漢書

未調乃曰得趙之牛鐸則諧矣果然千童萬舞郊祀

歌千童羅舞成人其朱雁以齊行注見太八佾九歌穀

佾詩萬舞洋洋其朱雁以齊行廟篇八佾九歌梁

傳天子八佾白虎通佾者列數也楚辭啟九變與九將

歌山海經夏后開上三嬪於天得九辯與九歌以下將



赤蛟而合節

漢書武帝浮江親射蛟江中獲之作赤蛟之歌楚辭應律兮合節王逸注合會六律

以應

尤裨聖化甚益皇明

西都賦天人合

宜下太常

初學

舞節記秦置奉常漢改太常如淳漢書注常典也常典三禮故曰太常或曰大常王者之旌禮官主奉持之故曰奉常

先宣美號

鼓吹一條

周官有鼓人漢有承華合梁有清商署唐置鼓吹署令丞各一人所掌頗與大樂同

鼓吹令王乾狀稱鼓吹鹵簿國家儀注器具濫惡

請更改修製禮部員外崔嵩以府庫尙虛此非急

務判停

鳧鐘隱隱

攷工記鳧氏爲鐘

隨九變以交馳

周禮若樂九變則人鬼可得而禮

鼉鼓逢逢

見詩陸機疏鼉形似蜥蜴其皮堅可以冒鼓毛傳逢逢和也

和八音而閒

作

注見郊社篇

或短簫橫引

樂志何承天云鼓吹蓋短簫鐃歌軍器也黃帝使岐伯所作古

今樂錄橫吹胡樂也張騫入西域傳其法於長安

朱鷺鏗鏘

爾雅疏楚威王時有朱鷺合省飛翔

而來舞舊鼓吹朱鷺曲是也古今

或長笛手吹

馬融長笛賦繁

樂錄漢鼓吹十八曲一日朱鷺手累發密慨迭興宋玉

紫駟淒切

古樂府紫駟馬曲十

歸道逢鄉里人

東宮所設殊非列代之規

晉書劉毅轉

家中有阿誰

太子朝鼓吹將入東掖門毅以為不敬止

平閣爰施亦

匪先王之制

鄴中記石虎正會置三十部鼓吹三十步輒置一部十二人皆在平閣上去地丈餘

然國家儀注

隋書經籍志儀注之興久矣周衰諸侯削其籍漢興叔孫通定朝儀曹褒定漢儀世

有制作今聚

須應禮經

左傳謂之禮經漢書藝文志禮經三百

既崇鹵簿

為儀注篇

之班

獨斷天子出車駕次第謂之鹵簿五經精義鹵簿白秦漢始有其名鹵大楯也所以捍敵部伍之次

皆著之簿

又惠功臣之錫

崔豹古今注漢樂有黃門鼓吹天子所以宴樂羣臣短簫

故言鹵簿

既為濫惡宐即修改豈以藏虛遂

鑄歌鼓吹之一章耳

云非急

四句舊本脫据昭曠閣本補

有家有國

論語有國有家者

朝章不可

暫虧去食去兵

見論語

禮樂如何輒廢

禮記禮樂不可斯須去諸身

王

乾狀請崔嵩判停爾愛其羊我愛其禮

論語文包氏注羊存猶以識禮

羊亡禮

速令鳩集

梁劉孝標借類苑書鳩集斯文

請勿狐疑

注見倉部篇

遂廢

太卜一條

周官太卜掌三兆之法秦漢有太卜令丞各一人唐因之并於太史至隋有太卜令丞各一人唐因之



太卜袁綱善卜所言立驗有術士榮儼夜無故被殺不知頭首使綱筮之竟不知賊處御史彈綱情

有向背而不言付法

楓天棗地

陸佃埤雅楓之有癭者風神居之夜遇暴雷驟雨則暗長數尺故造棹者以爲蓋又以大

震擊棗木

載之所謂楓天棗地韻會棹木局也觀倚伏

有天地

所以推陰陽占吉凶以楓子棗心爲之

觀倚伏

於無形

老子禍兮福所倚福兮禍所

方智圓神易著之

神卦之德

察幽明於未兆

易仰以觀於天文俯以察於地理是故知幽明之故曾子

方以智

夫子曰天道曰圓地道曰方方曰幽圓曰明

百年鼠卜

玉篇龜

拆曰兆後漢書天文志萌而未兆

百年鼠卜

尚辨吉凶

抱朴子玉策記稱鼠壽三百歲滿一百歲則色白善憑人而卜能知一年中吉凶及千里

外事 五德雞占猶知禍福韓詩外傳雞有五德漢書武帝令巫祀上帝百神用雞卜

注雞卜如鼠卜 長安季主不以榮辱存心史記司馬季主賣卜於城

占歲之豐凶 蜀都嚴平不以衣冠介慮

都東市宋忠賈誼曰何居之 卑行之汚季主捧腹大笑

漢書蜀有嚴君平卜筮於成都市得百餘錢足自養則閉肆李強為益州牧數與相見卒不敢言以嚴為從事

袁綱雅望四兆周禮卜師掌開龜之四兆 妙達二臣未詳或曰即榮季主君平也

參九筮之班周禮筮人掌三易以辨九筮之名 藝審千蓍之訣本草蓍千歲三

百莖其本已 東方朔之暗射指掌可知漢書武帝使諸

老故知吉凶 淳于智之精通毫釐無失倡射覆置守宮

盆下朔中之賜帛包咸論語 向之皞藻馳見智智曰速歸在狐皞處拊心啼哭令家

人驚怪畢出藻如其言母亦扶病出堂屋五閒拉均趙然而崩禮記易曰君子慎始差若毫釐謬以千里

達之回筋要妙如神吳志趙達治九官一算之術嘗過

三縱橫之乃言卿東壁下有美酒一斛鹿肉比吳泰之

求棋縱橫必中未詳按異苑云十二棋卜出自張文成受法於黃石公行師用兵萬不失一

有蛇銜筆立定徽祥魏志管輅見安平守王基基命作卦輅曰牀上當有大蛇銜筆大小

共視須臾失之有蟻開封行看潤澤易林震之蹇蟻封穴戸大雨相集

遺豹冠於獵所逆見繇辭古文瑣語范獻子卜獵占之繇曰君子得龜小人遺冠獻

子獵終日而無所得遺其豹冠鄭懸馬鞭於樹閒預知元周禮注灼龜得兆各有繇辭

貧富王隱晉書鮑陸家有凶淳于智卜之曰可買新馬鞭懸舍東北大樹當暴得財陸市馬鞭懸之三年



林中得錢數十萬於是業用既展家亦無恙

如斯術數

漢書術數者皆義和卜史之職

實繁

有徒

見書

榮儼薄解醫方

帝王世紀黃帝使岐伯典醫今經方咸出焉

微知小

技遭費禕之刺客遂隕輕姿

蜀志費禕為尚書令歲首大會魏降人郭循在坐禕

歡飲沉醉為循手刃

遇袁盎之讐人俄傾重耳

漢書梁孝王求

所害史記有刺客傳為嗣袁盎諫止王以此怨盎使人刺殺盎安陸郭門外

崔豹古今注重耳

古重較也文官青耳武官赤耳按重

耳盎所乘車也傾

莫知賊首須察真蹤綱為研尋竟無

重耳喻盎遇害

的狀將謂隱避爰被奏彈理須直守正途不可偏拘小

節何也龜稱聖智不能免宋元之鑽

墨子夏后開折金於山川而陶鑄之

於昆吾卜於白若之龜繇曰九鼎既成遷於三國是鬼神之神之明智於聖人也莊子宋元君夜夢人曰予為清江

使河伯之所漁者余且得予元君使人占之龍號神明

曰神龜也刳之以卜七十二鑽而無遺策

不能脫夏篆之網左傳夏孔甲擾於有帝帝賜之乘龍

篆龍氏以事孔甲龍一雌死潛醢以食夏后唐陳子

昂塵尾賦天道之用莫神於龍受戮為醢不知其凶郭

璞洞林之妙竟被嚴誅晉書郭璞嘗撰前後筮驗六十

筮之曰無成壽且不久敦大怒問卿壽幾何曰命盡京

於今日敦即收斬之漢書當順天氣成嚴霜之誅

房易傳之徵終從大戮漢書京房著易傳四卷其說長

石顯所譖繫獄謂厥曰吾死後四十日客星知有所不

必入市即吾無辜之驗也房死果如其言

察神有所不通楚辭知有所不通即處重刑恐虧平典

太醫一條周官有醫師秦漢有太醫令丞隋有太醫署令唐因之

太醫令張仲善處方進藥加三味與古方不同斷

絞不伏云病狀合加此味仰正處分

五情失候多生心腹之災

文子昔者中黃子曰色有五章人有五情山海經巴蛇吞

象三年而出其骨君子服之已心腹之疾

六氣乖宜必動肌膚之疾

左傳天有六氣

淫生六疾六氣者陰陽風雨晦明也禮記肌膚之會

絕更生之藥必籍良醫

十洲記月

支國獻香使者曰斯更生之神丸也疾病災死者將能

起之左傳晉侯求醫於秦秦使醫緩視之未至公夢二

豎子曰彼

乏返魂之香誠資善療

十洲記聚窟洲有返魂香尸在地聞香即

良醫也

活

張仲業優三世

禮記醫不三世不服其藥

方極四難

後漢書郭玉和帝時為太

醫丞醫療貴人時或不愈帝問其狀曰有四難焉自用

意而不任臣一難也將身不謹二難也骨節不強不能



前角鳳龍先錄四

使藥三難也好非無九折之能楚辭九折臂而成醫實掌萬人之

逸惡勞四難也

苦周禮疾醫掌萬民之疾書六郭玉診脈妙識陰陽後漢

書郭玉為太醫丞帝令嬖臣美手腕者與女子雜處帷

中使玉各診一手玉曰左陰右陽脈有男女狀若異人

臣疑其故帝文摯觀心巧知方寸列子龍叔謂文摯曰

歎息稱善

摯命背明而立曰嘻吾見神仙傳董

子之心矣方寸之地虛矣奉居廬山

為人治病得愈者使栽杏晉書樂廣傳羽客

數年鬱然成林號董仙杏沉疴頓愈

安期之神棗南方草木狀海棗五年一實實甚大昔李

食巨棗大如瓜非誕說也晉傳元賦有攻茲美疾左傳

棗茗瓜出自海濱全生益氣服之如神臧孫

紇曰季孫之愛我疾疾也孟孫

之惡我藥石也美疾不如惡石華陀削胃妙達古今

後漢

書華陀精於方藥若在腸胃則斷截湔洗  
除去疾穢既而縫合一月之間皆平復  
仲景觀腸譽

聞寰宇

名醫錄仲景名機南陽人著金匱玉函經入卷  
觀腸未詳抱朴子文摯愆期以療危困仲景穿

胸以納  
赤餅

聖躬述譴謹按名方肅奉龍顏  
春秋元命苞  
黃帝龍顏  
須

窮鵠術

釋氏諸經要集永明八年帝躬勿豫雖和鵠薦  
術茵席猶滯鵠一作鴻晉郭璞巫咸山賦序蓋

巫咸者以鴻術  
為帝堯之醫

豈得不遵古法獨任新情棄俞跗之前

規

史記上古之時醫有俞跗療疾不以湯藥乃  
割皮解肌湔洗腸胃漱滌五臟精煉易形

失倉公

之舊軌

史記太倉公者姓淳于名  
意為人治病決生死多驗

若君臣相使情理或

通

黃帝素問藥有君臣佐使本草  
土藥為君中藥為臣下藥為佐

若畏惡相刑科條無

捨

按兩若字當有一誤畏  
惡謂藥有可畏可惡者

進効斷絞亦合甘從處方即

依誠為苦屈刑獄之重人命所懸宜更裁決毋失權衡

太史一條

昔少昊氏以鳳鳥氏為歷正顓頊有重黎唐虞有羲和夏商有太史周又有馮相氏保章

氏秦為太史令漢為太史公歷代相因

分曹置監名亦不一唐初為太史局

太史令

唐置太史令三人

杜淹教男私習天文兼有元象

器物被劉建告勘當並實

粵若顓頊令南正以司天

史記顓頊命南正重司天以屬神北正黎司地以屬民

昔在帝堯命東宮以賓日

書分命羲仲寅賓出日平秩東作孔注羲仲治東方之官

寅敬賓導

履端於始序則不愆舉正於中時乃不忒

史記

秩序也

歷書

自秦稱金贇

爾雅贇有力郭注出西海大秦國似狗多力贇惡按金贇即金虎駱賓王

文



螢火賦牛哀倏而化贊是用淮南子牛哀病七日而化

為虎也張衡東京賦始於宮鄰卒於金虎羸氏搏翼擇

肉西邑薛綜注金虎西方白虎神羸秦姓也叨五勝之

周書無為虎傳翼將飛入邑擇人而食也

宏綱漢書鄒衍因秦頗推五勝注五行漢起王雞帝世紀

昭靈后名舍始遊於洛池有玉雞銜赤珠刻叶三微之

日玉英吞此者王舍始吞之生漢祖劉季

遠度注見沙苑監篇徵洛下命唐都漢書漢造太初歷凡二十

閎與攷大衍之始終李石續博物志明皇詔僧一行鑄

焉云此歷後一千年差一日有聖心伏羲夢周旦論語久

人出而正之至是果一千年

復夢見步太初之盈縮史記索隱古有太初歷以建寅

周公為正殷周秦不用漢武帝時改

用太初歷淮南子孟春始盈孟四營因之式序八變所

秋始縮高誘注盈長也縮短也

以無差

易四營而成易十有八變而成卦

五星叶度於上萬物和平於

下

漢書五星如連珠叶度注見左右衛率府篇隋書天子置日官諸侯有日御以和萬國以叶三辰

杜

淹位參義仲

見上東官注

聲振子韋

淮南子朱景公之時災惑在心公懼召子韋而

問焉高誘注子韋司星者也漢書藝文志陰陽家有宋司星子韋三篇注景公之史

覽沮誦之前

規

注見修史館篇

遵史遷之舊典

文獻通考漢武帝置太史令以司馬談為之

星聚

東井逆辨休徵

漢書高祖初入關五星聚於東井注東井秦之分野五星所在其下當有聖人

以義取

月犯少微懸知應變

續晉陽秋會稽謝敷隱若耶山忽月犯少微星少微

天下

一名處士星時戴逵名著於敷時人憂之俄而使星已敷死故會稽人嘲吳人曰吳中高士求死不得

發無違寸景之期

後漢書李邵善河洛風星和帝分遣使者微服單行各至州縣使者二人

當到益部投郃舍部問二君發京師時寧知朝廷遣二使耶問何以知之郃指星示云有二使星向益州分野

劍氣莫關不爽分毫之信

雷次宗豫章記吳未亡恆有紫氣見牛斗間占者以為吳

與惟張華以為然及吳平紫氣愈明華曰此寶劍氣北齊魏收秋宴詩使星疑向蜀劍氣不關吳宮居

太后夙已土聞

未詳

宋起真人預為先覺

魏志初桓帝時有黃星見於楚

水之分遼東商廋善天文言後五十歲當有真人起於梁沛之間其鋒不可當其後曹公破袁紹天下莫敵矣

譙周之論蜀滅

蜀志譙周曰先主諱備其訓具也後主諱禪其訓授也劉具當授於人蜀既亡

咸以周言為驗

杜瓊之說曹興

蜀志杜瓊曰古者官職不言曹漢末名官盡言曹吏言屬曹卒

言侍曹此曹氏代漢之兆

此列代之攸欽邦家之要籍淹之少子雅

愛其書習張衡之渾儀

後漢書張衡為太史令造渾天儀鑄銅為之

討陸續



志重黎之後三苗亂德五霸之末史官亡紀疇人子弟  
分散如淳注家業世世相傳為疇陸倕刻漏銘司歷亡

官疇人

孟陬於焉舛候攝提所以乖方

漢書律歷志孟陬殄滅攝提失

廢業

方注正月為孟陬歷紀廢絕間餘乖錯不與正歲相直

謂之殄滅攝提星名隨斗杓所指建十二月若歷誤春

三月當指辰而乃指己是為失方

五夜不分六日無辨

陸倕刻漏銘擊刀舛次聚木乖方

陸倕刻漏銘文毛萇詩傳古者有挈壺氏以水火分日

夜以告時於朝衛宏漢舊儀中黃門持五夜甲夜乙夜

丙夜丁夜戊夜也淮南子歲遷六日終而復始

高誘注遷六日今年以子冬至後年以午冬至

百王之弊政舉千載之頽綱

陸雲譙會詩頽綱既振

龍首應時後

書張衡作地動儀以精銅鑄成外有八龍首銜銅丸下  
有蟾蜍張口承之如有地動則龍吐丸而蟾蜍銜之

雞人合節

周禮雞人凡國事為期則告之時鄭注象雞知時也

小大之候共砌茨

以彫榮

薛綜東京賦注莫莢瑞草王者賢聖生於階下

至晦日而盡小月則一莢厭不落王

昏旦之期逐宮槐

而舒卷

五經要義昏闇也旦明也日入後漏三刻為昏

郭注槐葉晝日聶合而夜炕布者名

二分二至無虧余

遂之蹤

杜預左傳注分春秋分也至冬夏至也周王褒

圭測其

大餘小餘允叶容成之度

史記大餘者日也小

長短  
餘以定閏史記索隱系本及律歷志黃帝使羲和占日

常儀占月與區占星氣伶倫造律呂大撓作甲子隸者

作算數容成綜此何得漏生弛慢吐號乖宐朝官顛倒

於衣裳

詩東方未明顛倒衣裳鄭箋挈壺失漏刻之節

入街吏失期於鐘鼓

注見金吾衛篇

齊君望曉莫聽鐘聲

南史齊武

帝以宮內不聞鼓漏置

京尹失時空奔馬足

司馬彪續漢書立秋

鐘於景陽樓以應五鼓

之口夜漏未盡五刻京都百官皆迎

漏司乖錯准法論

刑

良醞一條

周官有酒正掌酒之政令漢晉以來俱有其官而名不一至隋置良醞署唐因之

會

期日酒酸良醞署令杜綱添之以灰御史彈綱綱

款好酒例安灰其味加美不伏科

上稽乾象列酒旗之星下鑒坤儀制酒泉之郡

劉琨答盧湛詩

乾象棟傾坤儀舟覆孔融難魏武帝禁酒書天垂酒旗之曜地列酒泉之郡人有旨酒之德堯非千鍾無以升



太平孔非百觚

杜康至妙肇發馨香

魏武帝歌行何以解憂惟有杜康博物志

杜康作酒書

儀狄精微爰施麴蘖

世本儀狄始作酒醪古史考古有醴酪禹

至治馨香

時儀狄作酒書若作酒醴爾惟麴蘖孔注酒醴須麴蘖以成

用之於宗廟可以飲享

百神用之於冠昏可以諧和百姓

漢書酒者天之美祿帝王所以頤養天下

享祀祈福扶衰養老百福之會非酒不可

杜綱名班釀署官列醞司須明五

齊之規頗解三酒之術

周禮酒正辨五齊之名三酒之物賈疏齊者度量節作之謂三

酒味厚人所飲者也

十釀之法竟未畱心九醞之方

齊味薄所以祭者也

曾無介意

史記貨殖傳通邑大都酤一歲而十釀西京雜記漢制以正月旦造酒八月成名曰九醞

魏武帝集南陽郭芝有九醞春酒苦難飲增爲十釀差甘易飲

雞鳴下釀取蘭香而桂

辛

北堂書鈔食經云夏雞鳴酒法秫米二升麴三升水五升燒之今日作明日雞鳴時熟漢書百未旨酒布

蘭生晉灼注芬香布列若蘭之生郭憲洞冥記有遠飛

雞常銜桂枝之實歸於南山或落地而生眾仙劉以釀

酒多鳩集為徵遂果酸而梅醋東方朔別傳朔門生三

桂膠當得酒而必酸問其故曰出門見鳩飲水故知得酒鳩

飛集梅樹故知酒酸書木曰曲直曲直作酸正義木實

多酸五果之味雖殊其能酸一懼貽災譴密縱奸訛頓

也又爾惟鹽梅孔注鹽鹹梅醋

下生蠅之灰淮南子爛灰生蠅陸佃卑雅蠅生於灰蓋

以為爛灰生蠅值水溺死以置灰中須臾即活淮南子

蠅正謂此也用添浮蟻之味張衡南都賦浮蟻若萍釋

也遂使聖人賢者注見尚書變易常滋從事督郵注見

篇乖違舊性事窮理盡方起遁辭孟子遁辭知其所窮

後趙岐注遁隱之辭若

秦客之觸網掛羅妄稱前例豈得索郎清德橫被侵誣

庾辭也水經注桑落河出好酒世人訛為索郎巴卿實功枉遭

故有索郎杯黃石公三略侵誣下民點辱盛宏之荆州記永安宮西有巴卿之村材善釀

酒束皙補亡詩莫之點辱王逸楚辭注點汚也虧竹葉之術張景陽七命豫北竹宜從棘木之科注見

驍衛

太官一條周官有膳夫庖人外饗秦為太官令丞

太官丞李休供祭餘胙肉少依問款稱太常博士

王均每分肉取常多郎中吳爽拔劍割肉而去

在祀與戎國之大事左傳祭公不宿人之常禮論語祭於公不



宿班賜神惠多少先有成規周生烈論語注助祭於君所得牲體歸則以班賜不

雷神輕褻鬼餘賢聖非無舊識鄭元論語注祭肉過三日不食是褻鬼神之餘

也明視疏趾具在常經剛鬣柔毛備諸彝典禮記凡祭宗廟之禮

豕曰剛鬣羊曰柔毛雉曰疏趾免曰明視正義皆肥貌也李休位霑主守職綰太官

雖無負鼎之功漢書伊尹負鼎俎以滋味干湯致於王道實委操刀之任左傳

猶未能操刀而使割也餘胙肉欠頗有指歸依問款辭具陳萌緒

為郎中吳爽強割逾豐博士王均叨分太廣拔劍割肉

愧方朔之能仁漢書伏日詔賜肉太官丞日宴不至東方朔獨拔劍割肉去上令自責朔曰拔

劍割肉何壯也歸遺細君又何仁也上笑曰乃反自譽詣府退魚謝公休之貞潔

史記公儀休相魯客有遺魚不受客曰君嗜魚何不匪  
受曰今爲相能自給魚若受魚而免誰復給我魚者

張華之職分數粒仍多晉書張華爲太常博士轉兼中書郎慨然有感作鷦鷯賦有曰

巢林不過一枝同廉頗之無厭百斤不足東晉發蒙記廉頗啖肉百

斤非慙非恥與草狗而不殊注見考功篇惟暴惟貪其茅鴟

而莫別左傳工誦茅鴟杜注茅鴟逸詩刺不敬深虧雅躅實蠹名流空竄

遐荒式清朝列

掌醢一條周官有醢人自後無聞至隋置掌醢署令丞各一人唐因之

光祿寺卿楊裕狀稱掌醢署令呂建居官清整不

邀名譽忠肅奉公未蒙進考

邊豆之事各有司存

論語邊豆之事則有司存後漢書崔琦傳百官內外各有司存

俎之間非無主守

莊子庖人雖不治庖尸祝不越樽俎而代之郭象注庖祝各安其所司

陳之郊祀可以接神明用之禮儀可以寧邦國

醢之類百代相因

說文醢肉醬也周禮醢人饋食之豆凡七醢有蜺醢醢雁醢賈疏蜺蟻子也

取白者龍醬蟹醬之流千齡不易

說文醬醢也龍醢注見太卜篇梁劉孝儀

啓龍醬傳甘蜺醢稱貴說文胥蟹醢也周禮庖人共祭祀之好羞鄭康成注云若青州之蟹胥字林云蟹醬也

呂建策名膳府委質庖官

左傳策名委質既享鹿麇鄭注有骨

為麇無骨為醢

實司蛟鮓

拾遺記漢武帝釣得白蛟付大官為鮓肉紫骨青香美無倫釋名鮓菹也

以鹽米釀魚以為菹

鷄寒四獸之腊罔不留心

北堂書鈔酒食部寒篇云釋名言韓



羊韓雞本韓國所為曹植言寒鵲蒸麋曹植七啓寒芳  
蓮之巢龜李善注寒今臍肉也引鹽鐵論羊淹雞寒毛  
萇詩傳冬獻狼夏獻麋春秋獻豕正義所獻四獸以供  
膳說文腊乾肉也周禮腊人掌乾肉鄭注若今涼州鳥  
翅賈疏涼州鳥翅羊髓五侯之鯖會兼注意說文云髓  
解乾肉之狀也羊血作之增其酢豉之味使甚苦以消酒也  
釋名血髓以血作之增其酢豉之味使甚苦以消酒也  
漢書成帝舅五人同日封侯故謂之五侯西京雜記五  
侯不相能賓客不相往來婁護豐辨傳食五侯閒各  
得其歡心競致奇膳護乃合以為鯖世稱五侯鯖  
牙之糝釋名糝黏也相黏教也周禮醢人糝食鄭注取  
作麇白居易詩馬齒之鹽北史李孝伯傳太武賜宋江  
鹿米麇牙稻夏王義恭武陵王駿鹽各九  
種有馬點以鳳林之酢漢武內傳西王母曰仙人上藥  
齒鹽點以鳳林之酢有鳳林鳴酢韻會醋本作酢今  
人以此為酬酢字反以醋飲以鳥程之茗吳興記鳥程  
為酢字時俗相承之誤

有溫山出御薺爾雅櫝苦菜郭注今

呼早采者為茶晚取者為茗一名薺孟宗遺母猶避嫌

疑列女傳孟宗為監魚池司馬自能結網手捕魚作鮓

寄母母還之日汝為魚官而以鮓寄我非避嫌也宗

謝罪沈杜預餉人惟求免罪晉書杜預在鎮數餉遺洛

之於江但恐為害忠以奉上酌貪泉而彌清晉書吳隱之為廣

不求益也泉所酌而飲之在州清操愈厲廉以當官置脂膏而不

潤後漢書孔奮為姑臧長清儉人或譏之日身處脂膏

不能自潤孔穎達禮記正義凝者為脂釋者為膏

朱文季執心強直榮位騰遷後漢書朱暉字文季遷臨

淮太守吏人歌日強直自

遂南陽朱季後肅黃叔度獨守恬虛聲名籍甚後漢書

宗召拜為尚書叔度太守禮進賢達卒不能屈憲郭林宗日叔度汪汪

若千頃波澄之不清撓之不濁不可量也漢書陸賈遊

漢廷聲名籍甚注籍甚猶云狼籍甚盛也不求於物遂被疾於孤醒楚辭屈原曰衆

人皆醉而我獨醒是以見放不屈於人終見排於衆醜王逸離騷序醜物以比讒

佞說苑趙簡子曰美楊回三逐盛德宐收說苑楊回見趙簡子曰臣

女者醜婦之仇也居鄉三逐事君五張既十年公平可錄魏志張既爲安

去聞君好士故來惠著聞埋合甄拔以勸朝班定太守在郡十

餘年政珍羞一條周官有籩人後漢有甘丞晉太官令有飴官

置令丞各一人

珍羞令趙慶諸州所進口味割截餉送權門每得

好官衆所談薦名實相反深愧國章



趙慶佞媚為姿諂成性貪殘不軌獸中之有餓狼

詩序

在位貪殘左傳不軌不物後

漢仲長統傳餓狼守庖廚

輕薄無儀人閒之有猥鬼

輕薄注見苑總監篇詩相鼠有皮人而無儀爾雅猥猥類龜山海經冥窳其狀如龍首食人

江淮果

物荔枝龍眼之珍

南方草木狀荔枝如桂樹青華朱實大如雞子白如截肪甘而多汁龍眼

樹如荔枝稍小形圓如彈丸魏文帝詔羣臣曰南方果之珍異者有龍眼荔枝令歲貢焉

河濟餽糖

米槩馬鞍之妙

周禮兗州其川河濟異物志交趾所產蔗竿取汁如飴餽名之曰糖爾雅米者

謂之槩李巡注米飯半醪半熟為槩王灼糖霜譜繳山

在涪江東與山對望曰馬鞍山亦近百家然霜成皆中

下石蜜百花之蕊味是蜂調

南中八郡志交趾有甘蔗窄取汁曝成飴入口消釋

彼人謂之石蜜劉根墨子枕中記鈔百

甘瓜五色之香

花釀蜜張璠易注序蜜蜂以兼採為味

美疑鶴集

史記邵平種瓜長安城東瓜有五色甚美幽

為鍾定墓地出

豹胎龍脅

六韜玉杯象箸不盛菽藿之羹必將熊蹯豹胎枚乘七發

門悉為白鶴

參豹之胎孔燁

鳳腊猩脣

說文腊乾肉也呂氏春秋肉之美者猩猩之脣

七引龍脅之肋

鳴蟬之稻

郭義恭廣志南方有鳴蟬稻七日熟

安定噎鳩之麥

吳均餅記安定噎鳩

之麥洛陽

董德之磨

趙趙雌伏

張載劍閣銘一人荷戟萬夫趙趙廣雅趙趙難行也雌伏注見御史

臺謁宰輔之車前

漢書袁盎道逢丞相申屠嘉下車拜謁

踟躕蛇行

如也戰國策蘇秦過洛陽嫂

拜公卿之馬首

論語出則事公卿左

蛇行匍伏鮑彪注蛇不直行

傳惟余馬

首是瞻

諂事賈謐

晉書潘岳與石崇諂事賈謐每俟其出輒望塵而拜

阿附董

賢

漢書孔光為丞相知上欲尊寵董賢下車拜謁不敢以賓客均敵之禮

徒有事於苞苴

注見內侍省篇不自親於機杼後漢書王丹友人喪親同郡陳遵賻物甚豐丹乃懷一疋縑陳

之於主人前曰如丹此縑盜家財而餉家長人路難通自出機杼遵聞有慚色

偷社酒而勸社神冥途未許鼠竄求道小人引之以為

能史記制通曰奉頭狐媚取容君子得之而不貴晉書石勒

鼠竄以歸漢王曰不效狐媚取天下宜從斥逐以肅羣寮

籍田一條籍田者天子躬耕于畝使民如借故謂之籍田有甸師漢始開籍田後闕晉復置江左至

唐皆不聞焉

廩犧令唐制廩犧令掌犧牲粢盛屬太常卿王堯上封事准禮諸侯

九推禮記天子三推三公今之刺史古之諸侯唐州



置刺史 一員 無籍田處不可以訓農

漢書十志

漢書十志有食貨志

農為有國之基

漢書文帝詔曰夫農天下之本也其

籍田朕

洪範九疇

見書

食是生人之命

漢書食貨志洪範八政一曰食尚書

大傳入政何以先食食者萬物之始人事之所本也范子計然五穀者萬民之命國之重寶

由是古

之聖帝躬事三推

禮記元日祈穀於上帝躬耕帝藉天子三推

昔者明王親

行萬乘

潘岳籍田賦侯萬乘之躬履

鼉鼓振地

注見鼓次篇

鸞輿動天

班固

西都賦乘鸞輿備法駕

聳鳳蓋以來雲

桓譚新論乘車玉爪華枝及鳳

鮑照舞鶴賦箕風動天

建龍旂而拂日

詩龍旂陽

麗魏文帝祭嵩山文歸蓋如雲

青壇岳立翠幕煙平

潘岳籍田賦青壇蔚其岳

陽鄭箋交龍為旂楚辭折若木以拂日

立翠幕黝以雲布鄭元

百司於是駢奔

國語土乃脈發先時九日王即

周禮注帷覆上曰幕

齋宮百官御事

三公以之肅事紺轅黛耜克遵應劭之

詩駢奔走在廟

儀

潘岳籍田賦紺轅綴於黛耜李善注紺深青而揚赤色也耜耒之金應劭漢官儀天子升壇公卿耕訖嗇

夫下

綠耦朱紘允備曹褒之禮

鄭元論語注耜廣五寸二耜為耦禮記天子為

種籍千畝冕而朱紘東觀漢記曹褒嘗慕叔孫通為漢禮儀志

周宣王之寢廢自有前

譏國語宣王即位不籍千畝號文公諫之不聽

漢文帝之遵崇斯為後則

漢書

文帝感賈誼之言

王堯聘參廩署

文獻通考廩犧署秦漢始置屬大司農

始開籍田置令丞

位掌甸師

周禮甸師掌耕耨王籍以時入之

欽承北極之尊

荆州星占北辰一名

北極北極者

祇奉東郊之典

禮記諸侯耕於東郊鄭注東郊少陽諸侯象也

紫宮天座也

使載芟之詠無替於前修

詩序載芟春籍田也鄭箋載始也毛傳除草曰芟繆襲籍

田賦嘉載芟之千畝美振古之如茲

保介之宥有崇於古訓

禮記天子親載耒耜措之

於參保介之御閒鄭注保介車右也置耒於車右與御

者之閒明已勸農非農耆也人君之車必使勇士衣甲

居右而參乘備非常也保猶

潘岳創賦備陳執耒之端

衣也介甲也詩古訓是式

潘岳籍田賦我皇乃降靈壇撫御耦抵

曹植為文具述

場染屨洪縻在手三推而古庶人終畝

勤耘之美

曹植籍田說天子勤耘以收一國諸侯勤耘以收世祿

以今之刺史古

之諸侯

曹問六代論今之州牧郡守古之方伯諸侯

既稱字養之官

逸周書成王曰

朕不知字

實曰教人之首

漢書刺史古之方伯上所委任一州表率

若令勸

民之道

沮

注見禮部篇

必在躬親

詩弗躬弗親庶民弗信

此雖識於朝三猶未



聞於暮四

列子宋有養狙者曰與若草朝三暮四祇若足乎衆狙怒曰朝四暮三足乎衆狙喜

壇飛羽爵便爲勸稼之方

應璩與滿公炎書羽爵飛騰

門列春牛卽

是趨農之候

後漢書禮儀志立春之日施土牛耕人於門外以示兆民

更施別法於

是爲煩

親蠶一條

禮記王后蠶於北郊梁書親蠶儀注親蠶曰太祝令質明以太牢祀先蠶

皇后親蠶諸侯之小尹古者亦有蠶室今廢其事不

可以率下

此亦王堯封事

平土就蠶彰乎曩烈

書多土旣蠶孔注大水去民下卽居平土就桑蠶

亘山成

繭著目前書

後漢書光武建武二年野蠶成繭被於山阜人收其利

爰崇黻冕之

立論語致美乎黻冕注皆祭服也

遂展鞠衣之範

周禮內司服掌王后之六服鞠衣鄭注鞠

衣黃桑服也色如鞠塵象桑葉始生

暨平姑洗應律禮記

月令三月薦鞠衣於先帝台桑事

律中姑洗鄭注季春氣至則姑洗

之律應國語姑洗所以修潔百物

甲乙司晨

禮記其日甲乙鄭注

乙之言軋也時萬物皆軋孚甲

鳴鳩醉榘之朝

禮記鳴鳩拂其

自抽軋而出因以為日名焉

戴勝降桑之日

注見將作監篇

羽詩吁嗟鳩兮無食桑榘毛傳

鳩食桑榘過則醉而傷其性

鳴鳩醉榘之朝

鳩食桑榘過則醉而傷其性

戴勝降桑之日

注見將作監篇

鴛帷就列一十四位導其前

漢書帝母稱皇太后正嫡稱皇后妾稱夫人又有美

人良人八子七子長使少使之號武帝加婕

鴛服斯臨

好姬娥容華充衣元帝加昭儀凡十四等

驚服斯臨

周禮享先公

百二十宮隨其後

周禮六宮鄭注王者后一宮三夫人一宮九嬪

饗射則驚冕

百二十宮隨其後

周禮六宮鄭注王者后一宮三夫人一宮九嬪

一宮二十七世婦一宮八十

鸞鑣順動

詩輶車鸞鑣文獻通考後漢皇

一御妻一宮凡百二十人

鸞鑣順動

詩輶車鸞鑣文獻通考後漢皇

后出蠶

乘鸞輅

翠蓋鬱其參差

揚雄甘泉賦咸翠蓋而鸞旗

鳳轄徐飛

吳均續齊

諸記漢宣帝以阜蓋車賜霍光至夜

翟羽紛其容裔

沈約

車轄上金鳳凰輒飛去至曉乃還

宋書太皇太后皇懿筐是執柔桑是攀

詩女執懿筐爰求柔桑梁皇后

后法駕翟羽蓋

親蠶儀注皇后躬桑

始將一條執筐受桑勸以少兒之蠶

馬縞中華古今注程雅問蠶何云女

兒答云太古時人遠征家有女并馬女思父乃戲馬曰

爾能迎父歸吾嫁汝馬去父乘之還馬見女輒怒父殺

馬曝皮於庭皮起抱女而行化為蠶於

收其園客之繭

樹今人以蠶為女兒蓋士之遺語也

神仙傳園客者濟陰人掌種五色香草忽有五色蛾集

草上客收而薦之以布牛華蠶焉至蠶時有一女子自

來助客養蠶得繭二十枚人如甕每一繭繅

三盆事畢

六七日絲乃盡繅訖此女與園客俱仙去

禮記夫人繅三盆手

可獻之於王公

左傳可羞於王公

六服功

鄭注三盆者三淹也



成

周禮司服鄭注六服同冕者首飾尊也

可陳之於宗廟

禮記蠶事既登分繭稱絲效功

以供郊廟之服又遂朱綠之元黃之以爲黼黻文章服既成君服以祀先王并公

昔三王季末

五霸陵遲

詩序禮義凌遲

禮樂白出於諸侯征伐不由於天子

孔安國論語注平王東遷一

周始微弱諸侯自作禮樂專行征伐

君命婦從夫人釋名大夫之妻曰命婦婦服也服家事也夫受命於朝妻受命於家也

竊三宮之

禮容

禮記夫人纁三盆手逐布於三宮夫人世婦之吉有使纁

連伯嬪嬙

王制十國以爲連連

有帥二百一十國以爲州州有伯左傳齊侯使晏嬰請

繼室於晉曰猶有先君之適及遺姊妹妹若而人使董

振擇之以

僭九重之秘式

楚辭君之門兮九重

聖朝八紘同貫

備嬪嬙

解嘲耀八紘音義八紘八方之綱

四海爲家

張衡西京賦奄四海

維也范甯穀梁傳序華戎同貫

而為家芟往帝之澆風削前王之弊政梁陸倕石闕銘歷代規模前王典故

莫不芟夷剪截允執厥中自我作古何禮之拘張衡西京賦自君作古何禮之拘化

俗調氓斯為折中王堯所請理未通方如愚所裁告記為允

導官一條導官署即周官之春人歷代皆有唐置令丞掌春礮米麪油燭之事

導官署令姚泰盜用進米二十石上米倍四十五

價絹估三十價斷統不伏

務農重穀曠代之懿典世序駟頌僖公也僖公能伯禽之法務農重穀稅熟

貢新注見左右經邦之雅訓金不可食輕瑞銑以投鼂

禮緯含文嘉金玉帝王之瑞應爾雅黃金絕澤謂之銑燕丹子太子與荆軻之東官臨池水而觀軻拾瓦投鼂

太子令人奉盤金玉不可衣葉和珍以抵鵲韓非子和

軻用投投盡復進足哭之王理其璞得寶遂命曰和氏之璧鹽鐵論崑山

以璞玉抵鳥鵲漢書晁錯曰珠玉金銀飢不可食寒不

可一日不作天下受其史記趙肅侯遊大陵相諫曰

衣一日不作天下受其耕事方急一日不作百日不

食呂氏春秋神農之教口土有當三載斯盈海內霑其

年而不耕者則天下或受其飢矣三載斯盈海內霑其

潤禮記三年耕必有一年之食九年耕必有三年之食

以三十年之通制國田雖有凶旱水溢民無菜色

摩蜃而耨淮南子古者摩蜃而耨注百穀所以繁滋楊

物理論梁者黍稷之總名相者溉種之總名菽者衆豆

之總名三穀各二十種為六十蔬果之屬助穀各二十

凡為百穀故詩曰播厥百驅象而耕帝王世紀舜葬蒼

穀穀者衆種之大名也驅象而耕梧下有羣象為之

耕三農以之告稔注見將彩雞屢覓非無白壤之儀師

作監篇彩雞屢覓非無白壤之儀曠

耕三農以之告稔注見將彩雞屢覓非無白壤之儀曠



禽經首有彩毛曰山雞張華注尾長珍護之雨則避於巖石之下久雨亦不出而求食按彩雞久雨不出今日屢見則非恆雨也書冀州厥土惟白壤注無塊曰壤晉盧諶詩悠悠方儀廓李善注地道曰方天地曰兩儀故曰方儀

春鳥不鳴自有黃雲之應

臨海異物志鵲一名田鵲春三月鳴晝夜不止

當麥熟鳴乃止按鳥不鳴而黃雲應言麥將熟也古詩云割盡黃雲稻始青是也又東方朔傳凡占長吏東耕視天有黃雲來如覆車土穀大熟豐年也錄備一論

姚泰策名列署受委導官

按秦始置導官署導擇也

專司瑞鵲之禾

拾遺記員嶠之山有環邱多太鵲銜採不周之粟於

環邱之上粟生穰高五丈其粟皎然如玉也說文禾嘉穀也亞穀實也

實主鳴蟬之稻

注見

珍羞赤鳥集耨冰粟千倉

次虞古今注所謂赤鳥日中一足鳥之精降而生曾參鋤

篇瓜三足鳥來集其冠詩乃求千斯倉

黃雀隨稗和

田萬畝

袁山松後漢書陳舛學尚書躬

自耕種常有黃雀飛來隨舁翔翔

五種燕頤之粳

周禮豫州并州宜五

燕頤之名毛萇詩傳粳粟之精繫者

粒若流

抱朴子黃帝到六月翟白

六月翟白

之租

郭義恭廣志青羊翟白謂色如白雉

說文租田賦也

精如散玉

莊子注簡米曰精

豈得安定之宮不進中宮

注見珍

長安之米

竊畱私室

漢書東方朔口如以臣言無可用之宜捐棄無令空索長安米

刑名極峻法

焉可逃情狀難容死有餘誼但平賊定律必依高估供

進所須宜從極價論次縑則狀當絞坐準

勾盾一條

張衡東京賦奇樹珍果勾盾所職薛綜注勾盾主小苑官按漢有勾盾令典苑園之事唐

置勾盾署令二人丞四人掌薪炭鵝鴨藪澤之物此判舊本標題總曰導官勾盾二條導官判具於右勾

盾判  
原缺

左右衛將軍一條

以下二篇並見事文類聚非完篇也舊本補入左右衛篇後今移附於末

鈞陳肅肅彰北極之威靈  
錡仗森森表南端之壯麗  
九旗揚旆日熾星汎五輅鳴鑾  
龍輶鳳轄武夫拔燕之服羽騎雷  
屯期門珥鶡之冠旌頭宿設

軍器監一條

欄錡分司武庫是武兵之處

石欄

受兵曰錡

森森司

衛鶴膝皎而含霜凜凜旌旄

心而奪曰

原注鶴膝

也萬人強弩動黃間而機百  
神刀輝丹霜而



吐鐸原注黃閒三屬之弓自合禮牛九石之弓固

宜良勁

甲光

受甲

由

龍筋鳳髓判卷之四終

番禺孟鴻光校





